



1790  
L. 1000  
1790







$$\begin{array}{r} 1768 \\ - 1587 \\ \hline 181 \\ - 202 \\ \hline 759 \end{array}$$

M

Aug

Ted

G

Ex

*Exemplum Camaldul*  
DE

VNIVERSA HISTORIA

Dominicæ Passionis

MEDITATIONES

*Ad* Quinquaginta. *Varia*

Auctore Reuer<sup>do</sup> P. FRANCISCO COSTERO.  
Doctore Theologo Societatis IESV.



*Te dubitas quod amem? fixum me respice fixus.*  
*Cernitur in toto corpore sculptus amor.*

ANTVERPIÆ,

Ex officina Christophori Plantini,  
Architypographi Regij. 1587.

G. C. 1700

*Infra. c. 1700*

*Ex Libris Gregorij Czarylovij 40. 1700.*

CARMEN AD  
LIBRVM.

**P**ARVE Liber propera, quo te feret impetus au-  
 Celestis, poteris quolibet esse loco. (r.  
 Non est cur metuas turrita palatia Regum,  
 Vel trepides seuæ classica militiæ.  
 Vel mercatorem fugias, aut vomere terram  
 Qui secat, aut humido nauigat oceano;  
 Nec cui sunt lites, nec cui sunt oria cura,  
 Nec qui sunt primi Palladis arte viri.  
 Te pueri, iuuenesq; viriq; & grandior ætas,  
 Te teneat cupida sexus vterq; manu.  
 Et cum te manibusq; terent, oculisq; notabunt,  
 Sit tibi cura, precor, cordis inire sinum.  
 O vinam penitas possis populare medullas,  
 Accendens castis corda cupidinibus.  
 Et norint quo fonte fluat mortalibus ægis,  
 Et quo sit miseris funere parca salus.  
 Nec norint tantum, sed crebra mente volutent,  
 Et meminisse velint, quod meminisse iunet.  
 Fixum etenim qui mente geret: non hunc ego nolle  
 Crediderim, Christo commoriente mori.  
 Quem non tor lectus moueas, huic pectora ferro,  
 E duro huic certè corda adamante rigent.  
 Sed tamen hoc ferrum fornace liquefcer amoris,  
 Atque adamus hirci sanguine mollis erit.

Bien. A I. 10.



3  
PRÆFATIO AD

SODALITATEM SAN-

ctissimi Sacramenti in Aui-  
cinctensi Collegio Acade-  
miæ Duacensis.

*De optimaratione Passionis Dominicæ  
utiliter pieq; meditanda.*



ONSTAT hunc à Deo  
creato homini finem esse  
constitutum, vt, quoniam  
cum cæteris animantibus  
aliquid ei commune esse voluit, ani-  
mum tamen celestem dedit; sensu  
quidem externa procuret, sed mente  
hæc inferiora supergressus ad princi-  
pium suū Deum ipsum feratur. Quare  
mirandum est sanè, & tantæ cæcitati  
condolendum, plerosque condicionis  
suar oblitos tam anxie in res terrenas  
totos effundi, &, quasi diuina hac  
mente præditi non essent, animos nihil  
altum sapiētes semper instar vermium  
repentes humi terræque infixos habe-

#### 4 Præfatio de modo

re, vt vel ab ipsis brutis animantibus hominis ingratitude accusetur, quæ suæ naturæ quodam instinctu accepti beneficij quandam memoriam videntur retinere. Quibusne similes habeamini, Sodales optimi animum & frequenti peccatorum expiatione purgatū, & Dominici corporis communione illustratū meditationibus piis imbuerē consueuistis; itaque corpore in terra quidem constituti, spiritum tamen ad calos sapissimè transfertis, & cum sanctis Christoque, ipso mente versamini, suoque animus principio vt coniungatur laboratis. Hoc vestrum, imò piorum omnium studium vt promoueam, meditationum aliquam materiam collegi, qua vobis piarum cogitationum, & vtilium contemplationum occasio præbeatur. Meditationes autem sunt de doloribus & passione Christi Domini nostri: quas vt vobis potissimum proponerem, vobisq; commendarem, plures me causæ impulerunt. Prima  
est

meditandæ Passionis. 5

est; quia ad commouendos hominum animos, sanctisque affectibus ad Dei amorem variè concitandos, nihil æquè conducit, ac beneficiorum, & tãtorum quidem beneficiorum, tantiq̃ue Dei ac Domini, seria cogitatio. Solent alij, quibus conscientia peccatis irretita languet, mortis, iudicij, & pœnarum inferni metu, subinde à maleficiis conueneri, & ad mentem reuocari: probi autem, & qui charitate magis quàm timore ducuntur, Dominicæ Passionis memoria in Dei charitatem desideriumq̃ue effunduntur. Secunda est, quod nullius planè rei facilius se menti obijciat, quàm passionis cruciatuum, molestiarũ, tristitiæ, ac tribulationum, quibus obfiti sumus, & in omni vita planè circumfusi, meditatio. Cælum, extremum Iudicium, Inferni pœnas, & id genus alia, quod conspectum nostrum fugiant, & multis procul abesse videantur, non satis intelligimus, neq; penetramus: At corporis dolores &



angustias animi, plures etiam quàm  
velimus, experientia nouimus. Ter-  
tia est, quod nullam omnino Christo  
magis acceptam esse meditationem  
orationemq; sciebam, quàm eam quæ  
de ipsius pro nobis passione sit institu-  
ta. Vt enim victor ad pugnae suæ me-  
moriæ gaudet, ita Christum passionis  
suæ à nobis repetita memoria æquum  
est delectari: tum quia certamine tam  
cruento perpetuam sibi ac nobis, eam-  
que maximè gloriosam victoriā repor-  
tarit; tum verò quod per eam grati ani-  
mi in nobis videat significationem.

Quarta est, quod nullam humano ge-  
neri meditationem, magis esse necessa-  
riam viderem, quàm illius rei, ex qua  
sola nobis remissio peccatorum & iu-  
stificatio depromitur, omnisque meriti  
& boni, salutisq; ratio deducitur. Quæ  
sanè maxima est causa, cur Ecclesia, ex  
Apostolica institutione variis modis  
huius nobis passionis memoriæ toties  
reuocandam statuit, signo crucis quòd  
mani-



# meditandæ passionis. 7

manibus formamus; variis picturis & imaginibus Dominicæ Passionis, quas Laici librorum loco habere consueverunt; Ieiunio sexta feria & sabbatho, aut à carnibus abstinētia; Anniversaria passionis celebritate sub finē Quadragesimæ; variis cōcionibus, lectionibus, campanarum pulsu, &c. Atque ipsemet Christus, insignem nobis, salutaremque, & quotidianam suæ passionis recordationem sacrę Missæ sacrificij instituit, quo mortem suam, effusumq. pro nobis sanguinem clarissimè representavit. Quinta deniq; est immēsa illa utilitas, qua maior ex quacunq. aliarum rerum cōtemplatione redundare non potest. Vti enim omnia bona passionis Dominicæ meritis humano generi sunt cōparata, sic in eadē, tanquam in instructissima officina omnium virtutum & bonorum merces inveniūtur, & ab eadem quàm facillimè petuntur.

Cæterum ad eas utilitates facilius comparandas, de optima meditandi

# 8 Præfatio de modo

ratione vos putavi admonendos. Errant enim plerique, quod satis esse existiment, si historiam passionis memoria repetant, vel ea cogitata, interna animi suauitate afficiantur; cum id tamen nihil ad animæ salutem adferat, solo intellectu discurrere vel oblectari, nisi simul affectus & voluntas commoueatur. Etenim neminem epulæ, exstructæque mensæ satiant, si oculis tantummodo conspiciantur, nisi ori ingerantur, dentibus terantur, & in ventriculum demittantur. Historiæ quidem cognitio, meditationis cuiusq; est fundamentum, & intellectus ratiocinationes materiam præbent; sed fructus vniuersus in eo cernitur, vt voluntas quæ in homine principem locum tenet, variis affectibus moueatur: ea enim sola meretur apud Deum; ea sola in Deum amore fertur; ea sola hominis in Deum dirigit actiones.

Itaq; vt rem totam paucis perstringamus, qui eandem hanc materiã optimè pertra-

pertra  
affect  
côcit  
Côp  
Desi  
nem  
rem  
nite  
liter  
semi  
tatio  
ria, q  
velu  
stan  
P  
est, a  
lemu  
trans  
anim  
tur q  
alio  
tior  
stior  
mali

meditandæ passionis. 9

pertractarunt, septem illi nobis animi affectiones, quæ hac passione possint cõcitari, designarunt: Compassionem, Cõpunctionem seu dolorẽ de peccatis, Desiderium imitãdi, Gratiarum actionem, Admirationem, Spem, & Amorem in Deum; quas vobis paucis, breuiterque explicabo, vt quã ratione vtiliter in sequẽtibus meditationibus versemi intelligatis: illis quidem meditationibus subministratur vobis materia, quam tamen vos septem his modis velut dentibus teratis, affectuique gustandam & digerendam tradatis.

Prima itaque est **Compassio**; hoc est, animi affectio, qua patienti condolemus, eiusque dolores quasi in nos transferimus, & si non corpore, saltem animo sentimus; eaque affectione videtur quasi diuisus, & cõmunicatus cum alio eius qui patitur dolor, & lenior mitiorque effectus; vti grauior est, molestiorque si vel patientem irrideas, vel malis eius nihil mouearis. Christus vt



10 Præfatio de modo

dolores nostros leniret, pati pro nobis,  
 & nobis compati voluit, sicut ait B.  
*Heb. 4.* Apost. Non habemus Pontificem qui  
 non possit compati infirmitatibus no-  
 stris, tētatum autem per omnia. Et qui-  
 dem licet Christi dolores iam exantla-  
 tos & absolutos nos mitigare hoc no-  
 stro dolore non possumus; grata est ta-  
 men ei nostra compassio, qua eius pas-  
 sionem atque dolores, quodam modo  
 nostros facimus, nobisque applicamus.  
*Rom. 8.* Proinde rectè dixit Apost. Cohæredes  
 sumus Christi, si tamen compatimur,  
 vt & cōglorificemur. Etenim qui Chri-  
 sti patientis in se non transfert dolores,  
 is utique regnantis cohæres esse nequi-  
 bit. Cæterum duo sunt quæ ad hanc  
 compassionem & cōmiserationem fa-  
 ciunt. Primo, Personæ conditio, nem-  
 pe Nobilitas, bonitas, in alios pietas, &  
 similia quæ mali infligti indignitatem  
 augent; deinde grauitas immanitas-  
 que pœnarum. Nos igitur si commi-  
 seratione affici velimus, in singulis ca-  
 piti-

pitibi  
 nam  
 Deus  
 ram.  
 Davi  
 in vi  
 spec  
 sanct  
 nullo  
 Deu  
 4.  
 nunc  
 pius  
 5. si  
 tate  
 comp  
 naru  
 mem  
 temp  
 cuun  
 omni  
 tia,  
 suas  
 runt



meditandæ passionis. 11

pitibus expendendum primum quis-  
nam sit ille qui patitur. 1. dignitate  
Deus, qui maiestate cælum replet & ter-  
ram. 2. homo nobilis, ex stirpe regia  
Dauidis, de Spiritu sancto conceptus  
in virginis utero. 3. si intellectum  
spectes, doctissimus; si voluntatem,  
sanctissimus atque integerrimus, qui  
nullo vnquam errore aut peccato vel  
Deum offendit, vel hominem læsit.

4. si conuersationem, grauissimus,  
nunquam ridere visus, lacrymari sæ-  
pius, & quidē desiendo peccata nostra.  
5. si formam totiusque corporis digni-  
tatem, præ filiis hominum speciosus, &  
complexione tenerrimus. Deinde pœ-  
narum magnitudo, & quibus singulas  
membris sit perpeffus, attentius con-  
templandum. 1. nihil in ipso va-  
cuum dolore fuit, corpus corporisque  
omnes sensus, anima eiusque poten-  
tiæ, denique quicquid in Christo fuit,  
suas pœnas sustinuit. 2. pœnæ fue-  
runt acerbissimæ, tum ex corporis  
tener-

tenerrima cōstitutione, tum quod nullo interno solatio ad ferendum suavius subleuaretur. Theologorum est certissima doctrina, neminem vnquam mortalium tales in hac vita pœnas & cruciatus sustinuisse quales suscepit Dominus. Si facinorosum aliquem videamus grauiā licet iustissimè perferentem, commouemur tamen, & quantum res patitur, eius in nos dolorum partem aliquam transferimus; imò & canem vel asinum verberatum grauius miseramur. Anne igitur deceat nos condolare filio Dei tanta sufferenti & quidem in gratiam nostri.

Secunda est **Compunctio** seu dolor de peccatis; quando ad horrorem detestationemque peccatorum, ex meditatione passionis Domini inducimur; quod commodè fiet, si primò quidem peccati malitiam, deinde verò quid peccatum Christo attulerit, consideremus. Et malitia quidem in Deum utpote infinitum, est infinita, tantaque ut  
(salua

meditandæ passionis. 13

(salua iustitia Dei quæ violari non debuit) deleri nisi re infinita non posset. Igitur vel infinita pœna toleranda erat, quæ in creaturam finitam cōuenire nequit; vel tempore infinito, quomodo luunt peccatores in inferno; vel infinitæ dignitatis personæ patiendum erat, hoc est ipsimet Deo immensæ maiestatis. Hinc vltius progrediamur, attenteq. consideremus, quid Deum de cælis in hanc terram traxerit, atque ad passionem subeūdā induxerit, nimirum peccata nostra. Nisi enim peccasset homo, nec nasceretur in mundo Deus, nec pateretur, nec moreretur. Proinde sicut peccatori sua peccata in inferno sedem parant; & sicut furi parant sua furta supplicium; sic cuiusq. nostrum peccata Christo moriendi necessitatem attulerunt. Detestanda est igitur malitia peccati, quæ ipsum quoque Deum nostrum ad crucem adegit. Ne verò existimes hinc fortasse peccati gravitatem extenuari, quod nō pro tuis solius, sed



sed pro totius mundi peccatis Christus mortem sustinuerit, illud cuique debet esse persuasum, eo non quidem peccati malitiam minui, sed insignem Domini passionis virtutem indicari, quæ non vnius aut paucorum, sed omnium prorsus hominum simul peccata dele-rit. Etenim meritum passionis cum sit infinitum, nulla malitia potest supera-ri: idque vnum ad peccati gravitatem indagandam sufficiet, quod nisi infinito Christi merito non potuerit deleri. Ut ergo Solis huius clarissimi si vnus & so-lus lucem percipias, non magis tamen ille soli tibi lucebit, quam si cū cæteris mortalibus eiusdem splendore com-muniter perfruaris: utque non minus homini mortem inferas, si solus cor-eius ferro penetrares, quam si ad idem perficiendum alios tibi decem adiun-gas; ita vel vnum mortale peccatum ad quod expiandum necessaria erat mors & passio filij Dei, à nobis commissum, non minus est causa mortis Domini, quam



meditandæ passionis. 15

quàm cum reliquis peccatis totius orbis coniunctum: Neque minus utilitatis nobis adfert Christi passio pro totius mundi peccatis suscepta; quam si pro me solo eosdem cruciatus & mortem pateretur.

Tertia est **Imitatio**; ut ea nimirum desideremus sequi & imitari, quæ in Christo contèplamur; uti monet Apostolus. Christus passus est pro nobis, <sup>1. Pet. 2.</sup> vobis relinquens exemplum, ut sequamini vestigia eius: Et, Christo passio <sup>1. Pet. 4.</sup> pro nobis in carne, & vos eadem cogitatione armamini. Duo sunt autè nobis ad imitandum hac passione propofita. Vnum est desiderium patiendi pro Christo, qui tam acerba sustinuit pro nobis. alterum est virtutum cumulus, quæ si alibi vsquam, hac cerè passione sic eluxerunt, ut tamen verbis siluerit Dominus, exemplo tamen de hac quasi cathedra crucis omnes virtutes doceret, & quidem perfectissimè doceret, tum quia nulla interna consolatione frue-

fruebatur, quæ tamen interna gratia nostras virtutum actiones solet comitari; tum quia non deerat magna repugnandi recusandique occasio. Nobis itaque in qualibet meditatione erit inuestigandum, quæ in ea virtus potissimè commendetur; tum quo eam modo Dominus exercuisse narretur; deum, excitandum est desiderium, propositumque firmum, eiusdem virtutis adipiscendæ, modusque excogitandus eius comparandæ, & Christi per hanc virtutis ipsius actionem gratia imploranda, ad id quod conceperimus perficiendum. Elucent autem in hac passione virtutes quidem omnes, sed eæ potissimum, quas toties scripturæ nobis commendarunt. 1. Humilitas, qua multis modis irrisus, alba veste purpuraque indutus, spinea corona redimitus, latroni Barrabæ postpositus, in medio latronum crucifixus, aliaque plura id genus ad contemptum, & ludibrium perpeffus, demissè semper se habuit.

meditandæ passionis. 17

habuit. 2. Mansuetudo, qua benignum se omnibus moderatumque semper exhibuit; mala patientissimè tolerauit; & admirabili silentio ad omnes iniurias, conuitiaque conticuit; excusationes nullas adhibuit; neminem sua loquacitate offendit; nihil vnquam dixit asperius cuiquam aut fecit.

3. Obedientia, quæ tunc sanè vel maximè commendationem meretur, quando & difficilia, & ab impiis imperantur. Fuit autem Christus non Patri *Philip. 2.* solum obediens vsq. ad mortem, mortem autem crucis, sed impiis quoque iudicibus atque tortoribus, quibus ut vestes exueret, purpuram indueret, coronam spineam susciperet, crucis lignum humeris ipse suis ferret, ad clauos manus pedesque porrigeret, aliaque multa imperantibus, simpliciter, alacriter & constanter obtemperauit. 4.

Charitas, quæ tum demum suis videtur esse numeris absoluta, cum propter Deum non solum amicos, sed ipsos

B

quoque



18 Præfatio de modo

quoque hostes nobis pessimè volentes,  
& summo prosequimur amore, & pro  
hostibus nunquam, sed pro amicis ha-  
bemus; quod quidem cumulatissimè  
Dominum videmus præstitisse, qui de  
perfectissima sua in nos charitate lo-  
quens dicebat: Maiorem charitatē ne-  
mo habet, quàm vt animam suam po-  
nat quis pro amicis suis. Cùm enim  
maior esse videatur charitas, si animam  
ponas pro inimicis; maior tamen est ea  
charitas, quæ nullos agnoscit inimicos,  
sed ipsos etiam hostes reputat amicos,  
eisque non minus quam amicis benè  
facit. Iam verò Christus ea suos inimi-  
cos est charitate cōplexus, vt quo plura  
ab eis sustineret, hoc magis semper in  
eos inardesceret amor, ac beneficiis  
semper maiōribus cumularer, non ali-  
ter quam ignis folle agitatus incalescit  
magis. Igitur toto quidem passionis  
tempore pro inimicis Deum Patrem  
orauit: Pro eo, inquit, vt me diligerent,  
detrahebant mihi, ego autem orabam.  
sed

Joan. 15.

Psal. 108

sed m  
zus,  
nun  
voce  
expir  
dem  
com  
filia  
nus v  
minis  
tem,  
anim  
mur  
dus a  
pudia  
mune  
mam  
bus c  
pro fa  
uerat  
ctus;  
nec h  
corpo  
vnqua



sed mente, non voce. Cruci autem affixus, fusoque ex quatuor fontibus manuum & pedum sanguine, elata iam voce pro crucifixoribus rogauit: demum expirans etiam corda astantium ad fidem & pœnitentiam summa charitate commouit. 5. Misericordia, quæ filia est charitatis. Hac nobis Dominus vestes, honorem, famam, boni nominis existimationem, florentem aetatem, vires, sanitatem, sanguinem & animam donauit. 6. Contemptus mundi, quo illa omnia quæ mundus admiratur, & in bonis habet, repudiavit; suscepit autem illa à quibus mundus abhorret. Pro diuitijs, extremam elegit paupertatem; pro honoribus contemptum; pœnas pro delicijs; pro fauoribus irrisiōem. 7. Perseuerantia, qua nec matris dolore victus; nec amicorum tristitia motus; nec hostium irrisiōe superatus; nec corporis tormentis fractus de cruce vnquam descendere voluit, quam

Præfatio de modo  
semel pro salute tua conscenderat.

Quarta est Gratiarum actio, quæ beneficia in nos collata contemplantes, in laudes prorumpimus, non verbis modò, quæ est laus & actio gratiarum minima; sed corde potius & operatione, ut & mente acceptum beneficium recolentes magni illud faciamus, & ab omni offensa benefactoris caueamus, & omnibus in rebus occasionem rependendi ne prætermittamus. Quinque porrò sunt quæ ad gratitudinem mouere solent: 1. malum quod euasimus: 2. bonum quod beneficio accepimus: 3. dignitas benefactoris: 4. modus collati beneficii: 5. conditio personæ in quam beneficium confertur. Ut ergo ad gratitudinem inducamur, cogitanda nobis sunt.

1. mala à quibus hac Christi passionem erepti sumus; peccatum omnium malorum maximum; mentis cæcitas, cordis durities, seruitus diaboli, fœditas animæ, præsens periculum æterni ignis

meditandæ passionis. 21

ignis, ita grauis vt cogitationem superet; ita diurni vt finē nesciat; ita certi vt sine Christo nequeat vitari. 2.

bona quæ accepimus: gratiam, iustitiam, adoptionem filiorum Dei, sacramenta, sacrificium, virtutes, promissio vitæ æternæ, denique bona omnia corporis & animi, interna atque externa: Nihil est enim bonorum in vita humana, quod non Christi passio nobis vel donauit vel conseruauit. 3.

personæ dignitas. Vt enim solet propter dignitatem maius dari stipēdium doctori vel homini nobili pro exiguo officio, quàm rustico pro graui labore; ita, maiores gratiæ habendæ sunt digniori.

Quæ tandem ergo Christo, qui est infinitæ dignitatis, exhibebitur gratitudo? 4. modus præstiti beneficii; gratis, & non sine summo labore; Cælum & terram cōdidit Deus, nulla suscepta molestia, verbo solo; redemit autem te doloribus, sanguine, & vita sua; omnibusque collatis, nihil à te præter lau-



dem, & gratiarum actionem requirit.

5. Personæ conditio, cui beneficium præstatur; si vilis, si hostis, si ingratus. Nos porro quid sumus? Nam si  
*Sap. 11.* orbis terrarum (vt ait Sapiens) ante Deum est sicut gutta roris antelucani qui descendit in terram; quid erit ad Deum collatus homuncio vnus, qui nihil est si cum vniuersa hominum multitudine, ipsoque orbe conferatur? vilitatem nostram expressit S. Iob: Putredini dixi, pater meus es, mater mea, & soror mea vermibus. Iam verò non solum viles sumus, sed hostes quoque eramus, alieni à Deo & auersi, eiusque neque quærentes gratiam neque petentes, quin potius respuentes oblatam. Hæc igitur expendens, 1. ereptum te ex summis, certissimis, æternis malis, 2. donatum summis & infinitis bonis, 3. à summo & infinitæ maiestatis Deo: 4. tantis laboribus ac pœnis quantas creatura nulla mortalis sustinuit; considerabis anne æquum sit,  
 tam

meditandæ passionis. 23

tam abiectam creaturam in laudes & gratiarum actionem dissolui.

Quinta est, In spe concipienda: Trium rerum consideratione non parum vacillat spes nostra & infirmatur, 1. splendoris qui ad vitam æternam requiritur, in quam nihil intrabit *Apo. 11* vel immundum, vel inquinatum,

2. exacti examinis iudicis, qui etiam de otioso verbo exigit rationem, penetrabitque vsque ad diuisionem animæ & spiritus, scrutabiturque cogitatio- *Hebr. 4.* nes & intentiones cordis. 3. vilitatis nostræ, qui & quotidianis peccatis Dei iustitiam offendimus, & pleni concupiscentiis, ac imperfectionibus viuimus, & cordis nostri interiora ipsimet nō penetramus. & si simplex fuero (ait *Iob 9.*) hoc ipsum ignorabit anima mea.

Huic porro diffidentiae medetur passio Christi, animumque hominis peccatoris, in spem erigit atque sustentat. Nam

1. vt gloria æternæ vitæ magnam mundiciam requirit; ita Christi passio

B 4 & san-

& sanguis, lauat omnes iniquitates nostras, animam Sole reddit clariorem, efficit filios Dei, dat ius ad vitam æternam, vt non iam in alienam, sed in nostram hæreditatem ingrediamur.

2. est quidem districtum Christi iudicium, sed passionis huius merita seueritatem hanc perferre possunt: cum maior sit satisfactio, quàm debita: & peccata numero sint finita, merita autem magnitudine infinita: & denique quia iudex erit, qui fuit aduocatus, mediator, redemptor, qui vt cælum tibi daret, eius tibi pretium obtulit, sanguinem, inquam, pro te fusum, cuius ipse quæ magnolabore fudit, non ignorat dignitatem. 3. vilitas nostra est magna illa quidem, vt qui ex nobis nihil possimus quasi ex nobis, sed gratia passionis merito nobis communicata, admirabilem addit animis nostris splendorem, dimittit peccata omnia, addit vires & facilitatem operandi, operibus nostris sufficit dignitatem, vt vitam

ram a  
nost  
eius o  
bores  
vel fe  
aliter  
vxor  
biton  
neces  
Sex  
rò ex  
nobis  
pule  
ad e  
prior  
rem  
verbi  
nefici  
gnola  
benef  
ria aff  
amon  
patiat  
lestijs



meditandæ passionis. 25

tam æternam mereantur. Spes igitur nostra erigetur, si opes omnes Christi, eius omnia merita, omnia ieiunia, labores, pœnas, & quæcunque demùm vel fecit, vel sustinuit, cogitemus, non aliter nostra esse, quàm mariti bona ad uxorem pertineant, quibus ipsa ad debitorum suorum dissolutionem, aliasq. necessitates vti possit.

Sexta, Amor Dei. Amorem porro excitat, 1. rei ipsius quæ amatur, nobilitas & pulchritudo, quomodo pulchritudine virtutum & scientiarum ad eas inardescimus. 2. Amor, si priores diligamur. Cæterùm ad amorem augendum conducit, 1. si non verbis modo, sed magnis quoque beneficiis fiat amor testatus. 2. si magnolabore & incommodo amantis hæc beneficia comparentur. 3. si iniuria affectus & repulsam sæpius passus, amorem nihilominus concidere non patiatur. 4. si his omnibus suis molestijs & laboribus nihil quærat quam

redamari. Et hæc quidem omnia Christus sua passione exhibuit. 1. dilexit opere & veritate, omniaque bona donauit. 2. magno suo incommodo pro nobis factus egenus vt nos ditaret, omnia mala assumpsit, vt nos repleret omnibus bonis. 3. toties à nobis repulsus, nihil de amore tamen remittit. 4. denique à nobis præter amorem nihil requirit. Ama (inquit) & sufficit. Vt ames porrò seruandæ erunt amantis conditiones ac leges, quas hac passione sua Christus expressit. 1. est, vt de re amata perpetuò cogitemus, idque ipsius Christi exemplo, qui vt nostri memoriam nunquam deponeret, in manibus nos suis insculpsit. 2. vt de ea frequenter loquamur: ex abundantia enim cordis os loquitur; & id quoque Christi exemplo, qui in ipsa etiam cruce de nobis cum Patre est collocutus, eumque pro nobis orauit. 3. vt nihil æquè vereamur quàm amatum offendere; quod te Christus docuit, qui suam passionem omnia-

Mat. 12.

meditandæ passionis. 27

omniaque sua eo retulit; vt in sui te  
amorem prouocaret. 4. vt totos nos  
impendamus in rebus amici commen-  
dandis & promouendis; Christus enim  
nō sibi sed nobis laborauit. 5. vt ami-  
ci præsentiam deposcamus; sunt enim  
Christi deliciae, esse cum filiis homi-  
num, qui nos terra marique, in aëre, &  
in inferno quæsiuit, vt inuentos sibi in  
æterna beatitudine coniungeret, suam-  
que nobis diuinitatem communicaret.

*Proth. 2.*

Septima denique ac postrema me-  
ditandæ passionis ratio ex admiratio-  
ne nascitur. Admiratio autem, re ali-  
qua noua, insolita, & incredibili solet  
excitari. Quatuor porrò sunt quæ fa-  
ciunt Christi Domini passionem vehe-  
menter admirabilem. 1. Quod passus  
sit ille, in cuius maiestatem passio non  
cadit; qui est gloria & gaudium sancto-  
rum; cuius dignitas est infinita, vita est  
æterna, sublimitas immensa. 2. Quod  
pro illis passus sit à quibus patiebatur,  
hominibus vilibus, hostibus, ingratis.

3. Quod



3. Quod talia sit passus, qualia nemo sustinuit mortalis homo, tam si cruciatus spectes, quàm si ignominias, irrisiones, paupertatem, aliaque vitæ mala.

4. Quod cum hac passione humanum genus redemerit, ad hoc perficiendum modo admirabili sit vsus. Nam 1. Cū summa corporis infirmitate, summam qua diabolus principem mundi prostravit & superavit, coniunxit potentiam. 2. Summa iustitia cum summa misericordia conuenit. nam homini faciens misericordiam, in se sustinuit Diuinæ iustitiæ seueritatem. 3. Summa sapientia eluxit in ea quæ hominibus putaretur summa stultitia. Siquidem

*I. Cor. 1.* crux Christi Iudæis quidem est scandalum, Gentibus autem stultitia. Magna porro fuit sapientia, 1. Callidissimum hostem arte & patiando superare, iisdemq. armis quibus superior euaserat, deijcere. 2. Tali supplicij genere nos liberare, in quo & medicinam reponeret omnium morborum nostrorum, & exempla

meditandæ passionis. 29

exempla omnium virtutû proponeret,  
& flammæ amoris excitaret. Siquidem  
nihil vsque adeò nos prouocat, vel ad  
imitationē Christi, vel ad amorem Dei,  
quàm ista Dei nostri acerbissima passio.  
Et hæc quidem de affectibus sufficiant.

In his porrò meditationibus vt ad  
animarum nostrarum salutē cum vtili-  
tate fructuq. versemur, pauca ista vide-  
rentur obseruanda. 1. Vt ne imparati  
ad meditandum accedamus; sed (vt mo-  
net Sapiens) ante orationem præpare- *Ecc. 18.*  
mus animam nostram: quæ præparatio  
in eo consistit, vt deposita peccandi vo-  
luntate, in manus Deo nos tradamus;  
mentemq. externis cogitationibus &  
curis exuamus; & demùm à Christo  
gratiam sollicitè petamus, ad fructum  
salutarem hac meditatione capiendum.  
2. Vt primum quidem vnus & Euāge-  
licum textum, deinde verò illius etiam  
historiæ meditationem, vel totam, vel  
ex parte perlegamus. 3. Vt seposito li-  
bello, nobiscum ipsi quæ lecta sunt re-  
petamus.

petamus, & quis in illis affectus concitari possit consideremus, eumq. in nobis commouere ne prætermittamus.

4. vt in colloquium cū Deo & orationem ex affectu iam concitato erumpamus, Deumq. vel laudemus vel admiremur, vel pro impetranda peccatorum remissione, aut aliquo beneficio precemur; vel deniq. ea proloquamur, quæ mens excitata dictabit. Profuerit etiam à capite has meditationes auspicari, tum vt historiam passionis melius retineamus; tum vt sensim à minoribus ad maiora veniamus.

Ceterū in his meditationibus quo gratiores essent & vtiliores, nihil admiscui quod solidum non sit & probatum, ne incertitudo vel detrahat auctoritati, vel deuotioni sit impedimento: siquidem nihil allatū est ad historiam, nisi quod Scripturæ loquuntur, vel Patres confirmant, vel traditio ipsa pro indubitato habet: documenta quoque ipsa quæ meditationibus adiunguntur, magna

magn  
pro  
qui d  
mini  
dam  
proli  
vel m  
valer  
prop  
verbi  
Dom  
solam  
uere,  
nato  
cean  
Vo  
hunc  
care,  
est sa  
sancti  
& su  
hæret  
modi  
sti m



meditandæ passionis. 31

magna ex parte aut ex veteribus deprompta sunt, aut ex recentioribus illis qui de ratione meditandæ passionis Domini, vtilissimè conscripserunt. Quædam porrò meditationes de industria prolixius excurrunt, illæ præsertim quæ vel multum ad commouendos affectus valent, vel separatim pro concionibus proponi possunt, qualès sunt de septem verbis illis quæ de cruce loquutus est Dominus. Volui enim hoc libello non solam contemplandi rationem promouere, sed ipsis quoque prodesse concionatoribus, vt vtiliter & populum doceant, & animos varijs modis cõcitent.

Vobis autem Sodales oprimi, placuit hunc meum qualemcunq. laborem dicare, vt quibus ex instituto propositum est sacrum Christi Domini corpus in sanctissima Eucharistiæ hostia venerari & sumere, eiusque honorem aduersus hæreticorum blasphemias tueri, huiusmodi meditationibus ad sacram Christi mensam accessuri, memoria (vt Dominus

32 Præfat. de modo med. pass.  
minus præcepit) repetatis passionem,  
mortemque & sepulturam eius; vestra-  
que corpora in verum Dominici cor-  
poris sepulchrum aptetis; animisque ei  
laudes actionesq. referatis gratiarum;  
eiusque incensi amore, qui se totum  
vobis est elargitus, totos vos vicissim in  
eius obsequium & proximorum auxi-  
lium impendatis. Precor autem vt in  
huius mei laboris mercedem orationes  
vestras pro me Christo passo, mortuo-  
que offerre dignemini. Valete.  
Antuerpiæ 17. Ianuarij. 1587.

*Vester in Christo servus*

Franciscus Costerus.



pass.  
tionem,  
s; vestra-  
nici cor-  
is que ei  
atiarum;  
le totum  
icissim in  
um auxi-  
tem vt in-  
rationes  
mortuo.  
ete.  
87.  
seruus  
osterus.

33  
DE PASSIONE  
DOMINI,

MEDITATIO PRIMA.

*De egressu ex domo cana.*

Hymno dicto, egressus est I E S V S *Mat. 26.*  
trans torrentem Cedron, secundum *Mar. 14.*  
consuetudinem, & secuti sunt eum *Luc. 22.*  
discipuli eius. *Ioc. 18.*



H R I S T V S passionem  
suam exorsus est, 1. ab oratio-  
ne, 2. ab egressu de loco cana-  
culi; tum vt ne caperetur quasi  
comessator aliquis, sed vt  
generis humani orator apud D E V M, ac-  
que patronus; tum ne hospiti apud quem  
cānauerat, aliquod incommodum passio  
sua adferret, quæ omnibus prodesse, nulli  
autem obesse debebat. 3. Transiuit Tor-  
rentem Cedron, qua via olim David fu-  
git Absolonem filiū. Torrens in sacris li-  
teris res incommodas vitæ humane signi-  
ficat, vt ibi; Torrentem pertransiuit ani-  
ma nostra. Quam omnem calamitatem  
valde

*Reg. 15.*  
*Psal. 123.*



valde vehementem Christus magna animi constantia vicit. 4. Abiit in montem Oliueti. Mons excellentiam, Oliua charitatem designat. Hic tu considera, quod Christus passionem suam aggressus est, multa, incitata, feruidaque oratione, magna animi constantia, eximiaque charitate; in quibus eum virtutibus quam exercitissimum fuisse, ex hisce colligitur verbis, [Secundum consuetudinē.] Ad easdē porro virtutes te simul inuitat, cum Apostolos secum abduxit. Nisi enim studium in oratione ponas, nisi malarū occasionum fugias pericula, nisi firmum propositum adhibeas, nisi charitate sis in Deum inflammata, nisi denique diligenter virtutes excolas, nunquam poteris tentationibus superior euadere. Sequere igitur cum Apostolis Dominum; & roga ne te deserat, neque derelinquat.

Tunc ait discipulis suis: Omnes vos scandalum patiemini in me, in ista nocte. scriptum est enim: Percutiam pastorem, & dispergentur oves gregis; postquam autem resurrexero, præcedam vos in Galilæam.

*Mat. 26.*

*Mat. 14.*

Pria-

PRINCIPIUM dolorum in passione Christi à discipulis sumitur, qui fuga sibi consulentes omnes vel in fide nutarunt, vel ore Dominum negauerunt. Perpende singula verba: [Omnes]. i. ne vnus quidē pro me stabit: [vos,]. i. quos tātis beneficiis cumulauī, tamq̃. charos habui: [scandalum patiemini]. i. peccabitis, futura lieni à me, & nemo prorsus vestrū huius passionis tempore, vacuus erit à peccato. Patiemini quidem scandalum, at ego illud nō dabo. [in me,] ex cuius dictis & factis offensionē accipere, post tot inspecta admirabilia opera, iure nō poteratis, [in ista nocte]. i. iam iam, vel in nocte ignoratiā. Nunc refer animum ad teipsum, & circūspice an non etiam hæc in te cadant; in te, inquam, cui DEVS multa bona præstitit, cuius tamen consiliis factisque offenderis. Nam illa vitiosi animi tui offensio in rebus aduersis, in Christum Deum refertur, qui calamitates vel immitit, vel permittit: verū huiusmodi scandalum oritur in nocte. i. à cæcitate tua: nam si similiter intuereris, tum beneficia à Deo accepta, tum præmia tibi præparata, tum mala à te commissa, nunquam in animū induceres

vllis incommodis velle commoueri. Cogita hic ergo causam offensionis atque scādali; malam, inquam, & inquietam voluntatem; rogaque Deum, vt illuminet tenebras tuas: quia nulla tibi vnquam iusta indignationis causa præbetur. Promittit Christus se præcessurum in Galilæâ, qua promissione bonitatem suam declarat, qui non prædicat afflictiones sine spe consolationis. Admirare Christi benignitatem, & ora ne patiatur te tentari supra id quod potes, sed faciat cum tentatione prouentum vt possis sustinere.

Respondens autem Petrus, dixit ei: Et si omnes scandalizati fuerint in te, ego nunquam scandalizabor. Dixit illi Iesus: Amē dico tibi, Petre, quia hodie in nocte hac, priusquam gallus bis vocem dederit, ter me negabis. Dixit illi Petrus; Etiam si oportuerit me commori tibi, non te negabo. Similiter & omnes discipuli dixerunt.

APOSTOLI post Dominici corporis communionem, firmum rectè viuēdi propositum statuerant, feruentes erant, Christum

Mat. 26.

Mar. 14.



stum sequebantur; vt etiam tu frequenter, potissimum verò post sacræ Eucharistiæ sumptionem, de vita tua melius efformanda seriò constituas. Verùm tempore consolationis cogitandum tibi quoque est, de tempore desolationis, & rerum expectatione contrariarum, ne inani confidentia ab oratione desistas. Propones igitur bona, sed coram Deo, cuius auxilium petens vigilanter ages, singulasque actiones tuas obseruabis. Noli esse temerarius, aut negligens, Nam si lapsus est Apostolorum Princeps, Ecclesiæ fundamentum & petra, qui ex charitate locutus fuerat fidentiùs; quomodo non labetur is qui fastu aut ambitione, aliâue causa multum in seipso fiducia collocauerit, qui rarius vitæ emendandæ animum conceperit, qui Deum ob oculos non proposuerit? Contemplare hîc etiam, non fuisse mediocrem eâ Christi tristitiam, cùm discipulos tam charos, & bene affectos erga se, relinquere iam, & tristes reddere suo abitu, ac conturbatos deberet. Hic locus peropportunus est, ad meditandum de his quæ consolationis tempore in se experitur homo; vt sunt, quies animi, gaudium, illustratio mentis, &c. &

contra quæ tempore desolationis sentit,  
nempe perturbationem, acerbiter, mē-  
tis obnubilationem, vt in prosperis bona  
sibi proponat, quæ in aduersis non mutet.  
Ora Christū, vt te in aduersis non deferat.

## MEDITATIO II.

*De ingressu in hortum.*

*Mat. 26.*

*Mar. 14.*

*Iean. 1.*

Tunc venit Iesus cum illis in villam  
quæ dicitur Gethsemani, vbi erat  
hortus in quem introiuit ipse & di-  
scipuli eius.

INTVERE locum vbi Christus passio-  
nem suā auspicatus est: nempe primò, iu-  
xta villam seu prædium, 2. in Gethzema-  
ni, quod innuit vallem pingue. 3. in hor-  
to. Nam per peccatum accepimus villam  
sordidā, hoc est, terrena & fluxa, ac suo pte  
nucu in terram dilabentia; voluitq. Chri-  
stus inde ordiri redemptionem nostram  
quo abacti eramus per peccatum. Gethze-  
mani, aut vallis pinguis, vt rectè significat  
vallem misericordiæ, ita satis innuit pas-  
sionem Christi opus fuisse maximæ mise-  
ricordiæ atque clementiæ, quæ terrā hanc  
innumeris miserijs circumfusam in locum  
affluen-

affluentem misericordia commutarit. Cōsidera igitur hunc mūdum similitudinem habere vallis lutulentę, in qua multum est ceni & sordium, quibus sordibus homines conspurcati recedunt à Deo; iis verò qui Christum sequuntur, eundem hūc mundum esse velut officinam quandam miserationum Domini, & meritorum nostrorum, in qua sola dum vitā suppetit, & misericordia effusè donatur, & bonis operibus ea prēmia comparantur, quę in æternum suos non deferunt. Cæterum erat hortus in quo Christus orauit, quandoquidem in horto peccauit Adamus, & in horto deliquimus omnes. Quid enim est aliud mundus, quàm hortulus quidam, ipso aspectu amœnus, vbi varię herbę, & pulchri flosculi oculos delectant, nō mentem? Ramusculi & flores sunt omnia quę mundus admiratur, quę sicut ex humo originem ducunt, ita breui marcescunt. Denique discipulos Christus ad locū passionis deducit, quę quidem fuit vltima ab eo facta deductio Apostolorum; vt scias à te Christum contendere, vt magna sedulitate ac studio eius passionem mediteris, atque imiteris. Roga Dominum, vt



tibi sordeſcat hic mundus, qui Chriſto  
cauſam omnem paſſionis attulit.

Mat. 26.

Mat. 14.

Luce. 22.

Tunc dixit diſcipulis ſuis, ſedete hîc  
donec vadam illuc & orem. Orate,  
ne intretis in tentationem.

CONSIDERA, ſi in tentationem intrare  
nolis, hoc eſt, à tentatione vinci & abſor-  
beri, ſedendum tibi eſſe atque orandum.  
Sedemus autem, dum animi quiete, illaq.  
pace interiori præditi ſumus, quam vera  
humilitas conferre ſolet. (qui ſedet enim,  
ſubmittit ſe vt firmus quieſcat.) Orandum  
eſt, quia oratione impetratur victotia ad-  
uerſus dæmonem: & orandum quamdiu  
orat pro nobis Chriſtus. Hic interim attē-  
de ſocordiam & inertiam tuam, qui nulla  
conſcientiæ ſollicitudine teneris, cū pro  
te etiamnum ad dexteram Patris reſidens,  
mirificè ſollicitus ſit Chriſtus, quo pacto  
te ſaluum faciat. Intrare in tentationem,  
eſt intus & foris occupari & abſorberi ma-  
lis. Qui enim tentatione deiſcitur, is neque  
intus pacem habet, neque foris veram cō-  
ſolationem percipit, vbi mentem nihil ſa-  
tiat, ſed grauatur. Ex quo illud etiam ſequi-  
tur, quòd qui hic intrat in tentationem, is  
poſtmo-

DE PASSIONE DOMINI. 41

postmodum intrabit in gehennam; sicut qui hic est in gratia Dei, is postea intrabit in gaudium Dei.

Et assumit Petrum & Iacobum, & *Mar. 14.*  
Ioannem secum.

CONSIDERA quanto cum dolore cæteros discipulos reliquerit mœstus ipse mœstos. Hos tres socios assumpsit, vt singularem animi sui tristitiam aperiret illis, qui soli ex omni discipulorum numero gloriam eius viderant in monte Thabor; quique ad vitam excitatæ filiæ Iayri Archisynagogi stupendo miraculo interfuerant. *Mat. 17.*  
*Mar. 9.* Nam quo quis perfectior est, Deoq. coniunctior, eo magis experitur vim in se Dominicæ passionis, sicut de se B. Paulus confitetur. Considera itaque quales hi fuerint, quos Christus comites adhibuit, Petrus Ecclesiæ pastor; Ioannes virgo, custos virginis Matris futurus; Iacobus Apostolorum primus martyr; vt hinc intelligas, nihil ita subleuare curas, aut lenire molestias cuiusuis officij, nihil tam promouere castitatem, aliasque virtutes, nihil denique homini sic esse præsidio quibusuis in laboribus pro gloria Christi susceptis, quàm memoriam passionis Christi. Adsciscit etiam

42 MEDITATIO III.

duos cognatos suos, vt videas ad quas dignitates soleat Christus prouehere sibi cōiunctos, scilicet ad ferendas calamitates innumeras huius vitæ, vt deinceps afficiatur præmiis in futura vita. Tu pete in hoc mundo pro peccatis tuis affligi potius, quàm post mortē diuturnis pœnis à Christo separari.

MEDITATIO III.

*De angustia Christi in horto.*

*Mat. 26.* Et cœpit pauere, tædere, contristari, &  
*Mar. 14.* mœstus esse.

QVIA peccata prius in animo committuntur intus, quàm foris exeant in opus; voluit Christus antè percipere dolores cordis, quàm corporis, vt scires eum non corpore tantum, sed animo etiam grauiter fuisse afflictū. Designantur autē ab Evangelistis, quatuor dolorum præcipua genera, quos Christus in horto suapte voluntate admissos ad mortem vsque retinuit. Primus erat pavor & formido quædam imprimis grauissimarum pœnarum imminētium, atque adeò funestæ mortis, quam natura supra modum semper exhorret; deinde



deinde peccatorum totius humani generis, quæ suscipienda erant per eum in hortulo, & ad modum vestimenti, quod ex omni genere seditatis contextum est, induenda, quibus in actione hac tragica omnium impiorum personam coram Deo sustineret. Secundus dolor erat tedium; quo eum tædebat omnium rerum in hac vita, cum se videret planè desertum, non ab hominibus solum omnibus, sed à Patre quoque cælesti. Huic succedebat tristitia, primum quidem ob graviora peccata, quibus Iudæi in eius necesse obstringerent; tum ob exiguum eorum numerum, qui huius tantæ afflictionis futuri essent participes; præterea ob perfidiam tuam aliorumque Christianorum, qui, quem ipse pretiosum sanguinem fusurus erat, & verbis blasphemis proscinderent, & gravissimis sceleribus contaminarent. Quartus fuit moestitia, hoc est, gravis animi anxietas, dum videret nullum sibi esse effugij locum. Hinc enim perurgebat iussio Patris, inde summus amor humani generis excitabat: contra verò reformidabat natura. Hos igitur quatuor affectus in se Christus suscepit, ut medicinam adferret peccatoribus,

qui

qui similibus affectionibus agitatur. Nam in perpetuo tædio ac fastidio versantur, dum nullis vnquam rebus contenti viuunt; & tristantur, dū stimulis impelluntur conscientia; & timore comprimuntur, dum ad mortis memoriam contremiscunt; & in mœrore anxietateque vitam exigunt, dum peccata districto Christi iudicio examinanda cogitant; quod potissimum in hora mortis euenit, quando pro foribus adest Christus iudex. Tu Dominum roga, vt hi eius affectus tibi fortitudinē, alacritatem, gaudium & securitatem adferant.

*Mat. 16.*

*Mar. 14.*

Et dixit illis, Tristis est anima mea usque ad mortem.

SINGULA verba prudenter expendamus. Non enim ait, timet aut pauet anima mea, seu pertæsum est vitæ, seu mæsta est anima mea, ne videretur potius inuitus, quàm sua sponte adire dolores passionis. Sed [tristis est,] nō solū ob varias tristitiæ causas, sed etiam vt daret significationem, verum esse hominem qui pateretur. [Anima mea:] nō inquit tristis sum ego, quia voluntas gaudebat & mori desiderabat; sed anima mea, natura videlicet, quæ voluntatem non attingebat. Deinde anima

[anima mea]. i. mœror interius in animâ defauit; ne putares ob diuinæ naturæ cōtemplationem assiduam, dolores ab anima non fuisse perceptos. [vsq. ad mortem] i. vel quòd ea tristitia ad mortem vsque perdurauit, non tamen vltèrius producta sit: vel quòd tam erat intensa, tamq̃ue excellens, vt citra periculum mortis, maiorem ferre natura humana non posset. Roga Dominum, vt hæc eius tristitia adferat vitam animæ tuæ.

Sustinete hic, & vigilate mecum. Et ipse auulsus est ab eis, & processit quantum est iactus lapidis.

Mat. 26.

Mar. 14.

Luc. 22.

CONSIDERA 1. quid in angustiis sit agendum vnicuique, nempe sustinendum, i. patienter expectandum, & vigilandum, i. diligenter circumspicendum, ne quid alicunde mali subrepat. Nam homini perturbato multa absurda, & vitiosa sese ingerere solent. Considera 2, quàm inuitus Christus relinquat suos; auulsio enim quâdam abstractionem quasi violentam describit. Et recedens non procul abit, sed [quantū est iactus lapidis,] non aliter ac matres solent, quæ cominus infantem deserunt, & docent ambulare, vt cadentem

protinus



## 46 MEDITATIO IIIL.

protinus excipiant. Hæc autem omnia  
charitatem Christi, eiusque grauissimas  
interiores angustias declarant, quibus etiã  
ad orandum mouebatur, vt haberet scifi-  
cet à Deo Patre consolationem. Tu dolo-  
ribus Christi Domini tui ab omnibus de-  
ferri commouere; & quia nihil gratius illi  
accidere potest, quàm esse tecum, omnes  
rationes adhibe vt tecum permaneat.

## MEDITATIO IIIL.

*De prima Christi oratione.*

*Mat. 26.  
Mar. 14.  
Luc. 22.*

Et positis genibus procidit super ter-  
ram in faciem suam, & orabat, vt si  
fieri posset, transiret ab eo hora, di-  
cens: Pater mi, si fieri potest, transeat  
à me calix iste; veruntamen non sicut  
ego volo, sed sicut tu vis.

CONSIDERA I. ceremoniam à Christo  
in hac precatione vsurpatã. Defigit enim  
humi genua, tanquam reus capitis ob pec-  
cata tua: prolabitur in terram, proiciens se  
immolandum pro salute tua, & simul ex-  
primens (quos ipse referebat) abiectissimã  
sortem hominum peccatorũ, qui quidem  
sicut

sicut intueri cælum prorsus indigni, digni  
 verò sunt, qui pedibus omnium proteran-  
 tur, ita depressi in terram gravitate scelerũ  
 decumbunt. Considera 2. mirum in hac  
 oratione affectum, & singulorum verbo-  
 rum pondus. [Pater mi,] hoc est, ego sum  
 filius tuus pro sordidissimis hominibus a-  
 cerba passurus: parcēsne mihi vnigenito  
 filio tuo Pater? [si fieri potest;] intelligit  
 salua diuina iustitia, nullam fuisse relictam  
 aliam redimendi generis humani viam,  
 quàm per mortem filij Dei. Tu ergo hic  
 cum animo tuo reputa charitatem Dei,  
 qui vt tibi parceret, non pepercit filio suo.  
 [Transeat à me.] Oratio est deprecãtis tã  
 funestum genus mortis: tamen in verbis  
 his latet aliquid amplius; quasi dicat, no-  
 lim subsistat hæc in me afflictio, sed fru-  
 ctus eius ad Christianos transeat; ego bi-  
 bam, illi facientur. [Calix iste.] passionem  
 vocat calicem, quippe quæ causam lætitiæ  
 nostræ continet. Caterùm sicut ebrum  
 fecerūt Christum sui cruciatus præ amo-  
 ris magnitudine; ita meditatione, & meri-  
 to passionis Christi, velut æstu quodam  
 diuini amoris inebriantur omnes fusti.  
 Possunt hoc loco reuocari in memoriam  
 præstan-

præstantissimi vini actiones, cum largius ab hominibus sumitur: vino enim calefiunt interiora hominis, inducitur læticia, conciliatur somnus, mentes de sede sua commouentur, fiunt homines facili, vinumque facili manu & cum voluptate bibitur. Hæc tu ad passionem Domini accommoda, quam Christus magna charitate adiuuit, egregia animi alacritate sustinuit, & quasi mente abalienatus, factus est gentibus stulticia, Iudæis scandalum, adeoque non est pœnis imminuta charitas, sicut in hominibus fieri cōsuevit, ut potius sit excitata, sicut attritione lapides incaleseunt; denique somno mortis sopitus est Dominus. Tu cum pro Christo aliquid sustines, si ad similem modum afficiaris, scito passionis calicem, multum allaturū tibi commodi. Considera 3. voluntatis illius in re valde ardua abdicationem; teque ad omnia paratum offer, atque à Domino impetra indifferentem ad res quasunque voluntatem.

*Mat. 26.*

*Mar. 14.*

*Luc. 22.*

Et cum surrexisset ab oratione, venit ad discipulos suos, & inuenit eos dormientes, & dicit Petro, Simō dormis? nō potuisti vna hora vigilare mecū.

CON-



CONSIDERA 1. Christum in angustiis esse, & discipulos dormire; Ecclesia patitur, & nobis cordi non est. Tu verò quàm frequenter ad res diuinas remissus, quàmque feruidus es ad priuatâ negotia? Considera 2. vt post breuem orationem statim surrexerit Dominus, quasi præ animi mœrore non posset diu vno loco consistere, nunc à Deo Patre, nunc à Discipulis capturus solatij aliquid. Singula verba Petro dicta, pondus habent [Simon,] non dicit Petre, nomine illo nouo designante constantiam; sed, Simon, nomine antiquo. sic in quolibet Christiano est inuenire nomē nouum filiorum Dei, quo præditi nō peccant; & nomen naturæ, quo censentur homines multis obnoxij vitiis, fragiles, caduci. ] Dormis. ] Reprehēditur Petrus, nō ob graue flagitium, sed quia dormiebat: & cogita quodd etiam minima à te commissa, magni æstimat Deus. [Sic nō potuisti.] docet adhibendam esse à nobis operam, & conatum in rebus honestis, licet difficilibus perficiendis: quandoquidem tentationes, naturæ infirmitas, similiaque multa, quæ in excusationem prætexere solemus, nos non excusabūt. [vna hora.] At-

D

tingit

50 MEDITATIO IIII.

tingit breuitatem temporis, quo nobis hic laborandum est. Dum adiecit, [vigilare,] facilitatem exprimit diuini seruitij, in quo tantum hoc à te requiritur, vt vigiles, hoc est, vt vigilanter agas; vt scilicet in sensibus tuis custodiendis sis acer & attentus, ne dæmō irrepat in animū tuum. [mecum,] .i. non solus, sed me duce. Hic conscientia tuam discute, quid pro Christo hæcenus feceris, & quantos pro mundo labores susceperis; & vel nunc quæ pro mundo facis ad Dei gloriam transfer; rogaque vt ductor tuus sit in hac spiritali militia.

Mat. 26.

Mar. 14.

Luc. 22.

Quid dormitis? vigilate & orate, ne intretis in tentationem. Spiritus quidē promptus est, caro autem infirma.

CONSIDERA 1. acrem reprehensionem discipulorum post admonitionē Petri: nō enim propterea immuniseris, quòd ad imitationem superioris delinquis. Cōsidera 2. vigilandum tibi esse & orandum. Nisi enim & tu coopereris Deo, & Deus cooperetur tibi, nihil efficies. Considera 3. quis ille spiritus sit, qui promptus esse dicitur, & que modo caro sit infirma. 1. spiritus .i. volūtas hominis boni prompta est, & apprehendit sæpè præclara quædam.

2. Spiri-

DE PASSIONE DOMINI. 51

2. Spiritus sanctus promptus, & paratus est, ad præstandum auxilium; sed homines voluptate carnis illecti, non semper illi locum præbent. 3. malus spiritus intentus est, & excitatus ad nocendum; sed nos ad resistendum imbecilles. Hæc te meritò debent impellere ad vigilandum & orandum: res enim est magni momenti ab incidentibus rebus incommodis non deiici. Ora denique Christum, vt desideriis tuis non solum tribuat promptitudinem, sed etiam vires adiiciat; donec quod ipse iubet, & iubeat quod vult.

MEDITATIO V.

*De secunda & tertia Christi oratione.*

Iterum secundo abiit, & orauit eundem sermonem, dicens. Abba Pater, omnia tibi possibilia sunt; si vis, transfer à me calicem istum, veruntamen non mea, sed tua voluntas fiat.

Mat. 26.

Mar. 14.

Luc. 22.

CHRISTVS agnoscit se nondum impetrasse quod rogauerat: orat igitur secundo, ne tu molestiam vllam capias, si nō statim exaudiris, qui neque tantus es, neque tam feruidus precator. Expende singula



orationis verba : [Abba Pater, ] hoc est, Pater: Pater; quæ repetitio quoddam indicium est vehementissimi affectus, aut clamoris, ad eum qui longius abest. A peccatoribus sanè procul abest Deus, ideò dicendum est *psal. 129.* cum Dauide: De profundis clamaui ad te Domine, Domine exaudi vocem meam. Et quia Christus quàm in se traduxerat personam sceleratorum hominũ, etiam hoc loco referebat, disce Patrem cœlestem, omnium peccatorum beneuolum esse parentem, vt de clementia diuina bene speres; & cùm in peccatum incidisti, nunquam animum despondeas. Sustainat autem nos non exigua consolatione, quod subiungitur: [Omnia tibi possibilis sunt,] quia Deo nihil aut impossibile, aut arduũ est. Iam vocula, [Si vis,] explicat Deũ facillimè posse succurrere, nec opus illi esse vel operoso conatu, vel labore, quando vno nutu possit omnia. Quod autem nondum velit cùm eum rogamus, eò fit, quoniam pro suo erga nos amore perpetuo, vniuersa moderatur ad salutẽ nostram. Coniunge iã hæc tria: [Pater,] quæ vox charitatẽ Dei significat: [omnia possibilis sunt,] ex quo constat de omnipotentia eius: [si vis,] vnde

vnde facilitatem perficiendi habes; & magna solatia tuorum dolorum capies. Consultissimum est autem in omni oratione voluntatem propriam abiicere: multo melius enim à Deo, ad voluntatem eius regeris, quàm si tuum iudicium & sensus sese admisceat. Ora igitur Deum vt instar iumenti sine tuo arbitrio ab ipso dirigaris.

Et venit iterum, & inuenit eos dormientes; erant enim oculi eorū grauiati, & ignorabant quid responderēt ei; & relictis illis iterum abiit. *Mat. 26. Mar. 14.*

CONSIDERA 1. quàm frequenter suos Christus visitet: quare vehementem animi sui dolorē declarat, qui nec ex oratione collegit vllam suauitatem, summo licet affectu precaretur; nec à præsentia discipulorum recreari potuit, perinde vt solent ægroti & anxij nunc hoc, nunc illud aggredi ad fastidium leuandum. Considera 2. Christum nullis vnquam occupationibus, ne tunc quidem cūm pateretur, sic fuisse distractum, quin de tua semper salute cogitaret, quin etiam nunc in cælo residens, oculos suos gratiosè in te intentos habet. Considera 3. quàm parum sine Christo

possit homo, quàm citò in somnum cor-  
ruat, quàm protinus deficiat, si vel paulif-  
per Iesus discedat. Considera 4. quid sit  
oculos grauari, nempe minus nos esse prò-  
ptos, atque agiles ad diuina & cælestia me-  
ditanda, propter res terrenas, quæ mentem  
impediunt, qualia sunt honorum, & opum  
immoderata desideria, ambitiones, vanita-  
tes huius seculi, aliæque similes animi af-  
fectiones. Orandus est ergo Deus, vt igna-  
uiam illam, grauedinemque tollat, teque  
ad suam voluntatem accomodat. Con-  
sidera 5. quàm erubuerint Apostoli, qui  
secundo iam admoniti, non se continerent  
tamen à somno, quamobrem anxij suam  
infirmi-  
tatem apud se pariter & excusabāt,  
& reprehendebāt. Nota etiā illud, [igno-  
rabant, quid responderent illi.] Si enim  
ipsi Apostoli, homines sanctitate cōspicui  
præ reliquis, in re non ita magni erroris, in  
qua poterāt excusare infirmitatem suam,  
solliciti tamen erant, & ignorabant quid  
responderent; quod tandem tu Deo Opt.  
Max. responsum dabis, cū de rebus ma-  
gni ponderis in die iudicij compellaberis,  
cū multa & grauia peccata tibi obiciē-  
tur, non admissa tantū communi naturæ  
fragi-



fragilitate, sed etiam versuta & fallaci malitia commissa? Considera 6. nihil questū esse Dominum, quod solus in oratione, laboreque relinqueretur; ut in animum inducas tuam, neque conqueri, neque molestē aliquid ferre, si solus aliquando laboriosa quædam suscipere debeas, aliis interim opere solutis: rogaque Dominum, ut te torpentem excitet.

Et orauit tertio eundē sermonē dicēs:

Pater mi, si nō potest hic calix trāsire *Mat. 26.*  
nisi bibam illum, fiat voluntas tua.

CONSIDERA 1. quod identidē ad Patrem recurrat Christus, & vnā atq. eandem rem efflagitans semper, non exaudiat tamen. Comprehendit autem hæc precatio, mirificam Christi submissionem, se, suaque omnia deponentis in manu Dei Patris; nec in malam partem accipientis se non exaudiri. Tu disce nō perturbari animo, si res tibi non pro voto succedat, dum quod in te erat, strennuē fecisti. Considera 2. summam fuisse necessitatem ut pateretur Christus. Non enim permisisset æternus Pater toties à charissimo filio se rogari, si alia ratione salus tua constitui potuisset. Considera 3. modum hunc loquendi,

[Si non potest transire nisi bibam illū.]  
 Vult enim intelligi cōmodum omne passionis Dominicæ transire ad nos, qui mēbra sumus corporis eius, sed quasi per os traiectum, hoc est, per Christum; ipse enim est caput nostrum. Porro autem, sicut portio amara palato quidem est insuavis & iniucunda, membris tamen utilis; ita Christi dolores fuerunt illi quidem acerbi, sed nobis salutare. Cæterum Passio Christi transit ad nos, partim quia meritum eius nobis communicatur, partim quoniā tribulationes difficultatesque nostræ, quas patimur, ex ea sanctificantur. Quoties igitur aliquid aduersi sustinebis, toties cogita ad te permanere passionē Christi, oraque eū, ut suis doloribus dolores tuos mitiget.

## MEDITATIO VI.

*De agonia & sudore sanguineo.*

*Luc. 22.* Apparuit autem illi angelus de cælo, confortans eum.

CONSIDERA I. quod licet in Christo diuina natura cum humana associata fuerit in eandem personam, ipse tamen hoc passionis tempore, nihil solatij ab ea traxerit.

DE PASSIONE DOMINI. 57

rit. Considera 2. quantæ fuerint illæ, quæ-  
que graues angustia, ad quas leniendas nõ  
fatis erat homo, sed angelus è celo debuit  
adhiberi. Considera 3. quid causæ fuerit,  
cur Christus voluerit ab angelò confortari,  
scilicet vt nobis afflictis compati sciret,  
nosque doceret, non ad fluxas & caducas  
oblectationes, quales è rebus creatis ple-  
runque hauriuntur, recurrere, sed ad spi-  
rituales, angelicas, cælestes. Considera 4.  
Deum nunquam deserere sperantes in se.  
Nam licet ille non semper mala tollat, dat  
tamen semper gratiam, & robur adiicit, vt  
perferre possimus. Considera 5. quòd an-  
geli adsint orantibus; idcirco danda tibi est  
opera, vt religiosè & compositè eos vene-  
reris præsentes, Deumque preceris iuxta  
Psal. In conspectu angelorum psallam ti-  
bi. Considera 6. quomodo Christum an-  
gelus confortauerit. non enim interiore  
quopiam alleuamento, aut gratia id præ-  
stitit (quia Christus nullam prorsus cõso-  
lationem toto passionis tempore admisit)  
sed adhibuit externa verba, quibus illius  
animo proponebat, tum necessitudinem  
absolutam tantarum acerbitationum, tum  
consecuturas inde commoditates, tum

*Epipla. in  
Ancoraso,  
et haresi  
69.*

D 3

grauissi-



grauissimam voluntatem Patris, tum prophetarum oracula, &c. Considera 7. an aliquid est, in quo tu possis Christum solari & confortare, ac illi animum addere tui iuuandi gratia; quod utique fiet, si animaduertat, quod probè te geras, ac talentum ab eo tibi concreditum, non malè impendas; quodque labores fortiter toleres; sic enim te intuebitur benignis oculis, atque ad altiora prouehet. Tuum interim erit orare Christum, ut te confortet, & erudiat, non externis modò verbis, sed interiore comprimis virtute, & sapientia.

*Luc. 22.* Et factus in agonia prolixius orabat.

AGONIA hæc, fuit colluctatio quædam interior, non quidem carnis aduersus spiritum, sed naturæ contra mortem: & quidem toto hoc tam acerbo tempore cum tribus pugnandum Christo fuit, quibus vbique superior tandem euasit. 1. cum natura reformidate tam atroci genere mortis occumbere. 2. cum iustitia Patris graues exigente pœnas. 3. cum atrocissimo generis humani hoste: sed proelium contra propensionem naturæ est auspicatus; ut scias quomodo habere te debeas in eo conflictu, qui pro salute committitur; nempe

ut

DE PASSIONE DOMINI. 59

vt primo loco coneris domitas habere tuas inclinationes, & coërcere libidines; quibus utcunque subactis, vtêris deinde Deo placato, tum denique fugiet à te dæmon. Cōsidera 1. quanta contentione, quantoque labore dimicet Christus Dux tuus; & tu sine pugna existimas saluus fieri? Considera 2. quòd in agonia prolixius orauerit, quia afflictione premente, in precibus vel maximè perseuerandum est. Considera 3. quid tãdem illud sit, quod tam longa supplicatione voluit? non quidem vt calix amaritudinis tolleretur ab eo (prius enim breuioribus verbis in eum finem vsus fuerat) sed vt postquam patiendum illi erat, tu ab eius cruciatibus vtilitatem consequeris. Admirare hic amorem illū summum Christi, qui solus est vera consolatio angelorum. Dole de peccatis tuis, quæ veram attulerunt causam huic pressuræ: alios denique in te affectus amoris, fiduciæ, commiserationis excita, quorum hic locus copiosam materiam subministrat.

Et factus est sudor eius sicut guttæ sanguinis decurrentis in terram. *Luc. 22.*

CONSIDERA I. ex qualitate & quantitate huius sudoris, maximas spongi tur angu-

angustias, sine quibus neque sanguis sudore emitti, neque tanta copia vt terram rigaret, defluere potuisset. Considera 2. quòd passioni Dominicæ principium dedit & finem prodigiosa sanguinis & aquæ effusio, vt discas diuinam naturam Christo eo tempore id potissimum contulisse, vt diutius omnes dolores, eosq; acerbissimos perferret, quibus humana natura, si sola fuisset, omninò succubuiisset. Considera 3. quòd singulis ex artubus sanguis emanauit, tum vt singula Ecclesiæ membra, ex quorū numero tu quoque es, Christi mortem desleant; tum vt pro se quisque guttā aliquam sanguinis illius ad abluenda peccata sibi Christiani colligant; tum vt cognoscas quā liberaliter per tot fontes quot membra habebat, sanguinem tibi suum propinet. Considera 4. quanta debilitatio in ipso tenerrimo Christi corpore, à tanta sanguinis & sudoris profusione relicta fuerit. Considera 5. quòd in subiectam terram profluxerit, ad noxas auferendas hominum, qui terrenis studiis capiuntur. Considera 6. quòd decurrerint in humum guttæ, scilicet vt intelligas accelerandum esse tibi, si sanguinis tam preciosi fieri velis

parti-



DE PASSIONE DOMINI. 61

particeps, qui non tam fluit, quàm velocissimè currit. Nisi igitur in hac vita scaturientem illius sanguinem haurias & recodas, post mortem vtrique defluerit, vt nihil tibi ex eo supersit.

MEDITATIO VII.

*De aduentu Iudæ cum militibus.*

Et venit tertio, & ait illis: dormite iam  
& requiescite: sufficit, venit hora: Mat. 26.  
Mar. 14.

Ecce filius hominis tradetur in manus peccatorum: surgite, eamus: ecce qui me tradet propè est.

CONSIDERA 1. Christum, cùm ter Apostolos visisset, inuenissetque dormientes, reprehendisse primùm eos, secundò tacuisse, tertio ad dormiendum inuitasse; vt discas 1. infirmitati alienæ deferre; 2. inspirationibus diuinis illico acquiescere. Si enim viderit Christus nihili suas admonitiones à te fieri, in posterum silebit, & parcius tibi quæ ad salutem fuæint, suggeret. 3. cùm semel rem aliquam præclare aggressus es, non oportere neque vacillare in posterum, neque mentem mutare. Christus enim posteaquam naturæ propensio-

## 62 MEDITATIO VII.

pensionem subegerat, contraque naturam sibi moriendum esse statuerat, nullum reliquo tempore vel tristitiæ vel inconstantia vel ambiguitatis signum foris ostendit.

Confidera 2. Christum fortè cum discipulis ad modicam quietem se composuisse, sed eam nec magnam fuisse nec diuturnam, præsertim in homine defatigato, qui paulò post erat apprehendendus. Confidera 3. verbum illud, [sufficit:] quasi doceat ponendum esse modum quieti & commoditatibus humanis. Confidera 4. bis repeti, [Ecce,] quandoquidem verè mirum est, inuentum fuisse, qui filium Dei & hominis traderet. Confidera 5. [Surgite eamus,] nō satis tibi esse debere, si non dormias vbi de Dei gloria agitur; sed opus esse etiam surgere & progredi, atque occurrere malis, & aduersa quælibet generosè pati pro Deo. Tu hic discute somnū, rogaq. Dominum vt te efficaciter ad labores pro ipsius nomine excitet.

Mat. 26.

Ioan. 18.

Adhuc eo loquente, ecce Iudas vnus de duodecim venit; sciebat autem & Iudas qui tradebat eum, locum, quia frequenter Iesus conuenerat illuc cū discipulis suis.

CON-

CONSIDERA 1. nulla Iudæ fuisse  
opus ad vigilandum admonitione. ita enim fieri solet, quando scelera committenda sunt, ab improbis non dormitur. Considera 2. [Ecce Iudas vnus de duodecim.] Res mira, quod is qui tam eximium beneficium à Christo acceperat, eò malitiæ & ingratitude venire potuerit, ut Dominum & benefactorem suum perderet. Discis in donis gratuitis non confidere, quin potius quo plura accepisti dona, eo magis timere, quia in hora mortis Deus ponderabit omnia dona sua; sicut scriptura hic magna emphasi dicit, Ecce Iudas vnus de duodecim. Considera 3. hominem malum non vereri abuti rebus bonis; sicut Iudas locum orationis Christi ad eum prodendum adiuit: quanto satius fuisset, relictâ proditiōe, se Christo, & Apostolis in oratione coniungere? Considera 4. quod hominem improbum cognitio variarum rerum etiam celestium non iuuabit, quin potius damnabit, sicut Iudam non iuuit nouisse Christum, & locum ac tempus orationis Christi, &c. Hoc loco si ingratitude tuam perpendis, qui multis beneficiis auctus, nihil præter maleficia refers, ipsum te admiraberis.



raberis, & detestaberis, Christumque precaberis ne te cum impio Iuda perditum ire patiatur.

*Ioan. 18.*

*Mat. 26.*

*Mar. 14.*

*Luc. 22.*

Iudas ergo cum accepisset cohortem, & à Pontificibus & à Phariseis ministros, venit illuc cum laternis & facibus, cum gladiis & fustibus & armis, missi à Principibus Sacerdotum, & senioribus populi: & qui vocabatur Iudas, antecedebat eos.

CONSIDERA 1. quanta hominum turba ad Christum comprehendendum conuenit; primum quidem cohors gentilium cum suo tribuno, milites fortè quingenti; deinde verò ministri Iudæorum non pauci, cum aliquot Principibus sacerdotum, & Senioribus, ac magistratu populi. Erant igitur duæ cohortes, gentilium altera, altera Iudæorum, variis armis instructæ, atque ad nocendum paratissimæ. Horum omnium dux erat, & antesignanus is [qui vocabatur Iudas,] hoc est, celebris ille Iudas, omnibus his Iudæis atque gentibus notus. Considera 2. quid inter se venientes contulerint, quos animos in Christum habuerint, ut sanguinem ipsius sicerint. Considera 3. titulum hunc Iudæ, [qui vocabatur

DE PASSIONE DOMINI. 65

cabatur Iudas, ] hoc est, qui paulò ante notus fuerat discipulis & bonis, cùm eleemosynas Christi iussu faceret, cùm miracula ederet, cùm Christum sequeretur; is nunc celebratur à nebulonibus, inter latrones conspicuus. Tu cura nomen tuum in cælis innotescere potius quàm in mundo vel in infèrno. Considera 4. quàm dolenti animo Christus eum, qui vnus fuerat principum Ecclesiæ, viderit principem esse nebulonum. Tu operam dabis, ne simili tui mutatione, occasionem ipsi doloris exhibeas, si ex filio Dei mancipium diaboli efficiaris; quod ne fiat, ex animo precare.

MEDITATIO VIII.

*De Iudeorum in terram lapsu.*

Iesus itaque sciens omnia quæ ventura erāt super se, processit & dixit: Quæritis? Responderunt ei: Iesum Nazarenum. Ioan. 18.

CHRISTVS obuiam processit; vt doceret 1. se non ignorare impiorum machinationes. 2. se sponte sua ad mortem destinare. 3. se paratum vtrò suscipere peccatorem, si ad cor redire velit. Exeici in te

E

amo-

amorem Christi, totumque te offero illi, qui tam alacriter in hostium manus se dedit pro te. [Quem quæritis?] quasi dicat, Considerate obsecro, quem quæritis, hominem iustum, & innocentem, qui omnibus consuevit benefacere, nullumque lædere; qui ad vestram salutem de cælis descendit; qui demum venturus est Iudex vniuersæ creaturæ. Hæc eadem tu cogitabis, quando ad Dei offensam sollicitaberis. Peccado enim conculcatur Filius Dei, vt affirmat D. Apostolus Paulus, & ignominia afficitur. [Iesum Nazarenum.] Ignorabant præsentem: non enim aiunt, te ipsum quærimus, sed Iesum Nazarenū. Nota quæri pro te ad mortem Iesum, hoc est, Saluatorem, & Nazarenū .i. floridum, omni virtute ornatum: Non enim alius te morte sua à gehennæ incendiis eripere potuisset. Hic igitur tibi in omni necessitate quærendus est, orandusque vt à te non ad necem aut ad ignominiam, sed ad salutem tuam quærat ur, quæ sit inueniatur, inuentus retineatur.

Heb. 10.

Leet. 18.

Respondit eis Iesus: Ego sum. stabat autem Iudas qui tradebat eum, cum ipsis: vt ergo dixit eis; Ego sum: abie-



DE PASSIONE DOMINI. 67

abierunt retrorsum, & ceciderunt  
in terram.

CONSIDERA 1. Christi potentiā, verbo solo armatam cohortem prosternentis. Timenda est itaque illius ira, ne qui passurus tantam virtutem exercuit, iudicaturus grauius tecum agat. Disce magni facere verbum Dei, quod adfert salutē credenti, interitum infideli. Considera 2. miseram Iudæ mutationem; quippe qui paulò antè cum Apostolis Dominicæ mensæ accubuerat, hic cum impiis delicitur. Neque enim te aut religionis ac instituti dignitas excusabit, aut aliorum probitas defendet, sed neq. vitæ antea actæ pietas proderit, si desertorem te Christus, & hostibus suis ac peccato consentientem inueniat. Considera 3. vnum idemque verbum piis consolatione, impiis esse terrori. Vocula, Ego sum, solabatur Apostolos in mari remigantes; ad iracundiam prouocabat Phariseos, & hic prosternit armatos. Tu ergo, si bona sis terra, excipies Dei verbum, cum vbere fructu; si mala, nocumentum ex optimo semine capies. Considera 4. quantum inter ruinam impiorum, & casum iustorum intersit. Retrorsum im-

Mat. 14.  
Ioh. 8.

pius, non in faciem cadit, quia in ea quæ non videt, dum repentinè ex hac vita recedit, & ad supplicia quæ ignorabat, ignominiosissimè corruit. Nam in faciem cadere, est in hac vita suas culpas agnoscere, &

*D Grego  
rius lib.  
31. mora.  
cap. 18. &  
Homil. 9.  
in Ezeci.*

pœnitendo desistere. Corruit retrorsum impius, quia quo emendari debuerat, redditur deterior, ut vel inuitus cogatur cælum aspicere. Tu hic bonitatem Christi admirare, qui tot modis hostium suorum salutem quæsiuit; oraquæ. ut verbo suo cor tuum concutiat, ut in faciem cadens, Dei maiestatem tuis peccatis offensam, humilitate reconcilies.

*Ioan. 18.*

Iterum ergo interrogauite eos: Quem quæritis? Dicunt ei: Iesum Nazarenum. Dicit illis: Dixi vobis quia ego sum: si ergo me quæritis, sinite hos abire; ut impleatur sermo quæ dixit, quia quos dedisti mihi, non perdi ex eis quenquam.

CONSIDERA I, impiorum malitiam, quæ nec suauitate, nec flagellis mitescit. Indurata enim malitiæ cæcitas crescit, sicut his, qui & admoniti & edocti Christum quis esset necdum agnouerunt. Non enim respondent: te quærimus, sed tanquam de alio.

alio; Iesum Nazarenum. Considera 2. magnam Christi in suos curam, de quibus in tantis periculis, plusquam de seipso sollicitus fuit. Hæc est sincera dilectio proximorum, si cum nostro incommodo illorum commodis prospiciamus. 3. Si in tantis malis, paucorum Apostolorum curam gessit, nonne modò solutus periculis, atq. quietus, in cælo vniuersam Ecclesiã sponsam vnicè dilectã curabit? imò verò etiam singulorum Ecclesiæ membrorum & curam habet, & commoda quærit. Locus est magnæ consolationis, quòd de te cogitet Dominus. Considera 4. quàm gloriatur in eo Dominus, quòd ex discipulis suis non perdiderit quenquam. Quanta vicissim tibi sit gaudij occasio, si neminem verbo, exemplo, negligentia deteriore reddideris, sed multos potius conseruaueris, & lucratus fueris. Demum committe te Christo, quem ora vt tui curam nunquam deponat.



## MEDITATIO IX.

Figura 2. fig. 20

De osculo Iudæ.

Mat. 26.

Mar. 14.

Dederat autem traditor eis signum, dicens: Quemcunque osculatus fuero, ipse est: tenete eum, & ducite cautè.

*cab princeps  
latia regis  
ad osculum  
nigra fimo  
salutavit  
in dicens  
ne mit f  
quid dicit  
nu appre  
Deus me  
in quasi  
tot p d f  
autera  
dion l  
quid f  
ip f*

MAGNUM illud Apostoli nomen, quo fuerat honoratus Iudas, mutatum illi est in nomen Traditoris, adeoque hoc nomen Iudas, veteribus Israëlitis præter cætera honorificum, in peccati detestationem, est ferè Christianis ignominiosum. Hic est fructus peccati, ut boni refugiant omne malorum commercium. Considera autem proditoris huius sollicitam diligentiam; ne pecunia promissa frustretur, modum docet & apprehendendi, & retinendi; ex magistro virtutis, factus magister nequitiae: prius ad conuersionem populorum missus, nunc alios docet authorem vitæ perdere. Discis peccati conditionem, quod non quiescit in eo, ut homo sit peccator, sed ulterius progreditur, ut efficiat doctorem malitiæ. Roga Dominum, ne te à se patiatur auelli, ne ad instar Iudæ in flagitia labaris.

Iudas

Iudas antecedeat eos, & appropin- *Luc. 22.*  
 quauit, vt oscularetur eum; confe- *Mat. 26.*  
 stimque accedens, dixit: Aue Rabbi: *Mar. 14.*  
 & osculatus est eum.

1. Hic admirare Christi bonitatem, qui  
 ad osculum admisit, quem non ignorabat  
 proditorem. Neque tibi blandiaris, si ad  
 religionem voceris, aut ad mysteria diui-  
 na, Ecclesiastica munia, & sacras functio-  
 nes, aut dignitates Dei permissu eueharis,  
 quia te tolerat Christus, sicut tolerauit  
 osculum Iudæ. Videtur familiare fuisse A-  
postolis, vt aliunde venientes Christum  
 osculo salutarent, alioquin tale quid non  
 auderet Iudas. Et Christus Pharizeo quasi *Luc. 7.*  
 exprobrans dicit, Osculum mihi non de-  
 disti. Discis facilitatem Christi in admit-  
tendis peccatoribus, & desiderium vt sit  
 cum filiis hominum. Magna igitur fiducia  
accede, quia non repellet te, qui prodito-  
 rem admisit. 2. discite tua omnia sincerè  
 perficere, quia Christum osculo prodit,  
 qui pietatis prætextu, fraudem proximo  
 facit; quique Dominicum corpus in Eu-  
 charistia impuro corde suscipit, reus cor-  
 poris & sanguinis Domini, quem in foeti-  
 dam conscientia impuræ cloacæ immittit.

*Mat. 26.**Luc. 22.*

Iesus autem dixit illi; Amice, ad quid venisti? Iuda osculo filium hominis tradis.

SINGULA verba expende. [Amice].

1. hactenus amicus fuisti, 2. amici habitu venis, prebens osculum, amoris indicium.

3. Ego te non odi, sed reconciliationem offero, pro te etiam sanguinem meum futurus, & mortem ad quam trador subiturus, si modò ipse velis. Non cupio ut me de manibus horum Iudæorum eripias, quia ad mortem hac passione obeundam sum natus, sed ut in gratiam de tanto tuo peccato dolens redeas. [Ad quid venisti?]

1. non ignoro quo animo huc accesseris; cordis tui intima iamdudum penetraui; reuertere igitur ad cor, non enim latet me Iudicem tuum dolus tuus. 2. quò redactus es miser? nuper Apostolus, nunc proditor; nuper princeps Ecclesiæ, nunc princeps latronum. Eia turpitudinis tuæ contemplatione, vel nunc saltem peccati te poeniteat. [Iuda] 1. Si amici nomen non fers, ut qui amicus esse non vis, saltem audi me consueto more te compellantem. 2. memento parum tuorum Iudæ patriarchæ, & Iudæ Machabæi, à quorum moribus tu planè



planè degeneras. [Filius hominis.] eum  
 qui admirabiliter est filius hominis; in cæ-  
 lo, ex solo Patre genitus; in terra ex sola  
 matre natus; qui nihil vnquam tibi mali  
 fecit, sed ad salutem tuam totis 33. an-  
nis laborauit, & nunc mori paratus est;  
 quid à me tibi causa datum est, vt me in-  
 nocentem traderes? [Osculo.] pacis sym-  
 bolo abuteris ad signum proditoris, vt o-  
 lim Ioab osculans interfecit Amasam. *2 Reg. 10*  
 Sciebas nihil mihi charius esse, quàm ar-  
 ctissimè tecum coniungi: & tu hanc con-  
 iunctionem amoris in necem conuertis?  
 [Tradis?] Illis me donas, qui me pessimè  
 oderunt, qui mihi omne malum inferent,  
 quibus nihil satis malorum pati possum?  
 Admirare in his omnibus Christi beni-  
 gnitatem, eamque imitare. Compatere  
 Domino, cui tam indigna sunt illata, à  
 seruo tot beneficiis affecto, & in nulla re  
 laeso; & considerans quanta ad impij hu-  
 ius proditoris conuersionem, quamque ef-  
 ficaciter dicat, confide te nō deferendum,  
 si cum dolore cordis ad ipsum redeas. Ora  
 igitur Christum, vt tibi amicus maneat,  
 gratiamque tibi largiatur, iniurias æquo  
 animo ferendi, & inferentes amandi.

*De auricula Malcho amputata.*

Luc. 22.  
Mat. 26.  
Mar. 14.  
Ioan. 18.

Videntes ij qui circa ipsum erant, quod futurum erat, dixerunt ei: Domine, si percutimus in gladio? Et ecce vnus de circumstantibus iis qui erant cum Iesu, Simon Petrus, exemit gladium, & percutiens seruum Principis Sacerdotum, amputauit illi auriculam dexteram. Erat autem nomen seruo Malchus.

CONSIDERA 1. Discipulorum feruorem, qui pauci numero non veriti sunt duabus cohortibus sese obiiicere, & pro Domino suo præsens periculum adire; vt tu tibi ne parcas, si quando res Christi agitur. 2. [Et ecce.] Res noua, vt Apostolus Domini gladio vtatur: mäsuetudinem docuit Christus, non pugnam, quæ tamen tunc ineunda est, quando Dei gloria periclitatur. 3. Petrus Apostolorum Princeps hunc gladium arripuit, cuius est, spiritali gladio putrida membra ab Ecclesiæ corpore refecare. 4. Amputat auriculam dexteram; quia à Petro excommunicati, efficiun-

DE PASSIONE DOMINI. 79

efficiuntur alieni, à diuinis rerū cælestium  
promissionibus: retinent aurem sinistram,  
qua post istius temporis solatia districti  
Iudicis maledictionem audiant. 5. Mal-  
chus (quod nomen regem significat) est  
feruus improbi Pontificis, quia qui in hoc  
mundo magnis honorū titulis oblectan-  
tur, re vera sunt mancipia vitiorum. Con-  
sidera 6. potentiam verbi Christi, [sinite  
hos abire.] Huius enim virtute factū est,  
vt nemo discipulorum, à tanta hominum  
turba quidquam incommodi pateretur.

Considera 7. Christi bonitatem, qua pas-  
sus non est, grauius damnum à Petro in-  
ferri, ne passione sua, quæ omnibus prodes-  
se debebat, alicui nocuisse videretur. Tu  
Christum roga, ne te auditu rerum cæle-  
stium priuet, neque aures tuas ad bona ob-  
duret, quin potius aures cordis tui aperiat,  
& moueat, vt ad iniquorum fabulatio-  
nem obsurdescens, audias quid in te lo-  
quatur Dominus.

Respondens autem Iesus, dixit: Sinite *Luce 22.*  
vsque huc. Dixit ergo Iesus Petro:  
Conuertere gladium tuū in vaginam.  
1. Omnes enim qui acceperint gla-  
dium, gladio peribunt. 2. An putas *Mat. 26.*  
quia



Ioan. 18.

quia non possum rogare Patrem, & exhibebit mihi modò plusquàm duodecim legiones Angelorum? 3. Calicem quem dedit mihi Pater, non vis vt bibam illum? 4. Quomodò ergo implebuntur scripturæ, quia sic oportet fieri?

Psal. 4.

CONSIDERA 1. [Sinite vsque huc.] hoc est, satis est, ne vlteriùs progrediare gladio & defensione. Non reprehendit Petri factum, sed ait sufficere; vt tu in defensione, atq. in ira modù serues, iuxta illud; Irascimini & nolite peccare. 2. has quatuor rationes, quibus Petrum monet ne passionem impedire conetur. Discis Christi pròpitudine ad patiendum, qui tot rationibus vtitur, vt pati permittatur. Tu verò omnes molestias pro Christi nomine suscipiendas refugis, omnesque rationes conquiris, vt nihil patiaris. 3. [Qui gladium acceperint] .i. qui propria auctoritate gladio fuerint vsi, nō tradito à Deo, lege merentur occidi; & si fortè non perirent gladio humano in hoc mundo, perituri tandem sunt gladio illo, qui paradisi aditum intercludit. Disce vindictam omnem Deo committere. 4. maximam Angelorum

gelorum  
bono  
qui t  
quod  
se ex  
[Cal  
licet  
quà  
tu n  
uita  
hom  
fidi  
dam  
nus d  
ob to  
afflig  
quar  
sione  
sionib  
nes o  
Grati  
pto a  
cessit  
vt tib  
mine  
eueni  
quod

DE PASSIONE DOMINI. 7

gelorum multitudinem, qui præstò sunt bonorum auxilio; vt discas Deo fidere, qui tot Angelis tui curam commisit. Nam quod de se hic affirmat Christus, hoc circa se expertus est Helizæus. Considera *5. 4. Reg. 6.* [Calicem quem dedit mihi Pater.] Calicem vocat Passionem. Eleuans potius quàm eius magnitudinem exaggerans; vt tu ne facilè querare de molestiarum grauitate. Fatetur à Patre sibi datum, ne tu hominibus aut dæmonibus adscribas afflictiones tuas, sed soli Deo, cum B. Iob à *Iob 1.* dæmonibus & hominibus vexato; Dominus dedit Dominus abstulit. Et disce non ob id Deum desinere esse Patrem, quòd affligat; sed tunc vel maximè esse Patrem, quando castigat. *6.* Impleri scripturas passione Christi, quæ similiter implentur passionibus tuis, quia per multas tribulationes oportet nos intrare in regnum Dei. *Act. 14.* Gratias age Christo, qui animo tam prompto atque parato ad passionem pro te accessit. Excita eius in te amorem, rogaque vt tibi desiderium infundat pro ipsius nomine patiendi, vtque in omnibus quæ tibi eueniunt, rationes excogites, id esse iustum, quod tibi accidit.

Et

Luc. 22.

Et cū tetigisset auriculam, sanauit eum.

CONSIDERA I. quanta benignitate Christus petulantis militis & atrocis hostis auriculam curarit, quem tali beneficio præuidebat nihilo fore meliorē; vt discas ad misericordiam, quā ad seueritatem esse propensior, bonoq̃ue malum compensare, tametsi aduersarius id non mereatur. 2. Efficaciam contactus manuum Saluatoris, vt discas virtutem Corporis Christi; cuius enim solius manus attractus hostis auriculam restituit, nōne eius totum Corpus in Eucharistia sumptum, amici animam simul & corpus curabit? 3. Christum passurum sanare auriculam. Hic enim ex præcipuis est fructibus passionis eius, animas nostras verborum Dei capaces efficere, easq̃. per fidem & Sacramenta curare. Voluit porrò Dominus, hoc ultimo suo ante mortē miraculo, hostes suos monere, vt aures ad verba Dei arrigerent, illisque auditis, malitiam deponerent. Deum admirare bonitatem Dei, rogaq̃ue, vt similem tibi misericordiam reddat, pro innumeris peccatis tuis.

MEDI-



## MEDITATIO XI.

*De captivitate Domini.***In illa hora dixit Iesus turbis, & ad eos** *Mat. 26.***qui ad se venerant Principes Sacer-**  
**dotum, & magistratus populi & se-**  
**niores: Tanquam ad latronem existis** *Mar. 14.*  
**cum gladiis & fustibus cōprehende-**  
**re me; quotidie eram vobiscum in** *Luc. 22.***templo, & sedebam docens, & non**  
**me tenuistis, nec extendistis manus**  
**vestras in me. Sed hæc est hora vestra,**  
**& potestas tenebrarum. Hoc autem**  
**totum factum est, vt adimplerentur**  
**scripturæ Prophetarum.****CONSIDERA 1.** quo loco sit habitus  
**Dominus tuus, nempè latronis, ad quem**  
**cohibendum, tanta manu armata opus**  
**fuisse videatur. 2.** quomodo doceat se non  
**esse latronem, vtpote qui nulli nocuerit,**  
**aut instar latronum latitarit; quin & bene-**  
**fecerit, & in occulto nihil, sed publicè**  
**semper docuerit; eiusque rei testes ipsos**  
**eosdem adhibet, quos necis suæ videbat**  
**astare ministros. Monet itaq. auditam abs**  
**se doctrinam vt in memoriam reuocent,**  
**ani-**

animumque mutant, quippe inuenturos se nihil quod non sanctum, eruditum, & salutare esse iudicabunt. Considera 3. quibus verbis potestatem faciat aduersariis in se scuiendi, sine qua nihil poterant. verba autem singula vim suam habent. [Hæc est.] quasi dicat, præsentia tantum vobis curæ sunt, de futuris nihil sollicitis; quod peccatorum, non iustorum est proprium. [Hora.] breue est tempus omne præsens: transit instar horæ omnis peccatorum voluptas, transit etiam omnis afflictio iustorum. [vestra.] tempus hoc breue vobis cōceditur, quidlibet vel pro salute, vel pro damnatione perficiendi; tempus, inquam, preciosum, quale post hanc vitam nullum amplius restabit. [Et potestas tenebrarum.] hoc est, potestas tenebricosa, tum quia peccatorum tenebris eam ipsi merentur accipere; tum quia ad tenebras inferni eadem vtenes ducuntur; tum quia in potestate impiorum regnant tenebræ; tum denique quia datur potestas dæmonibus principibus tenebrarum, omnia mala in Christum perpetrandi. Considera ergo & multitudinem poenarum Christi, & magnitudinem, quando permissum est malignis.

*Verbal  
proprium  
dignus*

lign  
ta  
pro  
mira  
per  
nes  
te o  
test  
tia  
Tu  
li  
Co  
rum  
& co  
ne n  
& fa  
deside  
delita  
templ  
verber  
intere  
quæ  
de ha  
Circu  
runt

DE PASSIONE DOMINI. 81

lignis spiritibus in malis inferendis exercitissimis, per hosce suos ministros eorū. promptissimos, Christum torquere. Admirare etiam hanc Christi pro te liberalem permissionem; gratias age, atque ad omnes pro ipso labores & dolores perferēdos te offer, rogaque ut non sit in tenebris potestas tua; sed à lumine fidei, & diuinę gratiæ procedāt & perficiantur actiones tuæ.

Tunc accesserunt cohors & tribunus, *Mat. 26.*  
& ministri Iudeorum, & manus in- *Mar. 14.*  
iecerunt in Iesum, & tenuerunt, & *Luc. 22.*  
ligauerunt eum. *Ioan. 18.*

CONSIDERA I. admirabilem horum in Domino tuo capiēdo insolētiā: & cogita inuidię magnitudinem, qua omne malum Christo inferre desiderabant; & facultatem à Domino concessam, qua desideria sua explere poterāt. Magna crudelitate captus fuit Apostolus Paulus ex *Act. 21.*  
templo vi abstractus, continenter pugnis verberatus, & verberibus propemodum interemptus; ac nihil ad hanc sēuitiā, quæ omnem sēuitiā superauit. Veteres de hac captiuitate prædictiones attende: *Psal. 21.*  
Circumderunt me canes multi, suscep- *Psal. 104.*  
runt me sicut leo paratus ad prædā; proli-

F

cientes



cientes me, nunc circundederunt me. Circundederunt me sicut apes, & exarserunt sicut ignis in spinis. Impulsus euersum ut caderem. 2. Expende verba Evangelistarum: [Cohors & tribunus & ministri.] Non pauci, sed vniuersus hic exercitus ad captiuitatem hanc laborabat; singuli aliquid conabantur. [Accesserunt.] magno impetu insiluerunt, ut affirmat B. Gregorius Nazianzenus, [manus iniecerunt,] non apprehendentes solum, sed grauitur cadentes, [tenuerunt.] Huc illic impulerunt, & (ut ait B. Leo) traxerunt. [& ligauerunt.] Heu quot vincula non ab vno, sed à tam multis iniecta, tum ne effugeret, tum ut tali habitu morte dignus ab omnibus palàm iudicaretur. Hæc vincula tibi, tuisque peccatis debebatur; quorum nisi particeps fueris, æternis inferni vinculis constringeris. Domino itaque tua causâ tam crudeliter victo compati, & gratiam habere studebis, rogabisque ut hac sua captiuitate, ab omni dæmonis te liberet potestate, omnibusque vinculis malarum cupiditatum, quæ in quoduis te peccatum dæmonis arbitrio trahunt, & impellunt, expediat; & spirituali restituat libertati,

*In Christo  
patiente.*

*Serm. 7.  
de pass.  
Domini.*

DE PASSIONE DOMINI. 83

libertati, vt de manu inimicorum libera-  
tus, seruias ei.

Tunc discipuli omnes relicto eo fu-  
gerunt. Adolescens autem quidam *Mat. 26.*  
sequebatur eum, amictus sindone su- *Mar. 14.*  
per nudo, & tenuerunt eum: ille au-  
tem reiecta sindone, nudus profu-  
git ab eis.

Considera 1. narrari hic duo, vnde in ca-  
piendo Christo, atque ducendo, furorem  
maximum, sæuitiamq. fuisse intelligas; v-  
num quidem fuga charissimorum disci-  
pulorum, quibus tantus fuit metus inie-  
ctus, vt licet amore feruerent, ad vnum  
tamen omnes diffugerint: alterum verò,  
quòd adolescens è vicina domo tumultu  
excitatus, de strato exurgens, linteo solo  
tectus, quid rei in platea ageretur inspe-  
cturus venerit; quem illi ex discipulis ali-  
quem arbitantes, comprehendere volue-  
runt; qui nudus relicto linteo diffugit. Ex  
quo intelligas, quanti clamores fuerint  
eorum, quasi capta iam præda; quanta ra-  
bies atque voluntas nocendi ijs omnibus  
qui Christum attingebant. Considera 2.  
Dominum tuum ab omnibus charis &  
amicis desertum manibus impiorum cru-

84 . M E D I T A T I O X I I .

deliter raptari. Disce non confidere in hominibus, qui in hac vita frequenter, in morte autem semper omnes deferunt. Et ora Dominum ne vnquam ipse te deferat, tamen si ab omnibus deferaris, praesertim verò in hora mortis tibi ne desit, quando vtique soli tibi, sine vlllo comitatu humano erit in aliam regionem abeundum.

M E D I T A T I O X I I .

*De gestis in domo Anna, & missione ad Caipham.*

*Ioan.* 18. Et duxerunt Iesum ad Annā primum: erat enim focer Caiphæ, qui erat Pōtifex anni illius. Erat autem Caiphās qui consilium dederat Iudæis, quia expedit vnum hominem mori pro populo.

C O N S I D E R A I. Christum ad Annā duci, vel vt deferretur socero Caiphæ, homini seni, successuro anno sequenti in Pontificatu, & in via ad Pōtificis domum habitati: vel propter proditorem, cui Annas (vt ait B. Cyrillus) capto iā Domino, stipendium prodicionis, de mādato sacerdotum persoluturus erat. Tu personarū affectus

*Lib. I. in  
Ioan. cap.  
37.*



affectus cōtemplare; gaudium crudele ne-  
 quissimi huius Annæ, de capto tandem  
 hoste exultātis; satellitum adulatoriā con-  
 gratulationem; Iudæ auaritiā recepta-  
 iam pecuniā; Christi modestiam, atque ad  
 patiendum pro te animi alacritatē. Con-  
 sidera 2. ipsius Caiphæ, eiusque de occi-  
 dendo Christo cōsiliij repeti memoriā 1.  
 vt significetur ille promouisse necem, qui  
 primus hoc consilium necis suggererat.  
 2. vt discas omnia quæ Domino tuo in hac  
 passione sua euenisse intelligis, non tam  
 humano ipsi cōsilio, quàm diuina volun-  
 tate accidisse: siquidem verba illa de nece  
 Domini, tametsi Caiphas malo animo  
 protulerit, spiritus sancti tamen instinctu  
 dixit, qui impiorum verba ad vtilitatē iu-  
 storum moderari solet; teque hic docere  
 voluit, sola humani generis dilectione à  
 Deo Patre iniunctā, & à Deo filio susce-  
 ptam esse tam atrocem passionem: vt tu  
 vicissim toto corde, & animo in Dei amo-  
 rem feraris. 3. vt scias Deum non obli-  
 uisci malorum præteritorum, tametsi ea  
 tibi fortassis exciderūt. Omnium enim &  
 memoria retinetur, & in mortis hora ra-  
 tiones reperentur.

*Ioan. 18.**Mat. 26.*

Et misit eum Annas ligatum ad Cai-  
pham Pontificem, principem sacer-  
dotum, vbi scribæ & seniores conue-  
nerant.

CONSIDERA 1. in Annæ domo Chri-  
stum Dominum nonnulla pertulisse in-  
commoda. Verbum enim [misit] nō obi-  
ter diuerfisse, aut leuiter transijfisse, sed ali-  
quātisper hæfisse significat: verum illa quæ  
fuerint, tecum ipse scrutare: nam alapam  
in domo Caiphæ inflatam esse, B. Cyril-  
lus ait, voluntq. nonnulli verbum [misit]  
pro miserat Hebraismo accipiendum esse.  
Considera 2. quid sibi velit illud, [li-  
gatum,] nimirū vel additis nouis vincu-  
lis, vel non solutis prioribus, vt noxius &  
vinculis dignus, etiam huius Principis iu-  
dicio haberetur, & condemnaretur. Vt ve-  
rò non compatitur impius Pontifex vin-  
cto, sic nec tu compateris afflicto pauperi,  
nec animæ tuæ peccatorum vinculis gra-  
uiter astrictæ. Considera 3. difficile hoc  
iter in quo ad nutum improborum Do-  
minus tuus immaniter trahebatur funi-  
bus, & impellebatur verberibus. Verè am-  
bulabat vias difficiles, vt viam æternæ pa-  
triæ tibi complanaret, tuq; viam manda-  
torum

*Lib. 11.**in Ioan.**cap. 3. 8.*

torum Dei sine molestia curreres. Considera 4. & cum Domino tuo ingredi in consilium hoc malignanteū; vide hic confidentes vitulos multos & tauros pingues, obsidentes agnum innocentissimum, [scribas,] Doctores legis, [seniores] magistratus populi, [Pharizæos,] Iudæorum quasi religiosos, ventri deditos, insolentes, crudeles. Tu ne consentias consilio & actibus eorum, sed pauperem eripito de manu potentis, ut etiam tui misereatur Dominus in die angustiarum. Psal. 22.

Sequebatur autem Iesum Simon Petrus Ioan. 18. à longe, & alius discipulus. Discipulus autem ille erat notus Pontifici, & introiuit cum Iesu in atrium Pontificis. Petrus autem stabat ad ostium foris. Exiit ergo discipulus alius qui erat notus Pontifici, & dixit ostiarum; & introduxit Petrum usque in atrium Principis sacerdotum. Et ingressus intro, accenso igne in medio atrii, circumfidentibus illis, erat Petrus in medio eorum, & sedebat cum ministris ad ignem, ut videret finem, & calefaciebat se. Mat. 26.  
Mar. 14.  
Luc. 22.

CONSIDERA I. quod sese contulerint



fugientes Apostoli tantò satellitum furore perculsi, & in fide diuinitatis Christi iam vacillantes & dubij. Quis enim credat, Deum talia passurū, præsertim si pro recepta Iudæorum opinione temporalibus bonis virtutem compensari putat? Petrum vide eminus sequentem & præ ceteris amantem non nihil animi resumpsisse, vt ministris se miscere non dubitet, timidè tamen, minusque constanter, vnde & latere se posse credebat. Considera 2. discipulum alium, siue B. Ioānem, vt est communis sententia, indiuiduum Petri comitem; siue quempiam occultū Christianum, ciuem diuitem, in domum Pontificis pro familiaritate introeuntem, Petro vt paupere atque ignoto pro foribus expectante. Pauperibus enim non patet accessus ad ædes magnatum, & si fortè admitti contingat, maximi tribuitur muneris loco, si mancipiis pares habeantur. Tu ne aulæ eiusmodi voluptate capiaris, neue malorum te immisceas societati: si necessitas cogat, exi quātocyus, ne innocētia tua malorum consuetudine inficiatur. Considera 3. Petrum minus ordinatè, sed amici & mulierculæ fauore Pontificis aulam ingres-

ingressum. Tu itaque dignitates neq. adibis fauoribus, neque saminarum gratia aucupaberis, nec fraude aut vitio irrumperes, nisi exemplo Petri præcipitium expectes certissimum. Ipsas autem dignitates iam & legitimè consecutus, & Pontificis aulam directa via ingressus, non improbis te adiungas, neq. malorū exempla intuearis; sed ad conclaue penetrans interius; Dominum tuum qui te vocauit, tibi semper ob oculos ponas. Hæc tu pete à Christo, rogans vt trahens te post se, non te deserat in æternum.

## MEDITATIO XIII.

*De alapa in domo Caiphe.*

Pontifex ergo interrogauit Iesum de *Iean. 18.*

discipulis suis, & de doctrina eius.

Dixit ei Iesus, Ego palā locutus sum mundo, ego semper docui in synagoga & in templo, quo omnes Iudæi conueniunt, & in occulto locutus sum nihil. Quid me interrogas? Interroga eos qui me audierunt, quæ locutus sum ipsis, ecce hi sciunt quid dixerim ego.

Sep. 2.

CONSIDERA 1. cum haecenus in omni vita Christi nihil obseruassent morte, sed ne vinculis quidem dignum, conatus est Pontifex frandulentis quibusdam interrogationibus aliquid ex responsis eius elicere, quod criminis ei loco obiici posset. Non enim peccatum Christi hæc vincula iniecit, sed inuidia Iudæorum, cuius inuidiæ causas 14. apud Sapientem enumerat scriptura, Quoniam inutilis est nobis, &c. 2. interrogauit de doctrina an ne à Moysè non discreper; & de discipulis, quo eos animo delegerit, qua doctrina informaret; quo ipsi in legem sint animo. Hic tu de Christi doctrina interroga, ut eam sequaris; & de discipulis, ut eorum mores imiteris 3. Christus intrepidè respondet, nihil veritus Pontificè, aut confessum tot magnatum; ut tu in causa Dei ne metuas. De discipulis porro tacet, tum quia commendare non poterat, & accusare nolebat, ut nullius tu famam eleues; laudes si possis, si minimè possis, ne detrahas tamè; tum quia discipulorum causa cum quæstione de doctrina implicata esset, cuius responsio satisfaceret Pontificis quæstioni. Considera 4. puritatem doctrinæ Christianæ, quam



DE PASSIONE DOMINI. 91

quam Dominus hostibus suis examinandā proponit. [Locutus sum palam,] quod signum est cādoris doctrinæ. [Mundo,] nemo ab ea audienda excipitur. [In occulto nihil.] nihil impurum, quod lucem *Mat. 10.* oderit, aut fugiat. Nam quę priuatim dixi, ea volui etiam omnibus aperiri in lumine, & in tectis prædicari. Considera 5. vitio dari Pontifici, quod quę tam apertē Christus docuerit, ipse ignoret. Ad hunc sanē modum plerique magnates, & docti, non adeunt conciones, vel ne conscientiaē stimulis moueantur, vel quia externis immerſi, ea minus necessaria, quæ animam concernūt, arbitrātur. Tu in verbis Domini meditare iugiter, eumq. roga, vt verborū suorū tibi semper memoriā proponat.

Hæc cū dixisset, vnus ministrorū *Ioan. 12.* dedit alapā Iesu, dicens: Sic respondes Pontifici?

CONSIDERA 1. hanc alapam impingi, tum quia occultē pūgebantur hi ipsi ministri, qui ad apprehendendū Dominum *Ioan. 7.* missi, re infecta domum reuersi sunt, dicentes, Nunquam sic locutus est homo; tum ex adulatione, quia videbatur minus reuerenter dictum Pontifici, [Quid me in-  
terro-

terrogas?] Arrogantibus ac superbis hominibus illud maximè propriū est, vt honorificè agi secum velint, titulisq. suis nihil detrahi patiantur; qui tamen iuramentis, periuriis & blasphemis, diuinum nomen & honorem violant. Disce multos esse, qui diuitum & magnatum iniuriam vlciscantur; qui Christi & pauperum, neminem. Considera 2. istius iudicij iniquitatem, vbi impunè, & applaudentibus iudicibus, nocendi quilibet habet potestatem. 3. Hanc alapam maximè fuisse crudelitatis; cuius solius fit peculiaris mētio, præter cæteras quas magno numero & iam prius acceperat Dominus, & postea accepturus erat. Tu Christi & aliorum admonitiones disce grato ferre animo; inò verò ora Dominum, ne quid à te fieri patiatur, cuius non te vel per alios, vel per conscientiam tuam arguat.

*Joan. 18.* Respondit ei Iesus, si malè locutus sum, testimonium perhibe de malo; si autem benè, quid me cædis?

*Mat. 5.* CONSIDERA I. Christum, qui suos docuerat præbere alteram maxillam, percutienti vnā, nihil facere repugnās doctrinæ suæ; tum quia nō solū maxillam, sed vniuer-

DE PASSIONE DOMINI. 93

vniversum corpus & verberandū & configendum obtulit; tum quia hoc loco nihil questus est, nullam iniuriam retulit, non repugnauit, sed verberatē docuit, atque ad conscientiam suam modestè remissit. 2. noluisse Dominū tacere omnino, ne quoquo modo videretur iustè aliquid pro peccatis suis passus, qui non pro suis, sed pro nostris delictis sustinuit. Admirare, & imitare Domini tui benignitatem, qui tām iniuriam neque verbo est vltus neque facto. Tu ab eo impetra constantiam animi & mansuetudinem, vt mitis sis & humilis corde.

MEDITATIO XIII.

*De negatione Petri.*

Petrus verò sedebat foris in atrio deorsum: quem cū vidisset ancilla ostiaria summi sacerdotis, sedentem ad lumen, & calefacientem se, & eum fuisset in tuiā, dixit: Et hic cum illo erat: & accessit ad eum ancilla dicēs: Nunquid & tu ex discipulis es hominis istius? Dicit ille, nō sum: & negauit

Mat. 26.

Mat. 14.

Luc. 22.

Ioan. 18.



gavit coram omnibus dicēs: Mulier non noui eum, neque scio neq. noui quid dicas: & exiit foras ante atrium; & gallus cantauit.

CONSIDERA 1. cū Apostoli omnes, uti prēmouerat Dominus, scandalū passi sint, solius tamen Petri negationes ab Euangelistis, & quidem omnibus recenseri; tum quia ita nouum & incredibile videretur, Petrum posse Christum negare, ut hoc eius peccatum nec ab ipsis Euangelistis cōprehendi potuerit; tum quia superiorum errores à pluribus conspiciuntur; tū ut ex peccato illius, qui fundamentum erat Ecclesię, tu & alios discipulos scandalum passos esse ne dubitares, & de viribus tuis ne præsumeres; quia nullū peccatum facit homo, quod non faceret alter homo, si desit Rector per quem factus est homo. Considera 2. quādo neget Petrus? nocte, & cū frigus esset. Si lumē veritatis aspicere nolis, & in actionibus tuis ad Christum in conscientia tua te cōuertere; & si refrigescat in te Charitas Dei & proximi, ne dubites te lapsurum vel in errores fidei, vel in grauiora delicta. Considera 3. vbi neget?

neget? vbi nimirum Christus captus & li- *Amb.in*  
 gatus est, in consortio malorum, in collo- *Lucam.*  
 quio mulieris. Hæc tu fuge, si velis esse  
 pius. Et quamuis B. Cyrillo D. Petrus ne- *Lib. 11.*  
 gasse Dominum videatur non tam metu, *in Ioan.*  
 ne quid mali pateretur, quàm quodā qua- *cap. 41.*  
 si amore, ne domo pelleretur, Christi quæ  
 præsentia priuaretur; graue tamen com-  
 misisse peccatum certissimum est. Cauebis  
 ergo ne tu vilo pietatis prætextu legē Dei  
 atque Ecclesiæ transgrediaris. Neq. enim *Rom. 3.*  
 facienda sunt mala, vt eueniāt bona. Con- *Aug. tract.*  
 sidera 4. nō solum ab eo negari Christum *113. in*  
 qui dicit Iesum non esse Christum, verum *Ioan.*  
 & ab illo, qui cū sit, negat se esse Chri-  
 stianum, Christi quæ discipulum; & hoc non  
 verbis modò fieri, sed etiam factis, ab his  
 qui confitentur se nosse Deum, factis au- *Tit. 1.*  
 tem negāt, Putas enim (ait B. Bernardus) *Hom. in*  
 filium Dei reputat Iesum, quisquis ille est *ostiana*  
 homo, qui ipsius nec terretur commina- *Pascha.*  
 tionibus, nec attrahitur promissionibus,  
 nec præceptis obtemperat, nec consiliis ac-  
 quiescit? Tu igitur quoties Christum ne-  
 gasti? & tamen cum Petro ad pœnitentiā  
 non reuertisti. 5. Gallus cantauit, sed ab  
 occupato non obseruatus; quia necdum  
 respicie-

respiciebat Petrū Dominus. Tu nullō vnquam tempore sic negociis aut peccatis immergaris, quin & Dei intus loquentis vocem attendas, & proximum foris audias monentem.

*Mat. 16.*

*Mat. 14.*

*Luc. 22.*

Exeunte autē illo ianuam, vidit illum alia ancilla, & ait his qui erant ibi: Et hic erat cum Iesu Nazareno. Et alius videns illum, dixit: Et tu de illis es. Petrus verò ait: O homo non sum. & negauit cum iuramento, quia non noui hominem.

CONSIDERA 1. vt Petrus flagrans desiderio videndi Domini, qui in interiori & superiori aula, coram concilio victus stabat, non domū, sed atrium inferius egressus, aliquid de Christo explorare conatus sit; vt tu omnes vias & modos excogites & rentes, Dōmino tuo in meditationibus tuis fruendi, eumque per virtutum opera consequendi. Considera 2. quòd daemō si victor semel euadit, reuersus sæuiat atrocius, & grauius lædat. Prius vna ancilla, & quidem modestè Petrū aggressa est; accessit deinde ad ancillam ministroiū aliquis; denique multi simul, & grauissimis verbis vrsērūt, & quasi oppresserūt. Vnde  
Petrus



Petrus 1. simplicibus verbis negavit.

2. adiecit iuramentum. 3. coepit anathematizare & detestari. Cauebis ergo ne te vnquā diabolus superet, quia Christi morte semel victus sola resistentia fugatur, iuxta illud: Resistite diabolo, & fugiet à vobis. *Iac. 4.* Considera 3. Petri casum. 1. de se præsumpsit 2. in horto dormiuit. 3. condiscipulos reliquit. 4. malorum consortio se adiunxit. 5. negavit. Itaque initium lapsus, est præsumptio & negligentia diuini cultus.

Et interuallo facto quasi horæ vnius, *Luc. 22.*

alius quidam affirmabat dicens: Verè & hic cum illo erat. Nam & Galilæus est. dixerūt ergo ei: Nunquid & tu ex discipulis eius es? Negavit ille & dixit, non sum. Et accesserunt qui astabāt & dixerunt: Verè & tu ex illis es, nam & Galilæus es, & loquela tua manifestū te facit. Dixit ei vnus ex seruis Pontificis, cognatus eius cuius abscidit Petrus auriculā: Nōne ego te vidi in horto cum illo? Ille autem coepit anathematizare, detestari, & iurare, quia nescio hominem istum quem dicitis, & continuo ad-

G

huc

Mat. 14.

Luc. 22.

huc illo loquente gallus iterum cantauit: & conuersus Dominus respexit Petrum: & recordatus est Petrus verbi Domini, sicut dixerat, Quia priusquam gallus cantet bis, ter me negabis, & egressus foras Petrus fleuit amare.

CONSIDERA 1. Petrum reuersum ad ignem, vt suspicionem à se amoueret, liberior fuisse cum ministris collocutū. Nam ex sermone indicatus est Galilæus. Tu itaque qui Christi seruus es, ne sermonē cum improbis misce; sint colloquia tua sublimia, qualia Apostolorum fuisse ex Apostolicis Actis, atque ex eorū Epistolis intelligis. Qui enim seculariū vanis sermonibus oblectatur, faciliè & eorum mores imitabitur, & igne caleſcet, & studiis capietur. 2. Petrus ex sermone est agnitus Christi discipulus, & Galilæus. Tu quoque sic totum te compone, vt Christi ſectatorem te eſſe, & Galilæum, hoc eſt, à mūdana ad ſpiritualem vitam tranſmigrantem, atque ad cælum aspirantem, omnes vel ex ipſa externa conuerſatione agnoſcant. Conſidera 3. Chriſti in ſuos benignitatem: Tot malis ipſe oppreſſus, ſui tamen quaſi oblitus

obliuſus, diſcipuli curam non omiſit; vlti-  
 rius peccando ne progredetur cohibuit;  
 & poſt tertiam negationem, ſubſiſtere coë-  
 git; intuitus eum, non corporis oculis (id  
 enim non poterat, in ſuperiore cubiculo  
 vinctus, & miniſtris vndique circūſepus)  
 ſed internis miſericordiæ radiis ad ipſum  
 conuerſus, quibus cor tetigit, illuſtrauit,  
 & emolliuit. Chriſti enim intuitus illumi-  
 nat conſcientiam, vt peccata agnoſcantur,  
 perinde vt ſolis radius cubiculum. Conſi-  
 dera 4. ordinē huius conuerſionis. 1. gal-  
 lus cantauit. 2. Dominus reſpexit. 3. Pe-  
 trus recordatus eſt verbi Ieſu. 4. egreſſus  
 eſt. 5. fleuit amarè. Sine Chriſti intuitu  
 fruſtra cantat gallus. Tu igitur concio-  
 natores & admonitores audi vt gallos; ora  
 vt ad te ſe conuertat Dominus: verba au-  
 dita reuolue. Fuge malorum occaſiones,  
 & age pœnitentiam. Magna eſt hic tibi,  
 etiam grauiffimo peccatori fiducia veniæ,  
 quando tantum peccatum miſericordia  
 Domini, talē veniam meruit, vt illud Pe-  
 tro nunquam Chriſtus obiecerit. Sed qui  
 cum Petro peccaſti, non te excuſes cum  
 Adamo, verum lachrymas emitte cum Pe-  
 tro, qui teſte B. Clemente, toto vitæ ſuæ

*Lib. 2. re-  
 cognit.*



tempore, semper post primum galli cantum, ad orationem confurgens, somno non amplius indulgit.

## MEDITATIO XV.

*De falsis testibus in domo Caiphae.*

Mat. 26.

Mar. 14.

*figura 3. regum*

*principes*

*grac man*

*to lazare*

*ex produca*

*nt falsos te*

*st Nabeth*

*um n. thm*

*is. Samm*

*at*

Principes autem Sacerdotum, & omne consilium, quærebant falsum testimonium aduersus Iesum, ut eum morti traderent, & non inueniebant, cum multi falsi testes accessissent. Multi enim falsum testimonium dicebant aduersus eum, & conuenientia testimonia non erant. Nouissimè autem venerunt duo falsi testes, & surgentes, falsum testimonium ferebant aduersus eum, dicentes: Hic dixit, quoniam nos audiuius eum dicentem: Ego dissoluam hoc templum Dei manufactum, & post triduum aliud non manufactum edificabo; & non erat conueniens testimoniū illorū.

CONSIDERA I. Pontificem, cum nihil ex Christi verbis morte dignum elicere posset,

posset, præsentēs, qui eius concionibus  
 frequentes adfuerant, percunctatum esse,  
 singulosq. id attulisse, quod ad eius dam-  
 nationem facere putabant; fuisseque solli-  
 citos, vt crimen aliquod capitale adduce-  
 rent, iuxta illud; Scrutati sunt iniquitates, *Psal. 63.*  
 defecerunt scrutantes scrutinio; cogitaue-  
 runt consilia, quæ non potuerunt stabilire. *Psal. 20.*  
 Considera 2. puritatem vitæ Domini tui,  
 quæ tanta erat, vt difficile fuerit tale men-  
 dacium de eo comminisci, quod veri spe-  
 ciem, ipsorum etiam aduersariorum testi-  
 monio, haberet. Disce tu 1. iniuste nemi-  
 nem accusare, quia detractor, & falsus te-  
 stis, ad famæ restitutionem obligantur.  
 2. mendacia omnia fugere, quia ne ipsis  
 quidem malis potest placere mendax. 3. ad  
 Christi imitationem sic viuere, vt etiam fi-  
 dei hostes in vita tua nihil habeant, quod  
 obiciant; sed ex bonis operibus te consi-  
 derantes, glorificent Deum Patrem. *1 Pet. 2.*  
 4. nunquam aduersus conscientiam tuam  
 rationes quærere excusandi peccati. Falsa  
 enim sunt, & non conuenientia testimo-  
 nia, quæ Deus non ignorat, & quibus con-  
 scientia non pacatur. Considera 3. hos  
 duos falsos testes in medium surgentes,

quorum præter cæteros testimonia referuntur, vel quia maioris momenti, ut ex illis vanitatem cæterorum noris; vel quia mysterium Dominicæ mortis, de quo nunc agitur, continent; sed conuenientia non erant: 1. quia testes inter se non conuenirent, hoc dicente, [destruam;] altero, [possum destruere.] 2. quia falsa; nullum enim fecerat Dominus verbū destructionis, vel reædificationis; sed dixerat [soluite,] & [excitabo,] de morte & resurrectione sua locutus. 3. quia nulli damnum intulisset, si quod destruxisset, post triduum restituisset. 4. quia non videbatur vires excedere illius, qui Lazarū quadriduanum excitasset. 5. quia sola eiusmodi verba, etiam falsa & iactantis hominis, non tam mortem, quàm irrisum & contemptum mereri videbantur. Tu discere 1. Christi verba in alios sensus non torquere. 2. nihil aliter quàm gestum sit, referre. 3. ex aliorum factis vel dictis, quæpium sensum admittunt, nunquam sinistrè de eorū animo, vel intentione iudicare. Compatere etiam Christo Domino, in cuius interitum & detrimentum, tam multum multi laborant; rogaque illum,

ut

Ioan. 2.

DE  
utve  
non  
Et su  
di  
N  
tib  
u  
ta  
su  
po  
tu  
Co  
te ve  
quod  
dem  
tific  
tione  
depre  
scien  
fuisse  
rat.  
tum  
conli  
quen  
cet t  
cia c



vt vero scripturarū intellectu instructum,  
non te patiat in hæreses labi.

Et surgens summus Sacerdos in me- *Mat. 26.*  
dium, interrogauit Iesum, dicens: *Mar. 14.*  
Non respondes quicquam ad ea quæ  
tibi obiciuntur ab his; quæ isti ad-  
uersum te testificantur? Iesus autem  
tacebat, & nihil respondit. Rursus  
summus Sacerdos ait: Adiuro te  
per Deum viuum, vt dicas nobis, si  
tu es Christus Filius Dei benedicti.

CONSIDERA 1. Cum nihil vel mor-  
te vel accusatione dignū esset inuentum,  
quod quasi crimen apud gentilem Præsi-  
dem Pilatum obici posse videretur, Pon-  
tificem ira commotum, denuò interroga-  
tiones instituisse, vt ex responsis aliquid  
deprehenderet. Dictabat ei quidem con-  
scientia, nihil alicuius momenti allatum  
fuisse; exaggerat tamen quæ falsa noue-  
rat. Considera 2. Christum tacuisse,  
tum, quia non ignorabat singulis suam  
conscientiam respondere; tum ne elo-  
quentia sua mortem subterfugeret. Do-  
cet te 1. iniurias omnes, & menda-  
cia contemnere, patienterque tolerare,

partim, quia licet fortassè in eo quod obicitur, sis innoxius, aliis tamen multis, quorum à nemine accusaris, Deo peccaueris; partim, quia ex eo deterior non es, quòd ab aliis malus habearis; cùm talis sit vnusquisque, qualis est in oculis Domini. 2. ne responso quidem dignari eos, qui iniuriam inferunt; quia tales sua ipsorum arguit conscientia. Considera 3. quid ta-

*psal. 108* cens interea egerit Dominus: Pro eo, inquit, vt me diligerent, detrahebant mihi, ego autem orabam. Orabat igitur, vt ad te transiret fructus passionis huius. Itaque in omni mètis angustia, te quoque ad Christum conuertes. Fieri enim non potest, vt memor iniustæ huius accusationis suæ, non misereatur tui in calumniis, & falsis contra te delationibus. Considera 4. Pontificem malè hoc Domini silentium interpretantè, vt adiuratione his verbis: [Adiuuro te,] seu vt Græcis est, Exorcizo te, qua voce vtimur in dæmonum coniurationibus. Expende quis habitus fuerit Dominus tuus, existimatus nimirum obsessus à diabolò. Coniuratione autem sua, duo Pontifex postulauit, 1. sitne ipse Christus, hoc est, Messias in lege promissus. 2. an sit Filius

Filius Dei. Ideò enim occisus est, quia erat Christus; ideoque humanum genus sua morte redemit, quia filius erat Dei, æquali nimirum maiestate, cū offenso Deo Patre.

Iesus autem dixit illi, Tu dixisti: Ego *Mat. 26.*  
sum. Veruntamen dico vobis, Amo- *Mar. 14.*  
do videbitis Filium hominis seden-  
tem à dextris virtutis Dei, & venien-  
tem in nubibus cali.

CONSIDERA 1. Christum adiuratum per nomen Dei viui, vlteriùs non tacuisse; tum, ne tacendo videretur mortem fugere; tum, vt tu diuinum nomen semper reuereris. [Tu dixisti.] i. sic est vt dicis, vtq. tibi conscientia tua testatur. Considera 2. mentionē facere iudicij futuri verbis Da- *Dan. 7.*  
nielis: 1. quidem, vt calumniam affectati regni amoueret, quia non quæreret terrenum regnum, sed cæleste atque æternum. Deinde verò, vt timore futuri iudicij, à malo iudicio nunc abstinere. Disce 1. in actionibus tuis memorari nouissima tua. 2. in calumniis habere patientiam, quia potestas tibi dabitur iudicandi calumniatores tuos, & eos qui te affixerunt. 3. Semper quidem, sed maximè in fine vitæ cōfiteri veritatem, etiam cum summo



corporis & rei familiaris detrimento: & roga Dominum, vt salubri timore confingat carnes tuas, meditationeque passionis suæ, cor tuum accendat.

## MEDITATIO XVI.

*De prima Christi damnatione,  
& illusione.*

*Mat. 26.* Tunc Princeps Sacerdotum scidit vestimenta sua, dicens: Blasphemauit. Quid adhuc egemus testibus? Ecce nunc audistis blasphemiam: Quid vobis videtur? At illi respondentes, dixerunt: Reus est mortis.

*Mar. 14.* Sicut quando grauior aliquis casus sese offerebat, grauiusque accidebat malum, qualis sine dubio est blasphemia; scindebant, seu lacerabant vestes Iudæi, eoque signo rei grauitatem declarabant, quæ & cor dolore scinderet, & digna sit, quæ cum honoris & bonorū iactura vindicetur: Pontifici autem, huiusmodi vestimentorum scissio prohibebatur hac lege: Pontifex caput suum non discooperiet, vestimenta non scindet: Nihilominus tamen indoctus hic Pontifex, legem ignorans, & vestem con-

conscidit, & eam scindendo, finem Pontificatui Iudaico imposuit. Disces itaque Dei iniuria commoueri, etiam incommodo tuo, rerumque tuarum detrimento.

Considera 1. quæ de Domino tuo fuerit Iudæis opinio. Habitus fuit 1. impostor seu incantator. Vnde Iudas, Ducite eum

cautè, ne præstigiis oculos inuoluens, vobis elabatur. 2. iniurius hominibus: Sic, ait, respondes Pontifici? 3. obsessus à diabolo, in exorcismo & coniuratione Pontificis.

4. Blasphemus in Deum. 5. Pseudopropheta, in sequentibus irrisionibus ministrorū. Ecce quibus titulis honoratus fuit hac sua passione Dominus tuus. Cōsidera

2. quo animo audierit Christus hanc vnanimem omnium vocem, [Reus est mortis:] & quidem ab his quorum mortuos suscitauerat, quorū curauerat infir-

mos, quorū utilitatē promouerat. Admirare impiorū malitiā, Christiūq. mansuetudinē, qui hac mortis sententia nihil motus, paratū se ipse obtulit, etiā pro interficientibus mori. Roga itaq. vt hæc mortis sentētia te liberet à sentētia mortis eternę.

Et viri qui tenebant Iesum, illudebant

ei, cædentes. Et expuerunt in faciem

eius,

*bolis mar*

*nis phar*

*rescriptis*

*apostolis*

*firmatæ*

*impositura*

*receptio*

*Figura Iu*

*pharisei*

*cum san*

*ctam in*

*basent in*

*un covam*

*indere est*

*Luc. 22.*

*ipsum sem*

*ta ad*

*se man*

Mat. 26.

Mar. 14.

eius, & colaphis eum ceciderunt, & velauerunt eum, & percuriebant faciem eius, & interrogabant eum, dicentes; Prophetiza nobis Christe, quis est qui te percussit?

CONSIDERA 1. Christum in concilio, non solum vinculis ligatum, sed multorum manibus detentum fuisse, qui prolata iam mortis sententia, tãquam damnatum, & in quem peccare non poterant, sæuissimè tractauerunt. Auxit crudelitatem diabolus, qui quòd nihil peccati tota eius vita obseruasset, his poënis aliquam impatientiam mouere cupiebat. Considera 2. tunc in Christum ita sæuitum esse, quando se fassus est Filium Dei. Tunc enim tibi sunt expectandæ ab hominibus atque dæmonibus tentationes, quando vitæ, morumque mutatione, filium te esse Dei commonstraris. Considera 3. illusionum genera fuisse quatuor. 1. ceciderunt pugnīs, planaque manu caput, collum, faciem. 2. expuerunt in faciem sordida pectoris phlegmata. 3. faciem velauerunt, quæ mitis admodum suauitate sua, impetum eorum & impietatem remorari videbatur. 4. addiderunt conuitia verborum. [Prophetiza,]



tiza,] quasi dicant, non es verus Propheta,  
sed pseudopropheta. Tu ab his illusioni-  
bus caue. Nam 1. Christum cædis, si laedis  
proximum; & caput quidem, si superiores;  
colaphis, si occultè; faciem, si apertè. 2. cõ-  
spuis, si sordidis cogitationibus conscien-  
tiam maculas. 3. faciem velas, si oppressa  
conscientia in peccato perseveras. 4. con-  
uitiaris, si Christi promissionibus aut mi-  
nis non credis. Caue tibi, ne Iudæorum  
imitatus peccata, eorum consequaris pu-  
nitionem. Nam illi & velamen habent in  
corde, ne Christum agnoscant; & ubique  
omnibus irrisui habentur; & multis sæpè  
conuitiis verberibusque afficiuntur, ex osi  
Deo & hominibus: rogaque Dominum, vt  
hæc eius opprobria te ab æternis animæ  
opprobriis liberent.

Et alia multa, blasphemantes dicebant *Luc. 22.*  
in eum.

**I N G R E D E R E** in Pontificis aulam, &  
vide quid nocte tota improbi ministri ege-  
rint, & Christus passus sit. Theophylactus *In Luc. 22.*  
ait, ex hesternâ crapula ebrios, multa pe- *Psal. 68.*  
tulanter effudisse, iuxta illud. In me psalle-  
bant, qui bibebant vinum. & quia Euan-  
gelista his paucis verbis, totius noctis la-  
borem

IIO MEDITATIO XVI.

borem absoluit; tu inspicere vaticinia Prophetarum, quid de his illusionibus dicant. *Isa. 50.* Isaias, Corpys meum dedi percutientibus, & genas meas vellentibus: faciem meam non auerti ab increpantibus, & conspuentibus in me; faciem meam posui vt petram durissimam. *Thren. 3.* Hieremias: Dabit percutienti se maxillam: satiabitur opprobriis. *Iob: 16.* Aperuerunt super me ora sua; exprobrantes percusserunt maxillam meam; satiati sunt poenis meis. Significatur 1. totum Christi corpus diris modis percussum; fustibus, pugnis, & calcibus verberatum; atque in terram deiectum, pedibus conculcatum: hoc enim videtur sonare illud: Dedi corpus meum percutientibus. 2. barbam crudeliter euulsam facie cruentata. 3. vultum Christi pugnis confusum & huiusmodi. 4. varia sanctorum & illusionum genera; denique nihil pratermissum quod ad poenam excogitari poterat. Satiati sunt (inquit) poenis meis. Existima enim, sic de voluntate Pontificum à ministris exceptum fuisse hac nocte Dominum, vt licet cruci non affigeretur, vitam tamen diutius naturaliter prorogare non posset. Vnde mirandum non est, quòd citius

## DE PASSIONE DOMINI. III

citiùs opinione Pilati ex hac vita decesserit. Tu porrò in Christum ipsum intueri; vide faciem ad verbera expositam, amabilem, oculosque spirantes amorem, eoque maiorem præ se ferentes charitatem, quo magis verberibus contunderetur Dominus. Sacerdotes iam ad quietem discesserant, & vicissim ministri ad somnum se componebant; soli spòso animæ tuæ quies nulla dabatur; cui somnus alius non erat capiendus, quam in lecto crucis. Roga eū, *Figura 15*  
 vt hæc eius nocturnā inquietudo, animæ *Phil. 7. 14*  
 tuæ quietem adferat æternam. *vult ligatae samsonis*

## MEDITATIO XVII.

*De secunda Christi damnatione in  
 domo Caipha.*

Et confestim mane factō, vt factus est *Mat. 27.*  
 dies, conuenerunt omnes principes *Mat. 27.*  
 sacerdotum, & seniores populi, & *Luc. 22.*  
 scribæ, aduersus Iesum, vt eū morti  
 traderent; & duxerunt illum in concilium suum, dicētes: Si tu es Christus, dic nobis.

CON-



CONSIDERA 1. iam secundo conuenire consilium, tum vt plures in Christi damnationem consentirent ( nocte enim nonnulli fortassis abfuerāt ) tum vt quod nocte iudicatum erat, id luce confirmaretur. Conuenerunt porro tres ordines hominum, sacerdotes, seniores populi qui magistratum civilem constituebant, & scribæ, sub quibus etiam Pharizæi intelligendi sunt, Iudæorū religiosi: vt discas 1. omnes homines attulisse causam mortis Domino. 2. Christum pro omnibus mortem obiisse. 3. omnes homines meritò se peccatores agnoscere debere, atq; à Christi morte medelam quærere. Considera 2. hanc quæstionem, [ Si tu es Christus, ] tota nocte agitatam, quæstionem esse diaboli Christum tētantis, Si filius Dei es; & eorum qui Domino in cruce insultabant, Si tu es Christus, saluum fac te ipsum: Significatur 1. eos qui de fide dubitant; & filios esse diaboli, & in nocte versari. 2. omnium peccatorum hoc esse vitium, vt ignorent quis sit Christus. Alij volunt diuitem, nobilem &c. nolunt consputum, despectum, pauperem: alij arbitrantur austerum, morosum; ignorant quæ quàm suauis

Mat. 4.

Luc. 23.

B  
uis  
der  
nox  
dian  
man  
cogn  
fit le  
mal  
tuo  
adm  
Chr  
Dei  
tanta  
lueris  
cita  
fioni  
mun  
Erai  
mi  
resp  
tis.  
sed  
aut  
Qu  
CON  
quam  
cum en

DE PASSIONE DOMINI. 113

uis sit Dominus: alij contra ita misericordem, vt nullis peccatis offendatur, nullos noxios puniat. Tu in Christo & misericordiam agnosce, & iustitiam; & disces summam esse hac in re positam sapientiã, vt cognoscas Deum verum, & quem ille misit Iesum Christum. Hoc itaq. concilium malignantium ingressus, visoque sponso tuo à Iudæis tam fædè & malè accepto, admirare primùm, & inquire: Tūne es Christus? fieri ne potest, vt tu qui filius es Dei, author creaturæ, gloria sanctorū, hæc tanta pro me vili vermiculo sufferre volueris? His interrogationibus te ipsum excita, vt Christo patiente plenoque confusionis, tu interea commoda & honores mundi ne confecteris.

Ioan. 17.

Et ait illis: Si vobis dixerò, non credetis mihi; si autem & interrogauero, non respondebitis mihi, neque dimittetis. ex hoc autem erit filius hominis sedēs à dextris virtutis Dei. Dixerūt autem omnes: Tu ergo es filius Dei? Qui ait: Vos dicitis, quia ego sum.

Luc. 22.

CONSIDERA I. Dominum tuū priusquam se Christū fateatur, præfatione vti: cum enim nocte illud clarissimè esset pro-

H

fessus,

fessus, & adeò nō profecisset, vt inde etiā  
 maior calumnia strueretur; hic videtur se-  
 cundò de eadem re interrogatus, respon-  
 dendi facere difficultatem; vt discas, diui-  
 nas suggestiones semel reiectas difficiliter  
 reuerti. Considera 2. toties interrogantes  
 & nunquā credentes. Sunt enim qui sem-  
 per eadem quærendo repetant, non quòd  
 ignorent veritatem, sed quo aliquid tan-  
 dem eliciant, quod suæ placeat voluntati,  
 desiderioq. non repugnet, semper discen-  
 tes, & nunquam ad scientiæ veritatē per-  
 uenientes. Et tu quā multa nosti, &  
 quā pauca exequeris? ne dubites seruū  
 scientem voluntatem Domini, & non fa-  
 ciētē, plagis vapulaturum multis. Con-  
 sidera 3. [Si interrogauero, non respon-  
 debitis mihi.] Superbiam impiorū, qui  
 Christum Dominum responso nō digna-  
 rentur. Quid facient in futuro iudicio,  
 quando illum habituri sunt iudicē, quem  
 indignum iudicarunt suo responso? Hoc  
 tu cogita quoties in consciētia à Deo mo-  
 nitus, Dei te monentis inspirationem re-  
 iicis. Considera 4. Dominum interro-  
 gatum an esset Christus, respondisse ex  
 psalmo Dauidis, de sessione à dextris Dei,  
 quem

2. Tim. 3.

Luc. 12.

psal. 109



DE PASSIONE DOMINI. II 5

quem psalmum eis aliàs obiecerat, vt eo *Mat. 22.*  
 argumento quod aliàs dissoluere non pō-  
 terant, discerent Messiam esse Filium Dei;  
 quod & facilè intellexerunt, quia ex hoc  
 responso inferunt; Tu ergo es filius Dei?  
 Admirare Domini bonitatē, qui non ces-  
 sat eos commonere, & à tanto flagitio de-  
 terrere, quo nō in merum hominem pec-  
 caturi essent, sed in eū qui Filius erat Dei.  
 Tu Christum ora vt sui reuerentia te mo-  
 ueat, vt peccans semper illud cogites: Tibi *Psal. 50.*  
 soli peccaui, & malum coram te feci, quia  
 Deus est, qui offenditur, non solus homo.  
 At illi dixerunt: Quid adhuc desidera- *Luc. 22.*  
 mus testimonium? ipsi enim audiui-  
 mus de ore eius. Et surgens omnis *Mat. 27.*  
 multitudo eorum, vinciētes Iesum, *Mar. 15.*  
 adduxerunt vinctum ad Pilatum  
 Præsidem.

CONSIDERA 1. ex optimo responso  
 malam consecutionem; quia Christus est,  
 & Filius Dei, ideò Pilato ad mortem offe-  
 rendum. Tu nō rarò simili modo conclu-  
 dis; Deus misericors est, ergo liberius pec-  
 cemus. Considera 2. ex D. Chrysostomo, *Hom. 83.*  
 noluisse Iudæos clam Christo inferre mor- *in Mat.*  
 tem, sed palam; vt parta miraculis gloria,

116 MEDITATIO XVII.

hac publica mortis ignominia adimere-  
tur; & passim flagitiosus apud omnes ha-  
beretur. At Deus longè alia ratione hoc  
permisit. 1. Ut qui pro omnibus morieba-  
tur, non à Iudæis tantùm & occultè, sed à  
gentilibus, & coram omnibus, morte affi-  
ceretur. 2. Ut mors ista quæ videbatur  
infamis & ignominia plena, vniuersum  
populum sanctificaret, & coram vniuerso  
mundo in posterum esset gloriosa. Tu cum  
Galat. 6. B. Apostolo Paulo in alio nullo gloriare,  
quàm in cruce Domini nostri Iesu Christi.  
Ser. 8. de Considera 3. ex S. Leone, offerri Iesum  
Pass. De- duris nexibus vinctum; colaphis & alapis  
mini, frequentibus cæsum; sputis oblitum; cla-  
moribus prædamnatum; vt inter tot præ-  
iudicia, quem omnes vellent perire, non  
auderet Pilatus absolvere. Tu Dominum  
tuum in hoc itinere quàm proximè se-  
quere; eumque pro te, non iam præsi-  
di Pilato, sed Deo Patri offer, & repræsenta; vt  
qui semel morti addictus est, pro peccatis  
tuis, morte sua te à peccatis omnibus &  
malis liberet.

MEDI-

## MEDITATIO XVIII.

*De morte Iudæ.*

Tunc videns Iudas qui tradidit eum, *Mat. 27.*  
 quoddam damnatus esset; pœnitentia ductus  
 retulit triginta argenteos Principibus Sacerdotum, & senioribus,  
 dicens: Peccaui, tradens sanguinem iustum. At illi dixerunt: Quid ad  
 nos? tu videris.

CONSIDERA I. Iudæ audita fama damnationis Christi à principibus sacerdotum, pœnitentia ductum, vel bona, ex magnitudine mali; vel falsa, ex pudore quo se arbitrabatur ferre non posse secuturas ignominias, retulisse pecuniam. Id porrò à Deo permissum est, quo Christi innocentia omnibus fieret manifesta; ne Iudæi hoc argumentò Domini necem ut iustam confirmarent, quoddam ab intimo discipulo, qui secreta omnia nosset, ipsis esset ad mortem traditus. Cæterum Iudas non ut moreretur Christus, sed ut pecuniam ipse acciperet, Dominum tradiderat; sperans fore, ut sicut aliàs frequenter, ita etiam hoc tempore euaderet. Disce 1. Domini innocentiam,

H 3

quam



quam etiam traditor grauissimis verbis, proiectaque pecunia est palam testatus. 2. acerbos Christi dolores, qui etiam proditori attulerunt pœnitentiæ causam. 3. dæmonis cōditiones, qui anteq̃ peccatū fascinat oculos, ne turpitudinem videas; post peccatum reuelat turpitudinem, vt desperes. Considera 2. responsum sacerdotum: [Quid ad nos?] Petrus commisso peccato egressus est malorum consortium, veniamq̃que obtinuit; Iudas cōtrā accessit ad malos, & in desperationem incidit. Discere eos qui in aliorum gratiā Dei maiestatem offendunt, tandem ab illis deferi, semper quidem post hanc vitā, quando vnusquisque onus suum portabit; sepe etiam in hac vita. Considera 3. malæ conscientie grauem carnificinam, quæ nec confusio- nem nec laqueum metuit. Tu quidē cum Iuda de peccatis tuis dolēs, dicito, Peccavi, tradens sanguinē iustum, nempe Christi passionem, mihi ad salutē animæ meæ datam, peccatis meis sapius à me proiecti, sed in misericordia Christi confisus ne desperes; verū orando adiungito: Tu Domine redde eā mihi, vt prosit animæ meæ. Considera 4. ex sacerdotum responso satis

tis indicari, Christum ab eis non propter peccatum vllum à se perpetratum, sed ex inuidia mera tradi in mortem. Hoc enim est, [ Quid ad nos? ] quasi dicant, nihil nostra interest, siue iustè, siue iniustè pereat, dummodo pereat. Considera 5. [ Tu videris. ] à malis nihil præter desperationis materiam reportari. Disce 1. malorū superiorum mores, quibus nihil curæ est, quomodo subditi viuant, dum ipsi commodis suis & desiderijs faciant satis. Disce 2. afflictis compati, eosque verbis suauibus, si rebus nō potes, solari. 3. in afflictionibus tuis nō quosuis adire, sed illos quærere, qui & à Deo tibi dati sunt animarū curatores, & vita prudentiaque commendantur.

Et proiectis argenteis in templo, recessit, & abiens laqueo se suspendit, & suspensus crepuit medius, & diffusa sunt omnia viscera eius. Mat. 27. Act. 1.

CONSIDERA I. Iudæ facinus, quod omnem mensurā ultionis excesserat, nulum aliud mereri iudicem, aut carnificem, quàm ipsummet Iudam. Ab alio enim occisus sperare potuisset veniā; à se ipso suspensus, nouum incurrit crimen. D. Leo ser. 3. de Pass. Do.

homicidij & desperationis. En vt peccato peccatum augetur, si non tempori occurras. Considera 2. quàm malè perire soleant apostatæ à fide vel à religione. Tu caue ne Ecclesiam vel vocationem tuam deferas: Incides enim in laqueum diaboli, stabitque diabolus à dextris tuis (quod à *Psal.* 108 Dauid de Iuda prædicitur) ad nutum te suum hic agitans, & demum in infernum deliciens. Considera 3. quis finis maneat peccatores; nempe vt suspensi in aëre, neque cælum attingât, neque terram, nihilque præter funem possideant. Amittunt enim cælestia, & temporalibus bonis destituuntur, quæ sola quærebant; funeq. peccatorum constricti, à dæmone qui Princeps est aëris huius, detinentur & pèdent. Et quidem in fine vitæ ista certò peccatoribus omnibus communia sunt; in hac porrò vita etiam quibusdam eueniūt, qui bonis terrenis spoliati, sic nihilominus prauis desideriis suffocantur, vt ad cælum oculos conuertere vix possint. Considera 4. crepuisse medium diffusis visceribus; vt qui viscera charitatis amiserat, amitteret etiam viscera sua; & qui omnia studia sua eò contulerat, vt multa possideret,



deret, etiā ipsa intestina perderet. Tu quidē cum Iuda nūmos, diuitias, mundanaq; omnia proiice; sed ad aliam ne festina arborem, quā ad Domini crucem; quē roga, vt te sibi configat, & dissolutis peccatorum laqueis, funiculo charitatis suæ te stringat: Si enim ipsemet Iudas (vt B. Leo *serm. 11. de passione Domini*) à Christo crucifixo obtinisset remedium, nisi festinasset ad laqueum; tibi vtique datur spes certa, & veniæ obtinendæ, & gratiæ consequendæ.

Principes autem sacerdotum acceptis *Mat. 27.* argēteis, dixerunt: Nō licet eos mittere in cor bonam, quia precium sanguinis est. Consilio autē inito, emerunt ex eo agrum figuli, in sepulturam peregrinorum. Propter hoc vocatus est ager ille Haceldema, hoc est, ager sanguinis, vsque in hodiernum diem. Tunc impletū est quod dictum est per Hieremiam prophetam: Et acceperūt triginta argenteos, precium appretiati quem appretiauerunt à filiis Israēl; & dederunt eos in agrum figuli, sicut constituit mihi Dominus.

Confidera 1. Dei mansuetudinem & bo-

H 5

nitatem

nitatem, qui ministros suos ita voluit ab omni sanguinis effusione esse alienos, ut etiam in lege veteri nec ipsam pecuniam, qua mors hominis empta fuisset, cedere vellent in usum eorum. Considera 2. præposteram religionem horum sacerdotum, qui non verebantur sanguine innocentis conscientias suas scelerare, & verebantur precio sanguinis gazophylacium inficere. Illis tu similis es, quoties res exigui momenti magni æstimas, & grauem Dei offensam nihili ducis: colans culicem, & deglutiens camelum. Considera 3. Iudæos hanc pecuniam non in suum, sed in aliorum usum conuertisse; ut discas 1. totum Christum nobis datum esse, cuius etiam precium nobis cessit. 2. liberalitatem hominum auarorum, qui non suis, sed alienis pecuniis conferunt eleemosynam. Considera 4. his pecuniis emptum esse agrum in sepulturam peregrinorum; ut discas 1. non solas animas Christi morte magna commoda accepisse, sed etiam corpora; quia quidquid boni cōfertur homini, illud totum passioni Christi acceptum ferre debemus. 2. per Christi mortē nobis veram perpetuamq; requiem comparatam.

Mat. 23.

ratam. 3. ex <sup>a</sup> D. Ambrosio, & <sup>b</sup> Hiero- a *Serm.*  
 nymo, hunc mundum ( qui alibi ager vo- 51. & in  
 catur, quem finxit ex nihilo figulus Deus) <sup>b</sup> *In Mat.*  
 emptum precio sanguinis Christi, nō qui- 27.  
 dem in omnium hominū, sed in peregrini- *Mat. 13.*  
 norum tantū sepulturam; vt in eo paca-  
 ta conscientia illi soli quiescant, qui se pe-  
 regrinos constituunt super terram, ad cæ-  
 lestem patriā aspicientes. Tu ergo si precij  
 istius particeps esse velis, peregrinus esto;  
 cæcis oculis mundanas res pertransi; nihil  
 appete terrenorum; deniq. morere mun-  
 do, vt in Christo suauiter cōquiescas. Con-  
 sidera 5. hanc rem confirmari prophetia  
 siue Hieremiæ, in ijs libris, qui ad nos non  
 peruenerunt, siue Zachariæ (vt est com- *Hieron. ix*  
 muniis expositio, nomen Hieremiæ, non *Mat. 27.*  
 ab Euangelista, sed à scriptore aliquo ad- *Zach. 11.*  
 ditum) siue variorum, vt vult Epiphanius; *Aug. l. 3.*  
 discis non solū in precio quo venditus *de cōsen-*  
 fuit olim Iosephus præsignificatum esse *su Euang.*  
 hoc precium Christi; sed etiam à prophe- *Hereti 38*  
 tis cum admiratione prædictū, quod pre- *Genes. 37*  
 cio triginta argenteorum (quorum quili-  
 bet æstimatur dimidio dalero) hoc est, 15.  
 daleris Messias tot sæculis expectatus &  
 venderetur & emeretur. Tu verò an-  
 nūtius



vilius Christum & vitā æternam vendis,  
quando exigua sædaque libidine, paucis  
nummis, inani honoris cupiditate Chri-  
sti gratiā abiicis? Redi ad cor, æstimateq.  
immenso precio sanguinis Christi, quid-  
uis potius quàm illum tibi eripi patiaris.

## MEDITATIO XIX.

*Figura baniel* **De prima accusatione Do-  
mini coram Pilato.**

Adducūtergo Iesum à Caipha in præ-  
torium. erat autem mane; & ipsi non  
introierunt in prætorium, vt non  
contaminarentur, sed manducarent  
Pascha.

*Ioa. 18.*

*incipies de*

*s batri mii*

*an/ij batri mii*

*an/ij batri mii*

*an/ij batri mii*

*an/ij batri mii*

*an/ij batri mii*

*an/ij batri mii*

*an/ij batri mii*

*an/ij batri mii*

*an/ij batri mii*

*an/ij batri mii*

*an/ij batri mii*

*an/ij batri mii*

*an/ij batri mii*

*an/ij batri mii*

*an/ij batri mii*

*an/ij batri mii*

*an/ij batri mii*

*an/ij batri mii*

*an/ij batri mii*

*an/ij batri mii*

*an/ij batri mii*

*an/ij batri mii*

*an/ij batri mii*

*Ambr. in*

*Luc. 1.*

*an/ij batri mii*

*an/ij batri mii*

*an/ij batri mii*

*an/ij batri mii*

*an/ij batri mii*

*an/ij batri mii*

*an/ij batri mii*

*an/ij batri mii*

*an/ij batri mii*

*an/ij batri mii*

*an/ij batri mii*

*an/ij batri mii*

*Prou. 1.*

**CONSIDERA** I. quòd summo mane  
ad necem Domini procurandam festina-  
rint, ne si fortè differretur, favore populi  
impediretur. Ingenium est enim diaboli,  
præcipitem agere ad malum, ne cunctan-  
do sententiam mutet. Tu contrà sis velox  
ad bonū; quia nescit tarda molimina spi-  
ritus sancti gratia; & tardus ad malum,  
quia pedes sunt impiorum, qui ad malum  
currunt. Caue igitur ne tibi bene agendi  
elabatur occasio, & in tétatione expectans  
resiste,

DI  
resiste  
rat. C  
tuum  
munc  
tum,  
dei su  
domi  
duca  
vel p  
dæon  
lis ha  
patien  
sima,  
homi  
quod  
non  
scha  
quod  
anim  
vt ve  
suma  
ditia,  
tus. R  
quo p  
gnè n  
Exiui  
xit

resiste, vt fugato diabolo Christus succurrat. Considera 2. Christum Dominum tuum, amatorem puritatis, tanquam immundum, multisque criminibus pollutum, dimitti in domum Gentilis (quã Iudæi sua religione vitabant, ne qua ex hac domo contracta macula vetarentur manducare pascha) censerique indignum, qui vel populo Dei annumeraretur, vel Iudæorum manibus occideretur. Tu si vilis habearis & peccator, hãc Domini tui patientiam imitare, eaque sit cura potissima, vt meliorem te Deus æstimet, quàm homines. Considera 3. Iudæis id euenisse quod verebantur: nam & typicum pascha non manducauerunt, quod Christus pascha verum sua morte sustulerat; & illud quod manducauerunt, non nisi pollutis animis, Deoque exosis celebrauerunt. Tu vt verum Pascha Domini in Eucharistia sumas, nõ tam de externo cultu, atq. munditia, quàm de animi puritate esto sollicitus. Rogaque Deum, vt mundo sis corde, quo possis frequenter sacrum Pascha dignè manducare.

Exiuit ergo foras Pilatus ad eos, & dixit: Quam accusationẽ adfertis aduer-

Ioan. 18.

uersus hominē hunc? Responderunt ei: Si nō esset hīc malefactor, nō tibi tradidissēmus eū. Dixit ergo eis Pilatus: Accipite eum vos, & secundū legem vestrā iudicate eum. Dixerūt ei Iudai: Nobis non licet interficere quēquam: vt sermo Iesu impleretur, significās qua morte esset moriturnus.

CONSIDERA 1. Pilati humanitatē, qui cū interpretari potuisset, hunc sui contemptū, ad quem, vt ad immundū, ingredi recusabant, cessit tamē religioni, melior te, multisq. Christianis, qui contempti, contemptum redditis, & à punctis momētisq. honorum, nullis precibus quicquā dimittitis. Considera 2. arrogās responsum Iudæorum, quo externa sua religione, ad innocentis necem abutuntur. Nos, aiunt, qui sumus sacerdotes, & religioni ducimus vel minimam legis præceptionē violare, nunquam tibi hunc hominem offerremus, nisi multis nominibus morte dignissimum. Tanta erat innocētia Domini, vt non nisi coacti ad accusationem venerint. Considera 3. Pilati responsum, prudentius responso Sacerdotum. Subinde enim sæculares nonnulli vincunt probitate sacerdotēs.



tes. Videtur Gentilis non parum offensus,  
quòd inauditus & non conuictus ad necē  
postularetur; quasi diceret, si hoc lex vestra  
permittit, non tamen Romanorum. Iudæi  
verò huius iusti scandali rationē non ha-  
buerunt; quos tu imitaris, quoties vel pu-  
sillis, vel hæreticis præbes obloquij & scā-  
dali causam. Memento verbi Dominici:  
Melius est, vt suspendatur mola asinaria è *Mat. 18.*  
collo eius, & demergatur in profundum  
maris, quàm vt scandalizetur vnus de pu-  
sillis istis. Considera 4. alterum Iudæorum  
responsum, quo dicunt, sibi non licere in-  
terficere quemquā; nempe supplicio cru-  
cis; quia & Stephanum lapidarūt, & adul- *Act. 7.*  
teram lapidare pararunt. Non enim lapi- *Ioan. 8.*  
dibus erat occidendus Dominus, sed cruce;  
& non à Iudæis, sed à Gentibus. Hoc est  
quod additur, Vt sermo Iesu impleretur;  
qui vtrunque prædixerat. Ages itaq. gra-  
tias Domino tuo, quòd à Iudæis ad Gētes  
trāsierit; eumq. rogabis, vt qui Gentium ma-  
nibus crucē subire, mortemq. oppetere vo-  
luit, pro te suscipiat hoc incruentū sacrifi-  
ciū, quod in passionis huius memoriam, ad  
consummationē vsq. sæculorū in Ecclesia  
gentium offertur.

Cœpe-

*Luc. 23.*

Cœperūt autem illum accusare dicentes: Hunc inuenimus subuertentem gentem nostram; & prohibentē tributa dare Cæsari; & dicentē, se Christum regem esse.

[Cœperunt] ait, tanquam multarum accusationū, quæ sequerentur, initium. [Inuenimus,] non ab aliis didicimus; sed ipsi vidimus. Considera 1. tres accusationes, quæ tamen ex vna pendebant. Affirmat (inquiunt) se esse Messiam, maioribus nostris promissum, & Regē Iudæorum; ideo populum ad se cogit; Cæsarique Romano iubet nec pārere, nec tributum pendere; apertē mentientes, qui scirēt Dominum, & regnum fugisse, & obediētiam docuisse, & tributum soluisse, soluendumq; respondisse. Discis quantum excæcet inuidia, vt, qua se homo afficiat ignominia, nō videat. His enim verbis se mēdaces ostendebant Pilato, qui ignorare non poterat responsū à Christo datum cōram Herodianis: Reddite quæ sunt Cæsaris Cæsari. Tu vitabis omnes animi perturbationes, quæ & aspectum veri impediunt, & hominis authoritati multum detrahūt. Considera 2. quid accusetur in Christo: 1. quòd popu-

*Ioan. 6.**Mat. 17.**Mat. 22.**Mat. 22.*

populum subuerterit. Eius officium est  
 populum inuertere; sursum deorsum mo-  
 uere; carnem quæ spiritui dominabatur,  
 spiritui subiicere; pauperes & humiles pi-  
 scatores regibus præficere; & post hanc vi-  
 tam, diuites inflatos in infernum detur-  
 bare; pauperem Lazarum in sinum Abra-  
 hæ euehere. 2. quod prohibuerit tributum  
 dare Cæsari. Prohibet vtique Dominus  
 dare tributum diabolo, qui Princeps huius  
 mundi dicitur, & ab hominibus non leue  
 exigit actionum tributū; quos nihil vult  
 aggredi, vel perficere, cui nō sit admixtum  
 peccatum. Christus contrā iubet, vt Deo  
 hoc tributum pendatur, nihilque à te per-  
 ficiatur, quod non in Dei gloriam referas.  
 3. quod sit Rex atque Messias. Verè Rex  
 est Dominus tuus, & Messias, qui & spiri-  
 tu suo sancto, regit sibi commissos, & cor-  
 pore pascit. Tu Regi huic te committe re-  
 gendum, eius hostes expugna, eumque  
 ducem in omnibus sequere.

## I

## MEDI-



## MEDITATIO XX.

*De examinatione Pilati.*

- Joan. 18.* Introiuit ergo iterum Pilatus in Prætorium, & vocauit Iesum. Iesus autem stetit ante Præsidentem. Et interrogauit eum Pilatus: Tu es Rex Iudæorum? Respondit Iesus: A temetipso hoc dicis, an alij tibi dixerunt de me? Respondit Pilatus: Nunquid ego Iudæus sum? Gens tua & Pontifices tui tradiderunt te mihi: quid fecisti?
- Mat. 27.*

*Herm. 83, in Ioan.* CONSIDERA 1. Pilatum non coram turba, sed priuatim in domo cum Christo egisse, de quo (ait B. Chrysostomus) magnam conceperat opinionem. Tu similiter, si cum Christo vis agere, fuge turbas, & tumultum negotiorum; ingredi in conclaue cordis tui, vt clarius audias Dominum loquentem. Considera 2. Dominum vniuersæ creaturæ, ceu reum astare Præsidi Gentili, cui vitæ suæ rationē reddat. Tu sic viue, vt non erubescas de actionibus tuis cuiquam respondere. Considera 3. interrogationem Pilati: [Tu es Rex Iudæo-

Iudæorum?] hoc est, Fieri ne potest, ut tu pauper & miser, totque modis afflictus, te Regem dicas Iudæorum? Tu pro Domino tuo responde, Prorsus est Rex Iudæorum, quem veri Iudæi recipiunt, hoc est, qui peccata sua agnoscunt, & confitentur. Hi enim huic Regi parere volunt, ut de peccato educti, & de manu inimicorum *Luc. 23* liberati, seruiant illi. Tu admirare hunc Regem, cuius utique sit ornatus, non auro splendescere, & irradiare gemmis, ostroque nitere; sed in sputis, opprobriis; externaque ignominia onerari. Ista enim, & Christum toto orbe celebrem reddiderunt, & pulchritudinem animæ tuæ attulerunt. Considera 4. responsum Domini, cuius sensus est: An aliquid unquam in me vidisti, vel de me audisti, unde in suspensionem affectu regni venire possem? Interrogatio est, significans absurditatem accusationis. Tu hic tecum cogita, an ex te agnoscas Dominum tuum Christum, hoc est, an in animo tuo experiaris Christum regnātem, an verò sine interna suauitate sis Christianus. Considera 5. responsum Pilati superbè indignantis, & ferentis grauius, reum ausum fuisse interrogare. Excusat se igno-

rantia rerum Iudaicarum. Me latet (inquit) quid de Messia venturo vestri fabulentur. Tu in his quæ Dei sunt ignorantiam prætere nequis, cui Christus manifesta fecit etiam arcana Dei. Et quidem, si Pilato nihil profuit ignorantio; cui tandem proderit Christianorum, quibus tantam rerum cognitionem Deus impertivit? Considera 6. [Quid fecisti?] innocentiam Domini tantam, ut deficientibus accusationibus, ipsemet reus interrogandus esset. Tu responde quid fecerit: Cælum, terram, & vniuersam creaturam, omne bonum, nullum peccatum. Sed propter bona, in tui gratiam facta, quibus tu ad peccatum abuteris, ipse pœnas luere debet, quas tu merebaris. Locus est meditandi quid Christus fecerit tibi, & quid tu vicissim illi: ut eius bonitatem admiratus, gratias agas; & ingritudinem tuam detestatus, rubore suffundaris.

*Iean. 18.*

Respondit Iesus: Regnum meum non est de hoc mundo: Si de hoc mundo esset regnum meum, ministri mei utique decertarent, ut non traderer Iudæis: nunc autem regnum meum non est hinc. Dixit ei Pilatus: Ergo Rex



Rexes tu? Respondit Iesus: Tu dicis, quia Rex sum ego.

CONSIDERA 1. ut Christus Pilato sincerè agenti, clarè responderit; Iudæis autem insidiantibus, nisi adiuratus, respondere noluerit; quia fictum detestatur Dominus, & cum simplicibus sermocinatio eius. Considera 2. quòd ethnico sese accommodauerit, ducto argumento à consuetudine & usu hominum. Vel ex eo (inquit) potes intelligere, me huius mundi regnum non ambire, quòd milites & satellites, in mei defensionem nullos habeā. Cum Iudæis porrò, scientibus legem, scripturis utitur. Discis quòd omnes occasiones quærat Dominus, & rationes, te, aliofque conuertendi. Tu, si media illa, quibus ad te iuuandum curandumque usus fuerit expendas, Dei in te sapientem charitatem miraberis. Cōsidera 3. [Regnum meum non est de hoc mundo.] Non dicit, in hoc mundo, quia in hoc mundo, in Ecclesia, & in te regnat: Sed de hoc, inquit, mundo, hoc est, non est simile regnis mundi huius; neque consistit in multitudine ministrorum atque satellitum, in magnitudine pompæ, in vestium luxu atq. splendore.

dore; sed in ornatu animæ, in obedientia voluntaria, in multitudine virtutum. Et ad hoc quidem Christi regnum plures fortasse pauperes, mendici, imbecilles, indocti, quàm diuites, nobiles, potentes, sapientes pertinent. Cura igitur, vt tibi, cuiusque affectibus imperet, & in te regnet Christus. Nam si Christo seruire, regnare est: regnans in te Christus, potentem te Regem, tibi ipsi imperantem, & toto mundo superiorem constituet.

*Ioh. 18.* Ego in hoc natus sum, & ad hoc veni in mundum, vt testimonium perhibeam veritati: Et omnis qui est ex veritate, audit vocem meam. Dicite i Pilatus: Quid est veritas?

CONSIDERA I. cuius rei causa Christus in mundum venerit, nempe 1. vt mundum falsitate idololatriæ, variorumque errorum & peccati liberaret. 2. vt vanitatem & inanitatem doceret earum rerum quas mundus admiratur, & res ipsas non aliena specie, sed quales in se sunt, ob oculos poneret. 3. vt per hanc veritatem, hominum animis dominaretur. Discis 1. quid potissimum in regno Christi querere debeas; nempe ab omni vanitate, falsa-

sitateque, & peccato liberari. 2. ministros  
 & propagatores regni Christi, eos esse præ-  
 cipuos, qui in docenda veritate laborant.  
 3. Christianis principibus ac superioribus  
 hoc munus ante omnia incumbere, ut sibi  
 commissis fidem in Christum conferuent  
 & augeant. Non enim solum sunt supe-  
 riores ad instar Gentilium, ut pro politica,  
 externaque quiete laborent; sed sunt supe-  
 riores Christiani, & Christianorum, ut  
 Christi regnum dilatent. Considera 2. [Ego  
 in hoc natus sum, & ad hoc veni in  
 mundum.] Sublimis sententia, quam, si  
 in candore perstitisset Pilatus, intelligere  
 poterat. Non (ait) natus sum communi ho-  
 minum more: antequam enim nascerer  
 ex matre, iam exishebam; natus sum, non  
 necessitate naturæ, sed voluntate mea, cer-  
 tisque de causis, quæ me ad naturam hu-  
 manam suscipiendâ permouerunt, nempe  
 ut homines docerem veritatem. Tu igitur,  
 si diuinæ doctrinæ locum dederis, candi-  
 doque animo cum Deo egeris, reuelabit  
 tibi Christus secreta cælestia. Considera  
 3. [natus sum] & [veni,] quia & natiui-  
 tate sua Christus est noster, & actiones  
 suas omnes in nostram contulit utilitatē;



ut tu vicissim ætates tuas, studiaque, & officia tua, in eius gloriam referas. Considera 4. quòd occultè respondeat Dominus propositæ à Pilato quæstioni: *Quid fecisti?* Quia veritatem docui, vitia coargui. Hæc enim vnica causa Iudæos ad eius mortem impellebat. Tu cōtrà, stude veritati, oraque Dominum, ut oculos tuos illuminet, ne vnquam obdormias in morte: & seriò tecum cogita, an sis ex veritate, hoc est, an veritate mouearis, an ex superbia, libidine, auaritia, aliisque animi affectionibus. Qui enim ex veritate est, ille idem ex Deo est; qui verò mendacia sectatur, ex patre diabolo est, cuius desideria perficit.

Ioan. 8.

MEDI-

Pilat  
E  
sa  
b  
h  
g  
qu  
ni  
de  
te  
lu  
se  
CON  
to res  
ritas?  
quæst  
vel te  
trare  
ris, q  
ating  
ctione

## MEDITATIO XXI.

*De secunda accusatione coram  
Pilato.*

Pilatus iterum exiuit ad Iudæos, dicēs: *Ioan. 18.*

Ego nullam inuenio in homine cau- *Luc. 23.*

sam. At summi Sacerdotes accusa- *Mat. 27.*

bant eum in multis. Iesus autem ni-

hil respondit. Tunc Pilatus interro-

gauit eum, dicens illi: Non audis

quanta aduersus te dicant testimo-

nia? Non respondes quicquam? Vi- *Mat. 27.*

de in quantis te accusent. Iesus au-

tem amplius non respondit ei, ad vl-

lum verbum; ita vt miraretur Præ-

ses vehementer.

CONSIDERA I. Pilatum, non expecta-  
to responso ad quæstionē, [Quid est ve-  
ritas?] egressum esse; quòd eam fortasse  
quæstionem, vel ad ipsum non pertinere,  
vel tempori minus esse oportunam, arbi-  
traretur. Cui quidem te similem esse no-  
ris, quoties aut leuitate quadam res sacras  
attingis, aut quæ de vita æterna, de perfe-  
ctione, de vita Christiana dicuntur, ad te

I 5

perti-

pertinere non arbitraris; aut quoties denique leuiter deferis, quod coram Deo tuo rectè proposuisti. Existima nullum esse tempus diuinis documētis importunum. Considera 2. Pilatum nullam inuenisse in Christo mortis causam; Iudæos quidem falsam: sed Deum Patrem verā agnouisse, quæ fuit expiatio peccatorum tuorum, ad salutem animæ tuæ. Hanc causam tu seriò tecum expende. Idcirco enim Christum, neque vti par est diligis; neque dignas satis gratias agis, neque tanta, tamque acerba eius passione moueris, quòd seriò non agnoscas, neque recogites tantis te poenis causam præbuisse. Considera 3. multa, grauiaque, quæ Domino tuo obiicebantur crimina, vniuerso inspectante populo & audiente, atque ad tam noua & inaudita, non parum mirante. Tu in gratiam Domini tui patienter sustine calumnias, iniuriam, infamiam. Considera 4. altum Domini silentium, quo Pilatus quidem Gentilis, Christi admirabatur sapientiam, Iudæi verò ad plures grauioresque accusationes audaciores reddebantur. Tu admirare Dei patientiam, qui tam variis, tamque enormibus tuis, aliorumque peccatis



DE PASSIONE DOMINI. 139

cat is hactenus offensus, non filet modò,  
conniuet atque indulget, sed multis etiam  
te cumulat bonis; vt hac eius liberali  
mansuetudine motus, tandem resipiscas.

At illi inualescebant, dicentes: Com- *LUC. 23.*  
mouit populum, docens per vniuer-  
sam Iudæam, incipiens à Galilæa  
vsque huc.

CONSIDERA 1. clamores Iudæorum,  
qui cùm veritate nihil se effecturos spera-  
rent, turbas, tumultus, & clamores excita-  
runt, more eorum qui malâ causam tuen-  
tur: qua in re diabolus imitabatur, qui,  
cùm nihil suggestionibus potest, concitat  
amicos, parentes, sodales; commouet in-  
ternam concupiscentiam; obfuscet & ob-  
nubilat intellectum. Tu nihil perturbatè  
agas, imitatus Dominum, qui nullis iniu-  
riis irritatus fuit, aut motus, nisi vt te im-  
pensius amaret. Considera 2. vt Christus  
pro seditiosorum duce hic habitus fuerit:  
Nonisti, inquiunt, Pilate Galilæos, homi- *LUC. 13.*  
nes vtique factiosos, quorum sanguinem  
nuper miscuisti cum sacrificiis eorum.  
Ecce hic est caput & incentor malorum,  
natus ad populi commotionem. Et verè  
Domi-

Domine, tu populum commoues, non ad seditionem, perduellionem, rapinas, homicidia: quod hæreticorum proprium est, qui tales motus suis concionibus excitant: sed ad vitæ, morumque mutationem, vt abdicatis voluptatibus atq. peccatis, omnes se dedant virtutum studiis. Tu monasteria imples religiosis; deserta anachoretis, carceres confessoribus, carnificinas martyribus. Te mouente, virgines ornatū abiciunt, diuites paupertatem eligunt, nobiles aliorum voluntati se subiiciunt, adulescentes religionis votis se tibi in holocaustum offerunt. Tu porrò roga, vt etiam te moueat Dominus. Considera 3. quos docere dicatur; Galilæos nempe, hoc est, transmigrantes; & Iudæos, hoc est, confidentes, Deumque laudantes. At verò à Galilæa orditur, quia doctrinæ Christianæ initium quidē est, peccata deponere: medium verò, defectus quotidianos, cum animi dolore, & emendationis proposito confiteri, Deumque vera obedientia laudare: finis denique, in Hierusalem visionē pacis, Dei vultum contemplari. Ora Dominum, vt ad huius sapientiæ perfectionem te perducatur.

Pilatus

Pilatus autem audiens Galilæam ; in- *Lm. 23.*  
 interrogauit, si homo, Galilæus esset: &  
 vt cognouit, quòd de Herodis pote-  
 state esset, remisit eum ad Herodem,  
 qui & ipse Hierosolymis erat illis  
 diebus.

**GALILÆVS**, separandum est, ab, ho-  
 mo; hoc sensu: an homo iste Galilæus  
 esset. Considera 1. Pilato vel ignotum  
 fuisse adhuc nomen Iesu, vel indignum  
 visum, quòd à se efferretur. Mali ignorant  
 Iesum patientem, consputum, vinctum;  
 dignitates mundi norunt, non ignomi-  
 niam crucis. Ignorabuntur igitur etiam  
 ipsi à Iesu, hoc est, à Saluatore; & fructum  
 salutis non percipient, qui passionem, quæ  
 fuit instrumentum salutis, reiecerunt.  
 Considera 2. Herodem Iudæum, ad fe-  
 stum hoc paschatis Hierosolymam ve-  
 nisse; quia peccatores fidelium festa ex-  
 ternis tantum ceremoniis celebrare con-  
 sueuerunt, vestitus ornatu, lautioribus  
 epulis, &c. sed internum festorum fru-  
 ctum non percipiunt, de quæ interiori illo  
 animæ cultu, ad quem ab externis cere-  
 moniis abduci debemus, minus laborant.  
 Considera 3. Deum tuum dici de po-  
 testate



testate Herodis, hominis, improbi, adulteri, incestuosi, homicidæ; vt tu superioribus tuis, licet minus fortasse probis, libenter pareas, non in hominis vitia, sed in obedientiæ virtutem respiciens. Considera 4. Christi quatuor Iudices, duos Sacerdotes, Annam & Caiphā; duos item sæculares, Iudæum alterum Herodem, alterum Gentilem Pilatum; quia ab omni hominum ordine Christus morti adiudicatus est; pro omnium hominum peccatis occisus est; ad omnium hominum procurandam salutem, passus & mortuus est. Tu igitur ipsi, nihil diffusus, impone peccata tua, vt illis leuatus, æternam ab eo preparatam salutem accipias.

**MEDI-**

Herod  
E  
v  
d  
v  
t  
n  
Co  
qu  
verb  
mul  
cog  
nem  
mou  
veru  
Disc  
Dor  
Sec  
esse  
ten  
uear  
mira  
dign

## MEDITATIO XXII.

*De gestis in domo Herodis.*Herodes viso Iesu, gaudius est valde. *Luc. 23.*

Erat enim cupiens à multo tempore  
videre eum, eo quòd audierat multa  
de eo, & sperabat signum aliquod  
videre ab eo fieri. Interrogabat au-  
tem eū multis sermonibus. At ipse  
nihil illi respondebat.

CONSIDERA 1. Herodem hunc nun-  
quam ad Christum accessisse, nunquam  
verba audiuisse, nūquam miracula vidisse:  
multa tamen aliorum sermonibus, de eo  
cognouisse. Vnde gaudet, semel occasio-  
nem oblatam eum coràm intuendi: sed  
mouebatur, non salutis spe ac desiderio,  
verùm signi alicuius videndi cupiditate.  
Discis primò, qualis ab hoc Rege habeatur  
Dominus, incantator, ioculator, stultus.  
Secundò, secularium hominum mores  
esse, vt noua videant libentius, quæ oble-  
sent, quàm salutaria audiant, quæ mo-  
ueant. Considera 2. Christum neque ad-  
mirari externam purpuram, Regiamque  
dignitatem, qui cordis splendorem, & fœ-  
ditatem

ditatem intuetur; neque dignatum fuisse hominem alloquio; quandoquidem nihil inde utilitatis expectabat. Disce 1. externa hæc non magni facere; quia in futuro Iudicis examine, pluris erit pannosus humilis, quam purpuratus superbus. 2. verba tua inutiliter non effutire, sed ad aliquam utilitatem sermones tuos conferre; memor, quod de omni verbo otioso ratione redditurus sis in die Iudicij. 3. nemini adulari; ostentationem fugere; sacra nostra nulli ridenda proponere; diuinis literis & ceremoniis, ad facetias, aut res prophanas non abuti. Considera 3. cuiusmodi quæstiones fuerint Christo ab Herode propositæ; nimirum inutiles & curiosæ: fortè an ipse esset Ioannes Baptista; possèrne demoliri & restituere templum; eiùsne causa parens olim infantes occiderit? Tu à Domino vtilia pete; rogaque eum, vt quæstionibus tuis, ad animæ salutem, & consolationem respondeat.

Mat. 23.

Stabant autem Principes Sacerdotum, & Scribe, constanter accusantes eum. Spreuit autem Herodes illum, cum exercitu suo, & illudit, indutum veste alba, & remisit ad Pilatum.

CON-



CONSIDERA 1. Christum in huius Regis palatio, quatuor passum esse; nam 1. à Sacerdotibus est grauer constanterq. accusatus. 2. ab Herode spretus & irrisus. 3. à militibus militari petulantia tractatus, nihilo equidem mitius, quàm in domo Caiphæ à ministris. 4. veste alba, seu *λαμπρά*, hoc est, splendida indutus, in signum vel affectari regni, vel stultitiæ, qui coram rege, in suæ causæ defensionem nihil diceret. Considera 2. ex Christi silentio Herodem offensum, minus quidem quàm Pontifices, qui mortis reum pronunciabant; magis verò quàm Pilatus, qui ex silentio prudentem Domini grauitatem admirabatur. Discis iisdem rebus alios aliis grauius labi, eosque grauius, qui sunt in eminentiori gradu. Pilatus laicus gentilis erat; Herodes laicus, sed Iudæus, Caiphas, summus Iudæorum Sacerdos. Considera 3. Christum quidem esse Regem, verum talem, quem mundus non agnoscat, sed accuset, rideat, & spernat. His porro irrisionibus promeritus est Dominus, sibi quidem, vt super omnes Reges exaltaretur; nobis verò, vt vera sapientia donaremur: reges immor-

tales in cælorum regno efficeremur; & vestibus albis immortalitatis indueremur. Gaude igitur, si cum Christo irrisionem  
*Mat. 5.* & persecutionem patiaris propter iusticiã, quia tuum est regnum cælorum; & caue ne per te Christus rideatur, si pauperes, eiusque ministros contemptui habeas, & eius Sacramenta, verba, præcepta negligas. Demum tu sponsum animæ hac ludicra veste indutum, hoc itinere ad Pilati ædes comitare; quas sannas audierit, attende; quibus oculis aspexerit, quem vultum exhibuerit vide; eumque ex animo roga, ut stultus sis mundo, dummodo Christo sapiens habearis.

*Luc. 23.* Et facti sunt amici Herodes & Pilatus in ipsa die; nam antea inimici erant ad inuicem.

CONSIDERA I. duplex mysterium: vnum, quod impij aduersus Christum, Christi que sectatores conueniant; hæretici impugnantes Ecclesiam; dæmones infestantes hominem iustum. Alterum, quod Christi mors pacem conciliauerit inter Iudæos & Gentes; adeoque primum præcipuumque Dominicæ passionis officium fuisse, pacem adferre, pacemque precari.

Itaque

Itaque statim à resurrectione sua, dixit  
discipulis primo & secundo cōgressu; Pax *Ioan. 20.*  
vobis. voluit nos pacem habere cum Deo,  
cui precium peccatorum soluit; cum con-  
scientia, quam à peccato liberauit, & in-  
terna gratia refecit; cum proximis, quos  
diuina charitate cordibus nostris infusa,  
iubet diligere. Quoties igitur intestinū bel-  
lum in membris tuis sentis; quoties te vi-  
des pacem cum Deo amisisse; quoties pro-  
ximum tibi indignantem aduertis, aut in  
te odium proximi experiris, te protinus ad  
Christi crucem conuerte; vt qui est verus  
& vnicus mediator tuus, tibi pacem cum  
omnibus restituat. Considera 2. [in ipsa  
die,] hoc est, eodē illo die; vt discas, quam  
facile sit Domino componere pacem, ani-  
mosque sedare, etiam maximè turbatos,  
rebusque afflictissimis subuenire, tametsi  
tibi humana media non succurrant. Ora  
igitur Dominum, vt Reipub. Christianæ  
adferat tranquillitatem, bellorum motus  
sedet, pacemque det Ecclesiæ constantem.



*Figura Leuitici  
14*

## MEDITATIO XXIII.

*De postulatione Barrabæ.*

*Luc. 23.* Pilatus autem, conuocatis Principibus  
*apud alia  
 ra curatus  
 uos offerebat  
 pascens facere  
 uoti quorum  
 ar offerebat  
 sacrificio pro  
 is amicus danti  
 ter dimittit*  
 Sacerdotū & Magistratibus, & ple-  
 be, dixit ad illos: Obtulistis mihi  
 hunc hominem, quasi auertentē po-  
 pulum; & ecce, ego coram vobis in-  
 terrogans, nullam causam inuenio in  
 homine isto, ex his in quibus eum  
 accusatis: sed neque Herodes. Nam  
 remisi vos ad illum, & ecce nihil di-  
 gnū morte actum est ei. Emenda-  
*Mat. 27.* tum ergo eum dimittam. Per diem  
 autem solennem consueuerat & ne-  
*Mar. 15.* cesse habebat Præses dimittere vnū  
 ex vinctis, quemcunque petiissent.  
*Luc. 23.* Habebat autem tunc vinctum insi-  
 gnem, qui dicebatur Barrabas; qui  
 cum seditiosis erat vinctus, qui in se-  
 ditione fecerat homicidium. Dixit  
 ergo Pilatus: Est cōsuetudo vobis, vt  
 dimittam vnum in paschate: vultis  
 dimittam vobis Regem Iudæorum?  
 quem

quem vultis dimittam vobis, Barra- *Ioan. 18.*

bam, an Iesum qui dicitur Christus?

sciebat enim, quòd per inuidiam tra- *Mat. 27.*

didissent eum summi sacerdotes.

CONSIDERA 1. Herodem, tametsi in Christo nihil viderit morte dignum, non tamen liberasse innocentem de manibus Iudæorum; sed ad gratificandum Pontificibus & Præsidi, cognitionem causæ eius detulisse Pilato. Ita fit, vt omnes studeant hominibus placere, nullus Christo. Considera 2. à tot Iudicibus inquisitum de vita Domini tui, nihilque inuentū, quod mortem aut vincula mereretur. Tu ad Christi imitationem sic vitam institue, vt in mortis hora, nihil in te dæmones, quod suum sit inueniant. Sic igitur quotidiana conscientia discussione, crebraque peccatorum confessione animum purgato, vt nihil nisi sanctum, ex vita tecum emigret. Considera 3. [Emendatum,] seu castigatum [illum dimittam.] Cogitat Pilatus dimittere quidem Dominum, sed castigatum; non quòd hoc mereretur Dominus, sed in populi furentis gratiam, vt eius verberibus sedaretur. Discis 1. populum se-

150 MEDITATIO XXIII.

dari non posse, nisi sanguine Christi; tum quia mali solis ferè peccatis delectantur, quæ Domino tuo sanguinem expresserunt; tum quia iustis nulla est suauitas, nisi ex effuso sanguine Domini sui, neque vlla  
*Galat. 6.* gloriatio, nisi in cruce Domini nostri Iesu Christi. Considera 4. Pilatum quidem meditari opus bonum, dum Christum statuit liberum dimittere; non tamè purum, sed magno malo admixtum, nempe flagellis & verberibus Christi; eumque tu imitaris, quoties bona quædam aggredieris, sed mixta peccatis; eleemosynam das ex pecuniis iniuste partis; templum adis, vt videre religiosus: aut aliud quid facis intentione minus recta. Considera 5. cum de hoc liberandi Domini modo Pilatus cogitaret, aliam illi occurrisse mitiorem rationem. Videbat enim populum conuenire, vt pro recepta consuetudine, aliquis eis victus donaretur, quem illi ex pluribus à Præsìde propositis nominarent, de quocunque tandem crimine accersiretur, idque in gratiam liberati, circa hoc tempus paschæ, de seruitute Aegyptiaca, populi Israëlitiçi. Huius consuetudinis cum ipsi in mentem venisset, deliberauit solù Christum,



DE PASSIONE DOMINI. 151

stum, quem multis gratum, ob præclara opera, & solis sacerdotibus, & Pharizæis exosum, non ignorabat, cum homicida quodam, & duce seditiosorum, homine inuiso proponere, nihil dubitans, quin Christus sceleratissimo anteferreretur. Disce

1. authorem vitę totius, cum turbulento homicida cõponi. & tu indignaris, si quid de honore, vel titulis tuis detrahatur?

Disce 2. piam consuetudinem liberandi victi, in gratiam accepti beneficij liberationis ex seruiture Aegypti. Tu toties ereptus de laqueis dæmonis, & à vinculis peccatorum liberatus, in huius beneficij memoriam, etiam proximis tuis succurre, vt ope tua & opera, à debitorum peccatorum, miseriarum, aliorumque malorum, quibus constringuntur, vinculis soluātur.

Sedente autem eo pro tribunali, misit *Mat. 27.*  
ad eum vxor eius, dicens: Nihil tibi  
& iusto illi. Multa enim passa sum  
hodie per visum propter eum.

CONSIDERA 1. populo ad deliberandum quem electuri essent dimisso, Pilatum pro tribunali sedisse, & hoc nuncium ab vxore accepisse, siue à bono angelo ad-

## 152 MEDITATIO XXIII.

<sup>a</sup>Canone  
 33. in  
<sup>b</sup>Mar.  
 b Ho. 87.  
 in Mat.  
 e Lib. 1.  
 in Lucā.  
 d in Mat.  
 e ser. 121  
 de tēpore.  
 f. Tract.  
 35. in  
<sup>g</sup>Matth.  
 g Epistola  
 ad Philip.  
 h Ser. de  
 pass. Do-  
 mini.  
 i Lib. 33.  
 Moral.  
 nap. 21.  
 k Citatur  
 in Cathe-  
 dra D.  
 Thoma.  
 l serm. 1.  
 de pascha.

monita, vt sentiunt <sup>a</sup>Hilarius, <sup>b</sup>Chryso-  
 stomus, <sup>c</sup>Ambrosius, <sup>d</sup>Hieronymus, <sup>e</sup>Augu-  
 stinus, <sup>f</sup>Origines, siue à malo spiritu, qui  
 & vires suas paulatim frangi, sibi que iudi-  
 cium imminere; & sanctos in limbo Pa-  
 tres ex vicina liberatione exultare persen-  
 tiscens, conaretur impedimentum adferre  
 morti Dominicę, vt volunt <sup>g</sup>Ignatius, <sup>h</sup>Cy-  
 prianus, <sup>i</sup>Gregorius, <sup>k</sup>Rabanus, <sup>l</sup>Bernar-  
 dus. Discis innocentiam Christi ab ipsis  
 angelis, seu bonis, seu malis testatam: &  
 quidem, si dæmonis opera visio acciderit,  
 discis malitiam hominum, quos dæmon  
 ad malum semel incitatos, nequeat per se  
 à peccato reuocare. Tanta est quippe con-  
 cupiscentię malitia, & vis peccati, vt solius  
 Dei auxilio tollatur. Proinde non admo-  
 nentur Pontifices iam inuidia commoti,  
 sed Pilatus, quem concupiscentię morbus  
 necdum concitauerat. Tu omnem adhi-  
 beto conatum, vt concupiscentię tuę vi-  
 res conteras. Considera 2. epithetō Chri-  
 sti, [Iusto illi,] quia ipse est iustitia nostra,  
 in se perfectē iustus sine peccato; & opera  
 edens vndecunque iustissima; quibus &  
 irę paternę pro nobis satisfecit; & nobis  
 exemplum imitandum reliquit. Consi-  
 dera

dera 3. [Nihil tibi & iusto illi.] .i. ne te misceas negotiis eius; nihil tibi sit cum iusto illo commune. Disce hunc iustum ad malos non pertinere, solosque bonos participes esse iustitiæ eius. Tu roga hunc iustum, ut in commercium, & societatem secum te admittere dignetur, ut merces tuæ, ex eius mercibus, hoc est, bona opera tua, ex eius meritis, lucri plurimum ad animæ tuæ salutem referre possint.

Principes autem Sacerdotum, & Se- *Mat. 27.*

niores, concitauerunt turbam, & persuaserunt populis, ut peterent *Mat. 19.*

Barrabam, Iesum autem perderent:

Et cum ascendisset turba, coepit ro- *Luc. 23.*

gare (Pilatum, ut faceret) sicut semper faciebat eis. Respondens autem Præ- *Ioan. 18.*

ses, ait eis: Quem vultis de duobus dimitti? Exclamauerunt omnes si-

mul: Non hunc, sed Barrabam. Tolle hunc, & dimitte nobis Barrabam.

Pilatus autem iterum respondens, ait illis: Quid igitur faciam de Iesu,

qui dicitur Christus? At illi iterum clamabant: Crucifigatur, Crucifige

eum, Crucifige eum. Pilatus verò dixit ad illos tertio: Quid enim mali

**K** s fecit



154 MEDITATIO XXIII.

fecit iste? Nullam causam mortis inuenio in eo. Corripiam ergo illum, & dimittam. At illi instabant vocibus magnis, postulantes vt crucifigeretur. Et inualescebant voces eorū, & magis clamabāt, Crucifigatur.

CONSIDERA 1. vt populus in Christum propensior inductus sit à Sacerdotibus postulare Barabbam, perdere Christum, vt discas 1. plus nocere vnā orationem hominum impiorum, quā prosint multę exhortationes sanctorū. Quod enim triennio Christus multis laboribus construxerat, hic vno momento inuertitur. Caue igitur malorum colloquia, præsertim hæreticorum, quorum sermo serpit vt cancer. Discis 2. auctoritatem superiorum multum posse, siue in bonum, siue in malum. Tu ergo, si commissas tibi habeas oues Christi; auctoritate tua ad Domini tui gloriam vttere. Considera 2. ingratitudinem populi, qui tantum benefactorem & latroni postponit & postulat ad crucem. Discis 1. mundi applausum contemnere, qui tam atroci sine clauditur. Paulo antè acclamarant, Benedictus qui venit

2. Tim. 2

DE PASSIONE DOMINI. 155

venit in nomine Domini: nunc aliis vocibus, [Non hunc,] sed [crucifigatur.]  
 2. cæcum mundi iudiciū, qui spretis summis bonis, pessima eligit, benefactorē odit, hostem amici loco habet. Cauetū, ne ob modicum lucri aut humani fauoris, contra tuam ipsius conscientiam Christum prodas, ne tibi idem quod Iudæis, eueniat, quibus pro Messia tot seculis expectato & scdē reiecto atque damnato, obtrigit Barabbas (quod sonat filium patris) homicida, seditiosorum incentor, diabolus, cuius impulsu reguntur; vt qui Christum in Patris nomine venientem, audire recusarunt, audiant antichristum nomine patris sui diaboli loquentem. Considera 3. timidam Pilati vocē, [Quid faciam de Iesu?] Populi vocem quærit impius Iudex. Tu in iudiciis & actionibus tuis non in populi voluntatem ac mores, sed in Dei mādā animū intende. Considera 4. [Quid enim mali fecit?] toties repeti innocentiam Christi; vt semper recorderis, nō sua eum, sed tua peccata luisse. Hæc vox peccatores omnes in iudicio futuro damnabit. Cur (inquiet Dominus) deserto me, ad diabolum transfugisti? Quid enim mali feci?  
 quid

## 156 MEDITATIO XXIIII.

quid in moribus, & doctrina mea non cādidum, aut rationi non consentaneum deprehendisti? quid mali à me accepisti? & quid boni in castris dæmonis inuenisti? Tu hæc nunc meditare, atque in fide Christi perseuera. Considera demùm, hi clamores vt animum Christi perculerint, magisq̃ue ob tantum, tamq̃ue immane dilecti populi sui peccatum, quàm ob crucis tormentum commouerint. Tu eum deuota oratione solare, abrenūciatoq̃ue diabolo, pompisq̃ue eius, te totum Christo in seruum mancipiumq̃ue trade.

Quæstione  
20 et 37

## MEDITATIO XXIIII.

*De flagellatione Domini.*

Ioan. 19.

Mat. 27.

Mar. 15.

arguitas

obscureta vñ

latus et in

rorem et

tus est

et vñ

et m di

et m di

et m di

et m di

et m di

et m di

et m di

et m di

et m di

et m di

et m di

Tunc ergò apprehendit eum Pilatus, & flagellauit. Tunc milites Præsidis fulcipientes Iesum, duxerunt in atriũ Prætorij, & congregauerunt ad eum vniuersam cohortem.

CONSIDERA I. hætenus sponsum animæ tuæ, vt te sibi despōsaret, variis modis irrisum fuisse, consputum, vellicatum, verberatum: nunc autem ventum esse ad vulnera & sanguinem, vt qui tibi honores suos,



suos, libertatem, aliaque corporis bona dedit, tuique causa, hisce omnibus spoliari se passus est, nunc etiam largiter sanguinem propinaret; & viscera effunderet: visurus nimirum, qua tu vicissim in eum vteris liberalitate. Considera 2. duas causas, cur ad hanc Domini flagellationem venerit Pilatus; vna erat, vt Iudæorum rabies, viso Christi corpore tot verberibus dilaniato, mitesceret aliquantum, & à postulatione crucis quiesceret: altera, vt si nihilominus in furore persisterent, hæc flagellatio ad crucifixionem præmitteretur. Romanis enim legibus, crucifigendi flagellabantur. Vera autem ratio, qua ex Dei Patris voluntate Christus flagella suscepit, hæc fuit 1. vt totius corporis vulneribus te totum sanaret, qui totus languebas. 2. vt te totum acciperet, qui se totum tibi dedit. 3. vt viscera charitatis ei aperires, qui sua viscera tibi flagellis detexit. Considera 3. Christum à Pilato militibus prætorianis tradi, qui totam cohortem conuocarunt: (ea erat decima pars legionis, nempe 666. milites:) à quibus in atrium prætorij, latiore aulam deductus, ab amicis omnibus desertus, tanquam agnus in medio luporum, præde  
 expo-

## 158 MEDITATIO XXIII.

expositus fuit. Tu in hac aulam ingressus, attentè considera militum crudelem petulantiam, & Christi in omnibus malis modestiam, vultum serenum atque amabilem, & incredibilem patientiam. Primò igitur vestibus omnibus spoliant, nudumque in medio constituunt. Cogita castissimi Domini verecundiam, coram tanta hominum turba denudati; & vestes asserua ad tuam nuditatem tegendam exutas. Deinde sacrum illud corpus columnæ alligant, brachiis in altum erectis, vt omnia membra verberibus exponerentur. Tunc singuli, vel ex allatis fasciculis, virgas compingunt; vel ex funibus flagella conne-

*Cap. 67.*  
*in Act.* ctunt (est enim *φλαγγέλιον*, quod nos flagellum dicimus, vt notat Euthymius, verberè funiculis aut loris contextum) omnesque sese ad opus accingunt. Ora tu Dominum tuum, vt hæc eius nuditas, animam tuam diuina gratia, & virtutibus tegat; hæc eius vincula à peccatis soluant; hæc eius inter immanes hostes solitudo, de manibus hostium eripiat. Secundò de ipsa flagellatione, Considera 1. quàm illa immanis fuerit. Veteri quidem lege *Deut. 25* Iudæis cauebatur, ne vltra 40 verbera inflige-

fligerentur, hac addita mandati causa; Ne  
 tot plagis scdè laceratus, ante oculos tuos  
 abeat frater tuus. Gentiles porro milites,  
 qui nec Iudæorum lege tenebantur, ne-  
 que commiseratione mouebantur, hunc  
 numerum vsque adeò excesserunt, vt san-  
 cti quidam ad 5400 verbera accessisse, re-  
 uelatione didicerint; quod non videbitur  
 improbable, si hæc pauca attentè consi-  
 derentur. Primum, lex ipsa fustuariæ ca-  
 stigationis, qua decretum fuerat, vt à sin-  
 gulis militibus reus caderetur, liber qui-  
 dem fustibus, seruus autem flagellis; qua  
 lege discis Christum Dominum pro vili  
 mancipio; vt te in libertatem assereret, fla-  
 gellis verberatū, atq. à 660. militibus, pro  
 cuiusque libidine, hæc verbera passum. Se-  
 cundum est, causa legis de flagellandis iis,  
 qui crucis supplicio damnati erant, vt dila-  
 niato nimirum crucifixi corpore, nihil  
 esset, quod nuditate ad aliquam turpi-  
 tudinem spectatores moueret, cum nihil  
 formosum, aut iucundum, sed scdæ om-  
 nia, commiserationisq. plenissima con-  
 spicerentur. Tertium est, Pilati consilium,  
 qui hac tãta in hominem crudelitate, eum  
 se à morte erepturū sperabat. Voluit ergo  
 casti-



castigationem hanc esse acerbissimam, qua etiam immanissimis atrocissimisque hostibus vindictæ sedaret cupiditatem. Quartum est, Pontificum odium, quibus ut placerent milites, extrema quæq. Christo intulerūt. Quintum, tanta Pontificum in crucis baiulatione & acceleratio & sollicitudo, ne ante crucis supplicium Christus deficeret, quæ satis apertè indicabant, tot eum verberibus confectum esse, ut diu superstes esse non posset. Considera 2. modum hac flagellatione seruatum. Primò enim, pectore columnā tangente, dorsum

*Psal. 128* crudeliter dilaniarunt, iuxta illud: Supra dorsum meū fabricauerūt peccatores (seu, ut Hebræis est) arauerunt aratores. i. sauiissimè dilaniarunt; eaque parte penitus concisa verberibus, dissoluitur Dominus, ut anterior corporis pars, pectus, venter, tibiæ, non minus crudeliter exciperentur, &

*Isa. 1.* iuxta Prophetam, à planta pedis vsque ad verticem capitis non esset in eo sanitas. Et hoc quidem accidisse, vel ex eo discis, quòd Pilatus Christum paulò post ad populum educens, cùm diceret, Ecce homo, non tergum purpura tectum, sed pectus, & anteriorem partem spectandam exhibuerit.

buerit. Tu hic oculis internis aspice militum crudelitatem, Christi que amabilem patientiam: auribus excipe voces, cachinnos, & sannas iridentium militum, quas illi flagellantes, torquentes, ligantes, & religantes Christi corpus, foedissime emittebant. Mirare deinde Christi in his verberibus altissimum silentium, qui nec voce, nec gemitu, de dolore quereretur: denique interno tactu percipe dolores verberum, quæ ad ossa ipsa, & viscera penetrabant; collige sanguinem humi decidentem; eum adhibe peccatis & vulneribus tuis; ora que Dominum, ut ne frustra pro te, tam copiose effusus videatur. Tertiò, Post imposita flagella, considera 1. ut fessis tortoribus, defecerint virgæ & flagra, Christusque exhaustus poenis & sanguine, vix pedibus suis consistere potuerit. Tu igitur, ne parcas tibi, sed in Domini tui obsequium iuuenilem ætatem & vires expende. Considera 2. ut Dominus tuus proreptas, sparsas hinc inde vestes suas collegerit: easque non sine labore induerit; quæ vulneribus adhærescentes, sanguine tinctæ fuerint, vulneraque affixerint. Tu vestem Christi, Ecclesiam collige, animasque eo tum lotas

sanguine vt congreges, ne vllis pareas laboribus; Christiꝑ. corpus vulneribus saucium, lachrymis ablue, & oleo charitatis ac deuotionis vnge, nihilꝑe prætermittes quod ad corporis huius, membrorumꝑe eius curam conferre posse putabis. Considera 3. hac flagellatione & sequenti coronatione hora tertia tibi sanguinẽ suum à Domino effusẽ propinatum, qua eadem hora post ascensionem in cælos Spiritum sanctum in corda Apostolorum, totiusꝑe Ecclesiæ demisit, vt discas 1. ad hoc copiosẽ Christi sanguinem fusum, vt tibi copiosẽ Spiritus sancti gratia communicaretur. 2. vt eodem tempore, quo in Ecclesia huius sanguinis effusio per Missæ sacrificium recolitur, tu ibi præsens aperto corde sanguinis fructum, Spiritus sancti gratiam, & varia dona largiter exciperes. Tota hæc meditatio & admirationem excitat, & fiduciam erigit, & amorem accendit, & compassionem mouet, & dolorem de peccatis adducit, & ad labores suscipiendos hortatur, & animum in gratiarum actionem effundit.



## MEDITATIO XXV.

*De coronatione Domini.*

Tunc exuentes eum, chlamydem coccineam circumdederunt ei: & placentes coronam de spinis, posuerunt super caput eius, & arundinem in dextera eius.

*Mat. 27.**Mar. 15.**Ioan. 19.**Abraham**dit montes**qui vertice**de montes**eminentis sp**ect obliq**ca ascendit**as loci ob**scitificat**Janio*

CONSIDERA 1. tortores hos nouum tormenti genus excogitasse, quod & affligeret, & ridendum exponeret; vt qui regem se dicebat Iudæorum, regio vestiretur ornatu. Considera 2. hoc loco quatuor irrisionum genera. 1. exuunt eum vestibus suis, quas paulò antè induerat, non sine dolore, vulnera quibus pannus inhæserat, renouantes, nec sine confusione vercundiaque sacrum virgineum corpus nudantes. 2. chlamydem coccineam circumdant, vt purpureus sanguis toto corpore fusus, & purpurea vestis imposita, regium ornatum indicaret. 3. pro diademate, coronam ex multis spinarum ramis contextam, capiti imprimunt, seu imponunt, quæ Domini tempora (ait Tertullianus) & fœdauerunt & lancinauerunt.

*Lib. de ca-**rona m-**litis.*

4. arundinem pro sceptro in manus illi tradunt. En Regem tuum, Christiane; en triumphum coronationis eius. Considera 3. magnas utilitates, quas nobis parauit Dominus, his illusionibus significari. Nam 1. vestium ista spoliatio, qua Dominicum corpus tot vulneribus deformatum, & sanguine, sputo, sordibusque oblitum, & aspectu horridum, denudatum fuit, indicat foeditatem animæ tuæ, maculis peccatorum infectæ; quas sordes à te, in seipsum hac passione transtulit Christus, ut te omni foeditate purgaret. 2. Chlamyde purpurea significatur, tum natura nostra sanguinaria, & cædis rea, quam assumens Christus in personæ vnitatē, sanctificauit; tum peccata tua rubra sicut vermiculus, quæ sustulit passione sua Christus; tum Ecclesiæ corporis Christi membra, quæ in hoc mundo variis malis afflicta, hac Christi veste conteguntur, ne deficiant, sed ut meritis augeantur. Nihil enim vsque adeo Christiani hominis afflictiones solatur; nihil ita promouet pietatem, quàm sedula Dominicæ passionis recordatio. 3. Spinosa corona, sunt peccata tua sterilia atq. pungentia, ex maledicta terra corporis tui per concu-

concupiscentiam orta. 4. arundinem manu tenet Dominus, quo significet & per res mundo viles, vt passione, cruce, humilitate, orbis terrarū se regnum obtinuisse, & homines fragiles, inanes, nodosos passione sua, dexteraque se sustentare. Tu roga Dominum, vt horum omnium participem te efficiat, mementoque indecens esse, vt sub spinato capite requiescant membra delicata.

Et veniebant ad eum, & genu flexo adorabant; & illudebant ei; & cœperunt salutare eum, dicentes: Aue Rex Iudæorum.

CONSIDERA I. alia quatuor irrisorium genera. I. [veniebant ad eum,] vt ministri ad Regem, per ludibrium rogaturi, num quid curatum vellet; quos tu imitaris, qui nomine Christianus es, re autem vera mancipium diaboli; ore Christum confiteris, factis autē negas. 2. [Adorabant genu flexo,] seu (vt ait Marcus) ponentes genua, nullus vtrumque, sed quisque alterum. Fraudulentus est cultus eius, qui vnum genu humi figit, alterum habet erectum, cui corpus innitatur; quod tu imitaris, qui externo corporis gestu

Figura 2  
16

Mat. 27.

Mar. 15.

Ioan. 19.

David fu

libalo n

cum fust

calceatus

operto cal

incederet

a Sanci

mico ma

dicta et

honoribus

etiam in

afflictus



Deum quidem colis, animo verò in superbiâ, libidinem, aliâque vitia quasi inniteris. 3. [illudebant ei] variis modis, quos petulans nequitia suggerebat. Illuditur ei in terra, cuius maiestaté Angeli venerantur in cælo. Attamen quia Deus non irridetur, tu summa animi demissione & candore coram illo versare. 4. [salutabant, dicentes: Ave Rex Iudæorum.] Optima oratio, qua etiam tu salutes Regem Iudæorum, peccata sua agnoscentium, Deoque laudes dicentium. Beatum te, si hunc Regem habeas, à quo & hic suauiter regaris, & post hanc vitam eiusdem regni consors efficiaris. Considera 2. quòd Christus has ignominias & oculis videns, & auribus suscipiens, curarit serpentis sibilum, per Euz aures in posteros ingressum; & oculorum vanitatem, qua nostros oculos curiositate infecit. Ora Dominum, ut hæc omnia in animæ tuæ vtilitatem conuertat.

*Mat. 27.*

*Mar. 15.*

*Joan. 19.*

Et conspuebant eum, & acceperunt arundinem, & percutiebant caput eius arundine, & dabant ei alapas.

CON-

CONSIDERA 1. alia rursus quatuor genera illusionum. 1. [conspuunt eum.] non faciem modo, sed pectus, cæterumq. corpus; & illius equidem, qui est splendor gloriæ, & figura substantiæ Patris, in quem desiderant angeli prospicere, tam indignis & scurrilibus modis defœdant. 2. [accipiunt arundinem,] ficto obsequio, quasi fessum onere sceptri leuantes. 3. [percutiunt caput arundine,] vt spinæ firmitus capiti imprimerentur. Attende, hisce verberationibus spinas ipsas ad ossa cranij penetrasse, & iuncturis ossium infixas, etiam confractas esse. 4. [dant ei alapas,] non nuda, sed aduersus spinarum aculeos armata manu. Hic tu admirare, cum cæteras Domini virtutes, charitatem, patientiam, mansuetudinem, benignitatem, tum vel maximè humilem obedientiam, qua ad nutum paruit tortoribus suis; iussus sedere, caput ad spinas erigere, manu arundinem tenere, faciem ad verbera exponere, aliaq. molestissima pati, sine cunctatione obtemperauit. Considera 2. hos Ethnicos, tamen iniurias multas irrogauerint Domino, faciem tamen eius nunquam velasse, vt nos ex Gen-

*Heb. 1.*

*1 Pet. 1.*

## 168 MEDITATIO XXV.

ribus Christianos, Christus desertis Iudæis, misericordiæ oculis semper benignè aspiciat. Discis 1. nouis opinionibus, veritatem non tegere, neque ad hæresim declinare; sed quantuscunque sis peccator, fidem tamen sinceram apertè profiteri. Discis 2. conscientiam peccatorum mo-  
nentem te ac stimulantem non abiicere, quia conuersionis initium in eo est, si te redarguat conscientia. Roga Dominum, ne à te faciem, vllò vnquã tempore auer-  
rat, teque in orthodoxa fide conseruet, verisque virtutibus ornet, præsertim hu-  
mili cæcæque obedientia, vt maioribus tuis fideliter obtemperes, non in leuibus mo-  
dò ac iucundis rebus; sed in grauib; quo-  
que, duris & asperis.

*prophetia* Factus sum in derisum tota dicit  
omnes subvertant in saltem 20  
*audiat* contrarietas multorum et terrorem in corde  
MEDI-  
de coronatione prophetia  
Egredimini filie Sion videte Regem Salome  
nam in diademate quo coronabitur illa in  
per Centi 3



## MEDITATIO XXVI.

*De productione Domini à Pilato,  
ad populum.*

Exiuit iterum Pilatus, & dicit eis: Ecce adduco vobis eum foras, vt cognoscatis, quia nullam in eo inuenio causam. *Ioan. 19. Propheta*

CONSIDERA 1. Pilatum, cùm existimaret ita malè exceptum esse Dominum, vt cuiusuis cor, etiam adamantinum, ad commiserationem moueretur, produxisse eum foras; præcessisse tamen nonnihil, vt Iudæorum ad pietatem præpararet animos. Condemnat porrò seipsum impius iudex, qui innocentem fatetur eum, quem in aliorum gratiam ita immaniter tractauit. Considera 2. illud [Ecce adduco,] quia verè res mira est, Deum ab homine, in quem tot tantaque beneficia contulit, tot iniuriis affectum, & vulneribus concisum adduci. Admirare ingratitudinem tuam: Deus te in hunc mūdum omnibus bonis ornatum induxit; & tu eum de corde tuo grauib. peccatis dilaceratū ignominiosè educis & eiicis: adeoque domi

L 5 cum

eum tuæ non pateris quiescere, quam nimirum aut furta, aut alia quæuis peccata occuparunt. Tu potius educas eum foras, populis laudandum & adorandum.

Primò quidem eius notitiam & voluntatem verbis prædicans; deinde verò bonis moribus tuis eius sanctam exprimens vitam, vt cum B. Apostolicas: Viuo autem iam non ego, viuit verò in me Christus. Educens porrò, fac intelligant omnes, nullam inueniri in eo causam, cur non ab omnibus debeat admitti, cum præter signa amoris, sanguinem pro te effusum, verbera, liuores, nihil in eo videas; vt rectè de eo dicatur: *Cernitur in toto corpore sculptus amor.*

Ioan. 19. Exiuit ergo Iesus foras, portans spinam coronam, & purpureum vestimentum.

CONSIDERA I. vt in publicum Dominus prodierit. Contemplare locum editum, ad quem viginti tribus gradibus marmoreis (quos etiamnum Roma magna veneratione seruat) ascendebatur, atque ante hunc, latissimum forum, multis hominum milibus, qui ad Paschæ solennitatem, ex vniuersa Iudæa conuenerant, refer-

refertum. Hi omnes, simulatque eminus  
Dominum cum Pilato prodeuntem, aspe-  
xerunt, confertim propius accurrerunt,  
tam triste & horribile spectaculum atten-  
tiùs visuri. Egredimini & vos filiae Hie-

Cantic. 3.

rusalem, & videte Regem Salomonem in  
diademate, quo coronauit eum mater sua,  
synagoga Iudæorum. Egredere & tu ani-  
ma mea, & vide diadema, cultumq. hunc  
regium, quem Deo tuo imposuerunt pec-  
cata tua. Contemplare totum pacifici Re-

gis tui corpus, manibus hostium suorum  
diriter laceratum, quo pacem tibi cū Deo,  
tuaque ipsius conscientia certissimam cō-

ciliaret. En diadema ex ramis contextum,  
spinisque, & delabentibus sanguinis gru-

mis ceu gemmis distinctum: manus & bra-  
chia pro armillis vincula gestant: collum,  
totumque corpus pro torque aurea & bal-

theo, cingitur fune: pictura vestis, sunt vi-  
bices & vulnera: vultus porrò diuinus,  
phlegmate, sputis, sanguine, sordibus, tan-

quam pigmentis & fūco depictus, aut lar-  
ua contectus, horrorem aliis, tibi compas-  
sionem moueat. Expēde Isaiaē verba: Non

est ei species, neque decor: & vidimus eū,

& non erat aspectus. i. non videbatur hu-

mana

Bulla orna

ad istam menti ingul: 20nd

seru human



mana forma; & quasi absconditus vultus  
 eius & despectus; & nos reputauimus eum  
 quasi leprosum. Tu hunc Domini tui cul-  
 tum intimo cordis affectu venerare, quo  
 aduersus hostes, pro te depugnans, victo-  
 riam tibi, gloriamque reportauit. Sicut  
 enim arma illa, quibus tibi amicus hono-  
 res & diuitias parauit, tu in precio habes,  
 exocularis, studiosè asseruas: ita hæc spu-  
 ta, hæc flagella, has ignominias, quæ tibi  
 tantorum bonorum cumulum attulerunt,  
 religiosè meditari, colere & amplecti de-  
 bes. Agnoscit enim ornatum suum Do-  
 minus, teq. facilius his vestibus indutum,  
 quàm mundano cultu venientē excipiet;  
 quia à te quoque hoc vili habitu indutus,  
 quàm splendidè ornatus, cogitari & ado-  
 rari mauult. Considera 2. hunc saccum  
 corporis Christi, qui à te de cælis demissus  
 est, plenus gratia & veritate, iam vndique  
 scissuris apertum, & lacerum, admirabilem  
 de sacris visceribus spirare odorem, ita  
 acrem, vt dæmones abigat, ita penetratē,  
 vt saxeæ corda findat, ita suauem, vt ex  
 omnibus orbis partibus aquilas alliciat.  
 Vbi enim fuerit corpus, illuc congrega-  
 buntur & aquilæ. Tu igitur cordis tui na-  
 res

*Iuan. 1.*

*Mat. 24.*

DE PASSIONE DOMINI. 173

res emunge, purga sordes vitiorum, vt  
 suauitate odoris diuini excitatus, in odo-  
 rem vnguentorum istorum curras. *Roga- Cantic. 1.*  
 que Dominum, vt hac suauitate te trahat  
 post se, instilletque tibi huius amorem pas-  
 sionis, vt tibi præ illa mundus sordescat.  
 [Et dicit, Ecce homo:] Hac voce Pila-  
 tus commiserationem excitare nititur, in-  
 dicans primò quidem pœnarum acerbita-  
 tem, quasi dicat: Agnosceite hunc esse ho-  
 minem, non bestiam; si quid commisit,  
 exoluit copiose. Misereamini igitur homi-  
 nes, hominis; bestiarum est non parcere  
 victis. Deinde verò, Ecce homo est, & mi-  
 ferrimus homo, quem vt Regem Iudæo-  
 rum accusastis, nihil sane minus quàm vt  
 ab hoc vobis Rege timeatis, quem præ ni-  
 mia totius corporis deformitate, crucia-  
 tumque atrocitate, vix hominem agno-  
 scatis. Tu ista verba his modis vtiliter tibi  
 accommoda. 1. [Ecce homo,] tibi ad  
 imitandum propositus, hoc habitu, his  
 gestibus, hac animi corporisque forma.  
 Veteribus erat exemplar vitæ datus Abra-  
 ham. Attendite ad petram (ait Isaias) vnde *Isa. 51.*  
 excisi estis. Tibi proponitur hic homo, de  
 quo Pater cælestis, Ipsum audite: & Filius *Mat. 17.*  
 Dei.

*Mat. 11.* Dei: Discite à me, quia mitis sum, & humilis corde. Non igitur in aliorum hominum mores respicias, sed in hunc hominem, in hanc faciem Christi tui, qui licet Deus sit, cuius proinde virtutes nequeas & facta exæquare, est tamen verus homo, eadem humana infirmaque natura præditus, qua tu & cæteri homines. Primus

*Psal. 48.* parens Adam, te ex homine fecit similem iumentis insipientibus: si ad pristinam humanæ naturæ dignitatē redire velis, cum hoc homine coniungere. 2. [Ecce homo] ad quem in omnibus necessitatibus tuis confugas. Hæc sputa pro te perferuntur, hic sanguis tibi propinatur, hæc mala omnia tibi donantur; tum ut his quasi pharmacis peccata tua tollas, & vulnera cures; tum ut ea Patri æterno pro immensis debitis exolvas. 3. [Ecce homo.] Vide quid huic homini attulerint peccata tua: superbia tua has irrisiones, hunc contemptum peperit; avaritia tua hanc nuditatem; ebrietas tua hanc sanguinis effusionem; libido has spinas; ira hæc vulnera; invidia hos liuores: acedia hæc vincula procuravit. O homo, attende hominem, sed qualis qualem? Homo vermiculus, hominem Deum.



DE PASSIONE DOMINI. 175

Deum. Heu quanto huic debetur gloria,  
& tibi quanta ignominia? Hic tamē qua-  
lis pro te factus? & tu quid agis aut suffers  
in gratiam eius? Factus est vermis, & non *Psal. 11.*  
homo, opprobrium hominum, & abie-  
ctio plebis, & quidem vt te in Deum eue-  
heret. Tu verò nihil minus quàm de eius  
gloria promouenda sollicitus, tuis hono-  
ribus, opibus, commodisquē occuparis.

MEDITATIO XXVII.

*De tertia accusatione Domini  
coram Pilato.*

Cùm vidissent ergo eum Pontifices & *Ioan. 16.*  
ministri, clamabant, dicentes: Cruci-  
fige, Crucifige eum.

CONSIDERA I. populo ad commise-  
rationem propenso & subtriciente, Pontifi-  
ces, eorumque ministros, & adulatores,  
non conuiuiscere. Vt discas I. neminem  
difficilius peccatorum pœnitentiā moue-  
ri, quàm qui deliberata malitia peccat. Nā  
qui vel infirmitate, vel ignorantia delin-  
quunt, citius ad cor redeunt, & veniā me-  
rentur: qui autem scientes volentesque  
mali sunt, admonitionibus adeò non  
emol-

## 176 MEDITATIO XXVII.

emollescunt, vt etiam indurescant. 2. Hostes Christi & Ecclesiæ nunquam reddi meliores, si multa iis permittantur, si indulgentius, mitiusque tractentur. Hoc enim genus hominum minis, terroribus, constantia superandum est, non conuiuētia. Considera 2. quòd sicut impij conspecto Christi sanguine, non aliter in necem eius inardescabant, atque canes viso sanguine feræ, ita conueniat te accendi in amorem passionis Domini, contemplatione dolorum eius, vt in meditatione tua exardescat ignis deuotionis. Considera 3. vt penetrauerint viscera Domini tui, hæ voces impiorum, Crucifige, Crucifige eū, de quibus apud prophetam prædixit: Reliqui domum meam, dimisi hæreditatem meam, dedi dilectam animam meam in manum inimicorum eius: Facta est mihi hæreditas mea quasi leo in silua. Compattere Domino tuo, & desle peccata tua, quæ

*Psal. 38.* voces easdem continenter edunt, suntque sanguisugæ instanter clamantes affer, affer.

*Prou. 30.* Dixit eis Pilatus, Accipite eum vos, & crucifigite: Ego enim non inuenio in eo causam.

C O N -

CONSIDERA 1. Pilatum indignitate commotum, durius respondisse Iudæis. Admirare tu teporem tuum, qui cum sis Christianus, Christi que dignitatem non ignores, dolorum etiam magnitudinem scias, illis denique causam te attulisse fatearis; non mouearis tamen, nec commiseratione in Christum, nec indignitate in te ipsum. Disce iuste commoueri in eos, qui vel te vel alios, ad peccata incitare conantur, hoc est, in dæmonem eiusque ministros. Si (inquias) tu Dei bonitatem offendere velis, ego sanè in eo non inuenio causam, nisi amoris, reuerentiæ, gratiarum actionis. Considera 2. Pilatum, cum sententiam mortis Dominicæ ferre nollit, mortem tamen eius non impediuisse, sed in alios authores transtulisse; quem tu imitaris, quoties malum, quod per te ipse perpetrare non audes, aliorum relinquis arbitrio. Considera 3. Impium Præsidem, post tot inflicta vulnera, nullâ adhuc vel mortis, vel verberum inuenisse causam. Tu causam inquire in apertis visceribus Christi, ardentem nimirum charitatem, quæ saccum hunc corporis scidit, atque dirupit, & sanguinem hunc copiosum effudit.

M

Angeli



Angeli sancti, qui in huius Domini natiuitate stabant attoniti ad tantam charitatem, quæ Deum omnipotentem & immensum eò adegit, vt fragile corpus infantile assumeret, quomodo non obstupescunt modo tum ad amorem Dei, qui pro vili homuncione, vermis potius haberi voluit, quàm homo, esseque opprobrium hominum & abiectio plebis, omnium peripsēma & ludibrium; tum ad Iudæorum truculentam malitiam, qui Messia sui tot sæculis prænunciari & expectari, pœnis pro illis ipsis susceptis exatiari noluerint; tum ad cordis tui duritiā, quod ex tam ardēti Creatoris tui charitate non liquefactum est, neque emollitum. Admirare tu eadem, rogaque Dominum, vt cor tuum amore suo succendat.

*Iohan. 19.* Responderunt ei Iudæi: Nos legem habemus, & secundum legem debet mori, quia Filium Dei se fecit.

CONSIDERA I. arrogans responsum Iudæorū: [Nos legem habemus.] Confidebant in lege quam in membranis habebant, & opere non implebant. Eos autem imitantur I. illi qui verbum Dei iactant, perpetuoque inculcant, & toti sunt  
in

in fidei commendatione, cum interim nihilagant vel fide, vel scripturis diuinis, vel Christiano homine dignum. 2. illi qui in externis tantum ceremoniis pietatē constituunt, non autem in Dei cultu, & fraternā charitate. Considera 2. secundum legem mori debere Christum; quia vniuersa lex Moyſis & Prophetæ, mortem Christi & præſignificauerunt, & prædixerunt. Omnia enim veteris legis sacrificia, crucis sacrificium adumbrauerunt, & omnes Prophetæ ad mortem Meſſiæ vaticinia ſua retulerunt. Verum igitur dicunt Iudæi, ſed non ad mentem ſuam; qui dicere volebant Chriſti peccatum atque blaſphemiam ex lege mereri mortem; ut diſcas, Deum, quæ malè à malis geruntur aut dicuntur, in bonum tuum commutare, ut tu quoque ex malis bona elicias. Considera 3. cauſam mortis, [quia Filium Dei ſe fecit.] Veriſſima mortis cauſa. 1. ſi Deum Patrem ſpectes; quia Filius Dei factus homo, ipſum hominem fecit filium Dei, in vnā Filij Dei perſonam humanam naturam aſſumens. Neque enim cum æterno Patre in gratiam reuerſiſſemus, niſi per mortem illius hominis,

## 180 MEDITATIO XXVII.

qui esset germanus & verus Filius Dei.  
 2. si Iudæos cogites; quia vitam ducebat  
 Filij Dei. Ideo quippe invidia eorum ad  
 Christi necem exarsit, quòd vita sanctissi-  
 ma improbos eorum mores argueret. Tu  
 caue ne aliud vnquam in te crimen note-  
 tur, quàm quòd filius sis Dei. Hoc enim  
 nomine si patiaris, beatum te & fidelem  
 discipulum Christi. Et quia hanc mortem  
 Filius Dei subiit, te, vt filium Dei consti-  
 tueret, roga eum, vt hic sua gratia illustret  
 animam tuam, teque in filium Dei eue-  
 hat, & post hanc vitam communicata  
 diuinitate sua inter filios Dei te compu-  
 tet, & inter sanctos, qui filij Dei vocabun-  
 tur, sortem tuam constituat.

1 Pet. 4.

Sap. 5.

Figura Cum barielm à Satrapis  
 per inuidiam accusatum a MEDI-  
 pud se barielm Rex ceteri et honorati

Satrapa instituerunt vt neci Daratan  
 denuntiarent Regi negligentem illi legem  
 pariter vt in Regi in illi barielm conde-  
 mnetur

lib. 16. feli homini datus coru armita et ingulit et huc  
 Linguis suis dolose aperbat vixit aspectu sub labijs  
 coru quoniam or maledictione et amara tadit ph  
 m. off. valores pederunt ad effusa Tu sanguinem



## MEDITATIO XXVIII.

*De secundo examine Christi  
facto à Pilato.*

Cùm audisset Pilatus hunc sermonem, *Joan. 19.*  
magis timuit: & ingressus est prætoria-  
rium iterum; & dicit ad eum: Vnde  
es tu? Iesus autem responsum non  
dedit ei.

CONSIDERA I. Pilatum, hominem vi-  
delicet ethnicum, gentili errore imbutum  
veritum esse, ne Dei fortasse cuiuspiam  
Iouis aut Martis Christus esset filius. Ita  
enim de Romulo & Remo, de Aenea,  
aliisque quamplurimis poëtae fabulantur.  
Confirmabat opinionem, Christi respon-  
dentis modestia, & morum grauitas. Ti-  
mebat igitur Dei parentis indignationem,  
cuius filium tam iniquè flagellasset. Me-  
tuit gentilis vanam iram Dei gentilis, &  
non metuit peccati turpitudinem: neque  
Iudæi metuunt iustissimam iram veri Dei.  
Tu metuis interdū umbras, spectra, som-  
nia, & puerorum terribilia; nec me-  
tuis dæmones, peccanti tibi præsentem; di-  
strictum Christi offensi iudicium; immi-  
nentem

nentem gehennam. Considera 2. [Vnde es tu?] Mali neque Deum largitorem bonorum agnoscunt, neque vnde eis bona eueniant. Agnoscit bos possessorem suum, & asinus præsepe Domini: gallinæ, feles, porci, si quid cibi proiicitur, erecto capite in eum intuentur qui proiecit; & homo tot beneficiis auctus à Deo, neque gratias agit, neque Deum agnoscit. Considera 3. Christum responsum nullum dedisse, 1. quia necessum non erat, cum superius & innocentiam suam satis manifestam fecerit, & quæstionis huius solutionem indicauerit, dicens: Regnum meum non est de hoc mundo: Ego ad hoc natus sum, & ad hoc veni in mundum, &c. Non enim loquebatur Dominus nisi raro, & necessaria, & (ait D. Chrysostomus) ne perpetuo silentio superbus videretur. 2. ne responsis suis videretur elabi velle, & mortem ef- fugere, quam facile euasisset, si vel ipse, vel eius permisso alius causam eius serio egisset. 3. ne sanctum canibus daretur. Iam enim Pilatus immani flagellationis peccato indignum se reddiderat diuino responso. 4. quia homini Ethnicò non po- tuit responderi ad eam quæstionem, quam  
nec

Mat. 1.

Hom. 87.  
in Mat.

nec Angeli capiunt. Nam vnde est persona illa, quæ maiestate sua replet cælû & terram, quæ in sinu Patris semper nascens, semper est nata & perfecta; cuius generationem nemo potest enarrare? Tu porro hanc Domini tui maiestatem animo perpendens, viso eo iam coram hoc iniquo Præsede tam scedè dilaniato, tot deformato verberibus, tot sputis, sordibus, doloribus oppleto, admirans interroga, Vnde es tu? Tûne es ille, cuius Pater est Deus, cuius ministri sunt Angeli, cuius regnum est cælum? Nam si ex habitu, vt fit, de condicione hominis iudicandum est; videris vermispotius quàm homo, eductus de luto, quàm veniens de cælo.

Dicit ergo ei Pilatus: Mihi non loqueris? Nescis quia potestatem habeo crucifigere te, & potestatem habeo dimittere te? Ioan. 19.

CONSIDERA I. Pilati superbiam, 1. quia Christi taciturnitate se ratus contemptum, principatus sui potestatem, quasi virgam intentat: facilè quippe indignatur homo superbus, qui nec minimum quidem ab aliis tolerare patitur,



cum interim nihili faciat, quæ aliis ipse infert incommoda. 2. quia sibi tribuit auctoritatem aliunde acceptam, ut tu discas 1. Deo accepta referre omnia dona ab ipso collata, ne ingratus possessor iis exuarius. 2. dona illa agnoscere, & in Domini tui utilitatem expendere; ne illis abusus, grauiori supplicio damneris. Serio igitur tecum cogita, quantis opibus, auctoritate, doctrina, corporis viribus, aliisq; donis polleas; quantum utilitatis, vel ad Dei gloriam augendam, vel ad proximorum salutem promouendam, iis adferre possis; quantum boni illis effeceris; & quodcumque facere potest manus tua, instanter operare; quia nec opus, nec ratio, nec sapientia, nec scientia erunt apud inferos, quod tu properas. Considera 2. Pilatum agnoscere in se liberam potestatem, cruci Dominum suffigendi, & eiusdem dimittendi; ut discas 1. tibi non deesse liberum arbitrium ad rectè vel malè agendum, eoque vtaris ad virtutes excolendas, non ad peccata committenda. 2. Pessimam eam esse libertatem, qua mala nobis licent, & optimam necessitatem quæ ad meliora compellit. Tu igitur sic te Christo adstringe, ut mala

*Ecl. 9.*

*B. Aug.  
epist. 45.*

mala non liceant, sed bona sola atque virtutes velle possis & agere. Ea namque vera est & Christiana libertas, ita posse ex virtute operari, & quę ratio fidesque dicant; perficere, non si liceat peccare, sed si voluntas in bono confirmata, nullis possit vel concupiscentiæ, vel aliis impedimentis à proposito dimoueri.

Respondit Iesus: Nō haberes potestatem aduersus me vllam, nisi tibi datum esset desuper; propterea qui me tradidit tibi, maius peccatum habet.

*Ioan. 19.*

CONSIDERA I. Christum his verbis repressisse Pilati superbiam, quę docet à se nullam habere potestatem, sed vel datam desuper à Cæsare, cuius vices gerebat, (sicut interpretatur B. Augustinus) vel concessam cęlitus à Deo, citra cuius peculiarem permissionem, in Christum Dei filium, nemo quicquam potuisset. Potestatem autem hanc acceperat cum cæteris hostibus Domini Pilatus, quando in hortu licentiam in se sęuiendi his verbis fecit: Hęc est hora vestra, & potestas tenebrarum. Et licet magis peculiari opus fuerit permissione sęuiendi in Christū, quàm in quemuis alium Christianum, recte ta-

*Tra. 116.*

*in Ioan.*

*Luc. 22.*

## 186 MEDITATIO XXVIII.

*Lib. 3. ad  
Quirinu  
cap. 80.*

men discis cum D. Cypriano, nihil posse diabolum in hominem, nisi Deus permiserit. Considera 2. [Qui me tradidit tibi, maius peccatum habet.] subintellige, quàm si quemuis alium hominem tibi ad necem obtulisset; vel maius quàm tu, partim quia tu quasi ex potestate, & à populo Principibusque impulsus, ille ex se, priuato odio, & deliberata malitia; partim, quia tu ignoras personæ meæ & officij dignitatem, quam Iudæi ex vaticiniis prophetarum ignorare non debebant nec poterant, visis tot miraculis, quæ non nisi à Messia futura erant, vt excusationē non haberent de peccato suo. Discis 1. peccata omnia non esse paria (vt quidam nugantur,) sed grauiorā eorum, qui ex deliberata malitia, quàm qui infirmitate vel ignorantia peccant; qui pios, quàm qui impios rident, & persequuntur; qui alios ad peccatum inducunt, quàm qui inducuntur. Nam horum peccatum etiam in inductores redundat. 2. discis cum ab omnibus peccatis abstinendum, tum vel maximè ab illis, quæ committuntur in Deum, vt sunt hæresis, blasphemia, periuriū, diuinarum & sacrarū rerū vel irrisio, vel prophanatio.

Vt



DE PASSIONE DOMINI. 187

Vt enim ista cæco hominum iudicio, qui nihil nisi quod cum proximi læsione coniunctum est, in vitiis ponunt, videantur exigua: Deus tamen suam iniuriam, quàm vilius creaturæ acriùs vindicabit. Tu admirare Christi bonitatem, qui tam piè docuit impium iudicem; eumque roga, ne tibi vllam vnquam faciat peccandi libertatem.

MEDITATIO XXIX.

*De quarta accusatione Christi  
coram Pilato.*

Exinde quærebat Pilatus dimittere eū. *Ioan. 19.*

Iudæi autem clamabant, dicentes:

Si hunc dimittis, nō es amicus Cæsaris: Omnis enim qui se regem facit, contradicit Cæsari. Pilatus autem cū audisset hos sermones; adduxit foras Iesum, & sedit pro tribunali, in loco qui dicitur lithostrotos, Hebraicè autem Gabbata. Erat autem parasceue, hora quasi sexta.

CONSIDERA I. Pilatum audita mentione peccati, seriò de Christo dimittendo cogi.

cogitasse, ne se maiori crimine obstringeret; vt tu discas Christi amore in posterum à peccatis abstinere, quia sufficit hæcenus Deum offendisse, & conscientiam turpitudine peccatorum defœdasse; sed esto Pilato constantior, vt cui plus gratiæ Deus indulgit. Considera 2. inflammatum odium Iudæorum, quos cum accusationes descerent, minis iudicem terruerunt, & impulerunt ad scelus; quasi dicant: Deferemus te apud Cæsarem, cuius hostem & æmulum Regni fouisti. Improbiorum est, metum incutere, quando veritate nihil possunt. Tu, si præter Deum metuas neminem, hostibus omnibus superior euades. Considera 3. Pilatum hæcenus virum fuisse, quamdiu suis commodis nihil decessit. At verò vbi honorem suum nomenque agi existimauit, cedit minis, ac frangitur; similis illis qui veritatem tuentur, quamdiu nullo id incommodo suo fieri posse existimant; quòd si verò aliquis se turbo immitat, vela conuertunt, ceduntque tempestatibus, neque se suaque implicari patiuntur. Tu mundum fugias, ne te negocium Christi agentem ad iniquum aliquid abducatur. Is enim qui se Regem facit, & sibiipsi suisque

suisque cupiditatibus dominatur, non est  
 amicus Cæsaris, principis, inquam, huius  
 mundi, diaboli, cuius amicitiam si ambias,  
 & iram si metuas, nihil minus quàm quòd  
 Pilato euenit, consequeris; qui delatione  
 Iudæorum in alia causa, excidit Cæsaris  
 amicitia, in exilio miserè mortuus. Dæ-  
 mon metuentes se persequitur; odientes  
 fugit & deserit. Considera 4. locum, diem,  
 & horam damnationis Christi distinctè  
 annotari. 1. ad magnitudinem declaran-  
 dam eius mali, quo Filius vnigenitus veri  
 Dei, crucis supplicio fuit adiudicatus.  
 2. ad mysterium significandum, quòd his  
 continetur. [Dies erat parasceues,] hoc  
 est, dies sextus, quo creatus fuit homo, eo-  
 dem reformandus, & verus agnus immo-  
 landus, quo typicus occidebatur. [hora  
 quasi sexta,] hoc est, paulò ante meridiè;  
 qua hora & agnus typicus ad immolan-  
 dum præparabatur, & homines passim ge-  
 nio indulgent. Locus *λίθους*, hoc est,  
 lapidibus stratus, & *ΝΤΤ* hoc est editus,  
 quia & ab hominibus saxis ipsis duriori-  
 bus, & elatis damnatus sit Christus, & pro  
 tua superbia, cordisque duritia & cæci-  
 tate, sententiam mortis suscepit. Roga  
 Domi-



Dominum, vt cæcitatem tuam illuminet, duritiam emolliat, deprimat elationem.

*Ioan. 19.* Et dicit eis Pilatus : Ecce Rex vester.  
Illi autem clamabant : Tolle tolle:  
Crucifige eum.

CONSIDERA 1. Pilatum, cùm aliis rationibus nihil proficeret, nunc vel risu misericordiam prouocasse, quasi diceret: Eia insignem Regem, quem de ambitu accusatis. Qui enim vix videatur homo, quam possit habere spẽ regni? Vel ad obstringendum Iudæos seruituti Romanorum, quam exosam habebāt, Messiamque suum negandum ista dixisse. Adhuc enim scintilla pietatis in eius animo vigeat; vt discas quam ægrè à nobis recedat Dominus. Considera 2. tria nomina, hoc passionis tempore, Christo à Pilato & Iudæis data, Homo, Rex, & Filius Dei; quæ tria

*Mat. 2.* Magi suis muneribus agnouerunt. Non enim potuit nobis dari salus, nisi pateretur Deus & homo, qui passione sua dæmoni regnum mundi eripuit. Considera 3. verbum plenum consolationis: [Ecce Rex vester:] quo sanè verbo Regis nostri conditiones nobis indicantur, qui non sit du-

rus,

rus, difficilis, importunus exactor, laboribus opprimens, vectigalibus onerans, iugum graue imponens; sed amabilis, facilis, effusa charitate labores, dolores, sanguinem & vitam suam nobis donans; & eum quidem sanguinem, quo solo peccatorum nostrorum sordes abluantur: portat deinde peccata nostra, onera nostra sustentat; denique corpore & sanguine nos reficit, iugumque suauē suū ipse ex- *Osea 11.*  
 altat super maxillas. Huic porro Regi tu nomen in baptismo dedisti; sub illius signis militare cœpisti, eius proinde arma bellica diligenter intueare, modumque cū hoste configendi obseruato: tibi enim iisdem vtendum est armis; tibi eūdem in modum, & sedulò dimicandum; humilitate, inquā, contemptu, charitate, cæterisque virtutibus ad victoriā properandum, si tamen iisdem velis præmiis donari. Considera  
 4. effrenem Iudæorum insaniam, qui à se Regem gloriæ cum regno abiciunt. Tolle, tolle (inquiunt) nolumus hunc regnare super nos. Tu porro Iudæorum Regem, à *Luc. 19.*  
 Iudæis reiectum, & Gentibus datum tolle, & introduc in domum matris tuæ, & in *Cantic. 3.*  
 cubiculum genitricis tuæ; eum tibi Re-  
 gem

192 MEDITATIO XXIX.

gem præficio, non mundum, non dæmonem, non ventrem, non mammona. Dicatque non iam, Ecce Rex vester, sed, Ecce Rex noster, imò verò, Rex meus, qui dilexit me, & tradidit semetipsum pro me. Caue porrò, ne Regem semel susceptum peccato aliquo iterum crucifigas; ne de te queratur, Vos cōfigitis me gens tota: quin potius Christo confixus cruci, ora ipsum, vt configat timore suo carnes tuas.

*Ioan. 19.* Dicit eis Pilatus: Regem vestrum crucifigam? Responderunt Pontifices: Non habemus Regem, nisi Cæsare.

CONSIDERA I. in hac interrogatione Pilati, quàm sit indignū, Messiam, ab ipso mūdi exordio hominibus promissum, tot deinde sæculis expectatum, missum tandem summa æterni Patris commiseratione in salutem Iudæorum, talem tamque miserabilem vitæ finem sortitum, vt inglorius ac maledictus, ad horrendum illud supplicium crucis postuletur. Tu porrò ad teipsum cōuersus, num simili fortasse errore inuoluaris, attende. Scis te in hunc finem editum mundo, vt Deo tandem in æterna illa ac cælesti fælicitate perfruaris:

scis



scis mundi huius machinam vniuersam,  
 in tui gratiam à Deo esse conditam; eadem  
 etiam causa ipsum Dei Filium de cælo  
 descēdisse, ex virgine natum esse, tibi om-  
 nes suos labores, passionem denique ac  
 mortem suam cōsecrasse: Tu verò horum  
 omniū nulla habita ratione, quando Deo  
 frui deberes, peccatis tuis Deum repellis,  
 præcludis cælum, negligis salutem, peni-  
 tusque contemnis. Considera 2. insanam  
 hanc Pontificū electionem. Nolunt Mes-  
 sias à Deo donatum; quasi verò sit ipso-  
 rum, Messiam sibi suo arbitratu ac voto  
 deligere; & non potius quem Deus Mes-  
 sias dederit, suscipere. Insania hominum  
 intolerabilis, qui sibi vel Deum pro arbi-  
 tratu constituunt, vel religionem excogi-  
 tant, vel Dei cultum ex diuinis literis, pro  
 sua voluntate intellectis, atque detortis,  
 eligunt; vnde & hæretici .i. electores, iure  
 vocantur. Dei est, religionem dare, & mo-  
 dum se colendi præscribere, non autem  
 nostrum eligere. Considera 3. inuidia na-  
 turam, quæ alteri malum quarit, & suo  
 quidem incommodo. Graue illis erat, atq.  
 exosum Romanorum imperium: hoc ta-  
 men pontifices pro se & vniuerso populo  
 præse-

præferunt suauis iugo Christi. Disce 1. affectus prauos animi deponere, ne in grauiora mala corruas. 2. non tantam externæ nobilitatis aut potentiæ rationem habere, ut propter eam vel minimum Dei mandatum violes, aut à recto deflectas. Nihil enim vel nobilitas, vel potentia, vel splendor externus authoritatis habet, nisi sub Christo, & propter Christum, à quo omnis potestas in cælo & in terra nominatur, & ad quæ omnis honor & gloria refertur. Considera 4. à Deo stultam Iudæorum electionem confirmatam; nam & Messia suo, quem à Gentilibus tolli voluerunt, tot annis priuati sunt; & externis regibus in seruitutem dati, qui ciuitatem eorum succenderunt; templum, ut non relinqueretur lapis super lapidem, euerterunt: comederunt Iacob & locum eius desolauerunt: disperserunt eos in gentibus; graui seruitute oppræsserunt, ut sint opprobrium vicinis suis, subsannatio & illusio his qui in circuitu ipsorum sunt. Tu nihil à Deo petas, nisi ut te regat, à te graue iugum auferat dæmonis exactoris.

*Mat. 22.*

*Mat. 24.*

*Psal. 78.*

MEDI-

## MEDITATIO XXX.

*De condemnatione Christi.*Videns autem Pilatus quòd nihil pro- *Mut. 17.*

ficeret, sed magis tumultus fieret:

accepta aqua, lauit manus coram po- *Figura.*pulo, dicens: Innocens ego sum à  
sanguine iusti huius; vos videritis. *Nabot in*

**PILATO**, Ethnico nimirum homine, *centi à pr*  
ex conscientia tamen & rationis dictami- *scribitur 10*  
ne commoto, idque vnum agere, vt Chri- *al. iussu d*  
stum indemnatum dimittat, Iudei tumult- *pist. 12. 13.*  
uantur. Considera ergo 1. quantum ea *enim co*  
res Christi animum afflixit, quòd cum *dominatio*  
Ethnicus homo à Dei notitia & sacramen-  
tis alienus, pro eo liberando sollicitus es-  
set, illi mortis sententiam magno tumultu  
pronunciari cogitent, quibus Deus & sui  
magnam notitiam contulisset, & variis sa-  
cramentis eos ornasset. Disce non mirari  
si quaedam tibi contra æquitatem, rectam-  
que rationem eueniant. Considera 2. tu-  
multuari malos; quia sicut infernus est tu-  
multu & horrore plenissimus; sic quacun-  
que à dæmone suggeruntur, non nisi ad  
tumultum referuntur & perturbationem,



seu externam ciuium, seu internam animorum. Considera 3. Pilati ceremoniam, qui manus quidem aqua lauit, sed crimen conscientiae non abluit; non enim externa aqua, sed lachrymis peccata purgatur. Hæc porro aquam lachrymarum, tu peccatis commissis adhibeas ut diluantur, non autem præmittas, ut nimirum pecces impunè; quia sicut peccata quælibet iam admissa delentur lachrymis & poenitentia, ita nihil prorsus est, quod impunitatem peccandi redimere possit. Considera 4. verba Pilati, [Innocens ego sum.] Putat se innocentem, quia iustum inuitus damnat.

B. Leo ser.  
3. de pass.  
Domini.

Sed innocens esse non potest, qui iisdem labiis Iesum misit in crucem, quibus eum pronunciauerat innocentem. Discis autem hisce Iudæis eos non esse dissimiles, qui nullis neque monitionibus acquiescunt, neque rationibus commouentur; & Pilati quidem scelus imitantur. 1. qui ad aliorum postulationem in conscientiam peccant. 2. qui quouis prætextu se excusantes culpam in alios retorquent. 3. qui boni cuiusvis simulatione nequitiam mentis tegunt. Tu verò hac Pilati voce, vide cautius, tuoque commodo utaris: Innocens sim ego

ego Domine ex sanguine iusti huius.  
 Cum enim iste solus sit iustus, veraque iustitia nostra, nihil mihi innocentiam adferet animæ, nisi ex sanguine iusti huius, pro iustitia fuso in remissionē peccatorū.

Et respondit vniuersus populus, dicens: Sanguis eius super nos, & super filios nostros. Mat. 27.

CONSIDERA 1. cæcum furorem inuidiæ; non negant iustum, sed eum qualis, qualis tandem sit, petunt ad crucem, utque timido præsidii animū addant, mortemque iusti accelerent, seipsos posterosque suos grauissimis malis obstringunt. Hæc vox Christi Domini cor percutit, qua populus Dei hoc sanguine liberandus, sibi sanguinis ultionē imprecabatur. Considera 2. quanta sit insania, malum sibi postulare, cuius magnitudinem ignores. Si enim graue supplicium meretur peccatum omne, pro quo delendo hic sanguis fusus est, heu qualis gehenna manebit peccatum illud, per quod hic sanguis fusus est? His cæcis Iudæis similes sunt. 1. qui nihili pendentes secuturas inferni poenas, quarum ignorant grauitem,

tem, Deum peccatis suis pergunt offendere. 2. qui res arduas nulla consideratione suscipiunt. 3. qui alienis se grauant peccatis, & quid porro futurum sit non perpenderunt. Considera 3. Dei bonitatem, qui sicut pro voto & postulatione Pilati Gētibus pepercit; ita cum Iudæis minus seuerē quā pro eorum petitione egit; quia & multos ex his ipsis in gratiam recepit, & multa millia posterorū ad fidem salutem-que perduxit. Tu porro dā operam ne peccatis tuis reus sis corporis & sanguinis Domini, sed roga vt sanguis eius sit super te, & super filios tuos in salutem & remissionem peccatorum.

*Mar. 15.*

*Luc. 23.*

*Mat. 27.*

*Ioan. 19.*

Tunc Pilatus volēs satisfacere populo, adiudicauit fieri petitionem eorum. Dimisit autem eis eum qui propter homicidium & seditionem missus fuerat in carcerem, Barabbam quem petebant: Iesum verò flagellatū tradidit volūtati eorū vt crucifigeretur.

CONSIDERA I. in necem Christi peccasse sacerdotes inuidia; populū seniorum persuasionē; Pilatum vt satisfaceret populo. Nullus vacauit culpa, quia primi malitia, secundi ignoratione, tertius imbecillitate



rate peccauit. Nam pro omnibus omnino peccatis, quacunque tandem ratione commissis & perpetratis, Christus supplicium crucis suscepit. Considera 2. modū damnationis hactenus infuetum. Nam primò, prætermisissis criminibus quibus damnatio debetur, pronuntiatur à iudice iustus. Innocens, inquit, ego sum à sanguine iusti huius, utpote qui non pro peccatis suis, sed pro iustitia sua condemnaretur. 2. dimittitur reus grauissimis opertus flagitiis, ut iustus damnetur; quia idcirco mortuus est Dominus, ut flagitiosos quosuis ab æterna morte, sua morte liberaret. 3. non consueto modo cruci adiudicatur, sed pro Iudeorum voluntate in cruce torquendus; hoc est enim quòd dicitur: [tradidit voluntatē eorum ut crucifigeretur.] ut enim tu in voluntatem eius te totum traderes, voluit se totum tradere volūtatī impiorum. Roga igitur Dominum tuū, ne te tradat voluntati hostium tuorum; sed hac tam iniqua suæ mortis sententia te liberet à iusta sententia mortis æternæ.

*Figura*  
*22*

## MEDITATIO XXXI.

*De baiulatione Crucis.*

*Joan. 19.*

*Mat. 27.*

*Mar. 15.*

*Haec cum*

*ad mon*

*in profici*

*en in qu*

*effici*

*ligna*

*20*

*habeb*

*in cruci*

*culit f*

*capit*

*20*

*ad cruci*

*sp. al*

*20*

*20*

*20*

*20*

*20*

*20*

*20*

*20*

*20*

*20*

*20*

*20*

*20*

*20*

*20*

*20*

*20*

*20*

*20*

*20*

*20*

*20*

Susceperunt autem Iesum milites, & exuerunt eum chlamydem coccineam, & induerunt eum vestimentis suis, & eduxerunt ut crucifigeret.

CONSIDERA I. Dominum tuum, cuius hactenus visus est Pilatus suscepisse patrocinium, nunc omni humano praesidio destitutum, tradi tortoribus; ne tu desertus a Deo tradaris daemonibus. Aspice corpus tenellum, omni ex parte saucium, crudelibus manibus contrectari. Tu ad leue vulnus non fers attactum alterius; quos igitur Domino tuo expresserunt dolores, immites istae militum raptationes? Considera 2. exutam a militibus chlamydem, ut denudò nudus totius populi oculis magno castissimi cordis rubore exhiberetur. Aspice ut purpura sanguini concreto adhærescens, insolenter detracta, vulnereum dolores renouauerit, sanguinem elicuerit, & laceram cutem cum carne abstulerit. Christus porro hanc vestem abiecit, ut pro te alacrius crucis lignum susciperet. Sicut enim

enim operarij grauem aliquem laborem aggressuri vestes deponunt, vt leuius operentur; ita Christus hac sua passione quater abiectis vestes legitur; quoties res maximas erat perfecturus; vt quāto, & quā ingenti animo tuam operaretur salutem, non ignorares. 1. quando per flagella de toto corpore; tibi sanguinem suum erat expressurus. 2. quando coronam de spinis contextam, ad solidum regnum tibi parandum, erat in capite accepturus. 3. quādo hoc lignum crucis, tanquam sceptrum *Isa. 9. 6.* regni & principatum, seu clauem David, *22.* qua cælum tibi referaret, humeris suis erat impositurus. 4. quando eandem crucis arborem velut thronum Salomonis erat conscensurus. Considera 3. reddita illi vestimenta sua, vt toto vultu, sputis, for-  
 dibus, sanguine oppletus & ignotus, ex consuetis saltem vestibus, quis esset, agnosceretur. Induit porrò Dominus hæc vestimenta sua, vt vestē suam Ecclesiam, eiusque singula membra, tum cruce hac sua & madente corporis sanguine Deo consecraret, tum crucem ferre & dura tolerare doceret. Corona spinea non legitur de capite ablata, vt nimirum iuxta veterem

N ;

Davidis



Colloquio  
cum Try-  
phone.  
Psal. 99.

Sai 22

be clauem

miss David

humana

2

scus est pmi

bus filius hu

ni dicit

2

2

2

2

2

2

2

2

2

2

2

2

2

2

2

2

2

2

2

2

2

2

2

2

2

2

2

2

2

2

2

Dauidis prophetiam (quam queritur Be-  
Iustinus à Iudæis erasam) Dominus re-  
gnaret à ligno. Considera 4. educi Domi-  
num de ciuitate, vt, tanquam indignus qui  
in sancta ciuitate moreretur, foris cū sce-  
leratis pœnas daret. Egressus est porro Do-  
minus, 1. vt hoc suum sacrificium nō pro  
Iudæis solis, pro quibus in templo sacrifi-  
cabatur, sed pro vniuerso terrarum orbe  
immolari doceret; imò verò Iudæis, quam-  
diu in patriis ritibus spem suam colloca-  
rent, hoc sacrificium crucis nullam alla-  
turum vtilitatem, iuxta illud: Habemus  
Saltare, de quo edere non habent potesta-  
tem, qui tabernaculo deseruiunt. Vt igitur  
te foris errantem ouem quæreretur, & hoc  
quasi pastoralis pedo ad caulas te compell-  
leret, crucem baiulans egressus est. 2. vt  
ne putes in mundi curis, in turbis ciuita-  
tis, in negotiorum tumultu Christum in-  
ueniri. Foris est in quiete conscientiae, in  
contemptu, in nuditate, in omniū rerum  
indigentia. Excamus igitur (inquit Apo-  
stolus) ad eum extra castra, improprium  
eius portantes. Fuge mundum, vt Chri-  
stum inuenias.

Et

De qua sim paulatim quasi linteum tunda bene  
amem, postea baculi quidam tu sine ad me in castris  
et alio die de baculis ad hunc sicut patet quo in his  
stentatur.

Et baiulans sibi crucem, exiuit in eum *Ioh. 19.*  
 qui dicitur Caluariæ locum. Hebrai-  
 cè autem Golgotha. Ducebātur au- *Luc. 23.*  
 tem & alij duo nequam cum eo vt  
 interficerentur.

CONSIDERA 1. tota ciuitate repertum  
 neminem, qui Domini crucem ad locum  
 supplicij deferret: militibus non lubebat,  
 Iudæis erat execrabilis vel solus attractus;  
 quia ex scriptura maledictus fuit omnis, *Deut. 21.*  
 qui penderet in ligno. Itaque debuit ipse-  
 met Dominus suscipere humeris lignum  
 supplicij sui. Tu verò perpende, anne istos  
 imiteris, cui subinde molestum est, de Do-  
 mini cruce & passione vel cogitationem  
 suscipere; durissimū autem, leue quid pro  
 amore sponsi tui vel ferre vel attingere.

Considera 2. qua insolentia graue illud  
 lignum in teneros humeros, eosque multis  
 plagis faucios iniecerint. Hanc crucem dat  
 mundus grauem, molestam, quam solus  
 ferre cogaris, nullo cuiusquam auxilio le-  
 uatus. Christus verò suaue iugum impo- *Mat. 11.*  
 nit & onus leue, illudque ipse gratia sua  
 subleuat, & exaltat super maxillas. Roga *Osai 13.*  
 Dominum, vt huic cruci peccata tua im-  
 ponat, à te illa in corpus suum transferens,  
 eaque

Caluaria <sup>latini caput carnis nudum</sup>  
304

MEDITATIO XXXI.

da Ioan. 1.  
passion dei  
habet caluaria  
summa

eaque sanguine & morte delens; quia ipse  
est Agnus Dei, qui tollit peccata mundi.  
Confidera 3. quo sit profectus Dominus,  
nempe ad montem vrbi vicinum, cui no-  
men erat Golgotha, hoc est, Caluaria, vel  
à sepultura primi parentis Adami, eiusque  
caluaria illic inuenta, quemadmodum non-  
nulli, teste <sup>a</sup> B. Chrysostomo, & <sup>b</sup> Hiero-  
nymo, arbitrati fuerunt: vel à craneis mor-  
tuorum, qui in hoc monte (qui fuit reorum  
supplicij locus) pœnas mortis dedissent.  
Fœtidus erat locus & infamis, sed cum  
Christus sua morte sanctificauit, & Adami  
peccatum suo sanguine diluit. Confidera  
4. cum Christo ductos ad supplicium la-  
trones duos, vt iuxta Isaiaë vaticiniũ, cum  
iniquis reputaretur, passimque diceretur  
tres eo die latrones à iudice neci datos.  
Verisimile est enim circa festa celebriora,  
quando populus vniuersus conuenire so-  
let, ad cæterorum exemplum, reos aliquos  
extremo supplicio damnari consueuisse, &  
nunc ad Iudæorum petitionem (quorum  
voluntati Pilatus cedere constituerat) in-  
signiores aliquos delectos esse, quorum  
dux, & antesignanus haberetur Dominus  
tuus. Tantum erat desiderium pontificum  
obscu-

a Hom.  
84. in Io-  
an.  
b In cap. 5  
ad Eph. et  
in epist.  
Paula ad  
Marcellã.  
Origenes  
traict. 35.  
in Mat.  
Cyprian.  
ser. de re-  
surre. Do-  
mini.  
Athana-  
sius de pas-  
Dom.  
Epiphan.  
heresi 46  
Ambros.  
epist. 19.  
August.  
ser. 71. de  
tempore.  
Theophyl.  
& Euthy-  
mius in  
Ioan. 19.  
Isa. 53.

D  
obscu-  
Do  
bus &  
scires  
omn  
nima  
grau  
non  
nam  
tron  
Tui  
mon  
com  
Exe  
q  
n  
l  
v  
st  
Io  
Co  
imb  
pœ  
one  
grau  
non  
que



obscurandi nominis Christi. Ipse porro Dominus consilio longè alio cum latronibus & facinorosis elegit cruci affigi. 1. vt scires pro peccatoribus mortuum, & illis omnibus qui latrones sunt & homicidæ animarum suarum, nullumque esse tam graue flagitium, quod Christi morte deleri non possit. 2. vt hac tali ignominia æternam tibi gloriam compararet, teque ex latrone iudicem in futura vita constitueret. Tu igitur Dominum roga, vt te secum ad montem trahat, tibi que crucis suæ merita communicet.

Exeuntes autem inuenerunt hominem quēdam Cyrenæum, nomine Simonem, venientem de villa, patrem Alexandri & Rufi: hunc angariauerunt vt tolleretur crucem eius: & imposuerunt illi crucem portare post Iesum.

Mat. 27.

Mar. 15.

Luc. 23.

Prophet.

Ier. mi. 11.

Ego quod

Ier. mi. 11.

Ier. mi. 11.

Ier. mi. 11.

CONSIDERA 1. Iudæos visa Christi imbecillitate, qua exhaustus laboribus & pœnis, sanguineque vbertim effuso, tanto oneri videbatur succumbere, metu ne ante grauiora supplicia crucis expiraret, motos non pietate sed crudelitate, gentilem quendam adegisse ad crucem ferendam post

post Iesum. Hoc autem illorum factū aliō  
 Deus referebat. Significare enim voluit  
 1. crucem sanguine Domini consecratam  
 esse datam Christianis ex gentilitate con-  
 uersis, qui eam alacres tulerunt, & Christū  
 cruce onustum ac praeunte, onusti & ipsi  
 sua cruce diuersimodē secuti sunt; hi mar-  
 tyrij poenis; illi ieiuniis; vigiliis alijs, cæteris-  
 que voluntariis corporis afflictationibus;  
 multi etiam domitis prauis animæ moti-  
 bus, victoriaque sui. 2. nō satis esse si Chri-  
 stus crucem suam baiulet, & eam nos sola  
 fide & meditatione aspiciamus. Opus est  
 enim ad mouere manum, pijsque operibus  
 Luc. 2. Christum sequi dicentē; Si quis vult veni-  
 re post me, abneget semetipsum, & tollat  
 crucē suam quotidie, & sequatur me. Cō-  
 sidera 2. quis nā ille sit, qui vtiliter Christi  
 crucē ferat. 1. [Simon] .i. Dei mandatis,  
 & suggestionibus obediēs. 2. [veniens de  
 villa,] qui rusticitate peccatorū deposita,  
 agrestes mores deserit. 3. Cyrenensis ex  
 Pétapoli, vt quinque sensibus Christi cru-  
 cem baiules Considera 3. Simonem hunc  
 non sponte sua, sed coactū atque inuitum  
 huic cruci humeros submisisse; vt discas  
 1. vim inferendam naturæ, crucem eius-  
 modi

modi, morumque mutationem & sensuū  
 mortificationem abhorrenti. 2. non teme-  
 rē pericula adire, sed ab aliis illata mala  
 patienter suscipere. Et milites crucem im-  
 ponunt, quia improbi homines suis vexa-  
 tionibus & tormentis, occasionem præ-  
 bent iustis cum Christo patiendi. Consi-  
 dera 4. vtilitatem, quam Simon iste, vel  
 inuitus crucem portans, tanquam laboris  
 mercedem reportarit. 1. eius nomē, diuul-  
 gato in orbem terrarū Euangelio, immor-  
 talitatis memoriæ est consecratum. 2. ci-  
 uitas eius & patria omnibus deinde inno-  
 tuit Christianis. 3. Filios habuit nō Chri-  
 stianos modò, sed inter Christianos cele-  
 bres. Tu igitur crucem & molestias pro  
 Christi nomine ne refuge, quia & gloriosos  
 reddit Crux Domini, & permultas secum  
 adfert commoditates. Feras autem post  
 Iesum, non præcurras ante Iesum; nec tibi  
 quam voles crucem eligas, sed ab eo datam  
 suscipias, rogaque eum, vt gratia sua onus  
 subleuet, & humeros confirmet.

*Vide  
 Chrysest.  
 Hom. I.  
 ad populum  
 Antio-  
 chensium.*

MEDI-



## MEDITATIO XXXII.

*De mulieribus Christum  
sequentibus.*

*Luc. 23.* Sequebatur autem multa turba populi, & mulierum quæ plangebant, & lamentabantur eum. Conuersus autem ad illas Iesus, dixit: Filix Hierusalem, nolite flere super me, sed super vosipsas flete, & super filios vestros.

*Reg. 15.  
figura  
quid Rex fugiet  
monem a se  
monem a se  
fletus, dicat  
no capite  
fletus  
quidus illa  
ingans.*

*Psalm. 68.* **CONSIDERA** I. ad hoc triste spectaculum, innumerabilem hominū turbam confluisse, quibus fortè (vt hodie moris est plerisque in locis) signum aliquod dabatur futuri supplicij. Et quidem, quòd solæ mulieres dicuntur lamentatæ, & plāxisse, argumento est, non defuisse irrisores, & spectatores curiosos, iuxta illud; Aduersum me loquebantur, qui sedebant in porta. Tu verò quo affectu Dominum tuum sequeris? quo animo compateris? quibus oculis intueris? an fortè deest in hoc spectaculo tibi doloris & lachrymarū occasio, cū tibi non sibi siconustus & deformatus procedat Dominus? Tu foris ludebas

*B. Bernardus  
ser. 3. de  
nat. Dom.*

*in.*



## 210 MEDITATIO XXXII.

fuerit hoc iter Domino tuo, quod lachrymis prosecutæ sunt mulieres. Tu cogita septem vias difficiles, quas pro te hac passione ambulauit, vt tibi septem peccatorum Capitalium vias, quæ ad infernum ducunt, obstrueret, & septem donis Spiritus sancti viam vitæ æternæ aperiret. Iuit enim 1. ex domo cænæ ad hortum. 2. inde ad Annam. 3. ad Caiphæ domum. 4. ad Pilatum. 5. ad Herodem. 6. rursus ad Pilatum. 7. ad crucem. Tu in profectionibus tuis de his viis meditare, & pro amore Domini tui in via mandatorum eius curre.

Luc. 23.

Quoniam ecce venient dies in quibus dicent: beatæ steriles, & ventres qui non genuerunt, & vbera quæ non lactauerunt. Tunc incipient dicere montibus: cadite super nos, & collibus, operite nos.

CONSIDERA I. bonitatem Domini tui, qui in mediis pœnis admonitione querit nostram salutem, & terrore futurorum malorum studet ad pœnitentiam commouere. Loquitur porrò mulieribus, non viris. 1. vt qui à viris supplicium sustinebat, ne videretur ad vindictam comminari. 2. vt ex his malis quæ mulieribus mi-

nus



DE PASSIONE DOMINI. 211

nus hac passione in Christum peccantibus  
 prænunciata sunt, intelligerent viri, non  
 minora sibi impendêre. 3. vt mulieres, quę  
 præter cæteros mortem & dolores Domi-  
 ni plangebant, hac prædictione solaretur,  
 qua significabat & iniuste se pati mortē,  
 quæ tam grauitè post paucos annos esset  
 vindicanda, & vindictam illam ab illis de-  
 clinari posse, quæ desinant esse filię terre-  
 næ istius Hierusalem, si sese ad Christi fi-  
 dem conuertant. Considera 2. cū olim  
 maledictæ fuerint steriles, iam in Christo  
 steriles benedici; siquidē eunuchis, hoc est, *Isa. 56.*  
 iis qui casti & cælibes in Ecclesia viuunt,  
 datum est nomē melius à filiis & filiabus.  
 Considera 3. in omnibus vitæ huius mo-  
 lestiis dicendum montibus, cadite super  
 nos; & collibus, operite nos; nempe recur-  
 rendum ad auxilia Sanctorum, qui nomi-  
 ne montium & collium in scripturis vo-  
 cantur; sicuti apud Isaiam: [Erit præpara- *Isa. 2.*  
 tus mons domus Domini.] i. Christus  
 Ecclesiæ caput, [in vertice montium, &  
 eleuabitur super colles,] dignitate præ-  
 stans sanctis omnibus, tam magnis quàm  
 minoribus. Considera 4. tametsi prædi-  
 ctiones istæ Domini præcipuè ad Hiero-  
 solymam

folymorum expugnationem pertinerent, referri tamen posse atque debere ad omnes etiam peccatores, qui cum suis peccatis huic morti Dominicæ causam attulerunt: eius tamen meritorum participes facti non sunt, neque cū Deo per hanc mortē in gratiam redierunt. Illi enim qui modo securē viuunt, nulloque terrore à peccatis cohibentur, tunc antra & speluncas & terræ viscera petent (vt Prophetæ præ-nunciauerunt) à facie Dei sedentis super thronum, & ab ira agni; quoniam veniet dies magnus iræ ipsorum, & quis poterit stare? Vultus Iudicis terribilis erit malis, & sententia intolerabilis. Tunc [ beatæ prædicabuntur steriles ] .i. quos mundus velut inutiles æstimabat, [ & ventres qui non genuerunt, ] hoc est, qui carnis concupiscentias secuti non sunt, sed ventris, & gulæ vitia domuerunt, [ & vbera quæ non lactauerunt, ] hoc est, humiles non inflati. Tu Dominum ora ne in die iræ, & extremæ vindictæ, metuas à facie furoris Domini; & dum suppetit tempus, Christo reconciliare.

*Isa. 2.  
Osee 10.  
Apoc. 6.*

*Luc. 23.* Quia si in viridi ligno hæc faciunt, in arido quid fiet?

CON-

DE PASSIONE DOMINI. 213

CONSIDERA 1. Christum esse lignum semper virens, oculis delectabile, densis frondibus nimium æstum sua umbra temperans; fructus proferens tam gustui quàm odoratui gratos; volucrum cantu auditum oblectans; quia & per diuinam naturam, & per internam Spiritus sancti gratiam, tum ipse pulchritudinẽ omnem excedit, tum creaturas omnes conseruat, fouet, & reficit. Tu porrò lignum es, & quidem aridum, sine succo gratiæ mortuũ, sine fructu charitatis sterile, sine frondibus bonorum operum nudum & inutile.

Considera 2. qui nam illi sunt qui in viridiligno hæc faciunt, hoc est, qui Christo Domino tuo hæc tormenta & mortẽ intulerunt. 1. Deus Pater, qui proprio filio suo non pepercit, sed pro nobis omnibus tradidit illum. *Rom. 8.* 2. diabolus, qui ministros suos ad hanc Christi necem instigauit. 3. Iudæi & alij istius mortis administri. Sed illi non eodem omnes animo ad Christi passionem adlaborauerunt. Nam Deus Pater amore salutis tuæ in filium sœuiit, & tanquam Abraham gladium iustitiæ in filium, & ignem charitatis in te manu gestans, filio ligna ad incendium

*Gen. 22.*

O 3      holo-



holocausti ferēda humeris imposuit. Dæmon verò de multorū conuersione dolēs, & prædicationis cursum impedire voluit; & Iudæos grauissimo crimine necis innoxie obstringere; & Christi patientiam tormentis lædere. Iudei denique inuidia moti nō sustinuerūt se Christi verbis & exemplis ad meliora moneri. Considera 3. argumentationem Domini: Si in viridi hæc faciunt, in arido quid fiet? 1. si ego propter aliena patior, quid tu propter tua? 2. si Pater innocentem filium & obtemperantem ita grauitè afflixit, quid facturus est seruulo improbo & contumaci? 3. si dæmones hæc in aliena regione per ministros suos potuerunt in filium Dei, quid poterūt in regione sua in inferno per se in mācipia diaboli? 4. si permissu Dei, ob hominum peccata, homines improbi sauiuerunt in vnigenitū filium Dei, cui tādē mirum videbitur à Deo permitti vt homines ab hominibus, ita exigētibus peccatis, vexentur? Ora tu Dominum, vt te sibi tanquam viridi ligno inferere dignetur, ne alia à te pœna exigatur, quàm pro te sustinuit ipse.

## MEDITATIO XXXIII.

*De crucifixione Domini.*

Et venerunt in locum qui dicitur Golgotha, quod est Caluariæ locus: & dederunt ei myrrhatum vinum bibere, cum felle mistum; & cum gustasset, noluit bibere; erat autem hora tertia.

CONSIDERA 1. quàm molestus fuerit Domino tuo istius montis ascensus, qualè sibi vim intulerit, teneroque & exhausto iam corpori; ne salutis tuæ deesset, sed in monte calis viciniore, Deo Patri se sistens, holocaustum pro peccatis tuis in odorem suauitatis offerret. Tu conscendentem hunc montem Dominum quàm proxime potes sequere, & in hoc monte ad mortem usque subsiste. Considera 2. vt araptam crucem carnifices aptauerint; loca clauorum terebrauerint; clauos, malleos, funesque preparauerint, Domino tuo suis oculis omnia inspectante. Tu eadem aspice, dole & caue; quia Deo tuo crucem pararas, quoties animæ tuæ ad ipsius imaginè creatæ, peccatis tuis in inferno locum

facis. Considera 3. pro more eorum qui morte afficiuntur poculum Christo propinari; sed aliud lōgè quàm aliis propinari solet. Potio mixta erat ex vino, myrrha, felle, & aceto (nam pro vino habet Matthæus <sup>26:35</sup>, acetum) vt nullus omnino sensus dolore suo aut pœna vacaret. Visum tam atroces vndique circūfusi hostes turbabant; auditum crudeles eorum voces, impropagationes, atque blasphemix torquebant; odoratus fœtorem loci & sordiū, quæ vultum texerant, hauriebat; tactus toto omnino corpore suas pœnas, & grauissimas sustinebat; deniq. ne quid deesse pœnarum videretur, potionem hac amarissimam, sua gustui dabatur afflictio. Aequū me igitur esse putas, aliquid te pro Domino tuo molestiarum sustinere, qui pro te nihil doloribus intactum in corpore habuit? Christus porrò hanc amaram potionem pro te gustauit, vt omnium peccatorum tuorum varias acerbitates & amaritudines, ab anima tua in suum corpus absorberet, tibi quæ maneret vinum merum, nulla amaritudine mixtum, gratia inquam Dei, & pura pacataque conscientia. Considera 4. [cū gustasset noluit bibere.] quia  
Christus



Christus peccata tua in corpore suo tanquam ore suscepit, attamen animam suam peccati sordibus non infecit; ut tu quoque peccati malitiam, poenitentiae amaritudine, quasi degustes, tamen ipsum in animam non transmittas. Considera 5. notari horam huius supplicij, nimirum tertiam, quae est in aequinoctio spacium ab hora nona matutina ad horam duodecimam meridianam; ut intelligas quantum accelerarint, partim ne Pilatus mentem mutaret, partim ut Christus ante crucis poenas à vita non excederet. B. Ioannes scripsit mortis sententiam pronunciatam fuisse hora quasi sexta. i. paulò antè meridiem; & Marcus affirmat Christum cruci affixum hora tertia, hoc est, necdum audità duodecima sub meridiem. Perpende igitur, quomodo sit properatum, quàm atrociter raptatus Dominus, funibus tractus, verberibus impulsus. Tu caue ne pedes tui ad malum currant, sed alacriter curre hanc viam Domini, abiectisque impedimentis ad crucem Domini euola, eum roga, ut acerbitem omnem & difficultatem ab actionibus virtutum amoveat.

O 5

Et

Luc. 23.

Ioan. 19.

Gen. 22.

Ierem. 22.

Ierem. 22.

Ierem. 22.

Ierem. 22.

Ierem. 22.

Ierem. 22.

Ierem. 22.

Ierem. 22.

Ierem. 22.

Ierem. 22.

Ierem. 22.

Ierem. 22.

Ierem. 22.

Ierem. 22.

Ierem. 22.

Ierem. 22.

Ierem. 22.

Ierem. 22.

Ierem. 22.

Ierem. 22.

Ierem. 22.

Ierem. 22.

Ierem. 22.

Ierem. 22.

Ierem. 22.

Ierem. 22.

Ierem. 22.

Ierem. 22.

Ierem. 22.

Ierem. 22.

Ierem. 22.

Et ibi crucifixerunt eum.

CONSIDERA I. Euangelistas non pluribus verbis rem tantam explicasse, quam & ex consuetudo crucis supplicio, & ex odio Iudæorum, & ex veteribus prophetarum oraculis utcumque hoc modo expendere poteris. 1. magna insolentia vestem illi detraxerunt, & vulnera adhærentia renouauerunt, sacrumque corpus cruentarunt, & nudum exhibuerunt. 2. in lignum crucis humi positum petulanter deiecerunt, hoc sibi satis rati, si viuus in crucem ageretur. 3. manum vnam foramini terebrato admouerunt, illi clauum malleo incusserunt, & copiosum sanguinem eduxerunt, iuxta veterem figuram: Percusserunt petram, & fluxerunt aquæ, & torrétes inundauerunt. 4. affixa iam vna manu, apprehensam alteram ad paratum foramen extenderunt, illoque nonnihil distante, magna vi vel funibus, vel manibus attraxerunt; & ea similiter clauo firmato, cum ad foramina inferiora ventum esset, pari modo sacros pedes ad illa magno conatu perduxerunt, & clauis (vt ait D. Cyprianus) terebrarunt. Hanc corporis Dominici extensionem non obscure Dauid his verbis

Serm. de

Pass. Do.

## DE PASSIONE DOMINI. 219

bis prædixit: [Sicut aqua effusus sum:] *Psal. 21.*  
 hoc est, præ nimia passionum enormitate  
 dilapsus sum, omnibusque viribus destitu-  
 tus, in modum aquæ effusæ, quæ consisten-  
 tiam cum non habeat, facillè diffluit.  
 [dispersa sunt omnia ossa mea:] hoc est,  
 dissoluta sunt, & à suis quæque locis di-  
 uulsa, dissolvente nimirum compages mem-  
 brorum, frigiditate, ariditate, & acerbissi-  
 ma extensione in cruce. [Foderunt ma-  
 nus meas & pedes meos, dinumeraue-  
 runt omnia ossa mea.] Tam atrox quip-  
 pe fuit hæc membrorum extensio, ut ossa  
 singula ab aliis diuulsa, palam conspiceren-  
 tur. 5. arborem crucis hac tam solenni  
 hostia vestitam, in altum eleuauerunt, ma-  
 gnoque impetu in fossulam dimiserunt.  
 Sic enim erectus fuit serpens æneus in de- *Num. 21.*  
 serto, & hostiæ sacrificiorum, eleuatione *Exod. 29.*  
 in altum Deo offerri consueuerunt. Tu *Leuit. 23.*  
 verò in his omnibus expende dolores a-  
 cerbissimos Domini; aspice crucis vexillū  
 attolli; vide decurrētes de manibus & pe-  
 dibus sanguinis riuos: accurre & hauri-  
 dum fontes scaturiunt, priusquam siccen-  
 tur venæ eorum. Considera 2. cur hoc  
 supplicium crucis, nec aliud quoduis ge-  
 nus



220 MEDITATIO XXXIII.

nus mortis ad tuam salutem Dominus elegerit ; sed huius causæ sunt multæ.

1. quia nullum hoc erat grauius , diuturnius, ignominiosius, & ad salutem tibi parandam accommodatius : Corpus diuidi noluit, vt Ecclesia, mysticum corpus, integra seruaretur : alio igne noluit cremari quàm charitatis ; noluit suffocari vel laqueo, vel aquis, vel terrâ, ne sibi quicquam retinuisse , sed vniuersum sanguinem tibi liberaliter effudisse videretur. 2. vt tanquam hostia in altum sublata, mediatorẽ se inter Patrem cælestem & genus humanum interponeret , solus mediator Dei & hominum, reconcilians ima summis. 3. vt dæmones aëris huius principes vel omnino ex aëre ad inferos deturbaret , vel viribus frangeret. 4. vt eminus ipse te oculis quæreretur , funiculis sanguinis ad se attraheret, venientem expansis brachiis exciperet, viscera sua exhiberet, in sacris vulneribus recondere, te sibi vinculis charitatis constringeret; manibus insculptum ob oculos semper haberet, cordi impressum retineret, pedibus perforatis, nihil præter salutem tuam quæreretur. 5. vt non amplius humi oculos defigeres, sed eos in altum

tum

reprobata

24

deut m m u

car et re de

or d m m m

al oia off m

oia

et sunt plaga

et in me

m m m m m

dicat his pla

tu su in do

corum qui

gelant me

1 Tim. 2.

188

no a H d m

no a H d m

fid d m cum

fusio ne.

DE PASSIONE DOMINI. 221

tum attollereres; e minus eum aspiceres; ad eum properares; ab eo salutem, & bona omnia peteres; eum semper in rebus omnibus cogitares; vitam eius exprimeres; præcepta perficeres. Hic tu proloquere quæ spiritus dictabit.

Et crucifixerunt cum eo duos latrones, vnum à dextris & alium à sinistris eius, medium autem Iesum; & impleta est scriptura quæ dicit: Et cum iniquis reputatus est.

CONSIDERA 1. malitiam Iudæorum, qui hac ignominia, Christi nomen delere moliebantur, & pro Messia latronum proponere principem; sed Christus hoc eorū peccato ad suam gloriam declarandā, nostramque salutem parandam, & omnes peccatores in spem erigendos est usus. Nam 1. cum tres sint cruci affixi, & ipse medius tanquam caput flagitiosorum, solus tamen ipse cum cruce sua vniuerso orbi est gloriosus. 2. inter duos peccatores moriēs, omnium peccatorum precia persoluit. 3. omnibus peccatoribus spem veniæ dedit, & in posterum futurum significauit, ut in medio peccatorū versaretur, illis præsto semper esset, inuocantibus auxili-  
um

*Fig. gene 3.*

*Mat. 27.*

*Mar. 15.*

*Luc. 23.*

*Ioan. 19.*

*Isa. 53.*

*Ioseph patrum*

*inter. Duos*

*latrones*

*inter. in co*

*locutus est.*

*Propht.*

*Sancti 3.*

*Et cu*

*deputatus*

*Jeremia 3.*

*Abiectione*

*posuerunt*

*medio populi*

*hui*

lium ferret, & animam agentes non destitueret. Considera 2. quod inter latrones quā alios peccatores mori maluerit. 1. vt, quia latronis peccatum grauissimum est, quod & Deum lēdit, cuius imaginem tollit, & proximum, quem cum vita priuat omnibus rebus, significaret nullū esse tam graue flagitium, quod non hac sua morte expiaret, neque tam flagitiosum hominē, cui non offerret peccatorum condonationem. 2. quia omnis peccator est fur & latro, qui peccato interficit animam suam, & Deo surripit honorem, & creaturas inquinat, & Ecclesiam viuo membro priuat, seipso nimirum, cui spiritualement adimit vitam. Considera 3. bonum latronem non minus quā malum, cum Christo pœnas crucis mortemque sustinere, sed illū hoc supplicium ad salutem conuertisse; hunc, ad animæ suæ detrimentū, vt discas Christum adesse afflictis omnibus, seu malis, seu bonis, ideoque infligere pœnas, vt omnes ad mētem redeant, atq. ad ipsum oculos animumque conuertār. Tū igitur roga Dominum, vt in tribulationibus de solo diuino auxilio cogites, de aliis minus sis sollicitus.

MEDI-



## MEDITATIO XXXIII.

*De titulo Crucis.*

Scripsit autem & titulum causæ eius *Mat. 27.*

Pilatus, & posuit super crucem eius: *Mar. 15.*

eratq; super caput eius superscriptio; *Luc. 23.*

& erat scriptum Hebraicè, Græcè, *Ioan. 19.*

& Latinè.

CONSIDERA I. Pilatum fixisse titulum causæ mortis, vsumque sequentibus verbis. Primò quidē, vt Dominus tuus, tãquam læsæ Maiestatis reus, qui sibi regium arrogasset honorem, hoc supplicio dignus esse videatur, & Pilatus immunis esset apud Cæsare à crimine, quo regni æmulū nō damnaſſet. Secūdo verò, vt Iudæos vlcisceretur, qui ipsi dilationem comminati fuerant. Ridet enim se eorū Regē cruci affixisse, & eum quidem Regem, quem tot sæculis maiores prædixerant, & tanto affectu desiderauerant. Et hę quidem causę Pilato materiam tituli præbuerunt. Ipse verò Christus Dominus eundem sibi titulum statui voluit, sed aliis omninò de causis, ex mysterio salutis nostræ desumptis. I. vt intelligas hoc crucis supplicium pertulisse,

tulisse, non vt noxium, sed saluatorē omni virtute ornatum, vt ipse animam tuam regat, eiꝑ. tu Regi, qui manibus pedibusque fixus, dilectis suis nocere non potest, sed omnem salutem ex aperto corpore offert, totum te committas regendum. 2. vt quæ merces in hac crucis officina tibi venum exponatur scias. Solent enim domus & officinæ sua habere insignia. Hic igitur inuenies omnem salutem in Iesu, omnes flores virtutum in Nazareno, omnem in Rege securitatem. Tu huc accurre in necessitatibus omnibus tuis, & eme gratis sine argento vllâve cōmutatione; quia præter præsentiam tuam, & amorem tuum, nihil à te requirit iste mercator. 3. vt quæ disciplinæ, quæve artes in hac schola prælegantur atque tradantur, ex tabula domui præfixa cognoscas. Solent enim Ludimagistri quid domi suæ tradant, valuis præfigere. Hic igitur discis saluari, virtutes omnes sectari, teipsum regere, hostes tuos profigare, alios tibi commissos ex officio moderari. Magister Christus de Cathedra crucis nunc docet, sicut docuit infans in stabuli præsepio. Tu fortè vis cathedram molliorem? Sed tales disciplinæ, nō nisi de tali

*Isa. 55.*

tali cathedra preleguntur, quia ad salutem,  
 nisi per crucem & multas tribulationes  
 non peruenitur; virtutum habitus per mo-  
 lestas actiones comparantur. Te ipsum si  
 regere perfecte voles, & salutis tue hostes,  
 concupiscentiam, mundum, & diabolum  
 prosternere; non sectaberis commoda cor-  
 poris, sed in corpus ipsum saeuies, illudque  
 ieiuniis, vigiliis, humilitatis officiis, con-  
 temptu, aliisque molestiis, huius magistri  
 exemplo, mundi & demonis eripies pote-  
 stati. Alios demum non satis utiliter reges,  
 si solo imperio, & authoritate nitaris, nisi  
 ex hac Christi doctoris lectione te totum,  
 tuaque omnia, ex visceribus charitatis, in  
 utilitatem effundas subditorum. 4. Vt ex  
 hoc titulo discas, quam vim habeat, quod  
 manibus formas signum crucis. Non est  
 enim prestigiatorum alligatio, vel musca-  
 rum stabellum, uti blasphemantes hostes  
 crucis irridere consueuerunt; sed est virtus  
 Christi, in salutem omni credenti; ut eo tu  
 consignatus, hisce insignibus agnoscaris  
 seruus Messiae Regis; diabolo sis terrori;  
 aditum habeas ad familiam Christi; om-  
 niaque ad Dei gloriam, tuamque salutem  
 tibi cedant. Considera 2. variis linguis



hunc titulum scribi. 1. quia omnium hominum interest hunc regem agnoscere; ideoque in edito loco constituitur, ut eminus videas, subsistas, legas, intelligas, Regemque hunc sequaris, dimissis omnibus aliis dominis, qui tibi hactenus imperarunt. 2. quia omnibus linguis agnoscendus est atque laudandus Messias crucifixus. Considera 3. modum scripturæ. Tituli huius pars Romæ in ecclesia Sanctæ Crucis in Hierusalem magna Christianorum deuotione asseruata indicat 1. ligneum fuisse titulum. 2. non calamo scriptum, sed ferro sculptum. 3. ordine præcedere Hebræa, tum Græca, demum Latina. 4. Græcam & Latinam scripturam imitari Hebraicam à dextra ad læuam,

## IN SARENSI.

quæ suis mysteriis non vacat. Nam primò tres istæ linguæ solæ cruci affixæ sunt, quæ communes & tunc erant, & nunc ferè sunt: Hebraica Iudæis, Græca Ecclesiæ Orientali, & Latina Occidentali. Cum enim his linguis omnia scientiarum genera conscripta sint, sacra Hebræorum, Philosophica & Rhetorica Græcorum & Latinoium; voluit Christus docere, neque sapientiam cælestem, neque

neque scientiam humanā, neque eloquentiam ullam valere, nisi consecrentur sanguine Christi, & ad crucifixi gloriam referantur. Ideoque Ecclesia his solis linguis in diuinis officiis vtitur quotidie, tāquam communibus, & cruce Dominica consecratis. 2. sculptus est titulus, quia nullo vnquam tempore delendus: & quidem in ligno, quia per lignum perpetuo regnaturus est in eos quos lignum perdiderat. 3. Hebræa est ordine prima, quam cæteræ imitatur, quia salus ex Iudæis est, ad quorum diuinas literas collimanda est omnis sapientia humana. 4. à dextra in sinistram scripta sunt, vt si per sapientiam exaltari cum Christo velis, demittas te, neq. altum sapias. Scientia quippe inflat, & est sine Christo sapientia terrena, animalis, diabolica. 5. Græca præcedit Latinam, quia primū Græci, deinde Latini ad fidē conuersi, relictis moribus patriis, eam sunt doctrinam secuti, quam Deus Hebraicis literis populo Iudeorum tradidit; vt tu ne inuitaris prudentiæ tuæ, sed eos ex animo sequaris, quos Deo coniunctiores nouisti. Roga Dominum, vt hunc titulum inculpat cordi tuo.

*Verba q  
cavi habeo omni*  
228

MEDITATIO XXXIII.

*Iuan. 19.*

*us solu*

*nis*

*signu*

*negotio*

*nditione*

*spons*

*sponsa*

*tractus*

*and p am*

*lu*

*cho sub*

*cho signu*

*verba q*

*verba q*

Iesus Nazarenus Rex Iudæorum.

CONSIDERA 1. & expende singula tituli verba. [Iesus] Saluator, quod nomen cum primo sanguinem suum pro te effunderet Dominus accepit. Tunc enim auspiciatus salutem tuam, dedit in arrhabonem portionem sanguinis, quem postea uniuersum erat daturus. Ipse tunc à te recepit circumcisionē, quod erat signum peccatoris (sicut auribus truncatum esse est signū furis) ut Pater æternus te peccatore prætermisso, scuiret in Filium. Hoc porro nomen hætenus obscurum & vix vnquam honorificè pronunciatum, iam cruci affixum eam gloriam consecutum est, ut in

*Philip. 2*

nomine Iesu omne genu flectatur. [Nazarenus.] non Bethlemita, licet natus in Bethleem. 1. quia plus miraculi & beneficij fuit in conceptione, & incarnatione Filij Dei facta in Nazareth, quàm in natiuitate in Bethleem. 2. quia Nazarenus floridum significat; & Christus est Flos odoriferus in cruce pendens, qui nobis salutarem reddet fructum gratiæ & gloriæ. [Rex.] qui de hoc throno diademate redimitus, sanguine ceu purpura vestitus, regnat erectus & pedibus fixus, ad auxilium  
tuum



tuum paratus; manibus perforatis, vt dona non sibi retineat, sed tibi effundat; expansis vlnis, vt te venientē excipiat. Non scripsit porrò, Pontifex aut Sacerdos, licet hic sacerdotio fungeretur, sed Rex; tum quia semel per se cruentum sacrificium immolauit, quo consummauit in æternum sanctificatos, regnat autē in sæcula sæculorum; tum quia regnum est sacerdotale; & sacerdotium regale, vbi Christus Deus Rex est, omnia potestate concedens; Christus homo sacerdos omnia sacrificio impetrans.

[Iudæorum.] primò missus non Gentibus sed Iudæis: Non enim sum missus (ait Dominus) nisi ad oues quæ perierunt domus Israël; & Gentes super misericordia honorant Deum; vt gratias agas ereptum Iudæis Messiam, & tibi oblatum; & te Iudæum non carnali quidem profapia, sed spiritali vitiorum circumcisione, & vera peccatorum tuorum confessione, Dei quæ laude semper exhibeas. Considera 2. veram crucis causam, vt te saluaret, virtutibus ornaret, suauiter regeret. Roga Dominum, ne quem alium præter se tibi dominari patiat.

P 3

Hunc

*Joan. 19.* Hunc ergo titulum multi Iudæorum legerunt, quia prope ciuitatem erat locus ubi crucifixus est Iesus. Dicebant ergo Pilato Pontifices : Noli scribere, Rex Iudæorum, sed quia dixit Rex sum Iudæorum. Respondit Pilatus, Quod scripsi, scripsi.

CONSIDERA 1. multos Iudæorum sacra hæc verba vidisse, legisse, nō intellexisse, ideo risisse : vt discas, 1. non nisi ab illis rideri diuina, sacras Ecclesiæ ceremonias, doctrinam & vitam sanctorum, qui nō intelligunt; & quia scriptum est, ipse deludet illulores; & ego quoque in interitu vestro ridebo; tu ab istiusmodi blasphemis irrisionibus caueas. 2. quia summo honore colendum erat Iesu nomen, & hic titulus per orbem vniuersum celebrandus, adeoque crux ipsa Regum frontibus imprimenda, idcirco ridenda primū fuit, & conuitiis afficienda. sicut enim vas æneū tunc maximè nitet & splendet, quando prius luto & argilla defœdatum est, & perficatum; sic ille maiori gloria fulgebit, qui plus ignominia & molestiarū pro Christo suscepit. Ne itaque doloribus succubas, animumque demittas, quibus tantam  
tibi

*Proh. 1.*

tibi gloriam partum iri confidis. Considera 2. Christum non procul à ciuitate sub-  
 iisse crucem: licet enim ab incolis ciuitatis  
 & mundi huius eliciatur; quia tamen ipsi  
 proprium est, misereri semper & parcere,  
 longius non discedit, sed manet propius &  
 ianuam cordis continuo pulsatur, si fortè  
 admittatur. Considera 3. impios nec no-  
 men ferre regni Christi; quia ingrata est  
 crux Christi peccatoribus, qui malūt Re-  
 gem mollem, quàm cruci affixum. Hæc  
 fuit causa cur (teste Damasceno) Christum  
 crucifixerint facie à ciuitate auersa, atque  
 ad Gentiles conuersa; ne vllò vnquã tem-  
 pore vel ipsi vel eorum posteri hunc Mes-  
 siam reciperent. Agas tu gratias Christo  
 tuo, quòd Gẽtilem populũ de cruce aspe-  
 xerit, de te cogitarit, te ad sui notitiam ad-  
 duxerit. Ora ne vnquam à te auertat oculos  
 suos. Considera 4. responsum Pi-  
 lati. Ipse quidem titulum fixerat, sed nutu  
 diuino. Non debebat igitur refigi, quod fi-  
 xerat Deus: stabit enim gloria crucis, & re-  
 gnũ Christi, quod est Ecclesia, etiam si tu  
 cum Iudæis desciscas. Nam tu quidem si  
 Regem hunc cum suo regno recuses, assu-  
 metur alius qui accipiat coronam tuam.

Lib. 4.

Orth. fil.

cap. 13.



Memento sacri vnguenti & olei consecrati, quo tibi titulus, & signum crucis in Sacramento Baptismi & Cōfirmationis est impressum, vt firmiter tibi inhæreant insignia Christi (sicut oleum penetrat, nec citò diluitur) & quod semel animæ tuæ diuinis manibus est inscriptum, id scriptum maneat. *Apor. 3.* Roga igitur Dominum, vt nomen suum nouum, & ciuitatis suæ sanctæ, tibi inscribat, & te quoque scribat in libro vitæ æternæ.

## MEDITATIO XXXV.

*De primo verbo Christi.*

*Luce. 23.*

Iesus autem dicebat.

CONSIDERA I. quid Dominus tuus in tantis crucis pœnis egerit, dixerit, cogitauerit, quando in extremis illis tormētis, nullam vel foris apud homines, vel intus in anima, vidit consolationem. Corpus si mouebat, affigebant vulnera clauorum; si caput, infigebantur spinæ, grauiusque pūgebant; si quietus consistebat, intolerabilis erat cruciatus, totiusque defatigatio corporis. Hæc tu in laboribus molestiisq. pro Domino tuo sustinendis expende. Nulli  
impre-

imprecatus est, tam variis tamen conuitiis appetitus. Sed quia ex abundantia cordis os loquitur, etiam in cruce sermones eius ad tuam vtilitatem & salutem dirigebantur; indicârque certissimè, quòd apud Patrem, etiam tum cùm vocem nullam, impeditus angustiis emittebat, pro te indefinenter interpellabat. Considera 2. voces cygneas, & nota extrema illa Domini tui, quibus te in mortis suæ angustiis est allocutus, verba. Sicut enim serpētis vox de arbore scientiæ boni & mali, sibilando venenum peccati instillauit; ita postremæ voces Christi de arbore crucis, efficaces fuerunt ad nostram salutem, & vehementer ignitæ, à summa profectæ charitate. Loquebatur autem cum clamore valido & *Heb. 5.* lachrymis, maximo affectu, maximisque suspiriis, paucis quidem verbis, sed copiosis lachrymis, sanguine de capite defluente mixtis; lachrymę rigabant orationem, sanguis exornabat, clamor aures Patris penetrabat, suspiria cor commouebant. Et tu igitur eas voces admitte, expende diligenter, earumque fructum collige. His enim septem verbis sanctificata sunt septem Sacramentorum verba & formæ; impetrata

## 234 MEDITATIO XXXV.

sunt septem Spiritus sancti dona, depulsa  
sunt septem capitalia vitia. Considera

3. [Iesus autem dicebat.] 1. Iudæis cruci-  
figendo, torquendo, irridendo occupatis,  
Iesus tanquam nihil horū aduerteret, in dō  
vt bonum pro malo redderet, dicebat.

2. is qui hactenus in causa propria, cum  
omniū admiratione tacuit, & nisi adiura-  
tus vix vt loqueretur adduci potuit; & à  
defensione sui iustissima abstinuit; nūc in  
tantis tormentis non silet in tua iniustissi-  
ma causa; non rogatus rogat, & efficacissi-  
mis rogat verbis. Iesus dicebat. Quis? Fi-  
lius Dei. Cui? Deo Patri. Vbi? in arbore  
crucis. Quando? vicinus morti, viribus ex-  
haustis. Quomodo? non sedens, non com-  
modè iacens, sed erectus in pedes, mani-  
bus, vt olim Moyses, eleuatis atq. expāsis,  
*Exod. 17.* sanguine madens. Pro quibus? pro pecca-  
toribus de sua salute nihil sollicitis: prius  
enim pro malis oratur à Christo, eiusque  
amicis, quàm pro se mali ipsimet Deum  
precentur. Quid? petit misericordiam, pre-  
ces supplicationesque offerens, à crudeli  
*Heb. 5.* hac Iudæorum sententia: [Sanguis eius  
super nos, & super filios nostros,] ad  
meliorem sentētiā misericordiæ plenam

appel-



appellans, & imitem sententiam rescindi  
postulans. Coram quibus? palam audien-  
tibus hostibus, vt mansuetudinem disce-  
rent; & matre atque amicis, tum vt testes  
huius essent condonationis, tū vt ipsi nun-  
quam istius peccati vindictam peterent.

O excellentem orationem, magni exem-  
pli, summi meriti, plenam laboris, charita-  
tis, misericordiæ, & pietatis! Fidas igitur  
Christo, eumque roga, vt qui prius in gra-  
tiam peccatorum quam pro matre locu-  
tus, testatum reliquit, quanti peccatorum  
salutem fecerit, tui peccatoris nunc in cæ-  
lis curam nunquam deponat.

Pater dimitte illis.

IN singulis verbis hæreas. [ Pater ] non Luc. 23.  
dicit Domine, quod est seueritatis & iusti-  
tiæ nomen, sed Pater, quod est nomen mi-  
sericordiæ, & noui testamenti, hoc loco  
sanguine, & meritis Christi nobis datum,  
vt sicut ipse frater noster esse voluit, sic cō-  
munem Patrem haberemus in cælis. Ait  
ergo ô Pater, agnosce me Filium; Pater fi-  
lio nihil recusat; ideo in hunc mundū ve-  
ni, vt hos inimicos tuos pro filiis habeas.  
Tu igitur pro his me exaudi deprecâtem.  
Nam sicut in posterum à sacerdotibus in  
Eccle-

Ecclesia efficax erit oratio, quæ his verbis  
 cōcludetur in nomine meo, Per Christum  
 Dominum nostrum; ita ego te Patrē com-  
 pellans, nunc rogo per me Filium tuum  
 vnigenitum. Itaque quàm charum habes  
 me Filium, ita me nunc orantem suscipe.  
 Quia enim hanc crucem ascendi, & has  
 suscepi plagas, vt his à te veniā impetra-  
 rem, si Filij preces abiicias, si Filium non  
 exaudias, grauius mihi inferes suppliciū,  
 quàm sit crux ipsa, quam ideo sustineo, vt  
 grauius malum tollerem, hoc est, vt iram  
 tuam ab istis auerterem. Parce igitur do-  
 loribus Filij, vt ne frustra suscepti videan-  
 tur. Tu mercedem aliorum laboribus red-  
 dis. Hanc ego obedientiæ, meorumque la-  
 borum mercedem peto solam, vt veniam  
 istis cōcedas. [Dimitte,] fungitur hic of-  
 ficio sacerdotis Dominus: orat enim pro  
 populi peccatis, & clamat non solum vt  
 sacerdos, sed vt hostia, quæ non gratuitam  
 condonationem petit, verum etiam offert  
 satisfactionem. Clamant igitur vulnera,  
 clamat sanguis, clamant sputa, dolores, &  
 quidquid in singulis est membris, [dimitte;  
 hæc mala pro peccatis istorum susci-  
 pe, nos reddimus quidquid isti debent;  
 san-

Heb. 5.

DE P  
 nguine  
 trum,  
 nimam i  
 nifericordi  
 io. Res  
 tre am  
 ni talis  
 nguine  
 e, sicut p  
 e est, si  
 dimitte,  
 fissionem  
 ctione à  
 am nisi  
 proxim  
 ctione g  
 statim, no  
 m. Nolu  
 pce cum  
 ntes me  
 res relinq  
 ls, onerib  
 Christus po  
 obira om  
 stulit, pa  
 igitur,  
 ia venit

sanguinem damus in precium, dolores in  
 lytrum, vitam in satisfactionem, corpus &  
 animam in sacrificium. Sit igitur apud te *psal. 129*  
 misericordia, quia hæc est copiosa redem-  
 ptio. Res quidem ardua petitur, nempe à  
 Patre amnestia mortis vnigeniti Filij, &  
 tanti talisque Filij; sed petit Filius, & petit  
 sanguine suo. 2. non petit sub conditio-  
 ne, sicut pro se orauerat in horto, si possi-  
 bile est, si vis, si fieri potest; sed absolute,  
 [dimitte,] tum vt discas, peccatorum re-  
 missionem, & diuinam gratiam, sine con-  
 ditione à Deo petendam esse, quia nun-  
 quam nisi ad Dei honorẽ refertur, tum vt  
 tu proximis delicta in te cõmissa sine con-  
 ditione gratis remittas. 3. petit dimitti  
 statim, non differri remissionem post mor-  
 tem. Noluit enim ex hac vita migrare, nisi  
 pace cum Deo composita. Et quidem pa-  
 rentes morituri non rarò filiis exiguas  
 opes relinquunt, easque multis difficultati-  
 bus, oneribus, debitis, & litibus implicatas:  
 Christus porrò ante mortem sanguine suo  
 debita omnia soluit; difficultates & onera  
 sustulit; pacemque cum Patre conciliauit.  
 Ait igitur, Dimitte Pater, & quidẽ statim,  
 quia venit tẽpus miserendi eius, quia venit *psal. 103*  
 tempus



tempus, nimirum hora sacrificij, dies satisfactionis, tempus remissionis, tempus extremum vitæ meæ, quo iam iam expiraturus, vltimam petitionem propono, & hoc vnicum rogo, Pater, dimitte illis.

4. non ait, dimitte peccata iam commissa, sed tantum [dimitte.] etiã illa quæ postea in me patraturi sunt mala, irrisiones, blasphemias, amaritudinem aceti, necem meam, lateris mei vulnus: vt tu inimicis tuis & citò remittas, & omnia, nullumque serues corde rancorem. 5. Non dixit, ego remitto, tum quia non tam de suis pœnis, quàm de Patris offensa doluit, tum quia intentus in bona quæ hac passione in vniuersum orbem redundarent, peccata Iudæorum in se commissa, potius beneficij, quàm maleficij loco visus est habere. Sicut homo qui sub costa graue vlcus gestat, si ab aduersario necem eius moliēte vulnus accipiat, quo vlcus aperiatur, & sanies effundatur, gaudebit de vulnere quod sanitatem attulit. Tam amans fuit Dominus salutis tuę, vt gaudens hoc malum rulerit, quo tibi tantum bonum eueniret. [illis.]

Nota 1. non ait, iniquis, crucifixoribus, carnificibus istis, aduersariis & inimicis meis;

meis; tum vt tu ab omni conuitio abstin-  
 neas; tum quia neminem Dominus tuus  
 reputat inimicum, qui omnibus precium  
 mortis suæ, & salutem offert; & hos ipsos  
 Iudæos carnifices suos, tametsi nō propter  
 opera ipsorum mala, attamen propter pa- *Rom. 11.*  
 tres eorum, viros sanctos & iustos, habe-  
 bat charissimos; itaque de plagis suis lo-  
 quens, [His, ait, plagatus sum in domo *Zach. 13.*  
 eorum qui diligebant me,] non quidem  
 ab his qui diligunt me, sed à filiis eorū qui  
 diligebant me; vt vel propter sanctos pa-  
 rentes filiis benefiat. 2. [illis,] in nume-  
 ro plurali, non his modò qui nūc in mor-  
 tem meam conspirarunt, sed illis præterea  
 omnibus, qui peccatis suis vllō vnquam  
 tempore huic meæ passioni causam dede-  
 rint. Non enim tu ab hac oratione exclu-  
 deris, cuius peccata hāc Domino mortem  
 intulerunt; daturque tibi spes remissionis,  
 præsertim si preces tuas cum hac Christi  
 oratione coniungas. Si enim illis non pe-  
 tentibus oratio Christi profuit, tibi vtique  
 proderit petenti, & cum Christo oranti.

Quia nesciunt quid faciunt.

CONSIDERA I. Christum cui iudiciū *Luc. 23.*  
 omne datum est, & quē lēgit pars aduersa,  
 non

non iudicis tamen & accusatoris, sed defensoris ac patroni partes suscepisse. Iudæi quæsierant quid accusarent, & nihil accusatione inuenerunt dignum. Innocens læsus quærit quid excuset, tantaque fuit huius peccati malitia, ut præter ignorance nihil ad illud extenuandum afferri posset. Et ignorantia tamen ista quæ voluntaria erat, non magis Iudæos excusare debuit, quam excusaret eum qui sciens prudens oculos suos velaret, ne quem lædit, aut occidit, quis nā sit cerneret. Si porro Christus in ipsis tormentis tortorum eleuat peccata, nonne modò in cælis eorum peccata apud Patrem excusabit, qui fide & deuotione, doloreque peccatorum inuocant nomen eius? Considera 2. Nihil quidem verbo Patrem respondisse Filio, exauditum tamen esse Christum pro sua reuerentia. Siquidem Deus negaturus Filio respondit in horto per Angelum; concessurus respondit non verbo sed facto. Nam 1. cohibuit creaturas omnes, ne in ultionem huius mortis in hostes insurgerent, quæ pugnassent pro Creatore suo, nisi hæc Christi obstitisset oratio. 2. latronem alterum ad pœnitentiam induxit. 3. moriente Domino

*Heb. 5.*



Domino Centurionis & aliorum animos immutauit. 4. in solennitate Pentecostes, nunc tria, nunc quinque hominum milia ex his ipsis ad fidem cōuertit. Igitur Deus. Pater non externa voce, sed interno ascensu, in hunc modum Filio respondit: Concedo quod petis Fili, depositaque ira, fontes aperio misericordiæ; offeroquē gratiā, peccatorum condonationem, iustitiam, & filiorum adoptionem, tam his qui in te seuerunt, quā aliis omnibus vbique terrarum, & omnium seculorum peccatoribus, dummodo misericordiam admittant oblatā. Siquidem inuitum adigere nolo, sed potestatem facio omnibus, vt & mecū in gratiam si velint redeant, & filij Dei fiant, & hæreditatem meam in cælis adeāt, modo fide & sacramentis passionis huius merita ferāt. Tu hic magno affectu inclama: Magnæ sunt misericordiæ tuæ, gratias igitur tibi agimus Domino Deo nostro. Oraque, vt donū tibi largiatur sapientiæ, quo Dei bonitatem noris & admireris, & depulsa inuidia, det virtutē charitatis, quam magno in proximos amore feraris.

Q

MEDI-



nem effuderat, iuuenilem ætatē tibi consecrauerat; nunc externa bona, hoc est, vestes pauculas donat, nihil sibi præter clauos, spinas, sputa & concretum corpori cruorem in bonis seruās. En diuitias sponsi tui, qui nō habet vbi caput reclinet, nisi in spinoso cervicali coronæ. Tu eum roga vbi pascat, vbi cubet in meridie, in hoc est tu charitatis suæ; & in magnis opibus pone hanc ignominiosam crucis paupertatem, nudusque ad nudum Christum propera. Considera 3. irrisiōnem militum in hac vestimentorum tum diuisione, tum sortitione. portionem sibi aliquam singulicapiabant, tanquam Regis Iudæorum ornatum. Tu quoque accurrens vel fimbriā collige vestimentorum eius, hoc est, quidquid Christi passionem quoquo modo attingit, in precio habe, vt sunt Sacramenta eius, verba eius, Ecclesia eius, iustificationes eius. Considera 4. quatuor Christi tortores in quatuor partes secuisse vestem, vt quatuor Euangelistæ, per quatuor orbis partes tunicam Domini consuerent, quibus tu esto auxilio, piaque vita & doctrina Ecclesiam variis hæresibus dissectam, coniunge: tuisque vestibus Christi pauperes



244. MEDITATIO XXXVI.

tege, rogaque Dominum, vt qui nunc amictus est lumine, sicut vestimento, gratia suæ lumine vestiatur nuditatem tuam, animamque miseratus exornet.

*Ioan. 19.*

*Mat. 27.*

*Psal. 21.*

*Luc. 23.*

*Mar. 15.*

Dixerunt ergo ad inuicem: Nō scindamus eam, sed sortiamur de illa cuius sit, vt scriptura adimpleretur, dicens: Partiti sunt vestimenta mea sibi, & in vestem meam miserunt sortem. Diuidentes ergo vestimenta, sortes miserūt super eis quis quid tolleret.

CONSIDERA 1. militum consultationem de vestium diuisione & sortitione. Bonum est consilium, [non scindamus eam;] impium autem [sortiamur de illa cuius sit.] Discis 1. Deum etiam malorum consiliis adesse, vt malitiam cohibeat, sicut infatuauit consilium Achitophel.

*2 Reg. 17*

2. Fructū orationis Domini hic iam apparere, cū vestis inconfutis perman sit integra; quo designatur, nulla vnquā hominum malitia diuidendā Ecclesiam, sed ea vsque ad sæculi finē in vnitate fidei, sub vno visibili capite integra perseuerabit; sed nec portę inferi preualebunt aduersus eam. vt enim diuidantur externa Domini

*Mat. 16.*

vesti-

vestimenta, hoc est, aliæ hominum societates variis institutis, opinionibus & ritibus distinguantur, tunica tamen inconsutilis carnem Domini proximè attingens, nempe Ecclesia Catholica desuper contexta per totum, per vniuersum orbem diffusa, & singulis membris inter se pulchrè distinctis officiis, in communione Sanctorum cohærentibus, quasi diuersis filis intertexta, integritatem suam non perdet. Decident quidè ab ea veluti festucæ quædam leues: sicut arida folia de arboribus, sed illis purgabitur, non violabitur tunica Domini. Cauendū tibi, ab hac inconsutili Christi tunica ne excidas, sed illam tanquam textura nobilis exornes: & quia in virginis Matris vtero texti cœpit hæc tunica (hic enim sibi Filius Dei humanam naturam coniunxit, sibi que Ecclesiam desponsauit) tu illam matri eidem commendam, cuius precibus & auxilio perseueret intacta & incorrupta. Considera 2. duas militum sortitiones. 1. de partibus vestimentorum, 2. de tunica inconsutili. Significatur 1. & Christum ipsum, & omnia quæ Christum attingebant, malorum irrisioni & voluntati exposita fuisse. 2. im-

probos homines & Christi tunicam, hoc est, animarum curam, & vestimentorum partes, hoc est, externæ Ecclesiæ bona, non dignè, sed sortitione accipere, & aliis artibus, quàm pro voluntate Domini possessoris occupare. Illi enim nihil minus quàm de crucifixo cogitantes, ipso vidente atque tacente crucifixi bona diripiunt. 3. ex

*Lib. 10.  
in Luc.  
cap. 23.*

D. Ambrosio vestium Domini partes, hoc est, eius diuersas gratias & dona, sorte, hoc est, occulto Dei consilio, non nostra electione, cuiquàm diuidi, Tunicam verò, nempe fidem, singulis integram dari. Tu si fortè clericus es, in sortem Domini vocatus, collige sub cruce Domini partem hæreditatis eius tibi datam: caue à pluribus partibus & beneficiis; & quam accepisti sortem coram crucifixo vtere: ipse enim inspectat, & quomodo sua bona administras, obseruat. Considera 3. de hac vestium sorte olim prædixisse prophetas, vt discas 1. rem maximi momenti in hac sortitione fuisse, quam nimirum ante tot sæcula viri sancti adeoque reges prævidentes deplorauerunt. 2. quibus de rebus veteres prophetæ & sancti, etiam ante Messiaæ aduentum, suas instituerint meditationes,



tiones, nempe de paupertate, nuditate, & opprobriis Domini, vt tu similibus cogitationibus occuperis, & ad compassionem ac imitationem exciteris. Considera 4. has Domini vestes & sacras reliquias impiorum custodiæ esse permissas. vt discas  
 1. non omnes qui sacra contrectant, sanctos esse Deoque gratos. 2. omnibus in hac vita offerri sanctitatem. Tu Deum roga, vt de sanctitate sua aliquid tibi communicet, quod à te nunquam auferri patiatur.

Et milites quidem hæc fecerunt: & sedentes seruabant eum, & stabat populus spectans. *Iean. 19. Mat. 27. Luc. 23.*

CONSIDERA 1. [& milites quidem hæc fecerunt,] quasi diceret, Christo in tormentis crucis orante; matre eius doloris gladium patiente, amicis eminus fientibus, milites hæc fecerunt. Dum persecutiones sustinet Ecclesia, dum pauperes fame intereunt, dum patitur iustus, ludunt impij, aleas & sortes tractant, ociantur, nec est qui patiatur super contritione Ioseph. *Amos 6.*  
 Et tu quid agis patiente Christo & Ecclesia? Considera 2. Christum accuratiùs quàm latrones seruari, ne vel à discipulis,

vel ab aliis supplicio eriperetur. Sed ut tunc fuit, ita & modo est minor Catholicorum feruor, quam ut se pro Christi nomine periculis exponant. Tu Christum summa cura in corde tuo custodi, & gratiam eius conserua. Considera 3. quod populus steterit spectans (sic enim legendum est pro expectans) alij iridentes, alij singula contemplantes. Tu accedes, & erectus in pedes, ad omnem Dei voluntatem & nutum paratus, spectabis, & fixum cruci respicies fixus, omnia membra, omnes dolores, omnia opprobria non leuiter percurres, sed constanti intueberis obtutu, nec in externa forma subsistes, sed ad ea quæ interiorius latent penetrabis. Sub istis namque vulneribus, sputis, spinis, latet manna absconditum, quod nemo scit, nisi qui accipit. Esto igitur ante hanc crucis mensam, sicut cællus ante mensam domini sui expectans; gestusque accumbentis obseruans, & quicquid de mensa proiectum fuerit arripies. Ne populum imiteris, Christum quidem curiosè spectantem, solaque illectum vanitate templa adeuntem, sed oscitanter interea sacra audientem. Ipsam potius virginem matrem imitare, quam nullum effugie-

fugiebat verbum, quod non seruaret con-  
ferens in corde suo. Rogaque Domi-  
num, vt de cruce tibi dona sua largiter  
proiciat.

Figura  
Genes. 9

## MEDITATIO XXXVII.

*De irrisione in cruce.*

Prætereuntes autē blasphemabāt eum, *Mat. 27.*  
mouentes capita sua, & dicentes: Vah *Mar. 15.*

qui destruis templum Dei, & in tri-  
bus diebus reædificas illud: Saluum  
fac temetipsum. Si Filius Dei es, de-  
scende de cruce.

*Noc vni  
stu inebri  
nudas fac  
bat dormian  
in tabernac  
lo quem vi  
Etiam filius  
ille sit ostend  
ait fratres  
puit*

CONSIDERA 1. à quatuor hominum  
generibus Christo Domino in cruce illu-  
sum fuisse, à prætereuntibus, à sacerdoti-  
bus & senioribus, à militibus, à latronibus,  
hoc est, ab omni hominum genere; Iudæis  
& Gentilibus; Sacerdotibus & laicis; Sena-  
tu & populo; Iustitiæ ministris, & iustitia  
damnatis. Omnibus nāque peccatis Chri-  
stū ridemus, cuius & promissa spernimus,  
& minas contemnimus, & beneficia recu-  
samus, & mandata transgredimur, & con-  
silia negligimus. Considera 2. quid in-  
terfit

Q 5



PROM. I.

terfit inter vocem Christi & voces Iudeorum; Saluatoris & mundi. Ille sollicitus cum lachrymis orat, isti securi cum sannis irrident orantem. Impiorum enim cōsuetudo est, ridere omnia, eaque de causa in Scriptura irrisores vocantur; quibus vicissim Deus irrisiōem minatur, quando eis id quod timebant, aduenerit. Compararis hic sponso animæ tuæ, qui extrema mortis hora, nihil solatij à quoquam accepit, sed irrisiōes, à quibus tunc maximè abstinendum erat, quando tam seria res agebatur, morte nimirum in tormentis instante. Considera 3. quòd blasphemant [prætereuntes,] παραπορευόμενοι, quod etiā verti potest, ambulantes, vt vel ab iter faciētibus irrideri dicatur, vel ab his qui pone crucem obambulantes hærebant, taliq. deambulatione cōiuitia iaciebant. Hic autem inconstantes & leues homines significantur, qui perfunctoriè diuina tractant, obiter preces percurrunt, vagis oculis animisque in templis, concionibus, diuinis rebus versantur, & quorum mens non in vno Deo conquiescit, sed ad varia mundi oblectamenta & commoda vagabunda discurret. Considera 4. quid fecerint isti.

1. transi-

1. transibant irreuerenter. 2. mouebant capita. 3. his ipsis gestibus blasphemabant. Significabant enim omni contumelia dignum, de medio auferendum, eiusq. doctrinam, & vitam ludibrio exponendam.

4. Isaias duo alia irrisionum genera iuxta *Isa. 57.*

D. Hieronymi explicationem prædixit: Super quem lusistis? super quem dilastis os, & eiecistis linguam? Aperto igitur ore & erecta lingua conuitia faciebant.

Denique ut Principibus de editiore loco spectantibus ludi varij exhiberi consueuerunt in theatris; ita huic Regi Iudæorum varia illusionū spectacula ab his scenicis actoribus exhibita fuerunt. Considera 5. quæ verba dixerint. 1. mendacia eius verbis impingunt, conciones & vaticinia rident, sacra verba ad prauum sensum detorquent. 2. Cum miraculis ludunt: Si vera edidisti miracula, vel nunc tuam ostende virtutem, & saluum te fac.

3. in personam iniuriæ sunt, quam negant esse Filium Dei. Tu autem diuinis verbis fidem adhibebis, miracula admiraberis, animum à fide nusquam euariantem conseruabis, Christum Dei filium suscipies, illi adhærebis, illum non pertransibis. Qui enim

enim in hac vita prætereuntes blasphemant Christum, illi post hanc vitam prætereuntes cælum transibunt in gehennam.

*Luce. 23.* Similiter deridebāt eum cum eis Principes sacerdotum, cum Scribis & Senioribus, illudentes ad alterutrum dicebant: Alios saluos fecit, seipsum non potest saluum facere. Si Rex Israël est, descendat nunc de cruce, vt videamus & credamus ei. Confidit in Deo, liberet eum nunc si vult. Dixit enim, quia Filius Dei sum.

CONSIDERA I. Sacerdotes, religiosos, & Magistratus contra sui ordinis dignitatem, crucifixo homini insultasse, populoque duces in his irrisionibus fuisse. Hoc est enim quod B. Lucas ait, [deridebant eum Principes cum eis.] Tantum quippe erat studium obscurandæ gloriæ Domini, ne vlla eius postmodum mentio haberetur, quem vniuersi ordines etiam in summis pœnis cum morte conflantem, nulla commiseratione dignum putassent, & velut opprobrium hominum, & abiectiōem plebis, hoc est, qui & principibus viris, & fœci viliq̃ue plebeculæ esset lud-



ludibrio, contemptim vt maledictum ab-  
 iecissent. Sed non est consiliū contra Do-  
 minum, qui hanc summam totius populi  
 ignominiam in summam gloriam cōmu-  
 tauit. Considera 2. à nullo hominum  
 genere grauius Christum quàm à Sacer-  
 dotibus blasphemari. Hi enim & sese  
 mutuo ad irrisiōem prouocant, & ad  
 blasphemias abutuntur scripturæ verbis,  
 quæ de his blasphemis à Propheta prædi-  
 cta fuerunt, quæ ipsi tanquam Psalmi ver- *Psal. 118.*  
 ficulos alternatim recitabant. Discis gra-  
 uissimos esse lapsus superiorum, qui dein-  
 de peccatorum suorum potenter tormen- *Sap. 6.*  
 ta patientur. Considera 3. & expende eo-  
 rum verba. 1. exprobrant beneficia col-  
 lata populo, & tãquam diabolica arte mi-  
 racula edita rident. 2. Regiam dignita-  
 tem ludibrio exponunt. 3. Fiduciam in  
 Deum illi obiciunt. 4. Maiestatem Filij  
 Dei contemnunt, quæque honorẽ Chri-  
 sto conciliare debuerant, malitiosẽ irridet  
 exprobrantes. Magi in stabulo muneribus *Mat. 2.*  
 venerati sunt Deum Regẽ & hominem,  
 & isti post tot miracula Dei filiũ, verum-  
 que Deum miracula operantem, Regem  
 regum, & hominem in Deo sperantem  
 fannis.

fannis & contumeliis exceperunt. Considera 4. malas illorum collectiones. 1. si alios saluos fecit, debet & seipsum saluum facere. 2. si Rex Israël est, debet de cruce descendere. 3. si speret in Deo, utpote Filius Dei, liberabit eum utique Deus. Ideo quippe 1. seipsum non saluat, ut morte sua alios saluos faciat. 2. ideo de ligno non descēdit, ut regnet à ligno Rex Israël. 3. ideo non liberat Filium suum Deus, quia sperat ab eo, non de cruce deponi, sed super omnem creaturā per crucem efferri, teque in gloria secum collocari. Considera 5. malos ad descensum hortari, authore diabolo, cuius vox est, Si filius Dei es, mitte te deorsum. Discis, eos omnes descendere de perfectionis gradu, fierique deteriores, qui crucem abiiciunt. Tu Christū obnixè roga, ut de cruce, hoc est, de folio misericordiæ te regat, adeoque te secum in crucem assumat.

*Luc. 23.* Illudebant autem ei & milites, accedentes, & acetum offerentes, dicentes: Si tu es Rex Iudæorum, saluum te fac.

CONSIDERA 1. gravem ignominiam qua Dominus à vilissimis carnificibus verbis

bis factisque riderur. 1. [illudebant ei,]  
 1. militari & scurrili petulātia gestus ini-  
 micos & ludicros exhibebant. 2. Accede-  
 bant nudum Dominum propius inspe-  
 cturi, iuxta illud: Ipsi verò considerauerūt *Psal. 22.*  
 & inspexerunt me. 3. acetum offerebant,  
 tanquam pincernæ regi poculū præben-  
 tes. 4. verbis alludunt ad titulum crucis,  
 Rex Iudæorum. Ridiculum aiūt Regem,  
 qui nec se possit saluare, quando subditis  
 salutis spes omnes à Rege dependent.  
 Considera 2. ab impiis nullam agnoscī,  
 nisi vitæ huius commoditatē & salutem;  
 at verò pij salutem animæ agnoscunt, &  
 quarunt, quam nimirū cum Angelis ha-  
 bent communē, de corporis salute minus  
 solliciti, quam etiam bestiis concessam vi-  
 dent. Cōsidera 3. Christi Domini & spon-  
 si animæ tuæ immensam in te charitatem,  
 qui neque pœnis, neque irrisiōibus, neq.  
 doloribus astātis matris; neque lachrymis  
 consobriini Ioannis; neq. Magdalene plan-  
 ctu; nec denique amicorum mœrore in-  
 duci potuit, vt de cruce descenderet, quam  
 semel in gratiam tui conscenderat; quam-  
 uis non ignoraret hoc suo descensu istis  
 malis omnibus celerem finem imponen-  
 dum.

*Pocilator  
 qui vinū  
 conuiniis  
 miscebat*



## 256 MEDITATIO XXXVII.

dum. Et tu igitur quod semel pro amore  
spōsi tui suscepisti, atque in eius honorem  
constituisti, nulla ex causa deponas, aut  
deseras, etiam si mundus obstrepet, etiam si  
caro repugnet, etiam si mater quibus te la-  
ctauit vbera exhibeat, & senex pater in li-  
mine iaceat: Per calcatum perge patrem,  
quia pietatis genus est, in hac re esse cru-  
delem. Hanc animi constantiam pete à  
Domino: & crucifixum frequens tibi ob-  
oculos ponens, animum coram illo col-  
lige, eoque inspectante, negotia tua con-  
stitue.

*De Hier.  
ad Helio-  
dorum.*

*Prophetia  
521*

*Omnes videntes me deriserunt me loque-  
ti sunt labijs et mouerunt caput.*

*Esperauit in Domino eripiat eum*

*saluum faciat eum quoniam multum*

*108 Ego factus sum opprobrium illis vi-*

*derunt me et mouerunt capita sua.*

*Plauerunt super me manibus omnes  
transcuntes per uiam, sibilauerunt  
et mouerunt caput suum.*

MEDI-

## MEDITATIO XXXVIII.

*De secundo Christi verbo.*

Idipsum autem & latrones qui cruci-  
 fixi erant cum eo improperabant. *Mat. 27.  
 Mar. 15.*

Vnus autem de his qui pendeabant  
 latronibus blasphemabat eum, di-  
 cens: Si tu es Christus, saluum fac te-  
 ipsum & nos. Respondens autem al-  
 ter increpabat eum, dicens: Neque  
 tu times Deum, qui in eadem dam-  
 natione es? & nos quidem iuste, nam  
 digna factis recipimus; hic verò ni-  
 hil mali gessit.

CONSIDERA I. ignominiam hoc lo-  
 co irrogatâ Domino, siue ab vno latrone,  
 vt aiūt B.<sup>a</sup> Epiphanius & D.<sup>b</sup> Augustinus, a *Harofi*  
 siue initio ab utroque, vt vult D.<sup>c</sup> Chry- *66.*  
 sostomus, sed vno conuerso, altero perfe- *b Lib. 3.  
 de consen.*  
 uerante. Siquidem vilissimi erant homi- *Euang.*  
 nes & infames, & iam maledictum suppli- *cap. 16.*  
 cium crucis meritò tolerantes. Magis ta- *c Hom. 7.  
 ad Philip.*  
 men affligebat cor Saluatoris, quod ille  
 pro quo & cum quo sanguinem suum  
 fundebat, iam iam abripiendus esset in ge-  
 R hennam.

hennam. Disce hic communiter id fieri, vt qui malè vixit, malè moriatur, sicut malè vixit, nisi peculiari diuina gratia mutetur.

*D. Aug.  
Serm. 3.  
de Inno.*

Quia hac animaduersione percutitur peccator, vt moriens obliuiscatur sui, qui dum viueret, oblitus est Dei. Considera 2. verba mali latronis: [Si tu es Christus, saluum fac teipsum & nos.] 1. fide caruit, qui vt crederet, miraculum voluit. 2. temporalem vitam, & salutem more peccatorum omnium, quibus de futura æternitate nihil curæ est, desiderauit. 3. hæc fortè in gratiam assantium Iudæorum dixit, cui tamen nihil profuit placuisse Iudæis, quia mundus nisi mercedem malam suis sectatoribus reddit. 4. semel dixit conuictum, sed correptus tacuit, melior te, qui adeò non emendaris admonitione, vt etiam in monentem excandescas. Considera 3. misericordiam Christi in bono latrone, cuius cor non solum externis signis, sed interna quoque gratia instruxit, & emolliuit, vt plus profecerit tribus his horis audiens decemtem de cathedra crucis, quàm profecerint Apostoli tribus annis, videntes miracula, & Dominum quoquo versus sequentes. Tanta est enim vis Dominicæ crucis,

vt



vt non solum afficiat sensum, verum etiam  
 det intellectum auditui, & intellectui ad-  
 dat affectum. Itaque bonus hic latro rebus  
 omnibus externis spoliatus, & corpore in  
 cruce distentus, quidquid ei liberum fuit,  
 totum hoc palam dedit, cor (inquam) &  
 linguam Christo consecrauit, quia corde  
 credidit ad iustitiam, & ore confessus est  
 ad salutem, de crucis cathedra doctor esse-  
 ctus propalā Christum confitens, & astan-  
 tium vitia liberrimè redarguens. Consi-  
 dera 4. verba boni latronis. 1. socium pec-  
 cantem insigni charitate prius corripit,  
 quàm sibi aliquid à Domino petat. Incu-  
 tit porro timorem mortis iam impenden-  
 tis, quia peccatores metu gehennæ sunt  
 coërcendi, si quando diuinis beneficiis ni-  
 hil moueantur. [Neque tu times Deum.]  
 Audax verbum, sed martyre dignum. Ne-  
 mo (inquit) horum timer Deum, & hos tu  
 imitari audes, iam modò ad Deum iudi-  
 cem tuum profecturus? 2. peccatū suum  
 agnoscit, & crucis poenā in satisfactionem  
 suscipit. Indiciū quippe est boni viri, cul-  
 pam suam fateri, aliorū peccata, si possit,  
 extenuare. 3. Christi innocentiam præ-  
 dicat: [Hic autem nihil mali gessit.]

Quæ sententia in solum Christum verè conuenit, eiusque sanctissimam matrem, quia peccatum non fecit, nec inuentus est dolus in ore eius. Sed quia peccatū nullum fecit, peccata omnium portare debuit, & luere in corpore suo. Docet igitur hic bonus, latro in aduersitatibus non querendum, peccata confitēda, Deo gloriam palam esse dandam, serioque animum ad Deum conuertendum. Hunc tu imitare cui mors vel in ianuis est, vel in insidiis: Rogaque Dominum, vt salutarem sui timorem tibi incutiat.

*Luc. 23.* Et dicebat ad Iesum: Domine memento mei, dum veneris in regnū tuum.

CONSIDERA 1. hunc bonum latronem implese partes iustitiæ. 1. declinauit malum quod in socio reprehendit, & fecit bonum ad Christum conuersus. 2. ex doctrina Micheæ [fecit iudicium,] peccatum suum grauitè accusans; [dilexit misericordiam,] admonito socio ad cōuersionem; [& sollicitus ambulauit cū Deo suo,] quem oratione pia & humili veniam precatur. Considera 2. eiusdem crucis & afflictionis varios fructus pro hominū diuersa conditione. Mali flagellis non emen-

*1. Michea 6*

emendantur, sed blasphemant; boni culpam fatentur, & vicinius ad Deum accedunt. Nihil ergo mireris, si Dominus in hac vita malis subinde concedit prosperitatem, bonis afflictionē, quod ex his causis misericorditer facit; tum ne mali grauius impatientia peccent, & vt boni Deo firmitus inhærescant; tum vt mali hic saltem mercedem aliquam obtineant, quando æterna gloria sunt priuandi; & bonis merces æterna reseruetur. Considera 3. singula latronis verba. [Domine,] vox reuerentiæ, metus, & subiectionis: Ego me tibi in seruum, mancipiumque consacro: Non ait, Domine mi, quia vniuersæ creaturæ Dominum, factorem & possessorem alloquitur. [Memento mei.] modesta & humilis petitio; non peto regnum, non honores, sed vt mei meminisse velis; non enim meminisse potes & deesse. Audeo hanc memoriam postulare, licet peccator. 1. quia alios peccatores orantes admisisti. 2. quia in gratiam peccatorum tam multa magnaue præstitisti. 3. quia ego peccator, peccandi volūtate deposita, iam in te corde credo, te diligo, & ore palam confiteor. 4. quia nihil præter memoriam rogo, &



misericiordiam precor; tuum erit vel minimum quid largiri quod voles. 5. quia quem socium tormentorum atq. laborum esse voluisti, tibi que in morte assistere, æquū est participem quoque fieri quietis & glorię. [cū veneris in regnū tuum,] Agnosco te Regem, sed regnum tuū non de hoc mundo; scio quōd à morte tua, te præstolētur Angeli, & ministrorum exercitus, qui te non deferent vt Lazarum; sed sponte virtute que tua venientem honoris causa prosequuntur. Tu huius latronis fidem admirare, qui solus, blasphemantibus ceteris, credit; & tuam infidelitatem detestare, qui mundo iam vniuerso credente, vix ipse tamen credis; Ora que Christum, vt fidem tibi adaugeat, te que in regnum suum cum hoc latrone inducat.

*Luce. 23.* Et dixit illi Iesus: Amen dico tibi, hodie mecum eris in paradiso.

CONSIDERA 1. Christum blasphemanti quidem latroni nihil respondisse, vt mansuetudinis virtute iram depelleres; alterius verò probasse consilium, quo censuit in necessitate ad Christum esse recurrendum, vt tu consilij donū assequaris. Considera 2. Christum vt sacerdotem noui testa-

testamenti peccata dimittere; & vt iudicem, merita præmiaque decernere: & iusto quidem gloriam addicit, impio verò, cui nullam iustitiæ coronam promittit, satis indicat silentio gehennæ incendia præparari. Siquidem Christus dat gloriā, inferni autem pœnæ non tam à Christo donantur, quam à peccatis efficiuntur, iuxta illud Apostoli: *[Qui reddet unicuique iuxta opera sua; iis quidem qui secundum patientiam boni operis gloriam & honorem, & incorruptionem quærūt, vitam æternam: iis autem qui sunt ex contentione, & qui non acquiescunt veritati, credunt autem iniquitati, ira & indignatio,] nempe reddetur, non tam Christo authore, quam malitia & merito peccatorum.* Considera 3. benignitatem Regis Iudæorū. 1. non reicit hominem latrociniis infamem, qui non externam opinionem, sed internum cordis affectum intuetur. 2. statim exaudit confitentem, & peccata ignoscit. 3. plus promittit quam rogatur. Petebatur memoria, promittitur gloria, & quidem statim reddenda eodem ipso die. Considera 4. verba Domini.

*[Amen]* vocula est confirmandi; vt

certam verbis meis fidem adhibeas, ea voce affirmo, qua non nisi in rebus grauibus affirmandis vtor; & id quidē palam, & hisce testibus addico. [Dico,] ego veritas, quæ mentiri nescio, cuius est efficax promissio. Ego regni Dominus, de re mea non de aliena constituo. [tibi] non omnibus, ne prorogandæ in vitæ extremum poenitentia detur occasio. sed tibi vni serio dolenti, peccata cōfidenti, pro peccatis hoc supplicio poenitque satisfaciēti; vt si quis fortē peccator in extremis vitæ resipiscere velit, tuo exemplo spem veniæ concipiat. Siquidem ante peccatum ob oculos ponendi sunt innumeri illi peccatores, cruci Dominicæ astantes, qui tamen veniā non obtinuerunt, ne fortē cum illis à Domino relictus malè intereas; quia qui poenitenti veniam addixit, peccanti non addixit poenitentiam. Post peccatum verò cogitandus est latro, ne desperes. [Hodie] statim à morte tua, vt virtutem crucis agnoscas. Sicut enim victor ad victoriam ostentandam nobilissima spolia defert in triumphum, ita Christus parta iam victoria de diabolo, prædam illi præstantissimam eripuit, spoliūque detraxit, & latronem,  
maxi-



maximè fidum illi quòdam mancipium,  
 secum in triumphum adduxit. [Mecum,]  
 vt qui pugnae pœnarumque socius fuisti,  
 coronæ ne expers inueniaris; neque vt la-  
 tro passus videaris, sed mecum triumphes  
 vt martyr. Atque hic Christus latronis *D. Aug.*  
 supplicium cōuertit in martyrrium, & qui *lib. 1. de*  
 vt latro actus est in crucem, ob insignem *anima, &*  
 illam & publicam confessionem, vt mar- *eius origi-*  
 tyr cum Christo, martyrum Principe, co- *ne, cap. 9.*  
 coronam testimonij sui percipit. [Eris,]  
 perpetuò mansurus. [in.] tanta futura  
 sunt gaudia, vt illa non capias, sed illa te  
 ingredientem capiant; intus replebunt,  
 foris circumfluent, iuxta illud: Intra in *Mat. 25.*  
 gaudium Domini tui. [Paradiso.] non  
 terrestrem dicit paradysum, quo animæ &  
 spiritus beatorum non delectantur; sed  
 diuinæ naturæ contemplationem, in qua  
 est plena satietas & mentis oblectatio.  
 Vocat verò non regnum sicut latro pe-  
 tierat, sed paradysum (quod nomen ha-  
 ætenuis non vsurpauit) 1. quia per hanc  
 clauem Dauid, crucem inquam Domi-  
 nicam, reſerata est nobis paradisi porta,  
 quam lignum scientiæ boni & mali pec-  
 cato violatum obserauerat. 2. quia in

regiam suam, cælum & locum beatorum post quadraginta demum dies conscensurus erat. Disce hic Christi Domini liberale donum, bonoq̃ue animo esto. Nam qui latroni de cruce poenitenti regnum promisit; tibi, qui totam vitam, omnesq̃ue ætates in eius obsequium impendisti, non minorem mercedem laborum est redditurus. Caterum quia paradysus à crucifixo non addicitur nisi crucifixo, tu si consors vis esse paradysi, crucifige carnem tuam cum vitiis & concupiscentiis; rogaq̃ue sponsum animæ tuæ vt his te verbis sub horam mortis ad cælos euocet coronandum.

Gal. 5.

*Figura Gen 40*

*Josephus in carcerem cum duobus maleficiis coniectus alteri prædixit fore MEDIT-  
ut exaderet et gratia poenitentis restitueretur. alter deinde capitis damnatus  
est Prophetia Hier 39*

*Er vis tibi anima tua in salutem  
quia in me habuisti fiduciam.*

## MEDITATIO XXXIX.

*De tertio verbo in cruce.*Stabant autem iuxta crucem Iesu ma- Ioan. 19.

ter eius, &amp; soror matris eius Maria

Cleophæ, &amp; Maria Magdalene.

*Figura*

CONSIDERA 1. fugientibus Apo- Noemi vidua  
mortui in  
Moabitæ fili  
cui venit in  
patria in bac  
em. cum a  
salutaretur  
alijs mulier  
respondit. No  
me voca  
me. id est  
ram. se d  
cate me. no  
id est am  
quia ama  
tine repl  
me. v. h. b. m.  
Dominus  
et quid  
stolis, mulieres ad crucem vsque subsecu-  
tas esse Dominum. Primo autem loco no-  
minatur mater eius, tum quod fuerit cæ-  
teris feruentior, constantiorque perman-  
serit; tum quod mirum sit, matrem tantos  
filij sui, & talis quidem filij dolores ferre  
potuisse; tum deniq. vt discas minus qui-  
dem decere verecundiam muliebrem reo-  
rum adesse suppliciis, sed illis esse perquam  
gloriosum, cū matre Domini, crucis Chri-  
sti supplicio assistere, & illud mentis ocu-  
lis continuò versare. Considera 2. cur huic  
supplicio mater Domini adesse voluerit;  
nempe non curiositate vel leuitate mota,  
sed 1. vt quæ summo amore talem tan-  
tumque filium complectebatur; quem ha-  
ctenus quocunque locorum secuta fuerat,  
in morte tandem non desereret. 2. vt si  
quid posset vel solatij præstaret vel obse-  
quij.



voph. Luc. 2.

Quij. 3. vt non tam filij mortem, quam modum humanæ redemptionis spectaret, illiusque contemplatione in amorem Dei vehemētius inardesceret. Considera 3. cur Christus matrem suam huic spectaculo voluerit esse præsentem. 1. vt testis assisteret persoluti precij pro peccatis humani generis. 2. vt ipsius in nos ardentem amorem cerneret, nostrique proinde patrociniū ipsa susciperet. 3. vt Regina sanctorum omnium insignis illius coronæ, quæ martyribus donatur, expers non esset, sed præ cæteris omnibus nobilius martyrium subiret. Alij enim martyres passi sunt dolores proprios, carnificum manibus irrogatos: At mater Dei, dolores filij est perpeffa ex filij corpore ad ipsam deriuatos, quippe cuius animam tanti doloris gladius pertransiuit. 4. vt matris præsentia doloris sui augeret materiam. Non enim sine causa dixit Euangelista, [mater eius,] nomine affectus, vtriusque affectus inter-nos significans. Tu hic admirare duo luminaria magna obscurari, luminare maius Christum solem iustitiæ, qui illuminat omnem hominē venientem in hunc mundum, & luminare minus, Mariam pulchrā

Luc. 2.

Ioan. 1.

vt lunam. Sol factus est niger, ait Aposto- *Apo. 6.*  
 lus, tanquam faccus cilicinus, & luna tota  
 facta est sicut sanguis, mater filij sanguine  
 madens. Considera 4. quòd non deles se-  
 debat; non iacebat exanimis; non vaga dis-  
 currebat; sed stabat 1. ad reuerentiam fi-  
 lij, quem erectū pro te in cruce cernebat.  
 2. tanquam obedire, & obsequi parata.  
 3. constans, fortiq̃ue animo erecta fide,  
 redemptionis humanæ, & resurrectionis  
 filij. 4. vt parata etiam ipsa crucē ascen-  
 dere, mortēq̃ue, si opus fuerit, pro pecca-  
 toribus oppetere. Considera 5. cum ma-  
 tre Domini pauculos alios ad crucē asti-  
 tisse, virginem, viduam, & peccatricē mœ-  
 stos, omniq̃ue destitutos solatio, vt discas  
 1. Christum cruci affixum nobis à Deo  
 Patre datum esse solatium: afflictorum; pa-  
 tronum viduarum & pupillorum ab eo-  
 dem constitutum; denique eundem, & cō-  
 seruatorem virginibus & custodem assi-  
 gnatum. 2. illis præter cæteros à Christo  
 communicari ex hac passione sensum do-  
 loris, quos cæteris amat ardentius. Obser-  
 ua igitur an Christi passione mouearis, vt  
 quo sit ille in te amore, intelligas. Consi-  
 dera 6. [stabant iuxta crucem Iesu.]

Rari.

Rari iuxta crucem Iesu stant. Sunt qui iuxta illam obambulant, qui leuiter Christi mysteria percurrunt; alij à longè stant, eminus spectantes, quasi nihil ad se mysteria crucis pertinerent; alij iuxta latronum stant cruces, qui superbix, luxus, auaritiæ, cæterorumq. vitiorum molestias patiuntur. Iuxta crucem Iesu nulla tolerantur peccata, nullæ leuitates committuntur, nullæ quærentur deliciæ. Hic est, quicquid detestatur mundus, paupertas, carnis maceratio, contemptus, conuitia; abest hinc, quicquid concupiscit & admiratur mundus. Tu ad Christi matrem cruci proximus accede, quia hæc vnica via plorantes lugentesque deducit in cælum; cum cæteri ridentes, cachinnantes, blasphemantes, infernum petant: rogaque virginem matrem, vt tibi assistat morienti, tuaq. tum angustias soletur, quæ tanta constantia filij etiam passa est dolores.

*Iohan. 19.*

Cum vidisset ergo Iesus matrem & discipulum stantem, quem diligebat, dicit matri suæ: Mulier, ecce filius tuus.

CONSIDERA I. pulchrum ordinem in verbis Dominicis. nam primo omnium pro



DE PASSIONE DOMINI. 271

pro peccatorum salute Patrem orauit; tum  
 spiritualia bona latroni concessit, & para-  
 disum addixit; iam tertio loco dilectissime  
 matri temporale adfert solatium; vt discas  
 1. ad quid in mundum Christus venerit,  
 atque in crucem hanc ascenderit; nempe  
 vt peccatores saluos faceret, de quorum 1 Tim. 1.  
 numero tu vnus es. 2. de salute & per-  
 fectione proximorum ante omnia sollici-  
 tus esse, priusquam ad res temporales con-  
 uertas cogitationem. Considera 2. eum  
 qui à puero Christum secutus fuerat, &  
 iuueniles annos Domino dicauerat, cate-  
 ris latentibus, cruci Dominicæ adhæsisse,  
 præmiumque constantiæ, commendatio-  
 nem, & custodiã virginis matris accepisse,  
 vt tu à puero Christum & matrem eius  
 venerere, & iugum Domini ab adolescen-  
 tia tua patiare. Considera 3. quibus ocu-  
 lis amantissimus filius matrem tam dile-  
 ctam aspexerit, & ab illa vicissim conspe-  
 ctus fuerit: Amor & commiseratio matris  
 oculos in filium attollebant; dolor & la-  
 chrymarum vbertas rursus deprimebant.  
 Tu cogita quid cor filij ad cor matris lo-  
 queretur, & quid matris cor responderet  
 filio. Compatere vtrique, & eorum allo-  
 quio

quo etiam tuas adiunge petitiones. Considera 4. quod se non proprio nomine Ioannes vocet, sed discipulum quem diligebat Iesus, ut tu semper ob oculos habeas beneficia, quibus & te præuenit Dominus, & singularem suam tibi charitatem exhibuit. Considera 5. à Christo Domino hic matri & amicis condi testamētum vultu & verbis. Respiciēs quippe matrem & discipulū, seipsum & quæ ipsum attingebāt, eis donauit; coronam spineam, clauos, sputa, sordes, sanguinē, odium mundi, irrisiones, & probra; ut ab his Christi insignibus non abhorreremus; sed in illis ingentes thesauros collocatos putaremus, eosque summa diligentia quæreremus & conatu; & quod mater quidem his ad nostri commiserationem moueretur; nos autem qui in Ioāne significabamur, illis ipsis in precibus nostris ad Deum & virginem matrem vteremur, perque hæc sputa, hos clauos, hunc sanguinē obsecraremus. Verbis porro discipulum matri, & matrē discipulo, nobisque omnibus testamento legauit. Considera 6. singula huius testamēti verba. [Mulier.] nō ait mater, sed mulier. 1. ne ipsam hostibus illudēdam proderet.

2. ne matris cor amoris voce vulneraret.  
 3. vt significaret illam ipsam esse, de qua Deus olim prædixit: Ponam inimicitias *Gen. 3.* inter te & inter mulierē, ipsa conteret caput tuū. Iam enim corpus Christi de virgine sumptum, & à virgine ad delēdas diaboli vires datum, serpentis caput contere-  
 bat. 4. vt constantiam matris disceremus, cui vaticinium Salomonis conueniebat: Mulierem fortem quis inueniet? [*Ecce.*] *Proth. 32* iniqua (ait) est permutatio pro Filio Dei suscipere filiū hominis; pro filio tanti Regis, filium piscatoris: sed grata debet esse donatio, tum quia necessitas cogit; tū quia proficiscitur à filio; tum quia in ipso genus humanum commendatur. [*filius.*] Ego hunc Ioannē, atque in eo Christianos omnes hæcenus dilexi; pro filiis habui; vt filios curauī; carnibusq̃ meis & sanguine pavi. Tu igitur mater mea, amore mei eodē illos loco habebis. [*tuus.*] sic eos diligas, atque si vtero gestasses. Magnam habuit vim apud matrem hæc filij commendatio. Tu igitur de virginis huius benignitate confisus, ad eam vt matrem in necessitatibus omnibus confugas.

S

Deinde



*Ioan. 19.* Deinde dixit discipulo, Ecce mater tua, & ex illa hora accepit eā discipulus in sua.

CONSIDERA 1. Ioanni, qui Christi amore patrem matremque deseruerat, hic longè præstantiorem matrē dari. Ita enim *Mat. 19.* prædixerat Dominus, Cētuplum accipiet. Considera 2. virginitatem omnemque castitatem à Domino commendari, carnisque luxuriam per Christi passionem, auxiliūque Dei matris extingui. Considera 3. pietatem Christi in matrem, ut donum pietatis in Deum atque parentes Christi gratia consequaris. Considera 4. verba Domini. [Ecce.] summum beneficium, ut cōmunem homo & Deus habeat parentē. [mater.] quā venereris, diligas, tuearis, ad quā cōfugias, in qua spem colloques, quā media fit inter me & vos filios, per quam ego vestras preces suscipiam. [tua.] non solum humani generis est patrona, sed tua quoque, ut quæ dilexit te & filium suum vni-genitum dedit in mortem pro te, eū passam crucifigi, cēdi, rideri, occidi pro te. Considera 5. Ioannem pauperē, qui dimissis omnibus, paupertatis voto cum ceteris Apostolis se obstrinxerat, nihilque sibi reliquum fecerat.

*D. Aug.  
lib. 16. de  
Civitate  
Dei, cap. 4.*

DE PASSIONE DOMINI. 275

fecerat, hanc nouam matrem recepisse in  
sua, non bona, domos, agros, sed officia.  
Curam igitur eius egit, & ne quid deesset,  
Christianorum eleemosynis prouidit. Tu  
roga Dominum, vt matrem suam, etiam  
tibi matrē esse iubeat, vt eius tu honorem  
tuearis, augeas gloriam, & cum illa iuxta  
crucem consistens, crucis dona accipias.

MEDITATIO XL.

*De quarto verbo in cruce.*

A sexta autem hora tenebrae factae sunt Mat. 27.  
super vniuersam terram vsq. ad ho- Mar. 15.  
ram nonam, & obscuratus est sol. Luc. 23.

CONSIDERA 1. solem in Domini tui  
passione obscurari, densisque tenebris or-  
bem vniuersum inuolui, de quibus (teste  
B. Cypriano) praedixerat Amos: Occidet Lib. 2. ad  
sol in meridie, & obtenebrabitur dies lu- Quintus,  
cis: & Hieremias: Subiit sol ei, cum adhuc cap. 23.  
medius dies esset. 1. vt sicut moriente pa- Amos 8.  
trifamilias, ad luctum excitandū tota do- Hier. 15.  
mus pullis vestitur; ita tu lugentibus lu-  
minaribus caeli, & orbem tenebris obuol-  
uentibus, luctum de Domini tui passione  
cōcipias. 2. vt declararetur verus Sol Chri-

stus Deus mori, à cuius nimirum claritate  
nō minus dependet lux solis huius nostri,  
quàm à claritate solis cæterorum illustra-  
tio siderum. 3. vt magnitudinem discas  
huius peccati, à quo sol abhorrés, suā quasi  
faciem auertit, lumenq. subtrahit; simul-  
que se ad vindictam paratum exhibuit, &  
Domino Creatori suo suum interitū pro  
eius morte obtulit. Discis cuiuslibet pec-  
cati mortalis eam esse grauitatē, vt leuius  
sit, solem & sidera interire, quàm vno cri-  
mine Dei maiestatem offendi. Siquidem  
vnoquolibet peccato mortali occisus est  
Deus, cuius mors vniuersæ creaturæ in-  
teritu non potest compensari. 4. vt scias  
Christum pro summis peccatorum, & à  
densissimis Iudeorum tenebris hanc mor-  
tem sustinere, vt iis morte Dominica dis-  
cussis, noua lux fidei & diuinæ sapientiæ  
orbi restituatur, sicut hora nona lux red-  
dita est mundo. 5. vt fructum intelligas  
mortis Dominicæ esse in cōtempriu splen-  
doris & fauoris mundi huius: qui enim  
cum Christo cruci affixi sunt, non illi ho-  
noribus, & nominis celebritate, sed obscu-  
ritate, sed neglectu gaudēt, atq. cōtempriu.  
Considera 2. modum huius eclipseos,  
quem



quem B. Dionysius Areopagita oculatus *Epist. 7. ad Polycarpum, & 11. ad Apolloniam.*  
 testis descripsit. 1. luna plena & soli opposita, ad solem rediit ex media nocte in meridiem. 2. non ordinario motu suo ad solem venit per occidentem, sed motu sibi contrario per orientem. 3. Sol ipse in se lumen amisit, unde secutum est 4. quod non vna sola terræ parte (quod in aliis solis eclipsibus fieri solet) sed per vniuersum terrarum orbem deliquium hoc solis non aliter cerneretur, atque defectio lunæ, quæ vero priuatur lumine per interiectam terram. 5. ad horas omnino tres ista defectio perseverauit, quæ aliàs consuevit esse exigui temporis. Hæc omnia suis rationibus & momentis non vacant. Christus est sol iustitiæ; luna mundus; stulti quæ peccatores: quia stultus ut luna mutatur. Mortuus *Eccl. 27.*  
 est igitur Dominus, quando mundus in nocte errorum Deo oppositus, gloria, opibus, sapientia quæ fulgebat. Accurrit porro mundus ad hanc eclipsim, nimirum ad mortem Domini, cui non solum aliis peccatis, sed hac quoque necis Christi machinatione causam dedit. Sed quia Christi maiestas humanæ potentiæ subiecta non est, nunquam humanis viribus obscurari potuisset,

& occidi; nisi diuina Patris volūrate morti traderetur. Itaque verè obscuratus est sol, Christus verè occisus, & malitia mūdi, & ira paterna. Habuit enim se Dominus noster ad instar illius, qui inter duos pugnātes medius intercedit, & vtriusque gladios excipit. Mūdos cum Deo pugnabat: Iram Dei, & furorem hominum in corpore suo suscepit Dominus. In me, inquit, transierunt irā tuā, & terrores tui conturbauerunt me. Deficiente itaque sole iusticię, tenebris obducta est terra, tum quia tā graui facinore noua luctus & vindictę materia subministrata est, tum quia morte Domini omne dominium in homines Principi huius mundi ademptum, cuius loco ignita illi vincula iniecta sunt, & tenebricoso inferni carceri est adiudicatus. Quòd verò contrario motu luna per orientem ad solem in meridiem accurrit, significari videtur, Iudeos nulla equitatis habita ratione, contra legem, contra ius naturę, contra conscientię dictamen, ad Christi mortem properasse, & orientes in se bonos affectus celeri præcipitatione repressisse. Denum tribus horis defecit sol, quia integro tri-duo partim in tormentis & manibus Iudeorum,

dæorum, partim in sepulchro latuit Dominus. Tu roga Christum vt verū lumen fidei & gratiæ conseruet animæ tuæ.

Circa horam nonam exclamauit Iesus *Mat. 27.*  
 voce magna, dicēs: Eli Eli Lamma- *Mar. 15.*  
 sabactani, quod est interpretatum,  
 Deus meus, Deus meus, vt quid de-  
 reliquisti me?

CONSIDERA 1. cur Dominus tuus  
 sub vitæ finem hunc clamorem ediderit,  
 non quidē vt à se dolores auerteret, more  
 nostro, qui ad primum doloris sensum cla-  
 mamus (iam enim dolorum finis instabat)  
 neque vt vindicta huius mortis de Iudæis *Heb. 12.*  
 sumeretur, quia melius loquitur sanguis  
 Christi quàm Abel, sed 1. vt qui tribus  
 illis horis, tenebris obiectus, nullū vel ser-  
 mone vel gemitu vitæ signum dederat,  
 nondum de vita migrasse sciretur. Tu te-  
 cum perpende, quid silens in tantis tormē-  
 tis egerit, nempe pro te Deum in hac ad-  
 mirabili liturgia & sacrificio continenter  
 orauit; sacra psalmorum verba (quorum  
 nonnulla etiam clariori voce, vt ab astan-  
 tibus audiretur pronūciabat) ad tuam sa-  
 lutem recitauit. 2. ne propter Christi con-  
 tinuum silentium, & admirabilem patien-  
 tiam



tiam animique constantiam, errore putares vel hominē non fuisse, sed phantasma; vel dolores non sensisse. Verè etenim dolores passus est & sensu percepit, sed amor tui prohibuit queri. 3. vt te in omnibus angustiis tuis vnum Deum magno affectu precandum doceret. 4. vt hac querula voce tu tibi fructum passionis à Deo Patre per Christum impetrari disceres. 5. vt tu ex his verbis quæ, quantaque, pro quibus, & à quo passus sit Dominus seriò tecum expēderes. Ideò nāque, vt ait D. Epiphanius, Syriacè hæc dixit Dominus, vt astantes loquentem intelligerent. Considera 2. & verba expende. [Deus.] non ait Pater. 1. quia Patrem compellare erubuit, quippe qui personam peccatorum referebat; vt tu superbia deposita, humilitatem disceres. 2. ne vt Filius de Patre queri videretur; sed vt natura de afflictione. [meus.] hoc est, cū omniū creaturarū sis Deus, meus tamē es multis nominibus peculiariter Deus; tum quòd humanā naturam in Filij personā assumi voluisti, meque super omnem creaturā euehere; tum quòd manibus ipse tuis hoc corpus in vtero virginis formasti; tum quòd ego te singulari

*Hæresi 69*

gulari semper affectu sine vitio & colui & obseruavi. Ingeminatio [Deus meus, Deus meus] summū huius orationis arguit affectū. [vt quid.] nō quærit causam, ne obedientiæ perfectio minuatur; sed naturali affectu queritur. Primò quidē nullo suo se merito relinqui; [lōgè, inquit, à salute mea verba delictorū meorū?] hoc *Psal. 12.* est, an fortè peccata mea salutē meā & auxilium tuū impediāt? atqui peccata cōmisi nulla. Secundò verò de causæ indignitate: vt vilissimum seruulum (ait) redimeres, filium hostibus tradidisti. [dereliquisti] significat nihil vel auxilij vel solatij ex diuinitatis vnione accessisse, totoque passionis tempore hominē suis viribus relictum fuisse. Non ait, derelinquis, sed dereliquisti; non hac solū passione, sed per omnes vitę meę ætates, in nullis mihi laboribus assististi. Apud prophetas multa de hac re prænunciata fuerunt. [Pauper sum *Psal. 87.* ego, & in laboribus à iuuentute mea.] Res indigna: diuitem habeo parētem, sed qui diuitias suas larga manu in homines nequam effundit, [quia de absconditis *Psal. 16.* tuis.] .i. diuitiis quæ recondi solent, [adimpletus est venter eorum:] ego interim

filius relinquitur mendicus & pauper, atq.  
 à puero ad grauissimos labores cōgor.  
*Psal. 87.* [elongasti à me amicū & proximum,  
 qui mihi in malis solatio esse poterant.  
 [Super me confirmatus est furor tuus,  
 & omnes fluctus tuos induxisti super  
 me.] obruisti me & demersisti calamitati-  
 bus. [Me] Filium quē ab eterno genuisti,  
 quem prae creaturis omnibus charum ha-  
 bere debueras. In his tu contemplare ius-  
 tam in Christo querendi causam, sed &  
 Patris ardentissimum in te amorem; qui ut  
 tuas querelas audiret, filij querulosas vo-  
 ces surda aure transiit; quem voluit, non  
 modò scire, sed reuera experiri misérias;  
 tum ut nosset cōpati infirmitatibus tuis,  
 tum ut scientiæ donum tibi commenda-  
 ret, quo scires rebus omnibus uti ad tuam  
 salutem.

*Mat. 7.* Quidam autem illic stantes & audien-  
*Mar. 15.* tes dicebant: Ecce Heliam vocat iste.  
 C O N S I D E R A I. Romanos milites  
 (iuxta D. Hieronymum) cū Hebraicē  
 ignorarent (est enim Eli Hebraicū, & Lam-  
 masabaſtani Syriacum) audissent autem à  
 Iudæis, quibus cum agebant, sapius Heliae  
 mentionem, deceptos affinitate vocū exi-  
 stimasse



stimasse à Domino inelamatum Heliam.  
 Tu discerne verba Dei non intellecta, temerè  
 neque vsurpare, neque interpretari. Considera 2. totis illis tribus horis eclipses  
 stetisse omnes attonitos, sine motu & sine  
 voce; redeūte autem paulatim luce, etiam  
 impios ad suas reuertisse irrisiones : vt di-  
 scas 1. quòd malorum impietas ad tēpus  
 cohiberi quidem possit, sed sine singulari  
 diuino fauore auferri non possit. 2. Dei  
 miracula & minas diligenter obseruare &  
 formidare. Sicut enim his tenebris signifi-  
 catas Deus Iudæis voluit imminentes te-  
 nebras exteriores, quibus per omnē æter-  
 nitatem, nisi resipiscant, inuoluentur; ita  
 minacibus suis signis, per cometas, toni-  
 trua, terræmotus, pestem, famem, aliaque  
 tum phainomena, tum euenta prænunciat  
 futura mala. Considera 3. cū aliàs ad fi-  
 dem Christi sermonibus dandam, Iudæi *Luc. 11.*  
 signum de cælo petierint, hīc accepto hu-  
 iusmodi signo factos nihilo meliores, vt  
 scias eos etiam non credituros vt promit-  
 tebant, si de cruce descēderet; quia impio-  
 rum desideria non referuntur ad salutem,  
 sed ad vanitatem & irrisionem. Considera  
 4. quale solatium adferatur à mūdo; nepe  
 ludi-

ludibrium & cōtemptus; nam qui ipsi vera consolatione mentis destituuntur, alios solari quī poterunt? Considera 5. hæc dicta esse ab astantibus & audientibus; vt discas 1. otiosos homines in rebus suis incurios, nihil nisi aliorum verba factaque carpere & ridere. 2. illos sinistrè Dei verba torquere, qui illa quidem audiunt, sed virtutum se studiis tamen non impendunt.

Considera 6. ab impiis ignorari discrimen inter Heliam, & Eli; & honorem qui Deo, & qui creaturis debeat. Ideò nonnulli prætermisso Deo, auxilium inuocant creaturarū, ad quas in suis necessitatibus confugere consueuerunt; alij hominibus plus honoris quàm ipsi Deo exhibent; alij interpretantur creaturis fieri, quæ per eas ad Deum referuntur, vt sunt veneratio cultusq. imaginum & Sanctorum; obedientia Pontificum &c. Tu verò sanius Christi verba interpretare, illumque roga vt diuino scientiæ dono tuam mentē informet. <sup>ter</sup> <sup>va</sup>

*ophtia*  
 32 Omnia luminaria celi, mare, frons et dilatare, et super  
 31 Deus meus respice in me, quare me dereliquisti  
 30 clamo ad te, et non exaudis. **MEDI-**  
 me, spero et non respicias me, inuitatus sum in  
 in crudeliter  
 Dixit: Sion dereliquit me Dominus, et de  
 29 nunc alligatus est meus

## MEDITATIO XLI.

*De quinto Christi verbo in cruce.**Figura Iu*

Postea sciens Iesus, quia omnia iam cō-  
 summata sunt, vt consummaretur  
 scriptura dixit, sitio. *Ioan. 19.*

CONSIDERA 1. Dominum tuum in  
 tantis crucis tormentis, mente tamen lu-  
 strasse scripturas, diligenterq. singulas in-  
 spexisse, an quæ fortè superesset nondum  
 ad salutem tuam impleta; vt tu in Dei vo-  
 luntatem maiorumq. tuorum iussa sem-  
 per intentus, nihil eorū prætermittas, quæ  
 officium tuum postulare videantur. Con-  
 sidera 2. Christum nihil vnquam vel fe-  
 cisse temerè vel dixisse, sed eò retulisse om-  
 nia vt consummaretur scriptura. Beatum  
 te si nihil agas nisi ex obedientia, quæ &  
 insignem ornatum agenti, & admirabilem  
 operibus reddit mercedem. Considera  
 3. grauem admodum fuisse sitim illam,  
 quam tot sæculis Rex & Propheta Dauid  
 præuidit, quæ & ex laboribus, doloribusq.  
 crucis, & ex sanguinis continuis riuus, & ex  
 totius noctis & diei inedia nata fuerat.  
 Expède verba Psalmistæ: [Aruit tãquam  
 testa *psal. 22.*



*ophetia*  
*al 68*  
*si mea*  
*stauerunt*  
*e arcto*  
*al 21*  
*uit. tanquam*  
*ta virtus*  
*ca et lingua*  
*a adhaesi*  
*uoribus me*  
*et in pul*  
*nom mor*  
*de duxit*

testa virtus mea, & lingua mea adhæsit  
 faucibus meis, & in puluerem mortis  
 deduxisti me, ] hoc est, fecisti me ad instar  
 aridi cineris. Considera 4. cur scripturæ,  
 quæ de siti hac prædixerant, sint post ceteras  
 omnes ultimo loco impletæ. nempe 1. ut  
 primum peccatū intemperantia in ligno  
 commissum, quod humanum genus infe-  
 cerat, tanquam grauissimum cæterorumq.  
 omnium incentiuū, postremo loco in cru-  
 cis ligno aboleretur. 2. quia sitis hæc ex vi-  
 ribus iam planè exhaustis, & naturali om-  
 ni humore effuso causam habuit, ut nobis  
 indicaret Dominus, se liberali manu om-  
 nia sua nobis donasse. Considera 5. cur in  
 tantis tormentis, tot vndique doloribus  
 septus & oppletus, de sola tamen siti que-  
 ratur, nimirū 1. ut verè crucis dolores per-  
 cipere sciretur, & eos quidem acutissimè,  
 siquidem Christus non leuiter & nisi in re  
 summi momenti queri solet. 2. ut præter  
 cæteras virtutes, præcipuè temperantiam  
 suo exemplo commendaret, quæ & men-  
 tem ad Deum eleuat, remediumque cer-  
 tissimum adfert peccatis. 3. ut qui iam vni-  
 uersum sanguinem suum nobis effuderat,  
 & externa omnia dederat, Patrem quoque

cale-

cælestem pro omnium peccatis orauerat,  
 iam migraturus ex mundo intelligeret;  
 quam ei grati animi significationē huma-  
 num genus offerret. Non peto, ait, vt de  
 cruce tollatis; nō vt vestes reddatis, & nu-  
 dum hic pendentem contegatis; non vt  
 vulnera curetis, sed sitiēti vt vel aque gur-  
 tam porrigatis, quæ solis dānatis in inferno  
 negatur; cupio ariditatem meam refocil-  
 letis; hanc pro omnibus laboribus meis à  
 vobis vnā gratiam peto. 4. vt non de sola  
 corporali, sed vel maximē de spiritali siti  
 loqui intelligeretur. Sitebat emendatio-  
 nem nostram, perfectionem nostram, sa-  
 lutem nostram, quam vtique sitim ab ipso  
 vitæ suæ exordio semper habuit flagrantis-  
 simam, eamq. vt sedaret, nihil intentatum  
 reliquit, sed liberalissimē fecit omnia, &  
 pertulit constantissimē, eamque & factis  
 prodidit semper, & verbis subinde decla-  
 rauit. Itaque à Samaritana postulauit, Da Ioan. 4.  
 mihi bibere; & Apostolis dixit, Baptismo Luc. 12.  
 habeo baptizari, & quomodo coarctor vs-  
 que dum perficiatur? Iudam quoque mo-  
 nuuit, quod facis fac citius. Hic porrò in Ioan. 13.  
 mortis hora, hāc sitim clarius aperuit, tum  
 quia eius in nos amor tūc maximē eluxit,  
 sicuti

sicuti ferè candela, quo magis ad finē tendit, eo lucet clarius, & cygnus quoq. moriturus quasi prænuntias futurę mortis voces edit suauiores; tum vt se ad plura patiēda, si foret opus, pro salute nostra prōptū demonstraret. Sitio, inquit: hoc est, restātne

*Isa. 5.* aliquid quod debui facere vineę meę, & non feci? Ecce dum tempus est offero me ad plura grauioraq. neq. poterit vnquam expleri sitis prę ardore charitatis, nisi largissimè passionis calicem exhauserim, fructumq. ad mea membra, discipulos (inquam) meos trāsmiserim. Loquitur autē Deo Patri, qui interna Filij desideria nouerat. Admirare hic Christi charitatē, quę hac passione ad eum nobis modū spirauit, quo preciosa aromata tunc spirant odorem quando teruntur, & tunc quidem maximè cū in puluerem rediguntur.

*5.* vt hanc sitim nobis testamento relinquat: mundus sitit opes, honores, voluptates, & alias inanes delitias, quę & magno quidem constant, & sitim tamen desideriumq. non explent, quin & hausta tanquam præsentiissima venena perimunt bibentē; quod Sisarę duci euenit, post epotum lac à muliere necato. Christus te vult

sitire



DE PASSIONE DOMINI. 289

fitire ad Deum fontem aquæ viuę, & non *Pfal. 42.*  
fodere cisternas dissipatas, quæ continere *Hier. 2.*  
non valent aquas. Utinam tuam ipsius tu  
salutem fitires, sicut eam sitiuit Christus;  
vel sicut hostis animæ tuæ diabolus sitit  
interitū! Esto hæres sitis Christi, quę roga,  
vt te satiet vberibus gratiæ suæ.

Vas ergo erat positum aceto plenum, *Mat. 27.*  
& continuo accurrens vnus ex eis, *Mar. 15.*  
spongiam acceptam impleuit aceto,  
& imposuit arundini & hyssopo, &  
dabat ei bibere. *Ioan. 19.*

CONSIDERA I. tum pronitatē ho-  
minum ad malum, qui vel minima oblata  
occasione festinant ad peccandum; tū dæ-  
monis auxilium, qui statim subministrat  
media peccandi. Hic parata erant omnia,  
vas, acetum, spongia, arundo. Disce quid  
peccatores ad montem Caluariæ, & in Ec-  
clesiam adferant, nempe instrumēta necis  
Dominicę. Contrā viri sancti, cum Nico-  
demo, & Iosepho ab Arimathia, eodem fe-  
runt instrumenta deponēdi de cruce cor-  
poris Dominici. Cogitabis ergo quibus tu  
instrumentis in Ecclesia sancta vtaris, an-  
ne vt perdas animas, an verò vt serues.

Considera 2. Christo iam animā agentī,  
T nihil

nihil quicquam ad solatium vel verbo dictum, vel exhibitum opere, & aqua in super guttam negatam. Fortè pro more non dederat vinum, sed quod crudelitate & petulantia ipsimet carnifices exhauserint, iuxta prophetiam Amos : [ Super vestimentis oppignoratis accubuerunt iuxta altare (crucis) & vinum damnatorum biberunt in domo Dei sui, ] quæ fuit mons Caluariæ. Considera 3. repleti spongiam aceto, eamque calamo hysopi, cuius usus erat in veteribus sacrificiis, infigi, & arundini impositam Dominico ori sugendam ad-moueri; quod cum militari insolentia fieret, guttæ multæ in aperta crucifixi vulnera deciderunt, suaque amaritudine carnem Dominicam corroserunt. Hæcine est merces illius oris, quod ad nostram salutem toties apertum fuit; & illius lingue, quæ tot documeta dedit, tot infirmos curauit, tot edidit miracula? sed Christus qui pro cæteris peccatis tuis iam Deo Patri aliis poenis satisfecerat; & superbiam tuam extrema sua confusione, auaritiam tuam summa paupertate, libidinem tuam acerbissimis tormentis; iram tuam incredibili patientia; inuidiam tuam ardentissima charitate;

ritate; tuam acediam sedula alacritate cu-  
 rauerat; voluit denique gulæ & intempe-  
 rantia tuę medicinā adhibere, & os illud  
 quod esu pomi in paradiso fuerat infectū,  
 hac sua amaritudine quasi antidoto re-  
 purgare & abluere. Expēde hic quem po-  
 tū tu Domino tuo propinare soleas, nēpe  
 acetum, vini fēces & sordes. Mundo das  
 merum vinum; in eius gratiam candidē la-  
 boras, eius tibi fauorem omni conatu cō-  
 ciliās; ingenium, industriam, vires & opes  
 tuas omnes expēdis, & donās omnia: Chri-  
 sto ac Deo tuo vilissima quęque admisce-  
 teporem, furta, odia, aliaque flagitia. vnde  
 queritur Dominus: Expectaui vt faceret *isa. 5.*  
 vuas, & fecit labruscas. Et tibi pro mero  
 tuo mundus vicissim acetū arundine por-  
 rigit, nempe frigidas & acerbās delitias in  
 anima pertusa & vana; nihil enim caloris  
 veri & suauitatis reddere potest vel habet  
 mundus. Tu igitur potius Christo propina  
 merum: & seriō atque ex animo te, tuaque  
 omnia ipsi consecra, & sicut amantissimo  
 parenti non offers marcidum, sed recētem  
 & odore fragrantem florem, ita florem æ-  
 tatis tuæ, & suauēs labores Christo putes  
 offerendos, & ipse tibi vicissim præbebit se



spongiam arūdinī crucis affixam, plenam gratiæ & veritatis, ex qua suauem haurias liquorem: & intellectus donum tibi communicabit, quo intelligas & capias delicias sponsi tui.

*Mar. 15.* Et dicebat, finite videamus an veniat  
*Mat. 27.* Helias ad deponendum eum. Ceteri  
 verò dicebant, Sine videamus an veniat Helias liberans eum.

CONSIDERA I. verba carnificum. Eorum vnus acetum propinans, quod à crucifixis haustū accelerat mortem, ait: [Sinite videamus an veniat Helias.] hoc est, vtiq̃ue non veniet Helias, quē ego hoc poculo mortifero præueniam, & hunc de medio tollam. Alij iisdem verbis istum ad differendum poculum hortabātur, donec experimento discerent, an veniret Helias, & falsitatis vt pseudoprophetam arguere possent, qui frustra mortuos inuocaret, & vmbas. Tu hic discce 1. quo loco sit ab his carnificibus habitus Dominus tuus, iam iam moriturus, vt tu illum pluris in animo tuo facias. 2. magna eum siti de hoc mundo migrasse, eamq̃ue sitim salutis tuę in cælos detulisse, vbi ardenti quidem, sed non molesto tamen desiderio, salutis tuę commoda

DE PASSIONE DOMINI. 273

commoda pertractat. 3. frigidum hoc & penetrans aceti poculum Christo Domino mortē attulisse, quia per peccatū mors in orbem ingressa, omnes occidit, nec ipsi filio Dei pepercit, qui ut mortem prosterneret, ipsemet mortē gustare debebat. Tu itaque peccatum fugiendū puta, ne postquam eas iam vires accepit, ut corpus interimat, latius etiam serpat, animamque trucidet. Considera 2. duo hominū genera. quidam enim sine vera fide Dei patientiā sceleribus irrident, [ubi, inquit, Pet. 3. est promissio aut aduētus eius?] Alij fide quidem sunt imbuti, sed cōscientiæ stimulos celeritate peccandi præueniunt, quorum pedes ad malum currunt. Tu ab utrisque caue; oraque Dominum ne te in hora mortis diabolo relinquat irridēdum.

MEDITATIO XLII.

*De sexto verbo Domini in cruce.*

Cū accepisset Iesus acetum dixit. Ioan. 19.

CONSIDERA 1. hoc verbum præter cætera admirabilem peccatoribus omnibus adferre consolationem. Haftenus enim quæ dicta sunt, ad alios fere perti-

figura

in se

implet

minus

us suum

solum

od fere

it

lang

orhetid

ntu agita

di domo

sabbre

atq sunt

ber popu

m meum

super v

ni sancta

am ut

sumebur

alacri

to

nuerunt, ad tortores quibus ignosci petiit; ad latronem; ad matrem, &c. Hoc porro verbo nobis omnibus denunciat, persoluta iam debita, omniaque perfecta, quæ ad salutem nostram necessaria videbantur. Considera 2. quisnam ille sit, qui consummatum esse hic asseuerat: Christus Deus & homo. nam vt homo solutionis huius pretium offert; vt Deus autem suscipit. Sicut igitur si is qui vinum promit, & is similiter cui promitur, impleta iam mensura dicant sufficere, fides vtrique adhibebitur: ita Christo Domino credendum est, dicenti, consummata esse omnia. Considera 3. vbi dixerit. 1. in crucis altari, in quo Deo precium illud persolvebatur. 2. in loco eminenti, vt more preconis hæc noua nuncia mûdo promulget. Tu arrige aures, & de persoluto precio ne dubita. Considera 4. quando dixerit, nempe hausto aceto & iam moriturus; vt scias nihil motum ingratitudine nostra, testamentum suum nobis confirmasse, quod nulla hominum maleuolentia infringetur, sed quisquis sanguinis huius particeps esse voluerit, id integrum ei, sanctumque permanebit. Considera 5. quare dixerit, ad nostram  
vtrique



vtique consolationem, qui peccatorū grauitatem non ignoramus, quibus redimendis nulla omnino creatura par esse possit. Affirmat igitur Dominus neque tantam esse flagitiorum enormitatem, neque tantam peccatorum copiam ac numerū, neque vlla omninò debita tā immensa, quibus cumulatissimè dissoluendis nondum sit à se factum satis. Tu ora, vt hoc te verbo in morte cōsoletur, ne debitorum magnitudine ad D E V M creditorem proficisci pertimescas.

Consummatum est.

CONSIDERA 1. non dictum esse, consummatum est hoc vel illud; sed absolute, consummatum est; vt scias hac Dominica passione consummata esse perfecta que vniuersa, tam in cælis, quàm in terra; tam que Deum concernunt, quàm que ad homines pertinent. Sicut enim peccatum violauit omnia; ita Christi sanguis vicissim omnia restituit, vt discas in Christi passione omnia querere, & cum Apostolo, *Galat. 6.* in nullo gloriari, nisi in cruce Domini nostri Iesu Christi. Cōsidera 2. vt sint à Christo consummata quæ Deum attingunt.

1. mādāta omnia Dei patris perfecte obserua-

seruauit, nullum vnquam vel cogitatione violauit. 2. quicquid scripturis diuinis sibi commissum fuit, accuratè impleuit, nec  
*Mat. 5.* iota vnum, vel vnus apex præteriuuit, qui plenè non fieret. Duplicia enim mandata à Patre acceperat, quædam in cælis tradita, quædam scriptis commissa, nobisq; communicata. 3. omnibus figuris, cæremoniis, & vmbreis veteris testamenti finem imposuit, & quæ Messia mortem futuraq; Ecclesiæ mysteria præsignificabant, iam cessare iussit, quomodo cessat præludium horæ dum hora pulsatur. 4. quicquid in veteribus sacrificiis imperfectum fuerat, id vnico crucis sacrificio perfecit & absoluit. 5. cælorum ruinas luciferi peccato apertas, hac morte restaurauit: & hominibus dedit potestaté filios Dei fieri, his qui credūt in nomine eius, viraq; hac ex Dei voluntate perfuncta replere sedes eorum Angelorum, quos suum scelus ad inferos deturbauit. En quomodo Dominus tuus, ad Patrem migraturus, gloriatur nihil se in hoc mundo reliquisse non consummatum, sed omnia quæ iussus fuerat, abundè cumulateq; perfecisse. Vtinam porrò in hora mortis tuæ, exemplo Domini tui nihil

*Joan. 1.*

hil te imperfectum reliquisse possis gloria-  
 ri. B. Paulus dicebat: Bonū certamen cer- <sup>2 Tim. 4.</sup>  
 tauī, cursum consummaui, fidem seruauī.  
 Et S. Petrus Apostolorum nomine, Ecce <sup>Mat. 19.</sup>  
 nos reliquimus omnia, & secuti sumus te,  
 quid ergo erit nobis? Tu moriturus quid  
 dices? qui mandata Dei violasti, bona tua  
 in vita tua recepisti, Deo pro mercede  
 æternæ gloriæ offerre quid poteris? Hæc  
 expende vt mandata Domini studiosè ex-  
 equaris. Cōsidera 3. Passione Christi con-  
 summata esse etiam illa quæ nos concer-  
 nebant. 1. finem suum peccatum accepit,  
 sicut Daniel prædixerat; debita omnia per- <sup>Dan. 9.</sup>  
 soluta sunt; precium peccatorū omnium  
 totius mundi Deo Patri copiose annume-  
 ratum, 2. Fidelibus omnia sua bona com- <sup>1 Cor. 3.</sup>  
 parata, nihil vt nobis desit in vlla gratia.  
 3. Ecclesiam suam nouam Rempubli-  
 cam, & vineam electam perfecit. Et illa  
 quidem iam olim à mundi exordio plan-  
 tari cœpta est; sed cultura hætenus quia  
 minus successit, Christus sua passione om-  
 nia ei ornamenta parauit; & instituto sa-  
 crificio, relictis ei sacramentis, pastoribus  
 constitutis, conditis nouis legibus, diuisis  
 cuique officiis, missoque in fidelium corda



Spiritu sancto, sic eam perfecit sicut olim prædixerat: Consummabo super domum prædixerat: Consummabo super domum  
*Hier. 31.* Israël & super domum Iuda testamētum nouū. Multis retrò sæculis hoc testamen-  
 tum conscribere cœperat, quod iam hoc  
 verbo tanquam manus subscriptione, &  
 sanguine passionēque sua tanquam sigillo  
 consignauit. 4. desiderium sanctorū com-  
 pleuit, & singulos fideles muneribus suis  
*Iohan. 17.* perfectè cumulauit, quos uoluit esse con-  
 summatos in vnū, summa charitate con-  
 iunctos, & Spiritus sancti septē donis re-  
 pletos. Tu igitur tantis acceptis à sponso  
*1 Thess. 4* tuo beneficiis, eius ne desis voluntati, quia  
 voluntas eius est sanctificatio tua; curaque  
 ut quam in Sacramentis candidam vestem  
 accepisti, & Spiritus sancti gratiam; inte-  
 gram illi inuiolatamque conserues. Con-  
 sidera 4. etiā in malis hac passione Christi  
 nonnulla consummata esse. 1. odium Iu-  
 dæorum quod ulterius extendi nō potuit.  
 2. malitia dæmonum, quæ in Christū ni-  
 hil amplius ualuit. 3. imperium diaboli,  
 Principis huius mundi, finem accepit, vi-  
 res eius confractæ sunt, erepta spolia, &  
*Apoc. 20.* ipse in abyssu cathena cōstrictus, nihil iam  
 est metuendus, sed etiam puerulis irriden-  
 dus.

dus. Ne igitur dæmonis metuas insultus,  
 qui hortari minarique potest, cogere, aut  
 nocere non potest. Considera 5. in ipso  
 quoque Christo consummata omnia; &  
 ipsum adeò Christum pro nobis esse con-  
 summatum, vt ait Apostolus: Cōsumma- *Heb. 5.*  
 tus factus est omnibus obtemperantibus  
 sibi causa salutis æternæ. 1. consummatus  
 est sanguis, quem vniuersum ex venis tibi  
 effudit; cōsummata vires quas tibi exhau-  
 sit; consummata bona omnia, & interna &  
 externa, quæ tibi obtulit. 2. consummati  
 sunt dolores; finis impositus est malis, re-  
 stât sola bona. Itaque hoc sensu, Cōsum-  
 matum est, vox est exultantis de laboribus  
 superayis, iā (inquit) omnia perfecta sunt;  
 hyems transiit, imber abiit, & recessit. finis *Cantic. 1.*  
 est malorum & initium bonorum: quia  
 etiam ipsum sepulchrum statim à morte *Isa. 53.*  
 erit gloriosum. Tu dum viuis, da operam,  
 vt mors, mala vniuersa concludat, ad bona  
 iter aperiat. 3. consummata est hæc mor-  
 talis vita. Iā, ait, Pater relinquo mundum, *Ioan. 17.*  
 atque ad te venio. Hæc eadem vox tibi ali-  
 quando dicetur: Consummatū est; finien-  
 da est vita, & quicquid cum vita habebas,  
 relinquendum; deferendę opes, relinquen-  
 di

di honores, à parentibus, vxore, filiis, amicis abeundum. Omnis enim consummationis vidi finē: & Qui nihil intulimus in hunc mundum, haud dubium quòd nec auferre quid possumus. Si igitur cū Christo nihil prater molestias & cruces in mundo habeas; si tibi mundana vt acetum sapiant, non erit ingrata vox Christi, te vocantis, Consummatum est, quia appropinquat redemptio tua. Sed heu quā amara est mortis memoria, homini pacem habenti in substantiis suis?

Consummatum est.

CONSIDERA I. Christum aliquando de hac consummatione prædixisse; vt apud Lucam: Ecce ascendimus Hierosolymam, & consummabuntur omnia, quæ scripta sunt per prophetas de filio hominis. Aliquando etiam huic consummationi aliquod principium dedisse, sicut in vltima cœna dixit, Opus consummaui quod dedisti mihi vt facerē, sed in ara crucis perfectè consummata sunt omnia, neque ante crucis supplicium consummari quid poterat; quia sine sanguinis effusione nulla fit peccatorū remissio; & testamentum non confirmatur, nisi morte testato-



DE PASSIONE DOMINI. 301

ris. Considera 2. modum consummationis; nempe insignem Domini tui constantiam animi, & inuictam fortitudinem.

1. ipse perfecit omnia solus. Torcular, ait, *Iſa. 63.* calcaui solus, & de gentibus non est vir mecum; vt tu pietatis perfectionisque studium non deseras, etiam solus ab omnibus desertus, videt enim, & subleuat Deus conatus tuos, qui ne tibi deesset laboranti, olim Christo opē negauit. 2. omnia membra sua adhibuit, pœnisque repleuit, vt tu in obsequium spōsi tui nullis viribus parcas. 3. ad finem vsque operis perseuerauit. Tu non rarò bonum concipis quidē, sed rarò tamen aggredieris, rariùs prosequeris, rarissimè absoluis. Pete vt tibi largiatur Dominus fortitudinis donum, vt ne deficias in studio virtutum. Considera 3. quate liberalitate inuitet ad ea, quæ his laboribus consummauit. Tauri mei, inquit, & *Mat. 22.* altilia occisa sunt, & omnia parata, venite ad nuptias. In hac enim passione 1. omnes inueniuntur delitię spirituales pro cuiusque gustu & necessitate, quod olim de *Sap. 16.* manna cōmemorat scriptura. 2. omnium morborum est medicina. 3. omnium est satisfactio debitorū. Tu igitur hac Christi libera-

*2<sup>a</sup>  
p. 1<sup>a</sup> cor.*

*1<sup>a</sup> Cor. 2.*

*consummati  
omni et ab  
ationem*

*minus ex  
tum fecit  
medic  
nisi terra*

*Shuc pau  
lum mo*

*omni q. 1<sup>a</sup>  
signa b. 1<sup>a</sup>*

*Signa*

*et fu*

*in me  
profectu*

*omni*

*no*

liberalitate fruiere, totusque in eius amo-  
rem effusus, nihil aliud scire velis, nisi Ie-  
sum Christum & hunc crucifixum. Con-  
sidera 4. hoc verbo Consummatum est,  
Deum Patrem à Christo rogari, num ali-  
quid ad perfectam nostram salutem desit;  
adeoque omnes creaturas, etiam hostes,  
quasi iuridicè citari, ut quod desiderari ad  
hanc consummationem putent, id ante  
Christi mortem edicant. Faterur enim Do-  
minus, se largiter velle persolvere, si quid  
adhuc desit poenarum. En Domini tui ani-  
mum sanè liberalem. Eum precare, ut om-  
ni avaritia deposita, tibi liberalitatis hanc  
virtutem, eadem liberalitate largiatur. Con-  
sidera 5. has largas Christi diuitias sic tibi  
paratas, ut eas ipse tibi accommodare de-  
beas. Pradium quidem instructum est, sed  
mensa tibi est adenda, & cibus ori admo-  
uendus; medicinà confecta est, sed variis  
pixidibus, septem, inquam, Sacramentis in  
officina Ecclesiæ inclusa; precium solutum,  
sed necdum tibi applicatum. Tu igitur non  
existimes, hic solam fidem, ut volunt hæ-  
retici, & persuasionem sufficere; pedibus  
proculdubio ad prandium adendum; ma-  
nibus deinde cibus ac medicina accipien-  
da

da; ac denique admota ori in stomachum  
traicienda: sunt, inquam, Sacramenta fre-  
quentanda, studiisque virtutum insisten-  
dum, vt quod pro vniuerso humano ge-  
nere effectum ac datum est, pro te acce-  
ptetur, tibi adhibeatur, tibi que profit. Ora  
Dominum, vt qui dies suos infinitis bo-  
norum operum meritis impleuit, & con-  
summavit, dies quoque tuos inanes & va-  
cuos nunquam transire patiatur.

## MEDITATIO XLIII.

*De septimo verbo Domini in cruce.*

Et iterum clamans, emissa voce magna  
ait.

Mat. 27.

Mar. 15.

Luc. 23.

CONSIDERA I. Christū, quoties Patri  
in cruce hac pro se est locutus, clamorem  
edidisse; ad alios vel pro aliis loquentem  
moderatiore voce usum fuisse; vt discas  
I. magno semper affectu cum Deo tibi es-  
se agendum. Aliis quidem nō sine lachry-  
mis querelas tuas exponis: at in orationi-  
bus, nullo penē sensu pietatis, summa ari-  
ditate cum Deo colloqueris. 2. quā in-  
tensos pateretur dolores filius Dei, si qui-  
dem vi doloris, clamorem excitari noui-  
mus.



mus. Considera 2. variis de causis Christum iam moriturum orasse clamantem.

1. vt se vitæ mortisque Dominum indiget, qui potestatem haberet ponēdi animam suam, illamque pro arbitratu iterum resumendi. Inclamauit igitur mortē, quæ

*In Christo  
patiente*

nisi vocata (vt ait Nazianzenus) non ausit accedere. 2. vt Deum Patrem ad cōmiserationem flecteret: quia namque vniuersum genus humanum grauibz sceleribus

oppressum, procul à Deo aberat, debebat is qui illius personam sustinebat, Deū absentem magnis vocibus inclamare. Tu itaque non tam vocis contentione, quā cordis affectu diuinæ aures pulsabis. 3. vt hæc

vox in vniuersum orbem emissa, corda hominum cōmoueret; auditaq. Dei sui propiorū flagitiis morte, peccatorū dolorem concitaret. Ideo namque ad hanc vocem concussa est terra, scissæ sunt petrae, aperta sunt monumenta, vt saxum cor tuum vi

vocis diuinæ aliquando rumpatur. Non sine causa dixit Marcus [emissa voce,] vt intelligas in orbem missam, etiamnum in cordibus hominum operari. 4. vt infernus hac voce contremisceret: & sicut ad clamorem Domini euocantis Lazarum, sine

*Lazar. 11.* morem Domini euocantis Lazarum, sine mora

*2  
sacris 33*

*modi dicit*

*in morte*

*in animam*

*in g*

*in*

*in h. l. d. o. m. a.*

*in s. c. a. g. i. n. i.*

*in d. u. a. s. g. e. n. t. i. b. u. s.*

*in h. u. i. u. s.*

DE PASSIONE DOMINI. 305

mora animam Lazari in corpus remisit, ita nunc se vnusquisque illic, ad excipiendum iam iam venturum Dominum, præpararet. Exultauerunt igitur ad hanc vocem sancti patres in limbo; contremuerunt demones in inferno. 5. vt te doceret quantam ratione de morte tibi sit meditandum, non remissè aut oscitanter, quasi de re quæ ad te non pertineat; neque tardè, quasi longissime absit; sed frequenter ardentiq. desiderio, vtpote quæ & certissima sit, & maximè vicina, eoq. ardentius, quòd vna sit ianua salutis. Cōsidera 3. hora nona Dominum in hunc erupisse clamorem; hora, inquam, orationis, & sacrificij vespertini. *Mat. 3.* Vera enim hostia tunc in cruce mactabatur, atque in duas dissecta partes, animam inquam & corpus Deo Patri à summo sacerdote magnis vocibus, magnoque conatu immolabatur. Tu preces tuas cū Christi oratione coniungas, vt cum illius voce penetrent aures paternas.

Pater in manus tuas commendo spiritum meum. *Luc. 23.*

CONSIDERA 1. Christum pro se Patrem non nisi scripturæ verbis in cruce orasse 1. quòd sciret hæc verba Deo acceptissima,

prissima, autore Spiritu sancto ad orandum conscripta. 2. vt te doceret non tuo iudicio & ritu Deū colere, sed illo, quem Spiritu sancto imbuta Ecclesia tibi tradit. Considera 2. Hanc vocem [Pater] bis tantum in crucis supplicio Christū vsurpasse, in prima & hac postrema oratione. In media autem, hoc est quarta oratione, nō Patrem, sed Deum compellasse 1. vt quæ Deus flagella tanquam Pater immittit, ea tu, vt bonum decet filiū, grato animo suscipias; tamē in flagellis agnita vilitate tua qui nō sis dignus vocārī filius Dei, Deum vt vilis creatura immensum creatorem inuoces. Siquidem tribulationes & res aduersæ viros bonos conditionis humanæ, suæque vilitatis admonent, & ad meliora inducunt, ac subinde compellūt; demum in fine, superatis malis, resumpto animo gaudeas vt filius: probatio enim spem operatur, quæ nō confundit. 2. quia initia diuini sermonis mentem suauissimē afficiūt; progressus sunt sensualitati difficiles; sed fructus denique lōgē suauissimi colliguntur. Liber in ore Ioānis vt mel dulcis erat, sed sumptus amaricari fecit ventrem eius. 3. quia in prima oratione, quando pro pecca-

*Missus est  
in terra  
uenturum  
propter  
peccata  
populi  
et percuti  
eum  
4  
saia 33.*

*Rom. 8.*

*Apoc. 10*



peccatoribus orabat, filij affectu orationi  
 auctoritatem conciliare debuit. Pro tan-  
 tis enim flagitiis non poterat nisi filius ex-  
 audiri: in media questus ut homo; in hac  
 postrema, legatione iam perfundus, po-  
 stulat ut filius, ad Patrem reuocari. Consi-  
 dera 3. hanc orationem à Christo Patri  
 factam, non metu iudicij; quia iam omne  
 iudicium à Patre ipsi commissum erat; non  
 timore diaboli, cuius vires iam cōfregerat;  
 non pœnarum gehennæque formidine,  
 quas à bonis tollere, & inferni spolia diri-  
 pere veniebat. Sed 1. ut te inuictum ab  
 oratione spiritum doceret non relaxare.  
 2. ut quanta fiducia ad Deum Patrē pro-  
 ficisceretur, tu cognosceres. Non enim an-  
 xiè supplicis more ait, rogo te Pater; sed iu-  
 re meo, & quasi auctoritate cōmendo spi-  
 ritum meum. Cōsidera 4. & expende sin-  
 gula huius postremæ orationis verba, quæ  
 à Spiritu sancto olim in hunc usum com- *Psal. 30.*  
 posita, vnica voce Patris addita, à Deo fi-  
 lio ad Deum Patrem recitantur. [Pater]  
 1. in his tantis pœnis mansi filius, nihil de  
 pietate in te aut charitate remisi. 2. filius  
 ego tuus ad te ex legatione difficili rever-  
 tor, ex cruento hoc bello reporto victo-  
 riam,

Luc. 16.

riam, adfero spolia. Quam tu mihi mercedem dabis, quam gloriam apparabis, quem decernes triumphū? Imperatores Romani cum victore exercitu triūphabant. Lazarus mendicus cui micæ de mensa diuitis negabatur, curru triumphali, manibus, inquam, angelicis in sinum Abraham vehabatur; & mihi filio tuo quid gloriæ dabis? ego dignitate præstantior, quia filius; plus cæteris laboravi, quia sanguinem exhausti; plus periculi subiui, quia solus cum hoste decertavi; plus inopiæ sustinui, cui nec aquæ guttula concessa fuit; fortiores hostes superavi, qui Principem huius mundi subegi, penitusque fregi, & foras eieci; denique ampliora reporto spolia, tot animarum sanctarum milia, quas diabolo eripui; vniuersumque terrarum orbem tuo imperio subiugavi. Quid ergo tanto victori parabis? [In manus tuas.] 1. vt sacrificia Dei manibus offeruntur, sic ego animam meam sacrificij adipem pinguisimum manibus tuis, summus vtiq; sacerdos, offero. 2. hactenus animæ ex hac vita non in manus diuinas, sed in sinum Abraham, ad loca inferorum emigrarunt; ego primus cupio manibus tuis excipi, & insdē in posterum suscipi

suscipi discipulos meos. 3. hic spiritus  
 meus ad inferos descensurus, ad Patres li-  
 berandos, non carebit diuinitate; sed si-  
 cut in eandem personā diuina natura hu-  
 manam assumpsit, ita manebit & cū cor-  
 pore in sepulchro, & cū spiritu in infer-  
 no 4. manibus tuis commendo, vt eum  
 gloria dones, & prāmiis exornes. [Com-  
 mendo] vel vt Grācis est, Commendabo,  
 hoc est iam statim tibi emittam. 1. haec-  
 nus neque corpus istud, neque anima mea  
 magnopere visa sunt tibi cōmendata fuis-  
 se, quia & corpus hostium manibus reli-  
 ctum fuit, & anima tristis ad mortem vsq. *Psal. 118*  
 fuit in manibus meis semper, innumerisq.  
 malis, mortique exposita. Haecenus enim  
 solorum mancipiorum curam habuisse  
 videris, filiū neglexisse, quia vt seruum re-  
 dimeres, filium vnigenitum tradidisti. nūc  
 tandem etiam spiritum meum commen-  
 datum habeas. 2. commēdo, hoc est, apud  
 te depono post triduū resumendū. 3. ne-  
 mo eum tollit à me, quia nulla necessitate  
 cogor mori inuitus, sed ego eum pono &  
 custodiēdum trado. [ Spiritum meum. ]  
 non dicit, Animam meam, quam cum iu-  
 mētis habemus communem, sed spiritum  
 meum,



1 Cor. 2. meum, quia animalis homo (*ψυχικός*) non percipit ea quæ sunt Spiritus Dei. In Christo spiritus, hoc est, superior pars, animam quasi in se cōuerterat, ut nihil inferior homo nisi ad mentis dictamen vel ageret vel concupisceret. Tu Deum Patrem ora, ut cum spiritu filij sui, tuum quoq. spiritum semper habeat commendatum.

In manus tuas commendo spiritum meum.

CONSIDERA I. spiritum quidē Christi cōmendatione apud Patrem nō eguisse, eum tamen Patri commendatum, ut fideles omnes ac pij hac Christi oratione norint se Deo commendatos. Hos enim spiritus nomine compellat Dominus, qui eius spiritu sunt imbuti. Qui, inquit, natus est ex spiritu, spiritus est; sicut impij qui diaboli spiritu reguntur, appellantur spiritus dæmoniorum. Tu porrò à teipso inquire, quis in te spiritus dominetur, Christiane an dæmoniorum; & rursus an spiritum in se anima commutarit, ut nō multū à brutis distare videaris; an verò spiritus Domini animam sibi plenē subiectā obtemperantemque habeat; quia enim sermo Dei viuis & efficax pertingit vsque ad diuisio-

Joan. 3.

1 Tim. 4.

Heb. 4.

diuisionem animæ & spiritus, in mortis  
 hora diligens inquisitio fiet, quid spiritus  
 sit operatus, quid anima; & illi soli com- *Rom. 8.*  
 mendatierunt Deo, qui acti fuerint spiri-  
 tu Dei. Considera 2. Si nos Christus com-  
 mendat Patri, quòd nos conueniat esse se-  
 dulos, vt eidem nos quoque animas no- *1 Pet. 4.*  
 stras commendemus in benefactis. Cur-  
 mus itaque 1. vt quòd in animis nostris  
 Spiritus sancti gratia operatur, diuinis  
 quasi manibus conseruetur, formetur, &  
 perficiatur. 2. vt spiritus noster in cælis fre-  
 quens versetur, neque terrenis rebus vllis  
 adhærescat. Si enim illic sit mens nostra  
 (ait B. Augustinus) hic erit requies. 3. vt *Ser. 179.*  
 suis nos manibus Deus cõtineat, iuxta il- *de temp.*  
 lud: Iustorum animæ in manu Dei sunt; *Sap. 3.*  
 neque possit nos quisquam rapere de ma- *Ioan. 10.*  
 nibus eius. 4. vt spiritus noster de hac vita  
 migraturus Dei manibus tradatur coro-  
 nandus; & futuræ corporum resurrectioni  
 conseruandus commendetur. Considera  
 3. Ecclesiam Dei quæ Christi spiritu in-  
 formatur & regitur, hac sponsi sui oratio-  
 ne, Deo Patri sic esse commendatâ, vt por-  
 tæ inferi aduersus eam præualere nõ pos- *Mat. 16.*  
 sint. Tu igitur ab illa nequaquam separa-

## 312 MEDITATIO XLIIII.

re, nisi in hostium manus incidere placeat; sed eius spiritu, fide, gratia, Sacramentis, animæ vitam salutemque tueare. Considera 4. hac oratione tibi commendari. Primò quidē donū timoris Domini; deinde verò aduersus acediæ vitium sedulam pietatem. Si enim Christus Dei Filius Patri suo spiritum suum vehementi oratione commendauit: tu non modo orabis, sed

*Philip. 2* cum metu & tremore salutem tuam operaberis. Ora igitur Dominum, vt animæ tuæ curam gerat; & cælestia potius bona spiritui, quàm corpori terrena largiatur.

## MEDITATIO XLIIII.

*De morte Christi.*

*Luc. 23.* Et hæc dicens, inclinato capite tradidit  
*Ioan. 19.* spiritum.

CONSIDERA I. quo fine vitam suam sponsus animæ tuæ cōclusit. Solent morientium vultus, gestus, & verba ab astantibus obseruari: solent & matres filiorum procul abeuntium oculos, & oris habitum notare: & qualem conspexerint discedentem frequenter mente versare. Tu in cuius gratiam Filius Dei mortem suscepit, ad hanc



DE PASSIONE DOMINI. 313

hanc crucem accede; omnia oculis mentis  
intuere diligētius, & frequēs de illis misce  
sermonem. Considera 2. clamantem in-  
clinauisse sacrū caput. 1. quia voce & nu-  
tu capitis te vocauit, vt crucis discas vtili-  
tatem, eam non refugias, eius merita &  
commoda accipias, 2. vt tibi in aurem lo-  
quatur, secreta sua tibi cōmendet, doceatq.  
præcepta & consilia sua. 3. vt petitioni-  
bus, orationibusque omnibus tuis, quæ  
sacrę huius passionis meritis innitūtur, ca-  
pite & assensu annuat. 4. vt tibi commo-  
diūs hoc caput inspicere, singulaque accu-  
ratè cōtemplari liceat, spinas, sputa, cruo-  
rem, oculos ad peccata tua iam clausos, os  
ad damnationem & vindictam silens, fa-  
ciem morte pallentem. Considera 3. Eu-  
angelistas diuersis verbis hanc mortē Do-  
mini conscripsisse. Ioannes dixit, tradidit  
spiritum. Matthæus, emisit spiritum. Mar-  
cus & Lucas, expirauit; vt tu non commu-  
nialiorum hominum more, sed singulari  
prorsus modo Christum migrasse scires;  
neque enim inuitus, aut alio compellēte,  
sed voluntate sua reddidit spiritum. Vo-  
cula porrò [tradidit] significat 1. quòd  
spiritum in manus Patri dederit, hoc tri-

duo asseruandū, ex eoq. humano generi,  
omnia merita, omnes virtutes, omnē iusti-  
tiā & gratiā colligendā. 2. quòd sicut cor-  
pus iam dederat tortoribus, ita nunc quo-  
que nobis traderet animam, ne quid nobis  
ad omnem fælicitatem deesset. Dederat  
vestes, dederat honorem, & boni nominis  
existimationem, dederat corpus, dederat  
sanguinem; restabat adhuc danda anima,  
vt iuxta Isaiaë vaticinium totus filius no-  
bis daretur. 3. quòd integrū precium tra-  
dat nostræ redemptionis. Haftenus enim  
aliquid dederat, & quasi per partes solue-  
rat; hic iam solutionem absolutissimè per-  
fecit; vt discas te tuum nō esse, sed Christi,  
qui suis membris, tua; suis potentiis, tuas;  
suo honore & opibus, tuas; suo corpore,  
tuum; sua anima, tuā quasi ἀντὶ ἡμῶν mer-  
catus est sibi, & redemit. Hęc si expendas,  
disces 1. te ipso tuisque bonis, non ad tuas  
voluptates abuti, nec ea ad dæmonis vo-  
luntatem absumere, imò ne illis quidem  
vt tuis vti, sed ad Christi solius gloriam,  
cuius omnia sunt, conferre. 2. te semel hac  
morte potestati dæmonis ereptū, & Chri-  
stiana libertate donatum, illi non amplius  
reddere. Nihil enim in te iuris habet, quē  
Christus

Isa. 9.

Christus tam carè, sanguinis(inquam) & mortis precio redemit. Tu Domino tuo gratias age, teque ipsum tuaque omnia, vt par est, ex animo consecra,

Expirauit.

Mar. 15.

Luc. 23.

CONSIDERA 1. hac voce significari, Christum vltimū spiritum efflauisse, quo spiritu & sacro anhelitu, 1. hunc aërem dæmonibus infestū repurgauit, cuius spiritus virtute in exorcismis, & exufflationibus dæmones fugantur. Igitur sicut sacro corpore Domini terra sanctificata est; & sacro sanguine & aqua de latere manante, aquæ elementum omnesque liquores; ita diuino Christi spiritu consecratus est aër, vt sensibus nostris diuina verba & sacra mysteria vtilius deferat, atque inspiret.

2. huic mundo non solum per sacra corporis vulnera, sed per os etiam suū interna sua charismata & gratias communicauit. Considera 2. Christum multis de causis non solum supplicia, sed mortem quoque sustinere voluisse. 1. vt se sacrificiū & holocaustum Deo per mortem immolaret.

2. vt debitam tibi æternam mortem, hac sua infiniti precij morte redimeret. 3. vt omnia Sacramenta sua, nouumque Testamentum



mentum sua morte confirmaret. 4. vt hac sua, vtpote summi Pontificis morte iuxta

*Num. 15.* veterem figuram, te ab exilio ad cælestem patriam reuocaret. 5. vt illi deberi te scias, qui pro te mortuus est; nō autem diabolo, qui pro salute tua nec vulnera, nec mortem sustinuit. 6. vt mundo te mortuum cum Christo putes, vitiaq. tua & affectus

*2 Cor. 5.* mortifices; Si enim (ait Apostolus) vnus pro omnibus mortuus est, ergo omnes mortui sunt. Considera 3. ætate florente Christum obiisse, annos natum tres & triginta, quādo & sensus vigent, & calor feruet, & vires ferendis laboribus sufficiunt. 1. quia cupiebat tibi florida omnia dare, amoris æstus in te conseruare, & magnis tibi viribus multa parare. 2. vt tu in extremam & aridam senectutem vitæ mutationem ne differas, sed iuueniles annos & vires Christo consecres. Considera 4. quod hora sexta cruci affixus sit Dominus, & hora nona, inclinante iam die mortuus.

1. quia qui antecedentibus sæculis in sacrificiorum figuris fuerat immolatus, hac quarta mundi ætate verè pro nobis mortem oppetiit. 2. vt tū qui cæteras vitæ tuæ ætates minus fortasse vtiliter & honeste

nestè expendisti, saltem sub exitum vitæ ad Domini mortem confugas. Magnum solatium peccatoribus datur, quòd qui vel ætate, vel morbo, vel animo lāgidi, graui- bus iam pœnis à se exigendis, satisfacere peccatis suis non possint, Christi pœnas, sanguinem & mortem habeant, quæ Deo Patri pro suis offerant delictis. Age gra- tias Deo, & tantum thesaurum ne con- temne.

Emisit spiritum.

*Ioan. 19.*

CONSIDERA I. hic iterum significari in Christo moriēdi libertatem. Sicut enim olim Noë ex arca columbam emisit, quæ *Gen. 8.* post horas aliquot reuerfa est, ore gestans ramum virentibus foliis; ita Christus spi- ritum suum emisit, post triduum reditu- rum cum exercitu virentium Sanctorum; Emisit ait, non, amisit, vt tu cum impiis ne perdas animam tuam. Considera 2. vt spi- ritum hunc egressurum præstolati sint dæ- mones, cæteris animabus, communi om- nium lege in inferno coniungendum. Hoc enim significare videtur Euangelista, quā- do diabolus in triplici tentatione & cer- tamine victum, dixit recessisse ab illo vsq. *Luc. 4.* ad tempus, quasi etiam hoc mortis tem- pore

pore reuersurum. At verò quia princeps mundi huius in Christo non habuit quicquam, arctissimis vinculis constrictus à victore Christo, deuectus est in infernum, æterno carceri mancipandus. Considera 3. gloriosum agmen Angelorum, qui non tam deferebant, quàm prosequerentur Christi animam ad inferos descendentem. Considera 4. Christi ad inferos aduentu, horrida tenebris loca noua luce fuisse illustrata; sanctos Patres obuios aduolasse, de redemptionis beneficio, pro se ingratisque filiis gratias egisse; noua deinde omnes stola indutos, atque ad diuinæ naturæ contemplationem admissos esse; & prius quidem infernum, quàm cælum Beatorum sedem beatissimis animabus repletum. Considera 5. quid hic isto triduo Dominus tuus perfecit: Acceptam à Patre potestatem in cælo & in terra, ab infimo orbis loco exorsus est. Itaque primò dæmonem magna sapientia, & virtute deuictum, dignis suppliciis cū cæteris hostibus suis affectit. Secundo leges nouas inferno statuit; ne quis Sanctorum eò deferretur, in posterū cauit. Tertiò loci putentis os obturauit, & ne quid ad



DE PASSIONE DOMINI. 319  
ad mortales inde mortalis fœtoris exh-  
laret, conclusit. Quartò sanctis Patribus  
tot iam antè sæculis promissam attulit sa-  
lutem, & his qui in carcere erant spiriti-  
bus prædicauit, hoc est, pacem annun-  
tiauit, etiam illis, qui propter incredu-  
litatem, cæteraque peccata, diluuiò a-  
liisq̃ue malis castigati, ante mortem se-  
riò conuersi fuerant. Tu roga Domi-  
num, vt in morte tua dæmonis vires  
cohibeat, tibiq̃ue veram consolationem  
& pacem ferat. 1 Pet. 3.

MEDI-

*Prophecia*

# MEDITATIO XLV.

*Lucas 8*

*De signis in morte Christi.*

*Mat. 27.*

*Mar. 15.*

*Luc. 23.*

Et ecce velū templi scissum est in duas partes, à summo vsque deorsum.

*Et erit in*

*la die, di*

*et Dominus*

*eridet sol*

*mensis*

*tenebre*

*re faciam*

*unum in di*

*minis*

*Lib. de*

*incarna-*

*tione ver-*

*bi.*

CONSIDERA 1. Christo spiritum cum clamore emittēte, creaturas simul omnes, creatori suo ob partam tam insignem ab hoste victoriam congratulantes, strepitus atque fragores edidisse, simulque pertinacibus animis impiorum terrorem incussisse, ad eum fere modum, quo tormentis bellicis displois publicam lætitiā indicamus. Considera 2. hoc strepitu omnia aperiri, tabernaculum, terram & saxa resolui, adeoque mōtes ipsos (vt ait B. Athanasius) disrumpi, 1. quia saccus gratiæ tot vulneribus apertus hac Domini morte largissimè sua dona effudit, & ad cordis vasa aperienda omnes inuitauit. Tu ergo tibi ipse ne desis, & à tam sacro imbre te ne subducas. 2. quia creaturæ omnes in vltionem impiorum se paratas exhibent, Deoque suo etiam viscera offerunt. Considera 3. velum templi scissum. 1. quia morte hac Domini veteris testamenti myste-

mysteria, tam variè hætenus adumbrata,  
 & contexta, nunc tandem velo sublato  
 in aperta luce refulserunt, & septem Chri-  
 sti vulneribus manuum, pedum, lateris,  
 capitis ex corona, & totius corporis ex  
 flagellis reſerata & adimpleta fuerunt;  
 templumque ipsum & sacrificia legalia,  
 omni iam ſanctitate deſtituta & propheta-  
 nata manſerunt. 2. quia iam pateſa-  
 ctus eſt aditus in Sancta ſanctorum, car-  
 leſtem inquam patriam. 3. vt ſigni-  
 ficetur templum ipſum pro ſynagoga,  
 Chriſti mortem lugere, grauemque bla-  
 ſphemiam Iudæorum deteſtari, & quo  
 dolorem ſuum ſignificet, & indignatio-  
 nem, velum ceu veſtimenta ſua ſcinde-  
 re. 4. vt tu memoria mortis ſponſi tui  
 velum tollas excuſationum à corde tuo,  
 interioraque omnia, ſublato velamine,  
 aperias Domino; nihil in confeſſione ſa-  
 cerdotem celes, nec pietatis velum ne-  
 quitiiſ tuiſ præendas. Etenim certiſſi-  
 mè, & vicina planè morte velum cor-  
 poris tui dirumpendum eſt, totiſque or-  
 bi turpitudine tua clariffimè reuelanda.



Mat. 17.

Et terra mota est, & petra scissae sunt.

CONSIDERA 1. terram in morte Domini commotam fuisse, & contremuisse. 1. horrore tanti flagitij. 2. quia mundi Princeps, qui terram seditionibus & malis concutere solebat, magno iam impetu in gehennam praecipitabatur.

Exo. 19.  
10.

3. quia immensa maiestatis Deus intima terrae viscera penetrabat, ad cuius adventum in montem Sina, mons ipse quasi venerabundus contremuit, atque fumavit. 4. quia per mortem Dominicam commouenda erant terrena hominum corda, atque ad Christum ex locis suis transferenda. 5. quia noua lex Evangelica erat in terram inducenda. Tu hic si mota terra Christi morte nihil commouearis, terram ipsam ariditate ac frigore planè superasti. Considera 2. petras scissas. 1. quia Christus lapis angularis, &

Ephes. 2.

&amp; Cor. 10.

qui in veteri petra significabatur, iam scissus erat, anima à corpore diuulsa, & corpore ipso variis vulneribus conculso. 2. quia hominum corda saxi ipsis duriora sanguine Christi, qui verus est hircus, typico hirco praefiguratus, emollienda erant,

erant, sicut hirci sanguine adamantis durities emolliri & subigi dicitur. Considera 3. peccatorum conditiones in terra & lapide satis commodè declarari. Vt enim terra frigida est, sordida, infima, & nisi labore hominum excolatur, sterilis redditur, vt præter zizania nihil producat; lapis autem durus, grauis & molestus: ad eundem modum peccatores variis sordibus inquinati, omnibus sibi que ipsis graues ac molesti redduntur. Tu Dominum roga, vt cor tuum aperiat, fontes lachrymarum educat, illud que tandem in minutissimas partes conterat, quo & ad omnem Dei voluntatem formetur, gratia que diuinæ imbibat liquorem.

Et monumenta aperta sunt; & multa corpora Sanctorum qui dormierant surrexerunt, & exeuntes de monumentis post resurrectionem eius, introierunt in sanctam ciuitatem, & apparuerunt multis. Mat. 17.

CONSIDERA I. hoc signo omnium maximo significatum esse, I. Christum Dominum morte sua apertis inferorum portis, sanctos Patres qui conclusi detinebantur,

bantur liberos emisisse, inferniſque portas confregiſſe, ne quis in poſterum ſanctorum illic cohiberetur. 2. eadem morte ſcortentia cordium ſepulchra aperienda eſſe, vt inde ſcortor omnis mortis & peccatorum liberè exhalet, & diſſipetur.

3. corpora iuſtorum quandoque ad gloriam reſurrectura, & cum Chriſto ſine fine victura. Conſidera 2. tamenſi in morte Domini ſepulchra aperta fuerint, ſanctos tamen niſi poſt Chriſtum, qui eſt primogenitus mortuorum, non reſurrexiſſe, quia (vt ait Apoſtolus) [Dominus traditus eſt,] ſeu occiſus [propter delicta noſtra: reſurrexerunt autem propter iuſtificationem noſtram,] hoc eſt, morte perſoluit precium peccatorum, ſed reſurgens tibi hoc precium applicuit prædicatione Apoſtolorum, fide mortis & reſurrectionis eius, Chriſtianorum Sacramentis, aliisſque mediis poſt reſurrectionem admotis. Conſidera 3. ſanctos iſtos ſiue iterum morituros, vt putant veteres, ſiue perpetuò cum Chriſto victuros, vt exiſtimant plerique recentiores, reſumptis corporibus apparuiſſe multis, vt veri teſtes eſſent reſurrectionis Domini, qui eadem

*Coloſſ. 1.  
Rom. 4.*



eadem facilitate atque virtute iam recens  
extincto corpori, animam restituere po-  
terat, qua corpora patrum tot annos in ci-  
neres redacta, ad vitam reuocauit; vt tu  
in omnibus angustiis fiduciam in Deo  
collocatam habeas, cui constat nihil im-  
possibile esse. Considera 4. non appa-  
ruisse omnibus, sed multis; neque enim  
omnes digni sunt sanctorum consortio.

Considera 5. venisse in sanctam ciuita-  
tem (foris enim mortui sepeliebantur)  
hoc est, Hierusalem, templi & sacrorum  
religione sanctificatam; quia per Chri-  
stum iam ipsis in cælestem Hierusalem  
aditus patebat. Considera 6. his signis

quinque illos Dominicæ passionis effectus  
fructusque contineri, quos in anima pec-  
catoris diuinum verbum operatur. Nam  
1. disrupto velo, & discussis ignoran-  
tiæ tenebris, clarè veritas elucescit, futuri  
quoque seueritas iudicij mentis oculis ob-  
iicitur; & æterna dirissimaque inferni tor-  
menta cogitatione pertractantur. 2. ter-  
ra commouetur, dum hisce cogitationi-  
bus mens humana salutariperclusa timo-  
re terretur. 3. cor saxeum ad pœnitent-  
tiam emollitur. 4. confessione pecca-

torum ex aperto sepulchro fœtor omnis euaporat. 5. restituitur spirituali vitæ animus, quam etiam foris morum honestate prodit, non sine bonorum consolatione, qui cum ipsis Angelis de peccatorum gaudent conuersione. Roga Dominum, vt secum te resurgentem, nunquam peccatis mori patiatur.

## MEDITATIO XLVI.

*De conuersione Centurionis.*

Mat. 27. Videns autem Centurio, qui ex aduerso  
 Mar. 15. stabat, & qui cum eo erant, custodientes Iesum, quia sic clamans  
 Luc. 23. expirasset; & viso terremotu, & his quæ fiebant, timuerunt valde.

CONSIDERA 1. quàm velociter sanguis Christi suas exerat vires, oratione præsertim tam efficaci Deo Patri oblati, qua pro crucifigentibus rogauit. Quæ enim terræmotu aliisque signis indicabantur, eadem hic in animis hominum perficiuntur. Tu spem firmam concipias, eum tuis necessitatibus nunquam defore, qui

qui etiam carnifices suos ad pœnitudinem reuocauit. Considera 2. qui omnium primi à morte Domini ad fidem conuertantur. 1. [Gentiles idolorum cultores:] quia iam tum Ecclesiam gentium Dominus adamabat, ad quam, prætermisissis Iudæis, sua mysteria trāsferre statuerat. 2. [carnificēs, milites, homines infames;] vt scias nullum tam graue à quoquam admitti flagitium, cui non statim ignoscere paratus sit Dominus; vtque eius mansuetudinē discas, qui sicut nullam indignationis in suos hostes significationē dedit, ita maximo charitatis affectu, eos primos ad se attraxit. 3. [Romani:] quia enim Romana fides & religio vniuersam Ecclesiam moderatura erat, decuit eam sub cruce Dominica Christi sanguine & morte dedicari. 4. [Centurio ex aduerso stans, cum suis qui custodiebant Iesum.] Romani enim Principes & Imperatores, vt Christi fidem grauissimis initio persecutionibus opprimere conati sunt, ita eandem semel agnitam, sua postmodum auctoritate latissimè propagarunt, armisque defenderunt. Considera 3. conuersionis



cāſas & modum. 1. ex aduerſo ſtantes, cuſtodiebant Ieſum. 2. audiebant clamorem expirantis. 3. videbant tremorem, & cætera diuinæ poteſtatis teſtimonia. Tu igitur ſi conuerti velis, 1. Chriſti mores, geſtus, vitam & verba diligenter

*Rom. 15.* excuties. Omnia enim quæ ſcripta ſunt, ad noſtram doctrinam ſcripta ſunt.

2. eiſdem ardentiffimam charitatem admiraberis, quæ tantos tibi, tuæque ſaluti impendit labores, hac ſpe ſola, vt magno elamore & deſiderio vocantem, tu ad beatitudinem ſequereris. 3. eiſdem omnipotentiam & maiestatem attendes, cui omnes creaturæ obſequuntur, vt vel timore commouearis ad pœnitentiam.

Conſidera 4. Centurionem conuerti cum ſuis, quo intelligas quantum in ſuperioribus ad ſubditorum conuerſionem ſit momenti. Conſidera 5. timuiſſe omnes, quia initium ſapientiæ eſt timor Domini, & principium conuerſionis ferè à timore ducitur. Tu Dominum precare, vt horum exemplo ad ſaniorē mentem adducaris.

*Luc. 23.*

*Mat. 27.*

*Mat. 15.*

Et glorificauerunt Deum, dicentes:  
Verè hic homo iuſtus erat. Verè hic  
homo Filius Dei erat.

CON-

CONSIDERA 1. hunc primum crucis  
 Dominicæ fructum, qui est, vt Deo sua  
 gloria fide integra tribuatur, & quidem à  
 carnificibus suis. Magna sanè virtus & bo-  
 nitas Domini, qui tortorum crudelita-  
 tem tanta facilitate in mansuetudinem  
 commutauit, laudesque suas, officium (in-  
 quam) Angelorum, à carnificibus celebra-  
 ri voluit. Considera 2. Romanos istos *Rom. 5. 0.*  
 corde credidisse ad iustitiam, quando per  
 veram fidem timuerunt valde; & ore con-  
 fessos esse ad salutem, Christum verum  
 hominem sine labe peccati, & verū Deum  
 Filium veri Dei: quia Romanæ Ecclesiæ  
 munus futurum erat, integram fidem re-  
 tinere, eamque per vniuersum orbem pro-  
 pagare. Considera 3. ingens miraculum,  
 quod in morte infami & atrocissima ille à  
 Gentilibus agnoscat Deus, qui præ cor-  
 poris deformitate vix homo videretur.  
 Quia sanguis Christi nobis ea credenda  
 persuadet, quæ omnem fidem humanam  
 excedunt. Tu Dominum ora, vt sangui-  
 nis sui merito fidem tuam confirmet, &  
 augeat.

Et omnis turba eorum qui simulade- *Luc. 23.*  
 rant ad spectaculū istud, & videbant

*Mat. 27.**Mar. 15.*

quæ fiebant, percutiētes pectora sua reuertebantur, stabant autem omnes notie eius à longè, & mulieres multæ, de longè aspiciētes, quæ secutæ erant Iesum à Galilæa, ministrantes ei. Inter quas erat Maria Magdalene, & Maria Iacobi minoris, & Ioseph mater, & Salome mater filiorum Zebedæi, & aliæ multe, quæ simul ascēderant Hierosolymam.

CONSIDERA 1. Dei bonitatē qui horum hominum malas cogitationes ad ipsorum vtilitatem cōuertit. Ad spectandum, ad irridendū, ad blasphemandū venerant, mente subitò in melius commutata, dolentes & percutientes pectora sua reuertuntur. Tu cōfide, eiusdē bonitate opera tua bona ad salutem tibi conuertenda, quando illis etiā profuerunt mala. Considera 2. Romanis militibus Christū voce laudantibus siluisse Iudæos, quia futurum erat vt Genres Christi Ecclesiam regerēt, Deiq. laudes vbiq. prædicarēt, Iudæis tacentibus. Considera 3. ab his pectora sua tūdi, quia si ad te fructū passionis deriuari velis, opus est aliquid ex pœnitentiæ laboribus assumere. Sicut enim cineres nōnul-



flo infecti humore, copiam deinde maio-  
 rem facilius admittunt, penitusque made-  
 scunt, quàm si prorsus aridi aquis perfun-  
 dantur: ita qui ad Christi imitationē mo-  
 lestias suscipit, passionis Dominicæ fru-  
 ctū capit. Considera 4. Iudæos hos agno-  
 scere quidem Christi dignitatem, suiūque  
 peccati gravitatem, sed eam tamen verbis  
 fateri noluisse. Sūt enim permulti, qui sti-  
 mulis quidem aguntur conscientiæ, sed  
 vel superbia vel malitia impediti, confiteri  
 peccata recusant. Cōsidera 5. à longè ste-  
 tisse amicos & notos, illasque mulieres,  
 quæ Domino in Galilæa ministraverant.  
 Vt discas 1. mercedem hanc à Christo re-  
 pendendi eleēmosynis, vt ad crucem vsque  
 perseverent. Quia eleēmosyna addit fidu-  
 ciam, & non patitur animam ire in tene-  
 bras. 2. quonam pacto in hoc mundo ami-  
 cos suos remuneret Christus, nempe vt  
 per multas tribulationes intrēt in regnum  
 Dei. Cæterum à longè stant: minimum  
 est enim quod sustinent, si eorum molestiæ  
 cum Christi passione conferantur. Tu  
 Christum precare, vt cruce sua insig-  
 nitum, amicorum te numero adiungat.

Tob. 4.

Mat. 14.

Figura

Exodi 12

## MEDITATIO XLVII.

*De aperto Christi latere.*

*Joan. 12.* Iudæi ergo (quoniam parasceue erat) *in hac pascua* ut non remanerent in cruce corpora Sabbatho (erat enim magnus ille *ut dicitur* dies Sabbathi) rogauerunt Pilatum, *qui pascua* ut frangerentur eorum crura, & tollerentur. *et ossa frangerentur.* Venerunt ergo milites, & primi quidem fregerunt crura, & alterius qui crucifixus est cum eo.

*Deist. 21.*

CONSIDERA 1. legis mandato suspensos in ligno, ad vesperam sepulturæ beneficio donari solitos, cum qui rei alio mortis genere afficiebantur, quasi sepultura indigni, vel lapidibus obruerentur, vel bestiis deuorandi relinquerentur.

1. quia nouerat summus legislator Deus, filium suum eo mortis genere perimendum. 2. quia noluit misericors Deus, qui non punit bis in idipsum, duplici maledictione & infamia reos notari. Quia enim maledictus erat omnis qui pendeat in ligno, statuit eos saltem a morte honore

nore sepulturæ afficiendos. 3. vt qui crucem (Christi, inquam, supplicium) sustinent, dum viuunt, iidem cum Christo ingentem sibi gloriam post mortem norint reservatam. Considera 2. non hac lege, sed sequentis diei solennitate motos Iudæos: quia impij quædam subinde præclarè agunt, non quidem vt Deo obtemperent, eiusque subseruiant honori, verum vt honorem suum existimationemque commendent. Considera 3. mortua corpora sabbatho, in patibulo relinquenda non esse, vt tu nunquam quidem animam mortuam circumferas, sed sacris præfertim diebus, ab omni eam maledictione existimes repurgandam. Tu porro non tantum mortuam geris, sed festis, Deoque consecratis diebus etiam crudelius quàm cæteris obiicis maledicto, & occidis. Considera 4. hoc pietatis cultusque diuini prætextu aliud voluisse Iudæos, vt nimirum Christum, quem exspirasse ignorabant, grauioribus tormentis de hac vita tollerent: vt discas 1. illorum hominum quos malitia à Deo planè separauit, impietatem augeri, iuxta illud: [Mali autem homines, & seductores profi-



2. Tim. 3. proficient in peius.] 2: quàm immitis per se in malos sit futurus humani generis hostis; in regno suo, qui tantopere lauiat per ministros in alieno. Ab eius itaque tyrannide tibi cauendum puta, quæ nec modum, nec finem nouit. Considera 3. bonum ac malum latronem commune sustinuisse supplicium; sed ille supplicio peccata deleuit, gloriamque sibi comparauit; hic supplicio æterno gehennæ, supplicium commutauit temporale. Disce itaque, quam mundus & diabolus cultoribus suis reddant mercedem, nempe graui supplicia, & æterna tormenta gehennæ: sicut huic latroni, qui in Christum (quo Iudæis placeret) blasphemus fuerat, ab iisdem tamen non minus tormentum est irrogatum, quàm si Christum commendasset. Tu fac Christo adhæreas, & boni latronis exemplo omnes ex animo pœnas in peccatorum tuorum satisfactionem infligas suscipias: Deumque roges, ut hic vrat, hic faciat, ne in æternum puniat.

Iean. 19.

Ad Iesum autem cùm venissent, ut viderunt eum iam mortuum, non fregerunt eius crura, sed vnus militum lancea

lancea latus eius aperuit, & cōtinuo  
exiuit sanguis & aqua.

*Cum moyses*

CONSIDERA 1. milites accepto *Vi. ga. percie*  
à Præsidente mandato, plenos crudelitate ad *bet. et sibi en*  
cruces festinasse, diligenterque, an aliquod *egresses su*  
adhuc esset in Christo vitæ signum, explo- *aquid lary*  
rassent. Hoc enim si deprehendissent, idem *simol*  
vtique ipsi intulissent supplicium. Consi-  
dera 2. cuiusmodi fuerit hoc vulnus. Non  
enim ait scriptura, latus percussit, aut vul-  
nerauit, sed, latus aperuit, (sicut annotauit  
B. Augustinus) vt immanitas vulneris si- *Trac. 120*  
gnificaretur, quod sic totum aperuit la- *in Ioan.*  
tus, vt illi quoque manum suam B. Tho- *Ioan. 20.*  
mas inferre sit à Domino iussus. Consi-  
dera 3. cur Dominus hoc vulnus accipe-  
re, iam mortuus pro nobis, voluerit: nem-  
pe 1. vt nihil morte sua de amore re-  
misisse ostenderet, paratumque se offer-  
ret, iterum & sæpius pati, si ad salutem  
tuam necessum fore putaretur. 2. vt  
iuxta B. Cyprianum, quidquid erat hu- *Serm. de*  
moris aquei reliquū, exprimeret, & quid- *duplici*  
quid in corde refederat sanguinis, effun- *Marty-*  
deret, nihilque sibi reseruaret. 3. vt cor- *rio.*  
di suo amoris tui signum inscriberet, te-  
que nunquam de corde deleret, 4. vt  
sicut

## 336 MEDITATIO XLVII.

sicut ex latere dormientis Adamieducta  
 est Eua; ita ex latere Christi dormientis,  
 educeretur Ecclesia. Siquidem ex latere  
 exiuit sanguis & aqua, quibus tū Baptis-  
 mus significabatur, per quem fideles ge-  
 nerantur, abluti corpus aqua, & anima  
 purgata sanguine, tum Eucharistiæ Sa-  
 cramentum, quo fideles in Christo gene-  
 ratitangquam cibo confirmantur, & in vi-  
 ta conseruantur. 5. vt tu ad cordis eius  
 intima quasi per ostium in latere arcæ in-  
 trare valeas. Hoc enim solo vulnere adi-  
 tus nobis in Ecclesiam patefactus est, & in  
 cellam vinariam, in secreta (inquam) Chri-  
 sti mysteria. 6. vt de Christi humanitate  
 nihil iam amplius dubitemus, cum hic  
 quatuor elementa, & quatuor humores  
 vitales aqua & sanguine satis indicatos in-  
 ueniamus. [Tres enim sunt, ait Apo-  
 stolus, qui testimonium dant in terra]  
 humanitatis Christi, [spiritus, aqua, &  
 sanguis.] 7. Vt resurrectio admirabilior  
 appareret, quando ille ad vitam rediret,  
 cuius pectus, & cor militis lancea pene-  
 trasset; & tu de corporis tui resurrectione  
 nihil ambigeres. Tu huc accede, & de my-  
 stica ista veraque petra riuos aquarum  
 pro-

Genes 2

Genes 2

um cibo

ut sciam

est deus vna

crostis elo

fo. maui

Gen 6.

Gen 6.

Gen 6.

Gen 6.

Gen 6.

Gen 6.

Gen 6.

Gen 6.

Gen 6.

Gen 6.

Gen 6.

Gen 6.

Gen 6.

Gen 6.

Gen 6.

Gen 6.

Gen 6.

Gen 6.

Gen 6.

Gen 6.

Joan. 5.

Joan. 5.

Joan. 5.

Joan. 5.

Joan. 5.

Joan. 5.

Joan. 5.

Joan. 5.

Joan. 5.

Joan. 5.

Joan. 5.

Joan. 5.

Joan. 5.

Joan. 5.

Joan. 5.

Joan. 5.

Joan. 5.

Joh 3



profuentes prophetæ consilio hauri, & *Isa. 12.*  
 tanquam de matris vberibus commodum  
 tibi nutrimentum suge: rogaque Domi-  
 num, vt & abluat te aqua lateris sui, &  
 sanguine refocillet ac nutriat.

Et qui vidit, testimonium perhibuit, & *Ioan. 19.*  
 verum est testimonium eius, & ille  
 scit, quia vera dicit, vt & vos creda-  
 tis. Facta sunt enim hæc vt Scriptura  
 impleretur: Os non comminuetis ex *Exod. 12.*  
 eo. & iterum alia Scriptura dicit: Vi- *Zach. 12.*  
 debunt in quem transfixerunt.

CONSIDERA 1. quæ tria superius dicta  
 sunt, crura non fuisse Domino fracta; la-  
 tus fuisse apertum; & exisse sanguinem &  
 aquam, triplici testimonio comprobari,  
 Moyseos, Prophetæ, & Apostoli, qui se  
 oculatū esse testem, multis verbis declarat,  
 vt discas, hanc rem esse summi momenti, à  
 cuius meditatione tu non facile recedas.

Considera 2. quod de agno Paschali in  
 Exodo mandatū fuerat, id hoc loco Chri-  
 sto cōmodè applicari. Ipse enim verus est  
 agnus, qui tā crudeliter immolatus, abstu-  
 lit peccata mundi, cuius tu proinde carni-  
 bus magna celeritate & auiditate debeas  
 saturari. Quare quæ de esu agni in figura

Y

præci-

præcipiuntur, ea sunt in communione sacra diligentissimè seruanda, illudque imprimis cauendum, ne os comminuamus, hoc est, ne diuinam eius potentiam scrutemur, & ne fraternā charitatem violemus. Sicut enim diuina natura atque maiestas, quæ in osse significatur, nihil est mali perpeffa in cruce: ita in huius Sacramenti cōmunionē nihil est de diuina potentia vel inuestigandum curiosius, vel dubitandum. Et sicut passione Dominica suas Ecclesia vires auctas sensit, non cōfractas, vel adēptas: ita per Eucharistiæ sumptionē vniri augeriq. oportet vires, & charitatem Ecclesiæ non debilitari. Considera 3. Zachariam Prophetam ab Euangelista citatum, de futuro Christi ad iudicium aduentu loqui. Tunc enim impij omnes videbunt venientē Iudicem sacris vulneribus insignitum, bonis quidem, viscera charitatis ipsis effusa exhibentem, malis verò austero vultu tot peccata quibus se confixerunt, & tot beneficia quibus frustra affecti fuerūt, exprobrantem. Ora Dominum, vt ad animæ tuæ salutem, & consolationem, sua vulnera tibi exhibeat.

MEDI-

## MEDITATIO XLVIII.

*De depositione de cruce.*

Cum serò iam factum esset, quia erat Mat. 27.  
 parascene, quod est ante sabbathum, Mar. 15.  
 ecce venit quidam homo diues ab Luc. 23.  
 Arimathia ciuitate Iudææ, nomine  
 Ioseph, qui erat nobilis decurio, vir  
 bonus & iustus, qui & ipse discipu-  
 lus erat Iesu, occultus tamen propter Ioan. 19.  
 metum Iudæorum.

CONSIDERA 1. Christum Dominum,  
 qui hora diei nona, hoc est, post tertiam  
 pomeridianam, spiritum emiserat, duabus  
 vt minimum horis in cruce mortuum pe-  
 pendisse, vt tu & viuum & mortuum cru-  
 cifixum mentis oculis versēs perpetuò, &  
 tantum mortis beneficium nunquam ex  
 animo deponas. Considera 2. à quo &  
 quali tandem viro de cruce deponi volue-  
 rit, nempe ab eo, cui opes, nobilitasque &  
 auctoritas adderent audaciam postulanda  
 corporis Dominici (erat enim diues, no-  
 bilis, & decurio, hoc est, Senator Hiero-  
 solymitanus) & quem vitæ integritas Deo



commendaret. Considera 3. efficaciam sanguinis Christi, qui viro nobili & meticulofo addidit animum, palam Christum & confitendi, & suis manibus de cruce deponendi. Roga Dominum, vt vires tibi confirmet, ad ea quæ grauia molestaque naturæ iudicantur, fortiter perficienda. Considera 4. qualem te velit esse Christus, vt tibi commendet corpus suum, & vt tu illud vtiliter recondas in sepulchro cordis tui. 1. [diuitem,] non mundo, ne in laqueum incidas diaboli, sed qui thesaurum habeas repositum in cælis. 2. [nobilem,] generosum filiū Dei. 3. [Decurionē,] quod nomen non est hoc loco militare, sed, *ἐκκλησιάρχης*, hoc est, consiliarius seu senator, vt tu ad salutaria, diuinaque consilia vitam tuam componas. 4. [Ex Arimathia ciuitate Iudææ,] quæ fuit patria Samuëlis prophetæ. Arimathia autem excelsum significat, Iudæa confessionem & laudem, vt in excelsis cælorum in sanctorum (inquam) patria, mente verferis, Deoque peccata tua confitearis, & laudem eius cū angelis decantes. 5. [Iosephum,] quod nomen fuit illius patriarchæ, qui nobili pōpa patris sui Iacob olim funus curauit, &

spon-

DE PASSIONE DOMINI. 341

Sponsi virginis matris, qui infantulum Ie-  
sum virorum primus vlnis suscepit, fovit  
& educauit. Significat porro hoc nomen  
augmentum: vult enim te Deus augeri  
virtutibus, pietate in Deū crescere, & pro-  
ximis magna semper charitate prodesse.  
6. [virū bonum,] vt in teipso sis instru-  
ctus gratia Dei, vitamque ducas inculpa-  
tam. 7. [iustum,] in proximos æquum.  
8. [discipulum Christi,] cuius doctrinæ  
& institutioni te tradas. 9. [occultum,] vt  
metu demonum, qui bonis operibus insi-  
diantur, tua neque iactites vnquam, neque  
ad vanam gloriā referas. Ora Dominum,  
vt his præditus conditionibus, sacram ip-  
sius corpus digna mente suscipias.

Hic non consenserat consilio & acti- *Luc. 23.*  
bus eorū, quia expectabat & ipse re-  
gnum Dei. Hic audacter introiuit ad *Mar. 15.*  
Pilatum, & petiit corpus Iesu. Pila-  
tus autem mirabatur si iam obiisset.  
Et accersito Centurione interroga- *Mat. 27.*  
uit eum si iam mortuus esset, & cum *Ioan. 19.*  
cognouisset à Centurione, permisit,  
& iussit reddi corpus Iesu.

CONSIDERA 1. alias quatuor Iosephi conditiones quas te conuenit imitari, si uelis tibi concedi uiliter corpus Domini.

1. non consentire actibus & consilio impiorum. 2. expectare regnum Dei, & ad caelestem patriam anhelare. 3. constanti animo ea perficere, quæ Dei gloriam promouent. 4. petere corpus Iesu, hoc est, nunquam à mystico Christi corpore Ecclesia separari, & magna deuotione ad sacrâ Eucharistiæ communionem ferri. Considera 2. quantum cõferat homini, malorû confortia & consuetudinem vitare: quisquis enim declinat à malo, non is magna difficultate inducetur ut faciat bonum. Considera 3. illi maximè fugiendos esse malos, qui expectat regnum Dei. Tu itaque si ad hoc regnum aspiras, mundum quantocytus fuge, & quidquid est in mundo. Docet

1. *Rom. 2.*

enim B. Apostolus, in eo præter concupiscentiam carnis, & oculorû, ac superbiam uitæ nihil reperiri. Considera 4. Pilati admirationem, ex qua intelligis, Dominum grauiora multo pertulisse, quàm vel explicuerint Euangelistæ, vel mēs nostra cogitatione assequatur. Cum enim subinde ad totum triduum crucifixorum produceretur



DE PASSIONE DOMINI. 343

ceretur vita, Christus autem non multum  
ultra tres horas in cruce vixerit, satis li-  
quet, plura illi inflicta fuisse, quā pro com-  
muni more crucifixorum. Tu gratias ages  
largissimæ liberalitati sponsi tui; & te vi-  
cissim in eius amorem & obsequium ef-  
fundes. Considera 5. à Pilato homine  
Ethnico peti sacrum corpus Domini Ie-  
su, ne mireris idem sacrum corpus, aliaque  
diuina mysteria in Ecclesia nonnunquam  
malis committi distribuenda. Ora Domi-  
num, vt sic tibi corpus suum tradat, ne id  
vllò vnquam vitio tuo à te auferatur.

Ioseph autem mercatus sindonē mun-  
dam, tulit corpus Iesu, & deponens  
inuoluit illud in sindone munda.

Mar. 27.

Mat. 27.

Luc. 23.

Ioan. 19.

CONSIDERA I. quanta veneratio-  
ne pius iste Senator ad crucem accesserit,  
manibus ipse suis & clauos euulserit, &  
sacrum corpus de cruce abstulerit, accu-  
rentibus fortè in auxilium Ioanne & mu-  
lieribus, & præcipuè matre Domini; qui  
omnes propius accedētes, & sacrum vul-  
tum, in quem Angeli desiderant prospe-  
re, contemplantes, quas voces emittunt?  
quos singultus edunt? quas fundunt la-  
chrymas? Tu matrem aspice manus attol-

lentem, & filij corpus à Iosepho grauitè  
 postulantem, & reuerenter susipientem.  
 Virgini te adiūge, singulaq. vulnera desē-  
 tem solare. Licet enim præter parentum  
 morem, à turpi sibi eiulatu, gestibusque  
 muliebribus temperaret, internum tamen  
 animi dolorem, acutissimumque gladium  
 percipiebat. Considera 2. emptam à Iose-  
 pho sindonem mundam, cui inuolueretur  
 corpus Domini Iesu. Hæc tibi sit mū-  
 da conscientia, quam nummo poenitentiae  
 emptam, ad Christum excipiendum ac-  
 commodabis. Considera 3. nullam hic  
 fieri ministrorum mentionem, quia viri  
 sancti ea per se curant, quæ ad Deum per-  
 tinent; per ministros autem tractant ne-  
 gotia temporalia huius vitæ; & contra ho-  
 mines improbi per vicarios ministrant re-  
 bus diuinis, per se dediti sunt rebus ex-  
 ternis. Caterum caueant isti, ne per vica-  
 rios obtineant æternam gloriam, per se  
 autem deturbentur in gehennam. Ora  
 Dominum, vt de conscientia tua dignum  
 faciat sui corporis inuolucrum.

*Fig. Aaron completi hostijs pro peccatis  
 et holocaustis suis et pacificis  
 benedixit*

MEDI-

## MEDITATIO XLIX.

*De sepultura Domini.**Figura**Ionas 2*Venit autem & Nicodemus, qui vene-  
*Ioan. 19.*rat ad Iesum nocte primùm, ferens  
*Jonas pro*  
*pheta in*mixturam myrrhæ & aloës, quasi li-  
*mare de*bras centum. Acceperunt autē cor-  
*pus Iesu, & ligauerunt illud linteis*  
*ut dicitur quia*pus Iesu, & ligauerunt illud linteis  
*de gladiis*cum aromatibus, sicut mos est Iu-  
*magnus*dæis sepelire.  
*de ventre fuit*C O N S I D E R A I. quantum Nico-  
*Ioan. 3.*demus ex hoc Christi effuso sanguine pro-  
*tribus die*fecerit. Prius, veniebat ad Iesum nocte,  
*bus et tri*nunc palam; tunc præter quæstiones &  
*bus noct*verba nihil afferebat, nunc preciosa aro-  
*bus.*mata portat, & officium exhibet sepultu-  
*bus.*ræ; ut discas tu in virtutibus progressum  
*bus.*facere; omnemque metum & turpem ve-  
*bus.*recundiam discutere. Considera 2. neu-  
*bus.*trum accessisse muneribus vacuum. Nam  
*bus.*Iosephus linteum, & nobile sepulchrum  
*bus.*dedit: Nicodemus myrrham & aloën ma-  
*bus.*gnâ copiâ tulit ad obsequium corporis  
*bus.*mortui; i. ne tu cum Iuda dicas, ut quid  
*Mat. 26.*perditio hæc? quando ad Dei cultum vi-  
*bus.*



deris multa impendi . 2. vt horum exemplo etiam tu munera Christo pro te mortuo deferas , eiusque honori labores tuos consecres. Considera 3. quid officij ab his præstitum sit sacro corpori Domini tui. Iam de cruce depositum, cum matre Iesu omnes illud venerabundi aspiciunt, attentis animis oculisque contemplantur: quas fuderint lachrymas , quid dixerint, quid cogitarint, præsertim sanctissima mater Domini, hic iterum tecum expende attentius; vanoque deposito metu, accede propius; voces, precesque tuas cum illorum vocibus iunge. Vide cauernam hanc maceriæ, vulnus (inquam) in latere; contemplare foramina petræ, quatuor manuum pedumque vulnera; aspice spineam coronam, sacro capiti etiamnum infixam, multis ramis intextam: (sicut videre est Parisiis in sacra capella regia, vbi magna veneratione asseruatur. ) Iam corpus ipsum considera vibicibus liuidum, vulneribus lacerum: & ora Dominum, primò quidem vt te occultet in his foraminibus petræ, & in hac cauerna maceriæ, ne quid aut velis vnquam aut cogites, quod ad gloriã crucifixi non conducat. Deinde verò, vt te ipse

nun-

nunquam respiciat, nisi per has manuum, pedum, ac lateris quasi fenestras; neq. prospiciat, nisi per hos cancellos, nempe totius *Cant. 2.* corporis & capitis plagas: per hæc enim non poterit nisi misericordiæ oculis intueri. 2. spineam coronam de capite deposuerunt, & implicatam comæ, spinasq. ossum iuncturis & carni inhærentes fortè non integras eduxerunt. Adhærebant sputa, sanguinis guttæ, & iniectæ sordes, quæ omnia in subiecta pelui reuerenter abluerunt. 3. sanctum Domini corpus more Iudæorum summo honore aqua lauerunt, sordesque omnes, vt sacras venerandasque reliquias, collegerunt, & magna cura asservauerunt; quæ temporis deinde successu concreta, & in massam redacta sanguineam, admisto hinc inde aqueo colore, suis Brugenſibus in Flandriam Balduinus Rex Hierosolymorum ex Palæstina per Abbatem S. Bertini transmisit: Brugenſes porro summa industria, adiuuante Deo, Geuseorum furori ereptum hunc suum thesaurum & asservant diligentissime, & sanctissimè venerantur. 4. Corpus linteis inuoluerunt, & aromatibus condierunt, & pro Iudæorum consuetu-

fuetudine quasi immerferunt. Tu singula obferua, & in tuam conuertere vtilitatem. Ligatur Dominus qui ligatos foluit; ligantur manus, ne te puniant; ligantur pedes, ne ad vindictam properent; velatur fudario vultus, ne peccatorum tuorum afpiciat foeditatem. Ora Dominum, vt fecum te aromatibus virtutum condiat, & confepeliat.

*Ioan. 19.*

*Luce. 23.*

*Mat. 27.*

*Mar. 15.*

Erat autem in loco vbi crucifixus eft, hortus, & in horto monumentum quod exciderat Iofeph in petra, in quo nōdum quifquam pofitus erat. Ibi ergo propter Parafceuen Iudaeorum, quia iuxta erat monumentum, pofuerunt Iefum. Et aduoluit Iofeph faxum magnum ad oftium monumenti, & abiit.

CONSIDERA 1. Chriftum Dominum non inhumatum relinqui, fed more aliorum fepultura donatum: 1. vt pro te nihil eorum quæ ad homines pertinent prætermiffiffe videatur. 2. vt ei confepultus, quæ in mundo geruntur, neque fcias, neque aduertas. Confidera 2. fepulchrum Domini à propheta prædictum fore gloriofum. Triplex autem eft Domini fepulchrum,

*Ifa. 55.*



ehrum, in quo reuera Christus Dominus  
 requiescit. 1. hoc ipsum sepulchrum de  
 quo nunc agitur, quod excisum in petra  
 nobili viro asseruabatur. Gloriam addit  
 huic sepulchro, quod duo senatores, viri *Ioan. 3.*  
 clarissimi, alter etiam magister in Israël, &  
 legis doctor, suis ipsi manibus sepulturæ  
 officia obierunt; quod soli iusti & sancti  
 Christi sacrum corpus attigerunt; quod  
 magnis impensis vixerunt, & condierunt.  
 2. in Ecclesia vbi verū corpus Dominicum  
 sub specie panis aridi & immoti, vinū il-  
 lud quidē, sed quasi mortuo simile retine-  
 tur. Sepulchri vices præbēt vasa aurea, ar-  
 genteaq. quibus sacra Eucharistia asserua-  
 tur. Estq. sepulchrū hoc gloriosum, quia  
 quicquid honoris & gloriæ exhiberi ab ho-  
 mine potest, hoc æquū est à nobis Domi-  
 nico corpori semel pro nobis mortuo de-  
 ferri. 3. Corda corporaq. nostra, quibus  
 sacram hostiam cōmunicantes recipimus,  
 sepulchrū Domini iure dici possunt. Quo-  
 ties enim hunc panem cælestem mandu-  
 camus, Domini mortem & sepulturā hac *1 Cor. 10.*  
 ipsa actione annuntiamus, declaramusq.  
 Sit porrò hoc sepulchrū gloriosum, nem-  
 pe diuina gratia illustratum, & virtutibus  
 orna-

*Psal.* 44. ornatum, quia omnis gloria filiae regis ab  
 intus, & ipse Dominus aduentu suo ani-  
 mae nostrae maiorem addit splendorem.  
 Considera 3. qua pompa funebri delatus  
 sit Dominus ad sepulchrum, deferentibus  
 sanctis viris, prosequente matre Domini  
 cum sacris mulieribus & discipulo Ioan-  
 ne. Quoties itaque in supplicatione de-  
 ferri sanctam Hostiam videris, cogita te  
 hoc Christi corpus ad sepulturam prose-  
 qui; illiusque passionis & mortis memor,  
 tuas illi & Reipub. necessitates per hanc  
 mortem commenda. Roga porro Domi-  
 num, ut cordi tuo det petrae & rupis fir-  
 mitatem, in eoque sibi paret sepulchrum,  
*Gen.* 1. vbi cubet in meridie, æstusque tentatio-  
 num tuarum pius cohibeat.

*Mat.* 27. Erant autem ibi Maria Magdalene, &  
 Maria Ioseph, sedentes contra sepul-  
 chrum, & mulieres quæ cum eo ve-  
 nerant de Galilæa; & subsēcutæ aspi-  
 ciebant, vbi poneretur corpus Iesu:  
*Mar.* 15. & reuertentes parauerunt aromata  
*Luc.* 23. & vnguenta: & sabbatho quidem  
 siluerunt propter mandatum.

CONSIDERA I. dolorem cū cæ-  
 terarum mulierum, tum matris Christi,  
 quando

DE PASSIONE DOMINI. 351

quando iam à conspectu tam suavis Domini auelli debebāt. Virginis matris nulla hic mentio fieri videtur, non quòd abfuerit, sed quòd, quæ morienti astitit, ab hoc officio abesse nō potuerit. Cōsidera 2. mulieres istas è regione sepulchri sedisse, & quicquid gereretur, diligenter inspexisse. 1. vt in angustiis tuis ad Christi sacrā Eucharistiam confugas; & tanquam ad Domini sepulchrū consistens, eius doloribus morteque meditata & exspensa, molestias tuas omnes exponas, afflictionumq. tuarum remedium & cōsolationem accipias. 2. vt tu cum his mulieribus aspicias, vbi sit positum corpus Iesu. 1. [in horto.] tum quia morte Domini patet ad hortum deliciarum reditus, vnde nos Adamī peccato excideramus; tum vt tu Dominum tuum non nisi in floribus virtutum recondas. 2. [in monumento nouo.] tum quia omnia in te cupit noua. Non enim infunditur vinum nouum in vtres veteres; tum quia venit innouare omnia. 3. [in quo nullus vnquam positus fuerat.] ne videlicet non Christus, sed alius à mortuis resurrexisse diceretur; tuq. alteri in sepulchro cordis tui requiem ne parares. Docet enim quod

Mat. 9.



quod te totum solus Dominus velit possidere; quodque in anima tua regni confortem non pariat. 4. [in saxo,] tum vt omnis suspicio, furto sublati corporis tolleretur; tum quia ex hoc iam tempore in saxea pectora Gentilium & peccatorum penetrare decreuerat. 5. [in alieno,] vt laudatam in vita toties paupertatem post vitam quoque commendaret. cuius enim mater propriū non habuit vbi filiū natum collocaret; quique in vita non habuit vbi caput reclinaret; mortuus quoque in alieno est sepultus. Deinde qui non pro suo delicto, sed pro alieno mortuus fuerat, hūc non in suo, sed in alieno decuit sepeliri. 6. [in loco vicino,] tum ne quis furto ablatum calumniaretur, si procul abfuisset; tum quia & viuus & mortuus vult à seis non abesse Dominus, sed versari in medio populi sui. 7. [in sepulchro hominis iusti,] tum quia mortuus est, vt nos iustitia donaret; tum quia à nemine in sacra communione suscipiendus est, nisi ab homine iusto. Considera 3. mulieres postridie siluisse, hoc est, quieuisse ab officio, propter mandatum, quo nobis obedientie virtus commendetur, quæ subinde etiam

Deum,

*Deum.* sed propter Deum monet esse deferendum: hoc est, nonnulla quandoque pietatis officia & diuinas cōsolationes superioris mandato relinquēdas. Orabis itaque Dominum, vt qui obedientiā ad mortem vsque coluit, eius virtutis tibi concedat perfectionem.

## MEDITATIO L.

*De custodia sepulchri.*

Altera autem die quæ est post Parasceuen, conuenerunt Principes Sacerdotum & Pharisei ad Pilatum dicētes: Domine recordati sumus quia seductor ille dixit adhuc viuens, post tres dies resurgam: Iube ergo custodiri sepulchrum vsque in diem tertium, ne fortè veniant discipuli eius, & furentur eum, & dicant plebi, surrexit à mortuis, & erit nouissimus error peior priore. Mat. 27.

CONSIDERA I. quale fuerit studium horum hominum in sabbato, & quidem in tanto sabbato, in quod inciderrat solennitas Paschæ; nempe vt obscura-





DE PASSIONE DOMINI. 355  
traducat. Considera 5. timeri ab impiis  
Christum etiam mortuum; quanto magis  
igitur timebitur viuus, & cum maiestate  
veniens, viuos & mortuos iudicaturus?  
Discis hic duplicē timorem Dei, alterum  
in Centurione, ceterisque qui reuerte-  
bantur percutientes pectora sua, & metu  
malorum imminentiū, de vitæ emenda-  
tione cogitabant; alterum impiorum, qui  
Dei consilia conantur infringere: & hic  
metus est demonum, eorumque omnium  
qui Deo aduersantur. Considera 6. malo-  
rum contra Deum sollicitudinē Christi  
gloriam promouisse. Nam hac eorum sol-  
licitudine rumor prædictæ à Christo re-  
surrectionis latius spargebatur, & spem  
expectationemque eius faciebat multis, &  
omnem quoque adimebat suspicionem  
furti, postquam tam diligens esset adhibita  
militum custodia. Considera 7. metui ne  
à discipulis Christi corpus furto tollatur.  
Tu illud palam accipe, quia tibi datum  
est, tibi natum, tibi passum: rogâque Do-  
minum, vt neque à te ipse recedat, neque  
se per quemuis à corde tuo patiatur  
auferri.

*Mat. 17.* Ait illis Pilatus: Habetis custodiam,  
ite custodite sicut scitis.

CONSIDERA 1. Pilatum, qui semel cum Iudæis in Christi mortem consenserat, nunc eis dare custodiam, hoc est, præsidarios milites, ad custodiam ciuitatis deputatos: quisquis enim semel malorum voluntati cōsensit, non is facillè ab eorum se imperio aut importunitate subducet: quod experiuntur illi, qui illicitis mulierularum amoribus sunt impliciti; & dæmon quoque semel admissus redigit homines in miseram seruitutem. Considera 2. Pilatum, qui prius Christi causam diligenter egerat, nunc cum Iudæis contra Christi gloriam conspirare. [Ite(a)it) custodite sicut scitis,] hoc est, omnem adhibete in custodiendo diligentiam: facillè enim ex vno peccato sic labitur homo in alia, vt author aliis fiat, inceptorque malorum. Considera 3. Pilato resurrectionis mentione, incussum esse timorem vel populi inconstantis, vel Cæsaris, sine cuius iussu in fontem damnauerat. Hic enim est fructus peccati, vt metum, sollicitudinem & inquietudinem addat. Tu ergo à peccatis

catis caue, & secura pacataque conscientia Deo gratias age.

Illi autem abeuntes, munierunt sepulchrum, signantes lapidem cum custodibus. *Mat. 27.*

CONSIDERA 1. diligentem sepulchri custodiã. Primò enim saxum ipsum sigillo munierunt, ne qua fraus à militibus fieret. *Cum audiret philistinus de son introitus viribus ga- tam ubiq. domini te- Severin he- in porta- ciuitatis. inflodily*  
 Secundò, custodiam adhibuerunt, hoc est, militum numerum satis copiosum, tum ne à Christi fautoribus vis inferretur, tum ne pauci somno oppressi, furto locum darent. Considera 2. Christum hanc tantam diligentiam industriamque permisisse, quo certior esset resurrectio & illustrior, quæ etiam hostium testimonio probaretur. Discis 1. in Christi sepulchro admirabilem reconditum esse bonorum thesaurum, omnibus tibi modis conseruandum. 2. cor tuum in quò Dominus requiescit, quàm vigilantissimè esse custodiendum. 3. impios tibi metuendos non esse, qui suis persecutionibus nihil præstant aliud, quàm vt latentem in anima tua thesaurum custodiant, ne qua fortè superbia vel vanitate surripiatur. Consi-



dera 3. impiorum signa nihil esse præter impuras maculas, quibus mundas alioqui creaturas Dei inficere consueverunt. Tu Christi sigillo signa cor tuum: illumque roga, ut custodibus Angelis, te in sua fide obsequioque conseruet: quam eandem tuis mihi precibus benignitatem Dominus largiatur.

*Laus Christo, Virginique Matri,  
Ad maiorem Dei gloriam.*

#### APPROBATIO.

Hæ Dominicæ Passionis Meditationes exactissimæ, igneamque deuotionem spirantes copiosissime, tanquam efficacissimum mundi renouandi, adque meliorem vitam reducendi pharmacum singulare, cum vberissimo fructu omnibus communicanda, legende ac relegendæ, (quod o utinam præstetur ab omnibus) proelo committentur. Datum Antuerpiæ 10. Cal. Febr. 1587.

Siluester Pardo, S. Theologiæ Licenciatus, Cathedral. Eccles. Ant. Canonicus, Librorumque Censor.

S V M M A P R I V I L E G I I .

C A V T V M est Priuilegio Regis, ne quis præter Christophorum Plantinum intra annos quatuor Meditationes quinquaginta de vniuersa historia Dominica Passionis, Auctore R<sup>do</sup>. P. Francisco Costero; Doctore Theologo Societatis Iesu, typis vlllo modo excudat, aut alibi excusas in hisce ditionibus distrahare audeat: vti latius patet ex litteris Datis Bruxellæ, 26. Ianuarij. Anno Domini millesimo quingentesimo octuagesimo septimo.

Subs.

Figura

L. de Witte.

De Christi ascensu ad thronum ad liberandos pres

Moyses educens populum Israheliticum ex terra Aegypti  
Diuisit virga sua mare Rubrum; sicq; vniuersus  
populus fletu vestigio mare pertransiit; Pharaon  
vero et omnes inimici eorum aquis submersi perierunt.  
Prophetia Psal 106

Et eduxit eos de tenebris et umbra mortis conuincens  
eorum dissipans quia conturbauit portas aereas et reclus  
ferreos contregit

Tach. Tu quoq; in sanguine testamenti tui  
transietas hunc de Cæu in quo nō est aqua

et non se respiciat morem suum

et non se respiciat morem suum  
et non se respiciat morem suum

judith 16

et non se respiciat morem suum  
et non se respiciat morem suum

et non se respiciat morem suum

et non se respiciat morem suum  
et non se respiciat morem suum

et non se respiciat morem suum  
et non se respiciat morem suum

L

et non se respiciat morem suum  
et non se respiciat morem suum

et non se respiciat morem suum  
et non se respiciat morem suum

et non se respiciat morem suum  
et non se respiciat morem suum


et non se respiciat morem suum  
et non se respiciat morem suum


et non se respiciat morem suum  
et non se respiciat morem suum

et non se respiciat morem suum  
et non se respiciat morem suum

et non se respiciat morem suum  
et non se respiciat morem suum







Biblioteka Jagiellońska



stdr0027427



